




**Die ander verteydigung und erklerung der Christlichen Lehr,  
in etlichen fu?rnemen hauptstucken, die dieser zeyt z? Boñ[n],  
und etlichen anderen Stetten unnd orten im Stifft und  
Churfu?rstenthumb Co?llen geprediget wu?rdt. : Mit  
bestendigem widerlegen des lester urtheyls, welches etliche,  
die sich nennen Deputaten der Universitet, uñ[d] Secundarii  
Cleri z? Cöllen, hievor haben außgehen laßen.**

<https://hdl.handle.net/1874/424197>



**Dit boek hoort bij de Collectie Van Buchell  
Huybert van Buchell (1513-1599)**

**Meer informatie over de collectie is beschikbaar op:**

<http://repertorium.library.uu.nl/node/2732>

**Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:**

- de rug van het boek
  - de kopsnede
  - de frontsnede
  - de staartsnede
  - het achterplat

**This book is part of the Van Buchell Collection  
Huybert van Buchell (1513-1599)**

**More information on this collection is available at:**


<http://repertorium.library.uu.nl/node/2732>

**Due to research concerning this collection the outside of these books has been scanned in full. The following scans are, in order of appearance:**

- the spine
- the head edge
- the fore edge
- the bottom edge
- the back board

E. qu.


224






E. qu.  
174







E. qu.  
224





faciat. Pa no ce adueni. Nare rei in cor  
q fornicarie ur acced. m. Inapit. I p m  
tas ab i hoc. e qmomo mma t ebaou

**I**ccoe hincor molior  
m h. p ur occur rei affenar

hiorē q effu ur bahnē. Pa no m d m o  
rei affenar hioē q vltur m cor ur rece  
tes p rices. Fur m mterar ab i hoc. e n t  
requer t occid. S. M. p p o. e. e. p. m. d. e. l. l. e. r. d.

**I**doi molior. ex mssu mali q ahq  
hioē ceaurētū ad m fha m b.

**I**ntel p m d. vnt m b impelleur t rebh  
tar m b m m m e a r. m m l t d h i o n i. m d  
cehitar vnoar m m e a r. e l a n z i t a r m e

**I**aliqua. potoz

**I**edur m d. i. n. h i e r m g n i e m  
h i m e v m o i r a u c q u i n e r m v i r o m a r

accire celur mali q ali m b. n u e n  
ce d h i m m a r d e t n p a n t h i e c e a h q  
a c t i n m r e b h e r i u m r e u b i a n t p a p a .

**I**stredi. e. r. t. o

**I**gnē m b. h i e m o r v i p a u c a b o b

recte a culpa h i e q r e u i t i n f i m e  
u r n p u n t a m b l a n e a n q e r m d p e  
m e d i o a q r a d a m b e c o l l u m i g n o r  
q u i n t i t f e m b i o a e a q m o u r a m e  
q p o i t a a n q d e h e n t t a r m a n t c e

**I**natura ur a n. m m d m h e c t q m r e m o  
r e z q u a q a r c o r a a u c e e q u a d e m e n g  
p m a r n a t t a c c o d a r m r a r a n t a r e r

**I**n malo hioē q acit. l e p a r t i e x p u r h i o  
m e p o n a r a c t i o e .

**I**onstho potoz. f e t h i o c c i d i t a c  
e x q u i t o e a r m a r a r i a a u c e r

*[Marginal notes in smaller script, including 'Istredi. e. r. t. o' and other commentary.]*

Magis

224 #6

omoto mib de suo

Theologia  
Quarto n°. 224.

at aut ex usra q mo tpe impeditas vna

tas aut ex debilitate retinetur aut ex hui

caloris i huius aut ex potatib apicib

**L**entitas accid duobz moys

1. aut deum aut de sors hinc ex

hnoie utroso hnto sors no ex ca hq

sa q vngucto **C**onspitas no ssi duobz

moys sic 1. deum i de sors sue usq ex st

phio i acuro huore sors no ex simo i

pubie

**S**upfluitas mibrot in nno acce q

moys **q**a a fluitas a sint usq

et ex rfluio huore ssi i bono ut ex hui

potie vna q a pat ex nle curti et

ex huore no sub mgenti aut ex hui vit

**M**innucio mibrot

in nno duobz moys sic aut mib

si plus potest ad huius q huius  
si plus potest ad huius q huius

ubi q vna q a pat ex nle curti et  
ex huore no sub mgenti aut ex hui vit

si plus potest ad huius q huius  
si plus potest ad huius q huius

et ex quocod  
no ex tandi

1

A

moys aut ex

ut ex separcoe

quicde h

epanctur

no sio sior

ho tby moys

aut ex eessd huore aut ex actia vmbie

aut ex spatio

**S**epatio mte duobz moys sic a mra

aut certu iuctu ub sic aut ex hno

re acuro macta aut ex uerose hmgm

i dnteden ut dntspa. Excu no sic aut

q castura i stractoe aut ex eed mmo

si plus potest ad huius q huius  
si plus potest ad huius q huius

spal

ubi q vna q a pat ex nle curti et  
ex huore no sub mgenti aut ex hui vit

si plus potest ad huius q huius  
si plus potest ad huius q huius

est enim a iustitia et a iustitia

est enim a iustitia et a iustitia

est enim a iustitia et a iustitia

N. 22. C.

Die ander vertey-  
digung vnd erklerung der Christlich-  
en Lehr / in etlichen fürnemmen hauptstucken /  
die dieser zeyt zu Boñ / vnd etlichen an-  
deren Stetten vund orten im Stiffte  
vnd Churfürstenthumb Cöllen  
geprediget wüirdt.

Mit beständigem widerlegen des  
lester vrtheyls / welches etliche / die sich nennen  
Deputaten der Vniuersitet / vñ Secundarij  
Cleri zu Cöllen / hienor haben  
aufgehen lassen.

Durch Martinum Bucerum.

Der Herre saget Iesae . 43 .

Dein erster Vatter hatt gesündiget / vnd deine Lehrer haben  
bösllich wider mich gehandelt / darumb hab ich die fürsten des  
Heylighumbs entheiliget / vñ hab Jacob verbannet / vnd  
Israel zum hon hingeben .

Gedruckt zu Boñ / durch Laurentium von  
der Mülen Im jar M. D. XLIIII.



*Ex donat. h. a. B. B. B.*



## Vored Martini Buceri

**S**WAD / Fried / vnd Barmhertzige  
keit von Gott vnserem Himlischen  
Vatter vnd vnserem Heylandt Je-  
su Christo / seye vnd mehre sich bey  
allen Christen / in der gantzen Clerisi vnnnd Ge-  
meinden / der Stadt / vnd Stiffst Cöllen / ware  
besserung des Kirchen diensts / vnd alles lebens  
gruntlich zu erkennen vnd seliglich anzunemen.  
Amen.

**I**ch hab hievor außgehen lassen einen sum-  
marischen begriff der lehre / die ich allhie  
zu Bonn füre / Auch berichtet von meinē berüß hie-  
her / Mit ablehnung / des / das etliche / die ab mei-  
nem berüß vnuerursachte beschwerde tragen /  
wider meine lehr vñ leben vngütlich außgossen  
hattē / Auch an den orten / da man warlich mit  
aller Gotsforcht / nichts dann gewisse yrrthum  
vnd sünde anfechten vnd die reine lehr Christi /  
vnd getrewen dienst an der selbigen / zum hoch-  
sten fürderen solle.

Dis buchlein habe ich an das hochwurdig  
Thum Capittel vnd durch sie dem gantzen Cle-  
ro / Des gleichen einem Erbaren Rath / vnnnd  
Vniuer

Martini Buceri

Vniuersitet zu Cöllen zugesant / mit schrifften /  
in denen ich diese alle / vnd jeden theil besonders /  
vnder theniglich / demütig / vnd freundtlich ge-  
betten habe / sie woltẽ mein büchlein mit freiem  
vnd Gotseligem gemut vnd vrtheyl lesen / vnd /  
erwegẽ / Was sie darinn fehl oder mang. l. befin-  
den / mich zu sich beruffen / vnd hörẽ / Wolte ich  
ihnen / vermittels Götlicher gnaden / alles das  
ich geschriben / weiter erkleren / vnd mit gutem  
gewissen grundt vnd ursachẽ / auf Götlichem  
wort / den Canonibus / der heyligen Concilien  
erkätnissen / vnd der alten S. Väter lehre / dar-  
thun vnd erweisen / das nichts darinnen ist / das  
nicht Christlich / vnd von dem Herzen selb. vñ  
seinen lieben Apostolen / seiner Gemein also dar-  
gegeben / auch von der selbigen / der gestalt / so  
lang in deren die alten S. Väter gedienet ha-  
ben / gehalten worden seye. Wie ich mich dann  
hiez zu auch zu end des ersten theils meines büch-  
leins / darinn ich die summa meiner lehre für ge-  
geben / erbotten habe.

Hierauff hat mir bisher niemand einige ant-  
wort gegeben / dann das jüngst ein buchlein im  
latin außgangen ist / mit diesem titel. **IVDI-  
CIVM CLERI ET VNIVER-  
SITA**

Martini Buceri.

SITATIS COLONIENSIS DE  
DOCTRINA ET VOCATIO-  
NE MARTINI BUCERI AD  
BONNAM. Das ist Ein Urtheil der Gei-  
stlichen vñnd Hohen schul zu Cöllen / von der  
Lehr vñnd dem beruff Martini Buceri gohnt  
Bonn. Welcher titel doch zu end des büchs cor-  
rigiert vñd gesetzt ist IVDICIUM CLE-  
RI SECVNDARII / Der Geistlichen des  
vnderen stands.

Wie dem aber seye vñ wes sich die dis buch  
vñnd genantes Iudicium zusammen getragen/  
(wiewol sie sich auch mit irē eigē namen nit zu  
erkennē geben) So hab ich doch keinē zweyfel-  
das nit wenig sein / auch in diesem andre Clero-  
vñd der Vniuersitet / denen dis gedicht / vñd le-  
sterschrifft / von hertzen mißfalle / Die vrsachen  
wirdt ein jeder verstendiger Christi wol sehen/  
der das buch lifet / Dann wer weiß nicht / das  
ein Iudicium / ein vrtheil / in sachen Götlicher  
lehre / die Gemeinde Christi vñd eben das / das  
rumb der Son Gottes von Himel herab gestu-  
gen vñd sein theures blut vergossen hat / das e-  
wige leben betreffen / je billich nach so langem  
bedacht / vñlem zusammen komen / vñd erwegen /

ij im

im namen des ganzen anderen Cleri vnd Vni-  
 uersitet zu Cöllen mit anders/ dann mit ernster  
 Gotsföcht/ gotseliger einfalt/ gewissem grunt  
 der h. Schrift vnd vngeweyfelter zeugnüß  
 der war Apostolischen kirchen/ außgehen vnd  
 fürgegeben werden solte/ on einigs verkeren/ le-  
 steren/ oder schelten.

Nun aber/ wenn auß diesem genanten Judi-  
 cio dieser C. Deputaten zwey ding/ als nemlich/  
 das offentlich verkeren meiner schrift vnd lehr/  
 vnd das vnchristlich vn onerheblich lestern vn  
 schelten/ genomenn würde/ wie vil solte in dem  
 büch vbrig bleibē? In welchem schelten vnd le-  
 steren/ sie auch alle menschliche maß so gar vber-  
 sare/ das ein ieder Christ greiffet/ das sie der leut  
 sein/ die der warheyt in ire gewissen vberzeuget  
 seindt/ vnd der doch wider fechten/ Was sie dā  
 auch für Schriftē oder vrsachē wider mich ein-  
 führen/ das thun sie mitt so liederlicher vnd leych-  
 fertiger Sophisterey/ das sich billich nit allein  
 die ein Gotsföcht/ sonder auch die noch alle in  
 ein menschliche redlichkeit haben/ billich beschā-  
 men müssen/ das jr namen damit besudlet würt.

Wiewol aber dē also ist/ das ein jeder Christ/  
 der diß genant Judicium liſet/ erkennen kan Vñ  
 iij darum

## Voreb

Darum niemãd Gotsverstendig / der allein mei  
 vorigs buchlein / dawider diese leuth so stürmē  
 mit Gottes forcht lesen will / weyter antwort  
 auff aller dieser Deputaten verkeren / vnd leste  
 ren / forderē würt / Jedoch weyl der kinder Got  
 tes vil / von weggenn der liebe dieser welt / vñnd  
 mangel der reinen lehr Christi / noch ein blöden  
 verstandt in diesenn sachen vnser ewigen heils  
 haben / vñnd vñlleicht durch der C. Deputaten  
 schreiben etwas betrübt / vñ irrig gemacht wer  
 den mochten / so will ich denach der warheit zū  
 steur / vñ den güt hertzigen zū güt / dismal doch  
 etwas auff dis vermeinte Judicium der C. De  
 putatē antworten / So vil ich verhoffen mag /  
 das es dem teutschen Leser zūr besserung dienen  
 werde / Vñ darnach in der latinischen antwort  
 die mit der hilff Gottes / dieser theutschen bald  
 folgen solle / die sachen weytleuffiger / vñ eygent  
 licher verantworten / Doch so vil auch / als ich  
 dem Leser besserlich sein / vnd mir gepürlich erkē  
 nen mage / Das ich nemlich meinen schuldigen  
 dienst am wort des Herren / vñnd anderen not  
 wendigen wercken / nit zū vil verschlage / vñnd  
 den Christlichen Leser mit vberflüssigem schrei  
 benn nit vngütlich beschwäre / So hatt auch  
 bereit

## Voreb

bereit mein lieber Herr vnd brüder Philippus Melanthon im latin ein Christlich vnd schon grüntlich antwort vber dis Judicium der Cölnische Deputatē lassen außgohn die man auch bald verdeutschet haben solle das es wol auch defhalbē weyters antworten nit bedurffte.

Nach dem ich dan allein zu güt den einfeltigen blöden vñ doch Gotsfürchtigē gewissen diese antwort zu schreibē für güt angesehen so habe ich etlich hauptstück vnser Christliche religion vnd in welchen das einfeltig volck am meisten noch hanget fürgenomen weyter zu erklären vnd gegen diesen Deputaten vñ anderē Sophisten zu verteidigē. Als von der angeborne sünden vñ der erlösung Christi. Von gütē werken. Von dem waren vñ falschen anbetten vñ dienst Gottes. Von verehrung der Heyligen vñ darbey eingerissnen mißbreuchen vñ Abgöttereyen. Von der rechten firmung. Von dē 5. Abendmal vnd Messen. Von der Beycht vnd Büß. Von der Christlichen Kirchen irer Lehr Ordnung vñ Dienern Vnd dergleichen heilsamen vñ notwendigen Articklē. Welche ferner erklerung vñ verteytigung auß grunt Götlicher Schrift vnd des waren glaubens der waren  
 iij Christli

Christlichen Gemeinden mit einfeltiger anzeig  
 der warheit Christi thun wollen. Vnd das leste  
 ren vnd schelten ( wie wol ich diesen meinen ge-  
 gen schribern mit der warheit leider vñ nach  
 dem Gottes wort vil abscheulicher titel zu gebē  
 hette ) denen lasen die dem vater der lesterung  
 vnd seinen kindern die allein lust hieran haben  
 dienen. Es ist auch ein geringe kunst alle schelt  
 wort sampt den gemeinē lotterischen schmach  
 namen auß allen Scribenten zu hauff raffen  
 vnd die zu mal vber die außschütten denen ein  
 jeder feindt vñ hefig seye ob schon des scheltens  
 an den selbigen einige vrsache nit erscheine wie  
 diese C. Deput. gegen mir gethā. Solich so gar  
 mutwillig scheltē vñ lestern wurt auch bey der  
 erbarkeit nieman beschwäre sonder zeiget wol  
 von denē die es treiben das sie irer sachen keinē  
 grunt habē vnd ihr eigen hertze mit der war-  
 heyt vberwunden vñ zu schanden gemacht ist.

Damit du aber Christlicher leser desto baß  
 vernemest warumb diese leuth wider mich so  
 ein grimmes lesteren furgenomen so sehe alle  
 mal wol auff die artickel für die sie fürnemlich  
 streiten. Vñ neme war der orten an welchen sie  
 mit irē lesteren am vngestiemstē heraus brechē

Dann

Dann wiltu auff die beyde acht haben / würstu wol sehen / das alles ihr streiten vnd fechten / ist für die menschē verdienst / satzung / gewalt / würde / Vnd wider das wir inen / aber mit Got vnserem himlischē Vatter / oder eingem waren Christen / den verdienst Jesu Christi / die Gottes gebot / die macht vnd herligkeyt vnseres Herren Jesu Christi zū hohe heben / vnd die ware fromkeit vnd dienst der kirchendiener zū streng anziehē. Also würstu auch sehen / das sie an denen orten am grausamstē wider vns mit irem lesteren vñ schelten wüten / da wir mit klaren / vnd tringenden vrsachen zū der notwendigen Reformation der Geystlichen vermanen / vnd vnseren dienst hieran / des sie als gern queyt weren / wider ihr falsches verkeren vnd anklagen so verteydingē / das nit allein die verstendigern Christen / sonder auch alle die etwas Gottes forcht vnd liebe der warheit haben / greyssen / das sie ires lesterens keinessig haben / vñ nichts dann wider die warheit Christi so zürnen vnd toben.

Auf dem würstu dan Christlicher Leser wol erkennen das es diesen leuten alles darumb zū thun ist / wie sie iren jezigen / stadt / pracht / wolust / vñ gebrauch der kirchen güter erhalten  
mō.



mögen/ fürchten ein Christliche Reformation werde ihnen diß ir geliebt leben vñ wesen etwas betruben/ vñ ringerē Darumb vnderstahn sie/ alles/ das sie in gemeinē mißbrauch ietz und haben/ in lehre/ in cermoniē/ im kirchen Regimēt/ vnd leben/ wie offentlichen die seyl vnd mengel in dem allen am tag ligen/ zu verteydigē/ zu ferben/ vnd zu entschuldigen. Vnd dagegen alles das wyr zu beforderen Christliche Reformatiō furbringē/ wie offenbar das in Gottes wort vñ aller lehre vñ haltung der Gemeinden Christi von anfang/ wie hienon allerh. Vätter schrifftten zeugen vns dar gegebenē ist/ zu verwerffen/ vnd zu verdammen/ oder zum wenigsten in falschen verdacht zu ziehen.

Der trieb  
zu Christli  
cher Res  
formatiō  
ist Gots  
tes vnd  
keiner  
menschē  
werck.

Bedencken leider in dem nicht / das diß trin  
gen auff Christlich vnd so gar notwendige bess  
erung des kirchendienst vnd Religion/ daran  
ich vnd andere/ die sie so vbel hassen vnd schew  
en/ dienen/ mit mein vnd meins gleichen mensch  
en/ sonder Gotes thün/ vñ werck ist/ wider den  
kein rath noch macht etwas aufrichtenn kan.  
Wie der Herre nun das in xx. jaren je klar vnd  
ernstlichen gnug bewisen hat / mit so gwaltigē  
fürtringen der reinen lehre des h. Euangelij vñ  
so

So wunderbarem brechen / vnd zu ruck treiben /  
 alles / das dagegen practiciert / vnd fürgenomen  
 haben / die man doch für die geschwindesten vñ  
 gewaltigsten in der welt nit one vrsach achtet.  
 Aber wie der psalm singet. Der thorecht man er  
 kennets nicht / vnd der narr verstehet sein nicht. Psal. 92.


Sie glaubē auch nicht / wie filseltig des das  
 Gottes wort vertroestet / das ein Christlich Re  
 formation niemāds etwas güts zerstoret / noch  
 schädlichs einfuret / sonder abtreybet / wie den  
 zorn Gottes / also alles arges / vnd bringet Got  
 tes gnaden vñ segē alles güts. Der Herre sagts  
 vñ also muß es sein. Die ihn forchtē / die ihm ver  
 trauwē / die seinē gericht vñ gerechtigkeit nach  
 trachten / denē mag kein güts mangelē / vñ kein  
 boses schaden. Des trosts ist die S. schrift voll.  
 Aber dieße leut erkennen die zeyt ihrer gnedigen  
 heimsuchung nit / Das inē zu zeytliche vñ ewi  
 gen friden dienet / ist vor iren augen verborgē /  
 Dadurch sie inē vñ anderen gottes segē vñ milte  
 gutthatē gewislich erhaltē / vñ reichlich mehrē  
 mochtē / dasur forchtē sie sich / das schewē vñ fle  
 hē sie. Vñ das inē vñ anderē / allē zorn gottes vñ  
 plagē erwecket vñ zufüret / dahi begebē sie sich /  
 dasur streyten sie. Dis mußē wyr dē lieben Gott  
 waltē lasen / Vñ sehē / wie wyr doch etliche von

Vored Martini Buceri

diesem verderben retten helffen. Darzū ich diese Antwort zū schreiben für genommen habe. In deren ich diese ordnung zu halten bedacht bin. Erstlich will ich ablehne das Sophistische verkeren vñ schelten der C. Deputaten das sie treiben an den hauptstückten Christlicher lehr von mir im vorigē Buchlein dargethan. Vñ der halbalben die selbigigen Artikel nemlich die notwendigsten zu gut den einfeltigen etwas weiter erklären. Vnd dan auch antworten auff ihr schelten vnd lesteren wider die Protestierenden in Stadt Stasburg vnd meinen begriff vnd leben. Doch diß auff aller kurzist. Der Herre Christus der hertzkindige Richter aller Menschen spreche vñ gebe in dē allen sein vrtheil zu erkennen allen die zu seinem Reich gehören. Amen. Der wurd auch seine lehr vnd vns mit allen die auff jnen trawen vor diesen leute vnd dem der mechtig in jnen ist wol bewaren. Im seye ewigs lob sig vnd herlichkeyt. Amen.

Martinus Bucer ein diener Cristi vnser Herrs vnd seiner gleybigen.

# Der erst haupt arti- ckel / von der Erbsünden / vnd verletzten natur.



Etymmal vns  
seren Herren  
Christum / den  
erlöser / arzet /  
vnd widerbrin  
ger vnser ganz  
zen natur / nie  
mand recht er  
kennen / anes  
men / vnd also  
von ihm erlö  
set / geheylet /  
vnd zum Göt

lichen leben wider bracht werde mag / der nicht sein an  
gepome krankheit vnd verderben recht grundlich er  
kenne / vnd komme in war rew vnd leydt des gantzen  
alten Adams / So lehren vnd vermanen wir mit aller  
Götelichen schrifft / die leuth / das sie ihre angepome  
sünd vnd gebrechen wol erkennen / vnd das ernstlich  
vñ wirklich bedencken wollen / das sie von wegen irer  
verkerren natur / Got / sein seliges wort / vñ gaben / nit  
erkennen / noch weniger begeren / vnd annemen möge /

Buceri  
bekende  
niß von  
der Erbs  
sünden.

## Von der Erbsünd

- Als deren sinn, art, vnd neygunq, Got wider strebet,  
1. Cor. 2. Wie dann der 3. Paulus bezeuget, das der naturlich  
mensch, die Götlichen ding nit fassen, noch annemen  
mag, sonder seyen in ein torheyt. Vñ das der sñ des  
Rom. 8. fleischs ein feindschafft seye gegen Got. Darum wie  
Johan. 3. der Herr selbs zeuget, Das Reych Gottes niemädt se-  
hen mag, daß der auß seynen gnaden vnd geyst in im  
new geboren würdt. Dis sind die wort im vorigen bü-  
chlein, das die C. Dep. anfechten, im anderen artikel  
des ersten theyls.

Buceri  
bekänniß  
vñ Tauff.  
Danebē lehren wir auch, das vns Got im 3. Tauff  
zü genaden angenommen, auß gewalt der finsterniß er-  
löset, new geboren, vnd seynem lieben Son eingeleye-  
bet hat, vñ die angeborn sünd so abgewesschē, das  
er vñ die, vom wegen der bezalung seynes lieben  
Sons, zur verdammniß nimmer zü rechnen will, so ferr  
wir vñ derē nit wider züm dienst ergebē, Vñ so vns  
das widerwertig gesetz in vnseren gliederē der massen  
anhanget, vnd im weg liget, das wir dem gesetz des  
Herrē nimmer genüg thun, sonder vnserth alben alweg  
in vngehorsame, vñnd arme verdampfte sündler bley-  
ben, das wir Christum vnsern Herren den gerechten,  
bey dem Vatter zü einē fürsprechen habē, der auch nit  
allein für vns bittet, sonder die versöhnung ist für vn-  
sere sünd, vñ setzet sein volkomme gehorsame für vns,  
vñ erstattet damit vnser vngehorsame, Dis ist im drit-  
ten artikel meynes büchleins vom anfang.

Der Cöl.  
Dep. vrs

Hierauff geben die Cölnischē Deputatē soliches ver-  
theil

theil / Ich verkleinere öffentlich mit dieser lehre die ge  
 nad des Tauffs / vnd den verdienst des blüts Christi. theyl wi  
 der Buce  
 rum.  
 Ich mache den fal Ade schwerer / dan vnser erlösung /  
 geschehenn durch den todt Christi / Ich sage das vn  
 ser natur Got widerspenstig seye / vnnnd anders nicht  
 thun möge / das die gemeinen lehrer vom Teuffel nit  
 setzen dörfen / Dis ist der Cöl Deputaten vrth. yl wi  
 der mich an diesem ort / Vnd were ja ein schweres vrs  
 theyl / wann es war vnd recht were.

Nun Höre aber auch die vrsachē dieses so besck wer  
 lichen vrtheyls / Dan diese Deputaten / wie sie rhümē /  
 nicht on vrsachen vrtheylen . Sie sagen ich mache die  
 Concupiscentiā / das ist / die lust nach dē Tauff / ein sün  
 de / oder vngerechtigkeyt / Vñ streyte / das den getauff  
 ten von nören seye cyner stetigen reuwe / vnd verzey  
 hung dieser sünden / Bekēne nicht das die Erbsünd im  
 Tauff eynmal werde hingenomen / Halte es mit dem  
 Luther / das die reu / vñ ein zer schlagen hertz vor der  
 gnaden / die vns Got angenehme machet / den mensche  
 meer züm sündler mache / Item das war reu vnd leidt  
 der sünden auß warem glauben vñ liebe Gottes kom  
 me. Dis sind dieser Deputaten vrsachen / auß denen sie  
 so ein geschwind vrtheyl wider mich gefellet haben.

Wie wol nün die C Deputaten die jetz vermeltē re  
 dē / die sie zur vrsachen ires vrtheils einfüren / in meinē  
 büchlein nit gelesen / jedoch so halte ich den sinn dieser  
 redē für war / wa man dē recht verstaht / habe dē auch

## Von der Erbsünd

Was die  
vberig  
Erbsünd  
in dēnew  
gebornē.

in anderen büchern geschriben vnd vertheydiget. Nemblich in diesem verstandt, das der böse gelust, vñ die widerspenstigkeit gegen dē Götlichen gesetz, welche S. Paulus heisset ein gesetz der sünden, vnd sünde, die in den getaufftē vñ new gebornē, wie er ware, wohnet, so lang sie hie leben, warlich ein vngerechtigkeit vñd sünde, vmb deren willen wir ewiglich verdammet sein müsten, wañ vns der Herre Christus nit erworben hette, das sie vns nit zū gerechnet würdt. Darumb sie vns auch billich reuven solle all vnser leben lang, vnd die verzeyhung der selbigen in Christo vnserem Herre, durch waren glauben ergreifen, vnß deren getrostē, vnd ime darumb ewigen danck sagen, Dañ der Tauff diß widerstreben gegen dem gütten gesetz Gottes, ja nicht von vns hinimmet, das es nit in vns seye, wie der H. Augustinus so offft sagt, sonder bringet, das es vns nit zū gerechnet werde.

Der H.  
Geist  
heißt selb  
dē anhan  
genden  
bösen ges  
lust sünd.

Der schrifftlich grundt dieser lehr ist, Der H. Geyst im H. Paulo heyst diese angepome, vñ in vns allen, so lang wir hie leben, noch vbrige, vñ wohnende gelust, vnd widerspenstigkeit gegen Got, sünd, an vil orten, Niemand kan eygentlicher vnd besser reden dann er, vnd was er redt muß also sein. Darumb ist auch dieser böse gelust, vnd widerspenstigkeit gegen Gottes gesetz, sünd vnd vngerechtigkeit.

Im Sechsten zum Römern lesen wir also, So laßt nñ die Sünd mit hersehen in euwerem leyb, Begebet nicht

nicht euwere glieder der Sünden zu waffen / Die sünd  
 wüdt nicht herschen künden vber euch ic. Im Sibenz  
 den Capitel / So ich aber das thü / das ich nicht wil / so  
 willige ich das das gesetz güte seye / So thü nun ich das  
 selbige nicht / sonder die sünd die in mir wohnet. Itē /  
 Ich sehe aber ein ander gesetz in meinen gliedern / das  
 da wider streydet dem gesetz in meinem gemüt / vnn  
 nimpt mich gefangen in der sünden gesetz / welches ist  
 in meinen gliedern. Ich ellender mensch / wer wüdt  
 mich erlösen von dem leyb dieses todes? Ich dancke  
 Got / durch Jesum Christum vnseren Herrn. So diene  
 ich nun mit dem gemüt dem gesetz Gottes / aber mit  
 dem fleysch dem gesetz der sünden.

Secht lieben Christen / in diesen / vñ noch meer sprü  
 chen nennet der H. Geyst selb diese angeborne / vnd in  
 den newgebornē noch vbrige wider spenstigkeit gegen  
 Got / sünde / wie das ein jeder selb erkennen kan / vnn  
 auch die H. Väter Ambrosius / Hilarius / Augustinus /  
 vnd andere in auflegung dieser sprüchen zeugen. Dar  
 umb ist sie auch sünd. Vnd wie solte nicht vnrecht vnd  
 sünde sein / das in vns dem Göttlichen gesetz wider stre  
 bet / das gelustet wider den Geyst / das Gottes wort  
 verachtet / Gott seynē schepffer nicht recht erkennet /  
 nach liebet? Welchen jamer alle heyligen in sich besin  
 den vnd klagen.

Auß dieser vrsachenn hat auch der H. Augustinus Augusti  
nus das  
 Contra Iulianum lib. 3. bekennet / das dieser gelust sin  
 A iij de seye /



der vbrige  
gelust  
in Heiligs  
gen sünd/  
vnd vnre-  
cht seye.  
Cōtra Zu-  
lianum  
lib. 5. ca. 3.  
Tract. 4.

de seye, vñ mit allein genant werde. Der gelust / spricht er, des fleysches, der wider den guten geist gelustet, ist sünde, dan er in sich hat ein vngheorsame wider die herschung des gemüts. Vnd ist ein straff der sünden, dan damit ist dem verdienst der sünden wider goltten worden. Vnd ist ein vrsach der sünden, von gebrechen vnd schwacheyt wegen eines jeden, der diesem gelust bewilliget. Vñ vber das Euangeli Joannis als er diese wort Pauli anzeucht, Es solle die sünd mit herschen in euwerem sterblichen leybe, hat dieser 3. lehrer also geschriben, Paulus sagt nicht, die sünd seye nicht, sonder solle nicht regnieren in euwerem sterblichen leibe. Dan so lang du hie lebest, ist von nöte, das sünd in deinen gliedern seye, Necesse est peccatum esse in membris tuis.

lib. 5. ca. 3

In diesen wortem sichstu je Christlicher leser, das auch der 3. Augustinus erkennet, das der gelust vñ wider spenstigkeit wider Gottes gesetz, die in den heyligen vbrig bleybet, so lang sie hie leben, sünde seyn erkennen. Also zeuget er auch an vilen orten, das diese sucht iniquitas, ein vngerechtigkeyt seye. Zum Iuliano spricht er an gemeltem ort, Wa du weyßlich klüg werest, so sehest du, das warlich ein vngerechtigkeyt ist, das der vndertheil des menschē, dem obren vnd besseren theyl widerstrebet, Auß der vrsachen auch der 3. Ambrosius diese sucht iniquitatem geheysen hat, wie Augustinus zeuget, 2. Contra Iulianum.

Das aber der 3. Augustinus an etlichen orten sagt/  
diese

## VND VERLETZTEN NATUR.

Diese vberblibne sucht in Heyligen / die dem Götlichen  
gesetz in jnen als wider strebet / seye mit sünde / erkleret  
er sich selbst als bald / wie er das meine / Als an dem ort  
das die C. Deputaten anziehē sagt er ja das diese sucht  
mit sünde seye / vnd werde sünd geheysen darumb / das  
sie ein vrsache der sünden seye. Wie brauchet er aber an  
diesem ort das wort sünde? Sünde / spricht er glych dar  
uff / sind / die nach dem gelust des fleysches / vngewis  
lich gethan / geredt / oder gedacht werdenn / Soliche  
sünde ist ja nicht der angeporen böse gelust / Dann der  
nichts thätlich ist / das man mit gedanken Worten  
oder wercken wider Gottes gesetz thue / Sonder eine  
böse sucht vnd neygung wider Gottes gesetz.

Ad bonis  
faciū li. 1.  
cap. 13.

Also sagt dieser lehrer im anderen büch Contra Iu  
lianum. Diese sucht würdt sünd genant / mit des hal  
ben / das sie vns der straffen Gottes schuldig mache /  
sonder von des wegen / das sie von der sündē herkom  
met / vnd vnderstahet vns zu ziehen zur sünden / durch  
das sie dem geyst wider spenstig ist.

Derhalben wenn man sünd vnd vnrecht das allein  
heissen will / das vom menschen williglich gedacht / ge  
redt oder gethan würt wider Gottes gesetz / vñ in des  
zorn Gottes schuldig machet / also ist der vberblibene  
böse gelust in den Christen / so lang sie des bösen lusten  
vnd bewegnüssen nit stat gebē / nit sünd / So man aber  
alles das sünd heysset / wie man solle / vñ der h. Geyst  
selbst thut / vñnd lehret / was im menschem dem Göt  
lichen

Was ey  
genlich  
sünde.

## Von der Erbsünd.

Rom. 7.  
Gelust ist  
widerdas  
zehēd ges  
pot / dar  
umb auch  
sünd.

lichenn gesatz wider strebet / Also heist nit allein diese  
vberblibene wider spenstigkeit / sonder ist auch ein wa  
re vnd schwere sünd / Dañ sie wider das zehende gepot  
Gottes ist / Laß dich nit gelusten / Darum der 3. Pau  
lus sagt / Aber die sünd erkenet ich nicht / on durchs ge  
setz / Dann ich wußt nichts von der lust / wa das gesetz  
nicht hette gesaget / Laß dich nit gelustenn / Nun des  
gelustens befande der 3. Paulus bey sich / auch nach  
dem Tauff / vñ befinden sein alle Zeyligen / so lang sie  
hie in diesem fleysch leben.

Weil sie dañ erkennen / das dieser gelust in ihnen wi  
der das gesetz Gottes strebet / vnd sie alle vberzeuget /  
das sie Got noch nit von ganzem hertzen / ganzer see  
len / vnd allen krefftē lieben (dañ wa die liebe zū Got  
gantz were / kōnde od möchte sie nichts gelusten das er  
verpeutet) so muß sie ja dieses argen auch von hertzen  
reuwē. Vñ auß solcher reu vnd leydt vber diese sün  
de schreie sie mit paulo / Ich ellender mēsch wer wūrdt  
mich erlösen von dē leib des todts? Aber da bey wissen  
sie auch was sie im 3. Tauff entfangē habē / nemlich  
die gnad Gottes / vñ gemeinschaft vnserz Herren Je  
su Christi / dz Got jnen vñ seynes lieben Sons willen  
diese Sünde nit zūrechnē will / wa sie jren bösen lusten  
nit stadt bey jnen geben / Des sagen sie Got mit paulo  
danck durch Jesum Christū / des versichert / das ja an  
denē die in Christo Jesu sindt / nichts verdamlchs ist /  
Die nit nach dem fleysch wandlenn / sonder nach dem  
Geyst.

Rom. 8.

Dis ist / wie du selb siehest Christlicher Leser / das  
 vns Got selb in seynem wort von der vberblibnen erb  
 sünd nach dē Tauffe bezeuget / Das die Apostolen vnd  
 alle Heiligen Väter also erkennen vñ gelehret haben /  
 Auch alle ware Christen bey sich selb befinden vnd kla  
 gen / das sie nemlich noch stecken in eynem schwerem  
 vnwissen / vnd verachtung Gottes / daher sie Got in  
 seynem h. wort / beyde der verheyssung vñnd betrau  
 wung / nicht gantzlich glauben / darumb in auch nicht /  
 alweg herzlich vnd getrost anruffen / nicht von ganz  
 zem hertzen / fürchten vñnd lieben / Sind verträffig  
 vnd treg zur gehorsame Gottes / geneigt vñ bereyt zu  
 dē das ihz fleisch begeret wider Got / Derhalb sie auch  
 war rew vnd leid haben ires ganzen alten mensches /  
 creuzigen den vnd ziehen in auß / begeren vñnd erwe  
 cken in inen / vnd ziehen immer meer an / den newen /  
 menschen / ja vnsern Herren Jesum Christum / wie der  
 Apostel vermanet / Vnd das durch all ihz leben auß.

Galat. 5.  
 Ephe. 4.  
 Colloff. 3.  
 Rom. 13.

4 Dadurch machen sie nicht geringe / sonder groß den  
 h. Tauff / vnd verdienst des Blüts Christi / Dan sie er  
 kennen vnd sagen Got darumb danck / das er inen vñ  
 des verdiensts vñnd blüts vergießens willenn seynes  
 Sons / die gnad im Tauff gethan hat / das er sie sey  
 nem lieben Son Christo eingeliebet / vñ durch sein h.  
 Geyst in im versicheret hat / das er inen solch anhan  
 gende sünd vnd vngerechtigkeyt nit wölle zur verdam  
 nis zu rechnen / Auch sein h. Geyst bey inen erhalten /  
 der in ihnen wider diese vberblibne sünd one vnderlass

Rom. 8.  
 Galat. 56

## Von der Erbsünd

streyte bis er die gar tödte / das new Götlich leben in jnen gantz aufmache / vñ auch ire sterbliche leybe zum hymlichen leben von todten aufferwecke.

Rom. 7. In dem sie auch den fal Ade nicht grösser machenn dann die erlösung Christi / sonder die erlösung Christi machen sie zum gütten weyt grösser / dann den fal Ade zum bösen / Dann sie erkennen / das die erlösung Christi vns nit allein die schuld vñnd sucht der erbsünden / sonder alle sünde hinnimet / vñnd das leben Gottes genzlich züsettel / Aber volkomen erst in der seligen aufferstendtniß.

Sie sagen auch nicht / das die sünden / beyde erb vñd thätlich / so im Tauff vergebenn / wider wachsen / wie har das man abgeschoren hat / Mit welcher geleychniß die Pelagianer / die warheyte Christi von der Erbsünd verhönneten / als Augustinus zeuget. Sie bekennen aber auch mit den Apostelen / das sie nach dem fleisch noch sünd an jnen selb haben / vñd tragen / Vñ dieses reurwet sie / vñ ist jnen herzlich leid / trösten sich aber da gegen / das Christus für diese sünd bezalet / vñ jnen erworben hat / das sie jnen nit allein nit sollē zur schuld gerechnet / sonder entlich gantz vñd gar hingenomen / vñ getödtet werden. Dieser lehre Gottes / vñ der Christlichen gemein vñnn anfang / hange ich auch an / bezeuge vñ lehre sie / wie ich auch in den zweien gemelten artickeln gethan habe / in dem anderen / vñ dritetē / Die lese fromer Christ / so wirstu selb wol erkennen /  
das

Das diß mit religioſæ censure, ſed irreligioſæ calumnia ſind/  
nicht Götliche erkantnißen, ſonder vngöttliche verke-  
rungen, das die C. Deputaten geſchriben.

Ich verkleinere offenbarlich den H. Tauff, vnd ma-  
che den ſal Ade gröſſer, dann die erlöſung Chriſti.

Eben als redlich iſts, das ſie ſchreiben, Ich ſage vn-  
ſer natur widerſtrebe Got, vñ möge anders nit thun.  
Dañ ich nit die natur, ſonder die verkerte natur, geſez-  
zet habe, Vnd mit anders vermögen, daß Got wider-  
ſtreben, nicht der natur an jr ſelb, vnd wie ſie Got ge-  
ſchaffen, zügſchübē, ſonder der verderbtē natur, wie  
ſie durch die Erbsünd Got widerſpenſtig worden iſt,  
Vñ habe das nicht auß mir, ſonder auß dem wort des  
Herren vnd Pauli geſchriben, Das ich auch im anderen  
artikel anziehe, Das nēlich der Herre geſagt hat, Nie-  
mand mage das Reych Gottes ſehen, er werde dann  
new geporē 1. Joh. 3. Vnd Paulus, Der ſin des fleiſch  
iſt ein feindſchafft gegen Got, Dañ er iſt dem geſetz  
nit vnterthon, vñd vermäge es auch nicht. Rom. 8.  
Ite der naturlich menſch mage geiſtlich ding nit faſ-  
ſen, In dieſen vnd dergleychen ſprüchen, als, Die im  
fleiſch ſindt mögen Got nit gefallen, Niemandt kan  
zū mir kōmen, der Vatter ziehe in daß ic zeuget der H.  
Geiſt ja offenbar, das der menſch außſer Chriſto an-  
ders nit vermäge, daß Got widerwertig ſein. Diß vñ  
anders nichts habe ich vom vermögen, vñ vnvermöge  
der meſchlichē natur gelehret. Das vnvermögen zū gü-  
ten der verderbtē natur, habe ich nach dē Gottes wort

Das die  
natur auf  
ſer Chriſto  
Gott gar  
wider-  
wertig.

1. Cor. 2.  
Rom. 8.  
Joh. 6.

## Von der Erbsünd

bekennet vnd bezeuget / vnd der natur an jr selb nichts  
abbrechenn. Darumb ist diß die dritte Calumnia dieser  
C. Deputaten / das sie schreiben / Ich habe diß / anders  
nicht vermögen dan Got wider streben / der natur an  
jr selb zugeben.

Was der  
natürlich  
mensch.

Die vierdte Calumnia ist / das sie sagē / ich habe Pau  
lū nit recht verdolmetschet / dan ich hebe pro Animalis  
homo, gesezet Naturalis homo. Dar auß werde ich gese  
hen / als der die natur verdamme / Antwort. Paulus hat  
φύσις ἀνθρώπου, vnd setzet den entgegen *πνευματικὸς ἀνθρώπος*  
wie auch hernaher im 15. ca. Diß hat D. Luther wol  
verdolmetschet / ein natürlichen vnd geystlichen mens  
schen / Dan ein seeligen mensche sagen / von dem wort  
φύσις, das wir seel heysen / ist nicht deutsch / So ich nun  
den sinn Pauli mit güten verstendigen Worten dar ge  
geben habe / mit was redlichkeyt konden dann die C.  
Deputaten hier auß schliessenn / das ich die natur ver  
damme?

Das wil ja der liebe Apostel lehren / das der mensch  
durch seine seel / vnd allen verstandt / den er von dieser  
verderbten natur haben mag / die Götlichen ding nit  
verstohn noch fassen kan / wo er nicht mit Götlichem  
geyst begabet würdt / vñ jezund nicht ein natürlicher  
mensch durch die seel / das ist / sein natürlich leben / son  
der ein geystlicher mensch ist / durch den geyst Christi /  
Diß bekenne vnd lehre auch ich / vñ bekenne zum preysß  
Christi den feul vnd mangel vnser natur / her komede /  
von

von der Erbsünden / Verdamme nicht die natur an jr  
selb / wie die C. Deputaten mir on alle vrsachen die ich  
in gegeben / zümessen.

Dann das sie für ein vrsachen dieser irer Calumnien  
anziehen / Keyn vrsach ist. Sie schreiben / Ich lehre / wa-  
re rew vnd leydt der sünden komme auß warem glau-  
ben / vnnnd liebe zü Got / Vnd sagen dann / auß dem er  
scheine / Das mir D. Luthers meinung gefalle / Das  
rew der sünden vor der gnaden Gottes / durch die wir  
Gott angeneh sind / meer züm sündler mache / Wer  
sicht aber nit / dz diese folge wed schein noch farb hat?

War rew  
vnd leide  
der sünde  
komet  
auß glau-  
ben / vnd  
liebe zü  
Got.

Dann auß dem das ich lehre / ware rewwe der sünden  
komet auß glauben vnd liebe zü Got / folget weyters  
nicht / daß das niemand one glaub vñ liebe zü Got / wa-  
re büß oder rew der sündē habē möge. Aber ich will die  
sen C. Deputaten den vollen geben / vnnnd D. Luthers  
rede als war halten / wie sie auch ist / Dann wer nit in  
gnaden Gottes ist / der ist Got widerwortig / vnnnd  
würdt kein ander rew der sünden haben mögen / dann  
wie Judas / mit verzweyfflung / on glauben / on herz-  
liche begirde der gnaden Gottes / als den er nit kennet /  
weyl er on glauben ist / vnnnd darumb auch nit liebet /  
weyl er in nicht kennet / Vnd derhalben würdt ein sol-  
lich mensch / der nicht in Gottes gnaden ist / mit seyner  
rew der sünden / die auß dem glauben vnd liebe zü Got  
nit kommet / jemer meer sündem / wie in allen seyner  
thun / das er zü Gottes gnaden vnd gefallen / dem er

Lege ca. 3  
lib. 4. Con-  
tra Iulianum.

B ij mit



## Von der Erbsünd

nit glaubet / vnnnd den er nicht liebet / nicht richtern  
kan / wie das auch der heylige Augustinus an so vil or-  
ten zeuget.

Disß ist aber nicht der natur schuld an ihr selb / vnd  
wie sie Gott geschaffen hat / sonder der Erbsünden /  
durch die sie Gottes feyndin / vnnnd im widerspenstig  
worden ist. Derhalben folget hier auß nicht / dann Ca-  
lumniose / das D. Luther / oder ich / die natur des mens-  
chen darumb an jr selb verdammen / so wir nach Gots  
tes wort bekennen / das alle werck des menschen / vor  
der gnaden Gottes / vnd dem glauben / nit allein zum  
güthen nicht bereyten / sonder die sünde hauffenn / wie  
sie an inen selb ja sünd sein / werck wider Gottes gesetz  
gethon / weil sie nicht zu der gehorsame Gottes / die er  
fordret / gerichtet sein.

Die C. Deputaten vnderstohn aber auch zu erwey-  
sen / das vnrecht von mir geschriben seye / Ware büß  
kome auß warem glauben vnd liebe zu Gott / Sagen /  
die rew gehe oft dem lebendigen glauben vnnnd liebe  
Gottes für / vn bereyete den menschen zu diesen gaben  
Gottes / Vnd disß wollen sie damit erweisen / das Chri-  
stus vn die Apostolen büß geprediget haben / zu versey-  
hung der sünden / vn Petrus / den zauberer Simonem  
zur büß vermanet. Zie sehe Christlicher leser / wie diese  
leuth der schrifft acht haben / vn was Logic sie gebrau-  
chen. Man hat denen / die Christum noch nicht erken-  
neten / oder schwerlich gesündet hatten / büß vnd rew  
der

der sündenn geprediget / ergo, Ware büß vñd reu  
der sünden komet nicht auß warem glauben vñd lie  
be zü Gott / Das ist ihr folge. Sed in qua figura, in  
quo modo? Die leuth laß man rechtschaffenn / das sie  
schaffen.

Aber du fromer Christ weyst wol / das ob wol reu  
vñ schrecken ist one lieb / wie in Jada / so ist doch diß al  
lein ware vñ Christliche reu der sünden / wañ vns die  
sünd darumb reuwen / vñd leyd seyn / das wir vñ  
seren lieben Got damit erzürnet / vnd wider seynen hei  
ligen willen gethan habenn / Welche reu wir ja nicht  
haben könden / wenn wir nicht Gott in warem glaus  
ben erkennen / vnd lieben / vnd daher gern seynes ge  
fallens leben wolten. Darumb haben auch die Apo  
stolen / vnd alle die je ware reu geprediget / denen die  
Got noch nit erkennen / oder in schweren sünden la  
gen / zü vor von Got vnd seynem zorn wider die sünd /  
vnd gnaden gegen denen / die ihr sünde reuwen / gepre  
diget / Wie man in allen Apostolischen predigen in ges  
chichten der Apostel sicht / Also seindt auch alle predi  
gen der Propheten züm alten volck / wenn sie das ha  
ben zur büß erwecken wöllen / angestellet gewesen.  
Habē das volck alle mal der grossen güthaten Gottes  
die er ihnen bewysenn / auch der straffen die er an sey  
nē verrechttern geübet hat / getrewlich erinneret / Auch  
vonn der almechtigkeit Gottes sil geprediget. Die  
weiß hielte auch der Nathan gegenn dem David / da  
er in zü warer lebendiger büß erwecken wolte. Dann  
ob wol

Wie was  
re büß zü  
predigen.

2. Samua  
elis 12.

## Von der Erbsünd.

ob wol in der waren reuwe der sünden angst vnd schrecken vor dem gericht vnd zorn Gottes ist/ nach wa der mensch nit auß dem glauben der güte vnnnd barmhertzigkeit Gottes/ Gott auch lieb hat/ vnd gern in seynen gnadenn lebte/ mag er der heylsamen reuwe/ welche verzeyhung der sünden süchet/ vñ entpfahet/ nicht haben. Vnd ob wol der glaube/ weñ er die verzeyhung der sünden vnd die genade Gottes recht ergreiffet/ ein solche liebe zü Got anzündet/ die forcht vñ schrecken abtreymbet/ nach erhaltet vnnnd meeret er reuwe der sünden/ damit man den so lieben Got erzürnet hat.

Das daß die C. Deputatē sagen dem Hauptman Cornelio seyen seyne werck nit gewesen/ ehe er das liecht des glaubens entpfangen habe/ Sicht ein jeder Christ aber mal auß was Theologi diese rede kome. Dann ob dieser man schon die erkättniß Christi/ noch nicht offenbar vnd gantz gehabt/ so ist er doch mit einem grossen liecht des glaubens begabet gewesen/ on das er nicht hette mögen dz lob der Gotseligkeit/ vñ Gottes forcht in der schrift haben/ noch seyne gepet vnnnd almüsen für Got gelten/ vnd so genediglich auffgenommen werden. Nun zeuget die schrift von diesem man/ das er sey Gotselig/ vñ Gotforchtig gewesen mit seinem ganzen hauff/ habe vil almüsen vnd güthaten dem volck gethan vnd stetigs gepetten. Der Engel sagt zü ihm/

Act. 10

Dein gepet vnd dein almüsen sind hinuff komen zur gedechtnuß Gottes/ Vñ die C. Deputaten sagē/ Er hab damals das liecht des glaubens noch nit gehabt.

Der

Der Herr hat durch die zerstreung der Jüden in alle land/die durch die Assirier vnd Chaldeer geschehē ist/allenthalben vil Heiden zu dem waren glauben an Got bekeret/Deren etliche das gesetz Mosi angenommen/ vnd προσηλυτοι das ist Jüdgenossen worden sindt/ Etliche habenn sich one die Mosaischen Ceremonien zu Gott ergeben/ die verheysung des Heylands der welt in waren glauben angenommen/ Vnnd in deren Got angerufft/ vnd im durch die wercke der liebe gedienet/Die hat man <sup>i. uo. β. i.</sup> Gotselige leuth geheissen/ Ein solcher war der kernerling der königin Candaces auß Aethiopiē land/ wie auch der groß könig Nabucho donosor/ vnd vil andere. Von dieser sort glaubigen ist auch dieser Cornelius gewesen/Darumb in der 3. Lucas <sup>i. uo. β. i.</sup> heysset/Gotselig/der Got warlich vnd ernstlich geeret/ vnd gedienet hat/Auß dem ein jeder Christ wol erkennen kann/ das er auch vor der predig Petri hat ein groß liecht des glaubens haben müssen/ ob er wol die geheimniß Christi noch nit eygentlich/ vnnd das Jesus der gecreuzigt/ der ware Christus were/er kennete.

Vorseyt  
dreyerley  
glaubis  
gen/ Zus  
den/ Judo  
genossen/  
vnd gots  
elige Heys  
den.

Actor. 8.

Auß diesem nun allen/ vnd das ich im anderen vnnd dritten artiklen meynes vorigen buchs hie zu Bonn außgangen/ geschriben habe/ hastu Christlicher leser wol zu sehen/ das ich von der erbsünden/ vnd der verletzten natur durch die erbsünde/ vom vermögen/ vnd vnvermögen zum güten/ das der mensch hat/ Also auch vom 3. Tauß/ von der gnaden Gottes/ vnd dem ver

C dienst

## Von der Erbsünd

dienst des Blüts Jesu Christi/ von seyner seligen erlö-  
sung vnnnd gaben des h. Geysts / durch den wir erst  
Got etwas erkennen vnnnd lieben mögen/ welches al-  
les wir im h. tauff empfangen/ Eben das glaube/ be-  
kenne/ vnd lehre/ das die Göttliche schrift vns hie von  
fürgibt/ vñ zeuget/ Das die ware algemeine kirch Chri-  
sti alweg geglaubet vnd bekennet hat. Daher richt du  
nün selb ob das Christliche Censuræ, oder vnchristliche  
Calumnix seyen/ das die Cölnischē Deputatē von mei-  
nem büch geurtheylet haben.

Ich verkleinere öffentlich den Tauff/ vnd den ver-  
dienst des blüts Jesu Christi.

Ich mache den fal Ade grösser / dann die erlösung  
Christi.

Ich verdamme die güte natur des menschen/ vñ ge-  
be jr zü das den Teuffeln mit züzugeben seye.

Ich verdolmetsche den Paulum nit recht / sonder  
wie es diene die güte natur zü verdammen.

Von dem aber das die C. Deputaten, Die reuwe der  
sünden/ die der gnaden Gottes/ durch die wir Got an-  
geneme sindt/ vnd dem glauben vorgehet / so hoch he-  
ben/ vnd ein bereitung zü der genaden Gottes / vnnnd  
glauben machen/ So doch in vns / vor dem vns Gott  
gnediglich zü sich zeucht/ vnd seynen glauben eingens-  
set/ alles vn glauben / vnnnd ein greuwel vor Gott ist/  
Denn

Vnchristli-  
che lehren  
der C. De-  
putaten.

vnd verletzten natur.

f

Dem vnmöglichists Gott on glauben zü gefallen/  
 Ebreern 11. Item das sie Christo vnserem Herren vñ  
 den Apostolen zü geben / sie haben zür büß vermanet/  
 die nit auß glauben vñnd liebe zü Got komme / Das  
 sie dem theuren Cornelio / der mit glauben so hoch er-  
 leuchtet war / das liecht des glaubens absprechenn/  
 Das sie den liebenn Augustinum wider sein selb so of-  
 fentliche vñnd reycher lehre vonn der vberbleybenden  
 sünden in den glenbigen / anziehen / Disß alles will ich  
 dir Christlicher Leser zu richten heimstellen / Vñnd /  
 nach dem es in vnseren anderen büchern genügsam  
 widerlegt ist / dich alhie mit weyter disputacion dar-  
 von nit beschweren.

Aber des erinnere ich dich / das du hie wöllest war-  
 nemen / des ich dich im anfang vermanet habe / vñnd se-  
 hen / warumb diese leuth gegen vns streyten. Wir le-  
 ren / vnser sünd vñnd verderben grundtlich erkennen /  
 das leyder vil grösser ist dann wirs immer erkennen  
 mögen / auff das wir vns zü Christo dem Herren vnser  
 rem einigen erlöser vñnd Heyland gantzlich ergebenn/  
 geben alles güte in vns zü / der erlösung Christi / vñnd  
 dem H. Geyst / den vns der Herr erworben hat. Dar-  
 wider fechten die C. Deputaten / machē die verletzung  
 der natur von der Erbsünd gering / Das naturlich ver-  
 mögen vor der gnaden vñnd glauben groß. Darin se-  
 he / wer für das Reich Christi streyete / wer war rew  
 vñnd besserung der sünden süche / Wer die erlösung Chi-  
 sti vñnd Tauff hoch halte.

C. Deputa-  
 taten rins-  
 geren die  
 Erbsünd  
 erhöhenn  
 die natur.

C ij Aber

## Von der Erbsünd vnd verletzten natur.

Wie der  
H. Tauff  
vonn den  
E. Depus  
taten ver  
achtet.

Aber das vnd alle ander anzeygen geschwigen / se  
he allein an / mit was ernst / verstandt / andacht der H.  
Tauff / das Sacrament vnser erlösung von allen sün  
den / vnd der seligen newwen gepurt / bey ihnen gehals  
ten würdt / vnd erkenne da her wie diß hochwürdigste  
Sacrament / vn̄ eingang ins Reyck Gottes / mit dem  
verdienst des blüts Christi / der vns im H. Tauff mit  
getheylet würdt / bey diesen leuthen geachtet werde.  
Der liebe Got wölle es besseren / vnd zü sich bald betes  
re / was sein ist. Was haltung aber des tauffs ich auß  
dem Gottes wort lehre / hastu zü lesen in dem neunndtē  
artikel des ersten theyls meynes vorigen buchs /  
Halte das gegen der weise zü Tauffen / die  
bey dem gegentheyl ist / da keyn  
vermanung bey geschic  
cht / vnd wenig die gebet verstehn. Vnnd  
bit Got das man sich zü  
dem besseren  
kere.

Der

# Der ander artifel <sup>xi</sup>

Von güten wercken / vnd  
iren verdienst.



By diesem artickel / sechtē die C Deputatē zwey ding an / das ein / das ich leren solle / Got habē vns nichts dann werck / die dem nechsten zū nutz vñ beserung dienen / gepotten / vnd das dis allein güte werck sein / Zum anderen /

Der C. Dep. anflag von güte wercken.

Das ich verneyn / edas Gott für die güten werck das erb des ewigen lebens schuldig sey.

Damit aber du Chrißlicher leser erkennest / wie diese der Cölnischen Deputaten anlage nit allein vnnotig / sonder ganz vnchristlich ist / so lese was ich von güten wercken in dem vierdten vnd funfften articklen meynes vorigenn büchleins geschriben habe / findestu daran ein wort das du verdammen köndest / so will ich in deiner straff stohn. Nun soliche reine Chrißliche lere anfechten vnd lestern / wes geysts thün vnd wercke es sey / hastu leicht zū erkennen.

Doch auch etwas auff der C. Deputaten flag. Erstlich hab ich diese wort nit gesetzt / dz vns Got vberal nichts gepotten habe / dann die werck / die dem nechste  
C iij nutzen /



## Von G<sup>u</sup>ten wercken

nutzen / sonder das vns Gott keyne euffere werck gepotten habe / dann die entlich dem nehesten zu nutz vñ frommen gerichtet seyen / vnd auff seyne ma<sup>ß</sup> dienen / Vnd das die schrifft solliche werck auch alle mal mey<sup>n</sup>e / wenn sie von g<sup>u</sup>ten wercken redet / Als da der Herz  
Matth. 5 spricht / Also lasset euwer liecht leuchten für den leuten / das sie euwere g<sup>u</sup>ten werck sehen / vnd euweren Vatter im Hymel preysen. Item da Paulus gepentet /  
1. Tim. 5. zu der verfehung der gemeinde / keine w<sup>i</sup>twen zu welen / dann die ein zeugniß habe g<sup>u</sup>ter wercken / deren er als bald etlich erzelet / vnd saget / So sie kinder auffgezogen hat / so sie gastfrey gewesen ist / so sie der Heyligen fuß geweschē hat / so sie den notturfftigen handreychung gethan hat / so sie allem g<sup>u</sup>ten wercke nachkommen ist / das ist / allen dem / damit sie dem nehesten hat zu nutz vnd trost dienen mögen.

Also redet der Apostel bald hernaher von den reychen / Gepentet das sie mit stoltz seyen ic. Das sie g<sup>u</sup>ts th<sup>u</sup>n / reych werden an g<sup>u</sup>ten wercken / das ist / an denen wercken / durch die sie / als die reychen vnd vermöglichen / irem nehesten zu nutz vnd frommen vor anderen helffen mögē. Ja solliche werck heysset die Schrifft g<sup>u</sup>te werck. Die C. Deputaten aber / ( th<sup>u</sup>n sie anders / wie gemeinlich die Bettel m<sup>o</sup>nch vñnd der gleychen Clericen zu th<sup>u</sup>n pflegen ) werden für ire g<sup>u</sup>te werck halten vñnd fürgeben / ihre besondere kleider / blatten / vnd andere zeychen der geystlicheyt tragen / ihr singen / lesen / fasten / disciplinen / messen / vñnd der  
gley

gleychen / Dann von diesen gütten werckenn geben sie theyl iren gütthäteren in ihren brüderschafft briefften. Der leyen güte werck werde jnen seyn / jnen sil geben / messen vnd gedechtniß bey ihnen stifften / Clöster / kirchen vnd altar bauwen / tafeln vnd götzen zürichten / vñ schmücken / Einer Columben ein rock oder mantel machē der ob die hundert gülden kost / da man dem armen Christo in dē dürffrigen nit gern zehē güldē gebe.

¶ Nun der 3. Geyst sagt durch den Apostel Paulum / Alle gepot Gottes werden im gepot der liebe des nehesten gesummieret / vñnd verfasst / Das ganze gesetz würdt in dem einigen wort erfüllet / liebe deinen nehesten als dich selb / Dann die liebe von reinem hertzen / gütem gewissen / vñ vngeserbten glauben ist die summa des ganzen gesetzes. Werden nun alle gepot Gottes im gepot der liebe verfasst / vñnd darin erfüllet / so müssen ja auch alle werck die Got gepotten hat / vff die werck der liebe / die jemer dem nechsten dienet vñnd nutz / gerichtet sein.

¶ Vnd zwar welcher Christ erkennet das nit / das alle Gottes gepot dahin gohn / das wir vns selb verleugnen / Christo dem Herren ergeben durch waren glauben / durch den wir in ihm bleybenn / vñnd er in vns / auff das dieser glaube außbieche durch allerley güte werck / durch die Gottes name bey den menschem geheyliget / vñnd ihr heyl gefürderet werde / Gott gepentet das wir seyn wort hören /

Waz

## Don Güten wercken

Warumb? Freylich das wir dem selbigen glauben / vñ folgen / bis zu dem ende des gesatzes / der liebe des nehesten / Vnd die nit allein auff der zungen / vnd in worten bleybe / sonder die in der warheyt vnd werckē / zum frommen vnd besserung des nechsten erzeyget vnd beweisen werde Got will das wir den leyb casteyen / vnd betten / Warumb? one zweyffel darumb / das wir im glauben / vnd durch den h. Geyst gestercket / als gesunde glider am leyb Christi / den anderen glideren / vñnd dem gantzen leyb meer nutzen / vnd zur besserung dienen. Die h. Sacrament sollen wir andechtig entpfahen / Wa zu? Egentlich das wir meer in Christo leben / vnd er in vns / vnd das zum heyl des nehestē / mit ime zu süchen was verlohren / vnd dem zu helfen.

Siehe frommer Christ / so ich diß bekenē vnd lehre / Schreyben die C. Deputaten ich lehre felschlich vñnd gantz vbel / false & pessime. O Iudices, O Censores, O Magistri nostri.

Hören/  
Lernen/  
vnd schau  
wen ist  
hie vmb  
ihns  
willen.

Nun besehe auch ihre argument / die sie wider mich führen. Der Herr / sprechen sie / hat Mariam / die im zünfüßen sasse / vñseyñ wort höret / der geschessigē Marthe fürgezogen. Quid ergo? Was folgt hier auß? Hat dann Maria das wort des Herren vergeblich gehöret? Oder hat der Herr damal nit gelehret das in seynem neuwen gepot begriffen gewesen seye / das wir einander lieb haben / vnd zur besserung dienen sollen? Solle nicht alles hören Götlichs worts / vnd schauwen Götlicher güte / in die werck der liebe / vnd nach folge Götlicher

licher güte / außbrechen? Sehe frommer Christ / was  
feiner Logicos mache / das widerfechten Götlicher  
lehre / vnd haß deren / die nichts dann zu Christlicher  
Reformation vermanen.

Hier an hengen sie dann ein wüste Calumniam / ein  
gantz falsche vñ schmebliche anklag / Sagē / Soliche  
lehre von güten wercken seye von mir fürgebenn / zu  
schmeblichem antasten der Heyligen Einsidlen / vnd  
Vätter / die sich in den öden stetten vnd clöstern ge-  
halten / vnd ein schaulich leben gefüret haben.

Einige Heyligen zu schmeben habe ich / Got lob /  
nie gedacht / Es haben auch alle ware Heyligen Vät-  
ter / Einsidel / einwoner der wüsten / vnd Clöster jr le-  
ben alweg zum heyl des nehdsten gerichtet / dann so  
hieran das gantz gesetz vnd Propheten hanget / we-  
ren sie ja nicht Heylig gewesen / wa sie das mit gethan  
hätten.

Wazü d  
Einsidel  
vnd ware  
mönch le-  
ben gedie-  
net.

Wie aber Got im alten testament / an den Rechabi Jere. 35  
ten vñ anderen meer / die besondere grosse abstinēz /  
Item am Joanne dem Tauffer / bewysen / Also hat  
er auch durch die war heyiligen Einsidel vnd Clöster  
leut im newwē volck / die vorzeyten gewesen / der welt  
ein besonder exempel fürgestellt der abstinēz / vnd  
tödtens der fleyschlichen lüsten / Nit das er söliche ab-  
stinēz auch von anderen fordiete / Dan Chustus der  
Herre / der aller Heyligste Heylig / selb ein gemein lebē  
D mit

## Von Güten wercken

mit essen vnd trincken gefüret hat. Sonder das er die welt damit vberzeugete irer schweren sünden, vñ Gottes verachtung / die sie beweyset durch jr so gar vnordenlich / mütwillig / verderbet leben in den fleyschlichen lusten / Darumb der rechten heyligen Einsidlen (Dann man nit allein den namen ansehen muß) sonderen von gemeinen leuten, vnd strenge abstinentz, in dem auch zum frommen den gleubigen gedienet hat.

Die **E.** einsideler zeygen lieb vñnd dienst den nehesten.

**Es** hat auch der meerertheyl dieser Leuthen in gemeinschafft etlicher brüder gelebet, denen sie mit lehre vnd anderẽ gedienet haben. Anthonius der gelobteste Einsidel wüdt vom **S.** Hieronymo in uita Hilarionis gerühmet, das er die brüder gar demütig auff genommen, ernstlich vnd getrost vermanet habe. In Tripartita Historia lisset man von jm, das er den vndertrucktẽ vnd vergwaltigten zü helffen, vil mühe vñnd arbeyt auff sich genommen, vnd darumb offt in die stet, zü den Richterẽ vnd Oberkeiten gereysset habe. Also hat er auch gethan, da die Irriamischen wolten wider Athanasium vberhandt nemen. Ist in die stette herumbgezogen, vnd hat der warheyt zeugniß gegeben, vñ die lügen widerfochtẽ. Also haben auch andere Einsideler gethon, als man lyset im 4. vñ 5. ca. des 7. büchs dieser historien. Auß dem zü erkennẽ ist, das diese **S.** Vetter das nit verlassen habẽ, das der Herr zü füren stes gepentet, Lieb vnd Dienst des nehesten.

Aber lieber Herr Got, was sol man mit diesen **C. De putas**

putaten von solichen sachen / von der waren Einsidel  
vnd Mönchen leben vnd Abstinenz disputieren? Sind  
die anderen Deputaten / in der Abstinention fleyschlich  
cher verpotner wolust / in vnzeytigem zechen vnd an  
derem nit weyter kommen / dann der diß büch soll ge  
schriben haben / so heyst es wol Curios simulant, imo ne  
simulant quidem. Wie es alle die zeugen / die von dem  
man zeugen mögen.

Zieran henge die C. Deputatē noch ein schmach vñ  
Calummien. Daher / das ich lehre wie alle güte werck  
dem nechste dienen sollen / sagen sie / könne der wunsch  
meynes vngeystlichen hertzens / den ich in meinem vo  
rigen büchlein gesezet habe / im 15. artikel / ( nach der  
rechte zal / daß an dem ort mißtrucket / vnd 13. für 15.  
gesezet ist. ) In diesem wunsch habe ich gewünschet /  
das alle die jezund Priesterlichen namē haben / kondtē  
vnd wolten sich dem Priesterlichen ampt vnd dienst /  
wie das der H. Geyst in seyner Schrifft vnd alten Cas  
nombus fordret ( nit die ich fordre ) begeben / welche  
aber das nit wusten zu thun / das sie sich des auch nit  
verpflichteten / sonder zu denen diensten begeben wol  
ten / die sie mit gutem gewissen verrichten kondten / nit  
zu weltliche geschaffte. Das ist mein wunsch / diß sind  
meine wort. Auß dem haben die Cölnischen binen / ein  
solich honig gesogenn / Ich wunsche das die Clerici  
vnd Mönch / die nit geschickt seyen zu denen dien  
sten / die ich gesehen werde zu fordren / weltlichem  
geschafften für gesezet werden / Zengen dann dran /

## Von Güten wercken

Ist das Reformieren: Wider das wort Christi/ Niemand der die handt an den pflug schlegt / vnd sihet zu rück / ist tüchtig zum Reych Gottes. Hac illi. Wenn nun allein diese so offenbare mitwillige Calumnia in der C. Deputaten Büch wider mich were / wer solte nit sehen was geyst diese leuth triebe? Das ist aber nach siel meer zu beklagen / das diese leuth jr Clericen vnd Mönch wesen / da für sie streyten / döfften den pflug des Herren nennen. Wie hoch sind die gericht Gottes von iren augen? Was die C. Deputaten / des Orts von gelubden sagen / will ich sparen zu verantworten an sein ort / zu dem Artikel / von der Möncherey vnd gelubden.

Psal. 10.

Die ander klag der C. Deputaten wider mich bey dem artikel von güten wercken ist / das ich inen nit verdiensts genug zu gebe / Vnd Schreyben / Ich verneine das die werck von Got verdienen / Oder das ihnen Gott den lohn des Himlischen erbes in eynigem weg schuldig seye. Sic enim ponunt. Aut Premium coelestis hereditatis eis quouis modo deberi.

Diese wort hab ich zwar nit gesetzt / Die C. Deputaten thun in dem / wie fast in alle anderen / Bingen nichts für wie wir es schreybē / sonder verkerē es vor / nach irem vorgefasten heßigen sinn / vnd fechten daß dar wider / meer wider das seye / daß das wir geschriben oder geredt haben. Aber thū du so wol Chulicher leser / vnd besehe erstlich was ich im fünfften Artikel  
in

in meynē vorigen büch von belohnung der gūten werckē geschriben habe / vnnnd erkenne / ob einiger Christ möge begeren / das ich vnseren so erbseeligē gūten werckē / von denen diese Deputaten so vil wissen / so vil sie jr thūn / solte oder hette kōnden vnuerletzter maiesstet Christi / vñ des glaubens Gōtlicher gnaden / meer zū geben?

Ich habe bekennet / das der Herr vnser waren gūten werck / die im glauben geschehen / vberreyhlich bezlohnēt / mit abwenden vnd hinnemmen alles argen / vnd mit verleyhen vnd meeren geystlicher vnd leiplicher gūter / hie vnd in künfftigem leben.

Dabey aber habe ich auch das bekennet / Wie auch der glaub in Christū das notwendiglich fordret / Das der liebe Got / diese so vberreyche belohnung / vnseren gūten werckē thūe / auß seyner freyen / vñ von vns vnverdienten barmherzigkeit / vñ gütigkeyt / vñ vmb vnseres Heylands Jesu Christi / seyner geliebte Sons willen / Dañ vnser werck alle noch mangelhafftig sind / vnd dem gesetz Gottes / das alles hanget an dem / Liebe Gott auß ganzem hertzen ic. in diesem leben nymmermeer genug thūn.

Weyter hab ich auch das bekennet / das vnser vertrauwen zū Gottes gnaden / vnnnd das erwartenn des Himlische erbes / muß gantzlich bestohn auff der freyē Barmherzigkeyt Gottes / vnd dem einigen verdienst

D iij vnser



## Von Güten wercken.

vnfers Heylands Jesu Chusti/ Vnd auff keynem vnserem verdienst noch güten wercken.

Das die güten werck Got etwas abuerdienen .i. me reantur à Deo, wie die C. Deputatē reden/ hab ich nicht verneinet/ auch nit gesezet/ Vnd das daruim/ das die 3. Schrifft die rede nit brauchet/ Vnnd wir von allen sachen besser vnd eygentlicher nit reden könden/ dann so wir vns der reden Göttlicher Schrifft halten/ So ist auch ein anders/ sagē/ Got belohnet güte wercke/ welche rede die 3. Schrifft brauchet/ Vñ ein anders/ Die werck verdienen vñ Gott. Ein Vatter belohnet das studieren/ vñ ander gehorsame seynes kinds/ welche gehorsame doch das jenige/ so der Vatter dē kind auß seyner freyē liebe zū lohn gibt/ nit verdienet/ noch verdienē kan/ Dan es diß alles dē Vatter schuldig ist.

Das wort mereri, verdienen/ will als lauten auff solchen verdienst/ dem man den lohn von wegen seynes eigen werds schuldig seye/ Solichen verdienst mögen wir gegen Got nit haben/ wie das auch Thomas vnd andere gesündere schul lehrer bekennen/ Dan wir Got noch vilmeer schuldig sein/ dan wir jm jmer thun können/ Wir sind jm je schuldig vnd verpflchtet in zū lieben/ vñnd ihm zū dienen/ zū heyligung seynes namens vnd erweyterung seynes Reichs/ auß ganzem hertzen/ gangzer Seelen ic. Daran vns allen/ in all vnserem verdienst/ so lang wir hie leben/ leyder seer vil überbleybet.

So wir dan in vnseren worten, vnd allem thün, vn-  
nergleichlich meer sehen sollē, wie wir die ehr vñ den  
rhum Gottes erheben, dan vnser wercke, auch die von  
Got, vnd Gottes gaben seind. So pflegē wir mit der  
3. Schrifft gern zusagen, Das Gott die guten werck  
belohne, vñ das alle gute werck iren reichen lohn von  
ihm zu warten haben. Das aber vnser werck Got etz  
was abuerdienē, wöllē wir nit sagen, dan die Schrifft  
sagt auch nit also. Vnd war für wolten wir doch sol-  
che rede brauchen, die das verderblich vertrauwē auff  
eygne werck wol stercken möchte, vnd aber nichts bes-  
seren, vnd an deren auflegung wir erst vil mühe vnd  
subtiligkēyt brauchen müsten.

Wir bekennen vnd lehren auch, das alle die etwas  
vmbz Herren willen verlassen, leyden, oder thün, des  
selbigen hie hundertfeltig ergetzet werdē, vñ dort das  
ewig leben ererben. Jte das der Herre zu denen die in  
in den seynē gespeiset, gedrencket, bekleidet, beherber-  
get, besüchet, vñ getröstet haben, am jungsten tag sa-  
gen würdt, Kommet her ihr gesegneten meynes vater-  
ters, vñ ererbet das Keych das euch bereyt ist von an-  
begin der welt, vñ was der sprüchē meer sind. Davon  
das die gütz thün, von Got hie vñ dort reichlich belo-  
net werdē, vñ das ewig leben ererben, ist kein Disputa-  
tion, Damit wir aber Got sein ehr geben, die erlösung  
Christi recht predigen, vnd das vertrauwen der armē  
gewissen, nit auff dē sand eygner gerechtigkeit rich-  
tē, vñ also verderbē, sonder auff das einige fundamēt  
Christo

Matt. 19

Marc. 10

## Von Güten wercken.

Christo seliglich befestigen vñnd erhalten / So lehren vñnd zeugen wir hie bey / wa her das komme / das die so güte werck thun / in das lebenn eingohn / zur aufferstendtniß des ewigen lebens aufferstohn / vñ das himmelreich ererben werden / Nemblich gar nicht auß dem werdt / vñnd verdienst irer güten wercken / sonder auß der freyen vñnd so milten gnaden vñnd güte Gottes / die vns vnser Herr Jesus Christus verdient vñnd erworben hat.

Gestohn die C. Deputaten das mit vns / was vrsach haben sie dann vnser Christliche lehre zu wider fechtē? Gestohn sie es nicht / so solten sie iren grundt dargegē darthun / mit also absq; ullo elencho gaucklen / vñnd schufft füren / die meer nicht in sich haben / dann das Got die güten werck belohne / welches wir nie verneinet haben / Das verneinen wir aber / das die güten werck / wie güte die von allen Heyligen auff erden immer mögen gewirckel werden / auß irem selb werdt solten Got mögen diesen lohn also abverdienen / das inē Gott den irethalben / in eynigen weg möchte schuldig seyn / Vñnd zeugen / das alle Heyligen / mit allen iren güten wercken / noch vñnnütze knecht Gottes sindt / vñnd den lohn irer güten wercken / die auch selb Gottes werck vñnd gaben in ihnen sindt / von Got auß seyner freyen güte vñnd miltigkeyt / vñnd des verdiensts Christi willen / entpfahen.

Luc. 17.

Philip. 2.

Damit aber sie sich abermals beweysen vñnd was  
Theolo

Theologi vnd Logic sie findt/ So bringen sie ein sol-  
 lich argument herfür. Wir verdienen auß gelübden/  
 das ist ja verdienen. Also verdienen auch die leuth vn-  
 der sich/ vnd heissen es schuld. Dis seind ire wort durch  
 jren trucker verdolmetschet. *Faciamus ergo analysim*  
*huius argumenti.* Was bey den leuthen vnder sich ver-  
 dienst vnd schuld ist vñ heyst/ das soll auff seyne maß  
 auch bey Got schuld sein vnd heysen. Die leuth verdie-  
 nen vnder sich auß verheysung vnd heysen es schuld.  
 Ergo. Es soll auch gegen Got also sein/ vnd heysen.  
 Maiorem hette Thomas Aquinas vernemet/ vñnd ge-  
 sagt/ Das entliche werck des menschen/ keyn vergley-  
 chung haben köndē/ gegen dem vñentlichen Got/ vñ  
 seyner lohn/ So seye auch des mensche gut gantzlich  
 von Got. Minoren werden auch alle verstendige ge-  
 meine leuth verneinen/ in dem theyl/ Das die Deputas-  
 ten sagen/ man verdiene auß verheysung. Dann wer  
 hat je gehört/ oder gelesen in eyniger sprachen/ wa ey-  
 nem auß lauterer gnaden/ vnd freyer liebe etwas ver-  
 heysen ist/ das man sage das selbige er verdienet ha-  
 be/ Das wirdt wol gesaget/ Was man verheysen hat/  
 ist man schuldig/ *Promissum cadit in debitū.* Man sagt  
 aber nit/ so jennad fordret dz im auß freie wille/ on eini-  
 ge schuld verheysen ist/ das er solichs verdienet habe.

1. 2. ques-  
 sione 114

Zu dem ifts gar weyt ein anders mit menschlichem/  
 auch gantz freyem verheysen/ vñnd dem Gölichen/  
 Dan ein mensch dem anderen seyner freyen verheys-  
 sung vnd gaben doch als etwas vergleychung thun  
 E mag/

## Von Güten wercken

mag / das aber gegen Gottes verheißung in keinen weg sein kan. Darumb auch die schül Theologen / das für ein algemeine haltung vñ rede / die meniglich auß jr selb bekant seye / erkennen haben / Got ist niemands schüldner / Auß dem auch Thomas sagt / Das Got dasjenige so er vns verheissen / mit vns / sonð im selb schüldig seye. Vñ das er vns auß seiner gnedigen ordnung / vnd verheißung vergiltet / allein gleichniß weyß / vñ mit eygentlich zu reden / merces. geheissen werde.

So vil auff der C. Deputatē klage wider mich vom lohn der güten werckē. Hie wöllestu abermal Christlicher Leser sehen / warumb der streyt zwischen vns seye.

Wir lehren das diß güte vñnd Got gefellige werck sind / die er gepotten / vñnd zum end alles gepots / der liebe des nehesten / dienen.

Item das alle vnser güten werck vnserthalben noch vil mangels haben / vñnd Gottes gesetz mit genüg thun.

Item das durch den verdienst Christi allein / wir vñnd vnser werck Got angem sindt / Vñnd das wir die güten werck anders nit thun / dann durch den Heyst / den vns der Herre Christus erworben hat vñnd zusendet.

Das Got allein auß seyner vberschwenglichen vñ vnaußsprechlichen gnaden vñnd liebe gegen vns / seyen. Son geschencket / vns in dem selbigen geliebten  
im

Am angeneh gemacht / seyn 3 Geyst guts zu wöllen /  
vnd zu thun verlyhen / vnd dann auch des gut thuns  
so reychen lohn verheyssen hat vnd gibt.

Darum̄ das ganze vertrauwen des hertzens zu der  
gnaden Gottes / vnd das erwarten des ewigen seligē  
Erbes / allein auff Gottes gnaden / vñ dem verdienst  
Christi bestohn vnd beruhen muß.

Die C Deputaten fechten diese lehre an / setzen güte  
werck / die dem nehesten nit zu gutem befehē / vnd  
kommen / Sūchen vil geschrenckter reden / wie sie den  
werckenn der menschen ein verdienst schöpffen / vnd  
inen Got zum schuldner machen.

Ertheyle nun du Christlicher leser / welche für  
Gottes gesetz vñd ehr / für das Reyck Christi / für  
waren glauben an Christum / vñd recht güte werck /  
auch deren gewisse belohnung streyten.

Vñd als diß ort / da ich lehre / das diß allein güte  
werck sein / die dem nehesten zu gut geschehen / deren  
orten eins ist / da die C. Deputaten etwas vngestiem-  
mer wider mich zürnen / vnd schelten ( Dan̄ an diesem  
ort schelten sie mich / ich lehre felschlich / vñ ganz böß-  
lich / false & pessime, Itē ich seie ein Apostata / Ich habe  
ein vngestlich hertz ) so vermercke alhie auch warum̄  
diese Deputatē doch so wild / vñ vngestiem gegen vns  
seindt. Wa die leuth das allein für güte werck halten  
werdē / die Got gepotten / vñ die dem nehestē / nach dē  
gepot der liebe zum guten kommen / so werden die ver

## Von verehrung / fürbit /

meinten vnd falsch gerhümbten gute werck / das vns  
götlich singen / lesen / Mess machen / nicht meer so vil  
tragen / vnnnd in so grosser achtung erhalten werden.  
Vnd weñ die leuth das jenige / so Got inen bescheret /  
dem hungerigen / dürstigen / nackenden / elendē / fran-  
cken / vnnnd gefangenen Christo in den dürfftigen ge-  
ben / werden sie die lassen die onbefindlichen gözen /  
seulen vnd wende schmücken vnd zieren / vñ denen ge-  
ben / die vor meer haben dan sie recht gebrauchen / wel-  
che den lebendigen Christum in den seynen noch mit er-  
kennen / vnd sich vor seinem gericht nit entsetzen.

# Der dritte artikel

## Von verehrung / fürbit / vnd anruffen der Heiligen.

**W**As ich hienon glaube vñ lehre / ha-  
be ich im Siebendē artikel meines  
vorigen büchs beschribē / lyse das  
fromer Christ / so würstu selb wol  
erkennen / das ich von Englen vñ  
Heyligen / irerer verehrung vñ für-  
bit / alles das halte vnnnd bekenne / das wir hie vom  
nach Götlicher Schrifft / vnd der Apostolischen kirchē  
halten

vnd außlöffen der Heyligen. 113

halten vnd bekennen mögen vnd sollen. Vnd das diese C. Deputaten auß meynem schreyben/ das anzüfachten/ einige vrsach nit haben/ sonder sich dazu gantzlich nörtigen/ vnnnd süchen da sie nit finden/ wie sie mich in verdacht verdampter lehre ziehen möchte/ Allein darumb/ das sie meinen dienst auß schew Chüstlicher Reformation/ nit leyden mögen.

Von verehrung der Engel vnd Heyligē streyten sie nichts/ Dan sie die verehrung so ich gesetzet/ nit tadlē/ vnd ob deren sie halten/ in keynen weg vertheydingen mögen.

Die verehrung der lieben Engel erkenne ich in dem stohn/ Das wir Got/ vnd seyne güte vñ gaben in jnen erkennen/ loben/ preysen/ vnd mit warem glauben an Chrustum/ durch des verdienst diß alles ist vnd vns zü kommet/ annemen/ vnd ihm allein dienen.

Verehrung der lieben abgestorbenen Heyligen erkennen wir darin stohn/ das wir die grossen gnaden vnd gaben/ die jnen Gott verluhen hat/ vnnnd vns zür gedechtniß durch ware zeugniß kommen lasset/ got seliglich erkennen/ vnd betrachten/ den Herren darumb loben vnd preysen/ Vñ vnseren glauben vñ hoffnung an in/ seyne gnaden vnd gaben auch vns zü erbitten/ darin stercken/ Vnd vns selb/ dem glauben der lieben Heyligen nachzū folgen/ erwecken vnd anhalten.

Solichē verehrung der Engel vnd lieben Heyligen  
L iij lehret



## Von verehrung fürbit

lehret, die Göttlich Schrifft, vnd alle alten lieben Väter, Also gedencken die Propheten vnd Apostel Abrahams, Helie, vnd anderer Heyligen Gottes, vnd stellen vns die Gaben Gottes an inen, vnd iren glauben, vnd gehorsame für zum trost vnd exempel.

Was ist aber die verehrung der Engeln vnd Heyligen, deren die Cölnischen Deputaten dienen, vnd anhangē: Diereil sie an dem gemeinen mißbrauch hier in nichts in irer schrifft erkennen, noch sunst öffentlich straffen, Vnd vnser lehre vnd vermanung gegen solicher schweren erschrocklichen Abgötterey so ernstlich anfechten, So ist wol zu besorgen, das sie eben das ire legitimam uenerationem, rechtmessige verehrung der Heyligen halten, die leyder bey ihnen vnd anderswo nach im schwang gehet.

Die gemeine verehrung der Engelen vñ Heiligē.

Nemlich, das man erstlich allerley erdichte vngöttlichen fabulen von Engeln vñ Heyligen mit Predigen vnd Schrifftē ins volck bringet, welche denen allen in gemein, vñ etlichen auch besonders grossen verdienst, vnd macht zū geben, den leuthen in allerley nöten, vñ krankheiten zū helfen, Vnd fürnemlich in denen nöten vnd krankheiten, vor denen die leuth am meysten scheuwen, Als da sindt geher todt, sterben on versönnung mit Got, Pestilēz, vnsinnigkeyt, krimmen, der stein, geperende not, vnheilsame eyterfluß, besondere schaden, vnd krankheiten an den kinderē ic. Unglück in kriegē, in reysen, in kauffmans hendlen, Also müß S. Zuprecht der rasenden hunde biß, S. Sebastian vñ

vñ S Rochus die Pestilenz / S. Job die frantzosen /  
 S. Quirin die eyterflüssigen schäden / vnd ander ander  
 re kranckheyten vertreyben. Vnd damit dise abgötter  
 rey desto meer bestettiget würde / haben sie besondere  
 büßen erdichtet / welche / als sie sagen / die zehligē von  
 denen fordren / welchen sie helffen sollen. Das aber ge  
 meinlich ding sind / die / die schäden zū heilen / one das /  
 durch natürliche wückung / dienstlich sind / allein dz sie  
 etwas zauberwercks dar zū thun. Also haben sie auch  
 zū anderen sachen deren die menschen hoch begeren / ei  
 gne helffer von heiligen verordnet. S. Anna. Magare  
 tha / vnd vil andere müssen den schwangeren frauwē  
 helffen zū frölicher gepurt / vil den kindere das sie wol  
 deyen vñ wachsen. S. Joseph muß die weyber schwan  
 ger machen / vnd den Töchteren vmb güte meiner helf  
 fen. S. Christophorus vnd Georgius den kriegsflentē /  
 S. Seruatius den kauffleuten / Also hat man S. Mi  
 chael Gabriel / vñ Raphael auch ire besondere hilff zū  
 geeignet. Vñ wer köndte diese Abgöttereyē alle erzele?

Das ander darin die gemeine verehrung der Heyli  
 gen steht / ist das man auß gemelten Gotlosen fabulē /  
 den Heyligen eygne brüderschafften / vñ bitfert / groß  
 prechtige fest / eigene Messen / gesange / vñ andere Ce  
 remonien anrichtet vñ haltet / erzelete hülff von inē zū  
 erlange. Dazū man inē auch als newwen Götterē / neu  
 we Sacramēt erdichtet vñ gepräuchet / Als da seindt /  
 mit irem gepēit / vñ Götzen bestreyche. Etlich gesegne  
 te wasser / kerzen / S. Margarethen gürtel zū Cölln  
 für die geperende frauwen / vñ andere solche zeychen.

Das

## Von verehrung fürbit

Das dritte/das man inen allen / bilder vñ Götzen machet vnd fürstellet / auch weyhet / köstlich bekleidet / zieret vnd schmücket / Dann vor den selbigem / wie auch vor irem gepain / Kerzen brennet / reucheret / singet / niederfallet / opfferet / allerley zeychen ihrer geleysteten hilffen / andere zu gleycher abgötterey anzureizē / auffhenget / Dann auch umb her treget in den Processionen / vnd / wie man sie mit erschrockliche namen nennet / den Götstrachten / darbey singet / pfeyyfet / vnd schallet / mit allerley seytenspielen / etwan auch danzget / darnach prasset vnd sich voll vnd toll sauffet / Vnd in summa alles das treybet / vñ übet / das die Heyden heyren gözen diensten je getriben vnd geübet haben.

Diß ist die gemeine vermeinte verehrung der Engelen vnd Heyligen / in deren so grausam vil vnd erschrocklich Abgöttereyen stecken / als die bey den Heyden je gewesen seindt / Diß sehen die C. Deputatē täglich vor augen / ja dienen sonder zweyffel darzu. Dann stehet einer auff vnd prediget / Wie David sich vor dem Herren gedemötiget / da er vor der archē sprang / vñ von seynem weyb der Michol verspottet wurde / also spüngen auch sie in irem gözen vnd Sacrament tragen / vñ leyden daß gespöt von vns Kerzeren. Der ander prediget / So man sich neyge / vnd daß haupt entdecke / wann man den namen Jesu nennet / warumb man sich nicht solte auch vor den gözen / vñ dem heyltumb neygen / vnd für sie nider fallen?

Wa bleiben da die Theologicæ censuren? Wa eyfer für

vnd anruffen der Heyligen. xxj

für die ere Gottes: Sind nun die bilder vnd abgötti-  
 schen Götzen zühaltē, wie der selige name vnser̄s Her-  
 rē Jesu Christi: Wie wol sich auch kein Christ neyget/  
 oder sein haupt entdeckt, gegen der leiplichen stimme  
 oder wort, wenn es den namen Jesu höret, wie die ar-  
 men verfürten leuth sich vor den götzen neygen, nider  
 fallen vnd sie anbetten, sonder vor Christo vnser̄s Her-  
 ren selb, den das glaubige gemöt, so es seinen namen  
 höret, im hertzen anschawet. Also, solle das heidnisch  
 götze gepreng, wider das öffentliche Gottes wort an-  
 gerichtet, vergleychet werden dem Gotseligen sprin-  
 gen, vnd Got loben, der besserlicher beweysung des  
 waren glaubens, vnd einbrünstiger liebe zu Got, die  
 der fromme Dawid, nach dem wort Gottes, vor seiner  
 Arcen erzeygete: Vnd diß sollen die fürnemen liechter  
 diser Theologen sein.

Damit aber du Christlicher Leser etwas grundeli-  
 cher erkandniß, vnd Gotseliges vrtheyls fahest, auß  
 dem Gottes wort, Von dem waren vñ falschen, Got-  
 seligen vnd abgöttischen anbetten vnd anruffen Got-  
 tes, Von dem gefelligen Gottes dienst, vnd grewli-  
 chen götzen dienst, vnd allerley abgötterien, die lei-  
 der bey vns genanten Christen lengist schwerlich vber  
 handt genommen habē in allerley kirchen übungē, Wil-  
 ich dir hie von, ee ich den C. Deputaten auff jre Calum-  
 nien vnd Sophismata von der Heyligen verehrung  
 vnd anruffung antworte, etwas berichts thün, auß  
 der Heyligen Götliche Schrifft, auß deren wir allein,  
 des eygentlichen vnd gewissen bericht haben mögen,

Von dem waren vnd falschen anbetten  
vnd anruffen Gottes/ von dem waren  
Gottes dienst/ vnd allerley  
Abgottereyen.

**H**Je von gewissen vñ grundtlichen bericht zu ver  
nemen, so sehe frommer Christ selb an/ bedencke  
vnd erwege, das erste vñnd haupt gepott / von  
dem waren vnd falschen anbetten vnd verehren Got  
tes/ Das also lautet/ Ich der H E R R E bin in dein  
Gott / der dich auß dem diensthausß Aegypti gefüret  
habe/ Du solt keyne gotter neben mir haben/ Du solt  
dir keyne bildnüss/ noch iergent ein gleychniß mach  
en/ weder des/ das oben im himmel/ noch des das vñ  
den auff Erden/ noch des das im Wasser vnder der  
Erden ist/ Neyge dich nicht vor ihnen/ vñ diene ih  
en nicht. Exod. xx. Deut. v.

In diesem gepott fordiet der Herr / das wir ih  
den der vns diese seine wort vnd gepot fürgeben hat/  
in Christo vnseren herin erkennen/ halten/ vnd anrū  
ffen/ als vnseren einigen Gott/ der allein vns alles ar  
ges vnd beschwerlichs allein abwende / vñ alles gūts  
allein verleyhe zu seel vnd leyb / Vñ das ewige leben/  
Vnd das alles nit durch einigen vnsern verdienst/ son  
der allein durch die versünung vnser Herrin Jesu  
Christi/ Welches erkennen/ halten vnd anruffen/ in  
sollichem gewissen vnd hertzlichen glauben geschehen  
muß/

vnd falschen anbetten Gottes. xxij

muß. Das wir vns Got in Christo vnserē Herrn genzliche vertrauwen vnnnd ergeben/ Neben ihm vberall nichts fürchtē/ nichts anruffen/ vns nichts getrösten/ Sonder allein an ihm vnserem Gott vnnnd Heylande hangen/ ihm leben/ ihn fürchten/ ihn lieben/ im dienē. Dann also hatt Gott selb diß sein gepott durch den Mose erkleret. Deut. vj. Höre Israel/ Der HERRE vnser Gott ist ein einiger HERRE/ vnnnd solt den HERREN deinen Gott lieb haben von ganzem hertzen/ von ganzerseelen/ vnnnd allem vermögen. Item Deut. x Nun Israel/ was fordret der HERRE dein Gott von dir/ den das du den HERREN deinen Gott fürchtest/ das du in allen seinen wegen wandlest/ vnd liebest ihn/ vnnnd dienest dem HERREN deinem Got von ganzem hertzen/ von ganzer seelen/ das du die gepott des HERREN haltest / vnnnd seine rechte die ich dir heüte gebiete/ auff das dirs wol gehe:

Ja ein soliche liebe/ vnnnd solichen dienst fordret der HERRE von vns/ das wir seine gepott vnnnd rechte halten/ die ehr vns gepeuetet/ vnnnd von den selbigen nicht austretten/ weder zür rechten noch zur lincken/ weder darzu noch darvon thun/ in dem nicht vnserem/ noch einiger creaturen gedicht/ noch fürgeben folgen. Deuteronom iij vnnnd xij. Derhalben wir vns nitt allein theine bilder/ sonder auch theine andere zeychen/ ceremonien/ oder gepreliche fürnemen S ij müssen

## Von dem waren

müssen/da durch/oder da bey wir Gottes gnad vnd hülff besonders suchen/ vnd also Got/ vnd sein hülff/ an soliche vnser gedicht binden/ Vnd im dan alda für nemlich sein eh: vñ dienst beweysen wolten / one seyn wort/one sein befehl. Dan allein in seynem wort will er erkennet sein/dennach müssen wir seyne gnad vnd hülff durch Christum seynen lieben Son suchen vnd an nemen/dennach müssen wir im dienen Das selbige fü ret vns auch allein in rechte/ware/lebendige erkand: niß der Allmechtigkeyt vnd ewigen güte Gottes / in Christo vnserem Herren / stellet vns vnser siind vnd verderben/vnd das strenge gericht Gottes dagegen recht vor augen/vñ treybet vns also gantzlich zu Christo vnserem Herren/vnd einigen Heylandt/vnd haltet vns in im/ Der dan das endt des gesetzes ist/zur gerechtigkeit einem jeglichē der an in glaubet Ro. x. In dem wir allein recht leben vnd Got dienē/ in warhafftter heyligkeyt/vnd gerechtigkeit/vnd betten in an im Geyst vnd warheit/wie er dan anbetter haben wille/vnd keyne andere erkennenet.

Darumb Götter haben neben dem eynigen waren Got/geschicht nit allein/wenn die leuth etwas vn: sin nigs gedichts (Dan in der warheyt kan nichts solichs sein) fürnemen/von dem sie hülff vnd trost suchen/sonder auch so sie hülff vnd trost suchen durch andere mittel vnd weg / dann Got geordnet hat/vnd vnder stohn Gottes hülff vnd gnad an ire gedicht zu bindē. Dan so der mensch die mittel vnd weg Gotlicher hülff vnd

vnd falschen anbetten Gottes. xxij

vnd trostes verachtet / die Gott selb vns fürgegeben hat / vnd süchet / oder nimet an andere mittel vñ weg / welche dan allein vom Teuffel / vñ seynem gesind müssen erdicht vnd fürbracht werden / so verlast der mensch mit dem wort des einigen waren Gottes / auch den selbigen einigen waren Got / weß er sich sein mit worten rühmet / vnd in seinem hertzen von im dichtet / Vñ süchet jezund die hülff nit von Gott / des mittel vñnd ordnung zü helffen er verachtet / sonder vom seynen falschen gedichten / die nierget sein / ob die der mensch wol Got nennet. Dienet also auch niemand anders / dan eben dem anstifter vnd fürgeber solcher falschen mittel / dem vatter der lügen / Dem leydigen Satan / Welches du auß allerley lehren vñnd exemplen der schufft zü erkennen hast. Nymme aber allein für dich / das die Schufft vns zeuget / vonn der ersten abgöttes rey des volcks Israel nach entpfangenem gesez / So würstu das eygentlich also befinden.

Der Gottes hilff durch andere mittel süchet / dan Gott geordnet / der süchet die hülff auch nit von Got.

Dan als vns die schufft zeuget / da die kinder Israel das gülden kalb machten / vor dem jr opffer thetten / vñnd Gottes dienst bewysen / wolten sie mit nichten söliche opffer vñnd dienst dem gülden kalbs gözen thun / sonder de Herren / der sie auß Egypten landt gefüret hat / aber bey vñ vor diesem bild / vnd gedechtniß Gottes / als sie es fürgaben. Dan also ließ Aharon auß rüffen / Morgen ist des **J E R R E N** fest. Vñ das volck sagte / Disß seindt deiner Götter Israel / die dich auß dem landt Egypti gefüret haben. Sie wolten kei

Die kind der Israel wolten den waren Got in ire gülden kalb anrüffen vñ eren / nit das kalb. Exod. 32.



## Von dem waren

nen frembden Gott / nach sil weniger dem kalbs Götzen festhalten vnnnd opffer thün / sonder allein dem **HERREN** / vnnnd dem Got der sie auß Egypten land gefüret hat. Sie wusten ja wol / das sie das bild des kalbs gegossen hatten / vnnnd das es sie nicht auß Egypten gefüret hat. Sie woltē aber das diß bild des Gottes / der sie auß Egypten gefüret hat / bild vnd gedechtniß sein solte / dabey sie in anruffen / sein rath vñ hilff erbitten vnd erlangen / Vnd im darumb bey diesem bild opffer thün wolten / Haben also Got an ein creatur gebunden one sein befehl vnd wort / gleych als wolt ehr da gnediger sein / vnd sie eer erhören / dan an anderen orten.

Dañ weyl sie Mosen / wie sie meinten / verloren hatten / der inen vor augen gewesen / Gottes rath angezeygt / vnd hilff erworben hatte / wolten sie etwas anders vor augen habē / durch dz sie Gottes rath vñ hilff suchten vñ erlangeten. Derhalben sie auch das abwesen des Mose zur ursach gegen dē Aharon fürwandten / das sie ein Götlich bild fordretē. Mache vns Götter / sagtē sie die / vns fūrgohn / danñ wir wissen nicht / was diesem man Mose widerfarem ist / der vns auß Egypten landt gefüret hat. Darumb wolten sie eben des einigen waren Gottes bild haben / der sie auß Egypten gefüret hat / vñ das an stadt des Mose. Vñ nicht das bild selb für iren Got halten.

In dem soll niemand irren das / Götter / hie stah / vnd nit / Got / danñ die schrifft diesen namen **Elohim** / der

von falschen anbetten Gottes. xxiiij

der Götter heysset / allenthalben dem einigen waren  
Got zü gibt / der in allen regierenden vnd gewaltigen  
sein krafft vñ werck übet / So ist's auch dem brauch der  
schrifft nit entgegen / das das zeychen / vñ die gedechtniß  
Gottes Got genennet werde / wie die Schrifft sol  
chen namen / auch der laden des bundts offft gibt / wel  
che ein zeichen war Götlicher gegenwertigkeyt / Es  
pflegen auch die gemeinen leuth dermassen von bilde  
ren zü redenn / das sie vnser frauwen bild / vnser frau  
wen / S. Peters Bild / S. Peter nennen.

Auß dem nun vñnd anderenn orten der Schrifft /  
wie auch auß gemeinem menschlichem verstandt / hat  
daran niemant zü zweyffelen / das die Juden vñ hei  
den / die des Götzendienst in der Schrifft gescholten  
werdenn also törecht nie gewesen sindt / das sie het  
ten gemeint / das die bilder vnd Götzen / die sie gemas  
cht haben / solten ire Götter selb gewesen sein / sonder  
haben sie als irer Götter gedechtniß / vnd vorbildung  
erkennet / vnd gehalten / Vñ wenn sie für sie nider ge  
fallen / hend vnd augen gegen jnen auffgehebt / ihnen  
opffer vnd rauchwerck gethon / haben sie das nie wöl  
len jnen / den onsehendē / onhörenden / onbefindenden  
Götzen thun / sonder dem ewigen einigen Got / vñ sey  
ne krefften / Englen vñ dieneren / die sie vnder den na  
men Mercurij / Veneris / vnd Palladis / vnd anderer  
haben verstoñ wöllen.

Die alten  
Götzen  
diener ha  
ben nit  
die Götze  
selb für  
ire Göt  
ter gehal  
ten.

Was sagt aber Got darzū in seyner 3. schrifft: Sie  
haben angepöcttet / vñ dienst gethon den wercken irer  
hende. Sie

## Von dem waren

**Pfal. 106** Sie machten ein Kalb in Horeb/ betheten an das gegoffen bild/ vnd verwandleten ire ehre in ein gleychniß ey nes Ochsen der grasß isset Sie vergassen Gottes ires Heylands/ der so grosse ding in Egypten gethon hat. Psalm. C. vi. Sehe frommer Christ/ Das volck sagte/ sie betheten bey dem kalbs gözen den **H E R R E N** an/ iren waren Got/ hieltē dem fest/ thetten dem opffer/ vnd dieser Göz solte allein ein gedechtniß vnd zeichen Gottes sein. Got sagt aber/ sie haben den Gözē angepetten/ vnd nit in/ haben da nicht seyn gedechtniß gehalten/ sonder sein vergessenn. Warumb daß? Got wolt von seynem volck nicht durch die Gözen/ sonder durch seyn wort erkennet sein/ vñ in zū gedechtniß kōmen. Wolte/ das sie in in/ war hertzlichē glauben anrufften durch den eynigen Messiam/ seinen lieben Son den er inen verheissen hat/ vnd in seinē opfferen vnd Ceremonien fürbildet vñnd fürstellet/ Wolt das sie im seyne ere vnd dienst bewysen durch den selbigen Christum/ mit warer heyligkeyt vnd fromkeyt/ vñnd darumb nach seynem wort/ vñnd nit nach ihren gedichten.

Wolte auch nicht/ das sie ihn den Schöpffer aller dingen/ vñnd der sich in allen seynen werckenn so hertzlich erzeyget/ etlichen seynen wercken verglichen/ vnd da durch seyne glori vnd herlichkeit verdunckelten/ vñ einzügen/ vnd da mit seyne ware erkantnuß vñ forcht in den hertzen der menschen erlöscheten. Wie er dann durch den Jesaiam klagt/ vnd spricht.

Wenn

vnd falschen anbetten Gottes. xxv

Wem wöllet ihr denn Gott nach bilden? Oder was für ein gleychniß wöllet ihr imzurichten? Der meyster geuße wol ein bild/ vñ der goldtschmidt vberguldets/ vnd machet sylberen ketten daran. Desgleychen/ wer ein armes opfergelt vermage/ der welet ein holz das nicht faulet / vnd suchet ein klugen meyster dazu/ der ein bilde fertige das bestendig seie. Wisset ihr nicht? Horet ihr nicht? ist es euch nicht vormals verkündigt? Habt irs nicht verstanden von anbegin der Erden? Er sitzt vber dem kreysß der Erden/ vñnd die darauff wohnen sindt wie heuwschrecken. Der den himel außdenet wie ein diin fell/ vñ breyttet sie auß wie ein hütte dar in man wohnet/ Der die Fürstē zū nicht machet/ vnd die Richter auff erden eytel machet/ als hette ihr stam weder pflanzen/ noch samē/ noch wurzel in der erdē/ das sie/ wo ein wind vnder sie wehet/ verdorren/ vnd sie ein wind wirbel wie stoppeln weg fūret. Wem wöllet ihr denn mich nachbilden dem ich gleych seie: spricht der heylige Esaie. xl. Der gleychen klag vnd straffen Gottes wider das götzen werck haben wyr bey diesem vnd andern Propheten vil/ vñnd gar ernstliche.

In welchen klagen Gotes wöllest doch/ Christlich er leser/ ansehen vnd erwegen/ warumb Gott so vil/ vnd ernstliche klage vber das Götzen werck/ vnd andere von mensche erdichte Gotes dienst/ füre/ Bedencke/ vñnd erwyge die wort deinres Gottes vnd heylands/ so würstu selb woll erkennen/ das diß die vr-

Warumb  
Gott so  
ernstlich  
vber die  
frembdē  
Gottes  
dienst kla  
get.

## Von dem waren/

sach ist solicher ernstken klagen vnnnd straffen Gottes/  
Das seine Göttliche mayestet vnd glory die alles er-  
füller/ vnd in seinē selb eigen wercken allen/ himlischē  
vnd irdischen/ so vberherrlich vñ gewaltig an allen or-  
ten vnd enden/ vns in die augen/ sinn/ vnd hertz/ wa-  
wyr nicht wolten so gar blindt/ vnd thumb sein/ schei-  
net/ Durch solche erdichte Gottes zeychen/ bilde/ vnd  
dienst eingezogen/ vnd verkleynereet wurdte/ Vnd alle  
ware lebendige erkantniß vñ forcht Gotes/ in den her-  
zen deren/ die sich zū solichen gedichten wenden/ ver-  
schlagen/ vnnnd abgewandt/ Das solche inmer tumber  
vnd verstockter werden in ihren sünden/ vnnnd verder-  
ben/ fülen ihre sünd nicht/ ergeben sich allen bösen lü-  
sten vnd begirden des fleyschs/ das sie endtlich Got-  
tes ganz vnd gar vergessen/ ja auch seine feyndt wer-  
den/ vñ verfolger seines waren glaubens vñ diensts.  
Wie man das zū diesen vnseren/ vnd allen zeyten sie-  
het/ vnd gesehen hatt/ bey allen denen/ die sich an die  
frembden gottes dienst begeben haben.

Dis ist die vrsache darumb Gott vber die erdichten  
Gottes dienst/ vnd das verbilden Gottes so ernstlich  
klagt/ vnnnd ihm ein solcher greuwel ist. Darumb er  
auch allenthalben zenget/ das alle dienst vnd ehr/ die  
ihm die leuth/ bey vnd durch solche Teuffliche gedichte  
thun wollen/ den Gözen vnnnd Teufflen/ nit ihm  
thun/ Da her auch der Apostel Paulus von den hey-  
den sagt. Was sie opfferen das opfferen sie den Teuf-  
feln/ vnd nit Gott. Dafür es aber die heyden nicht  
hielten/ Sonder vermeineten/ nit weniger denn vnse-  
re Gözen diener/ ihr opffer zū thun den Engelen vnd

Gottes  
dienst on  
Gottes  
wort ges  
sicht  
den Teuf-  
fel.  
1. Cor. 10.

vnd falschen anbetten Gottes. xxv

Dieneren Gottes / die ihnen des ewigen vnnnd Ebristen  
 Gottes gnad vnd hilff erwerben vnnnd beweyssen sol-  
 ten / jeder nach seiner macht / vnd dem ampt das er  
 vom Ebristen Gott entpfangen hette. Weyl aber der  
 einige ware Gott / da von nichts befohlen hatt / wie  
 auch nicht von götzen / sonder von anfang erfordert /  
 vnd gepotten / das wyr ihn erkennen vnnnd ihm dienst  
 beweyssen sollen nach seinem wort / Erkennet vnd sa-  
 get er / des erkantniß allein gerecht / vñ des wort allein  
 war ist / Das Juden vnd Heyden / welche ihn oder sei-  
 ne Engel vnnnd diener haben wöllen bey den götzen  
 anruffen / vnd inen dienst beweyssen / das sie nicht ihn /  
 noch seine Engel vnd diener / sonder die götzen / vnd  
 werck ihrer hendē angernufft habē / denen ehr vñ dienst  
 beweyssen / Vnd das sie vermeinet haben den Engelen  
 vnd dienern Gottes zū ihrem heyl verordnet zū opffe-  
 ren / das sie das mit inen / sonder den teuffeln geopffert  
 haben. Dan sie / weyl sie ihren dienst also wider Got-  
 tes wort fürgenommen / allein den Teuffelen damit ge-  
 fallen vnd dienst gethon haben / Vnd dem warē Gott  
 vnd seinen waren dieneren / nit allein keynent angene-  
 men dienst / sonder einen greuwel vñ tratz beweyssen /  
 als er in allen seinen Prophetē so ernstlich zeuget. Dan  
 der Herr wie nun so offte gesagt / vnnnd vns nymer ges-  
 mug gesagt werden mage / will / das wyr ihn nach sei-  
 nem wort inn Christo vnseren Herrn erkennen / an-  
 ruffen / von im seine hilff suchen / entpfahē / gebrauch-  
 en / vnd im alle ehr vnd danck dar für sagen / vñ bewey-  
 sen / Vñ von dem weder zū rechten noch zur lincken ab-

## Von dem waren/

weichen/ Vnd was der mensch in dem allen feylet/  
darin fellet er ab/ vnd wendet sich von Gott.

Die ges  
meine ab  
gotterei.

Welches dan in zweyerley weyse geschicht. Die eine  
ist/ Wenn der mensch nitt alle hülff vnd trost erstlich  
vnd gantzlich suchet von vnserem einigen Gott / der  
sich vns in seiner schrift/ vnnnd in Christo zuerkennen  
gegeben/ vnd alle hülff verheyssen hatt/ Sonder wert  
det sich zu sich selb/ oder zu andern creaturen/ bey den  
nen ehr hülff vnd trost suchet. Als die thum/ die in iren  
nöten vnnnd anligen an Gott mit gedencfen/ noch ihu  
ymb hülff bitten / sonder keren sich alsbald / entwe  
ders/ zu ihrer eygen vernüfft vnd vermögen/ vnd vn  
derstohn ihnen selb zu rathen/ Oder aber zu anderen  
leuthen/ als zu grossen Herren/ oder sunst guten freun  
den/ denen sie verstandt/ willen/ vnd macht/ ihnen zu  
helffen zugeben/ Oder zu den gestorbenen heyligen/  
deren bilderen/ vnd gepeine. Oder auch zu bösen Teu  
ffelischen kunsten. Die ander weiß der abgotterei ist/  
wenn die leuth die hülff vnnnd den trost mit ihren ge  
dancken vnd worten von dem einigen Gott begeren/  
thun aber das nitt vff die weg/ vnd durch die mittel/  
die Gott darzu verordnet hatt.

Der mitt  
ler aller  
hülff gots  
tes ist  
Christus.

Dann erstlich hatt vns Gott/ vnseren einigen Mit  
teler vnd Heyland geschencft/ vnd fürgesetzt/ seinen  
lieben Son/ vnseren herin Jesum Christum/ durch den  
wir allein ein freyen zugang zu ihm haben/ Vnnnd wie  
der allein vns die gnad des vatters durch seinen rodt  
erworben

vnd falschen anbetten Gottes. rrvii

erworben, den vns mit vater versünet, vnd seine kin-  
der gemacht hat / also will der vatter auch durch ihn  
von vns in alle anligen angerüffen sein / durch in wil  
er vns helfen / so wir vns im mit war rew vñ leidt der  
sünden / vnd herzlichher begird der besserung ergeben /  
vnd ihn in dem namen dieses seynes Sons / vmb alle  
hilff anruffen.

Darumb welche menschen / mit alle hülff vnd allen  
trost von Got durch diesen mitler / seynen liebe Son /  
in sölcher rew der sünden / vnd warem glauben an ihn  
suchen / die suchen auch die hülff nit bey dem eynigenn  
waren Got / sonder dichten inen ein eygen Gott / der  
helffen wölle außser dem Herren Christo / der aber nier  
get ist.

Zum anderen hat Got auch seine diener vnd werck-  
zeug geschaffen / durch die er vns hilffet / Engel vñnd  
menschen / Auch andere creaturen / die er zu vnserem  
gebrauch als mittel verordnet hat / Etliche zum ge-  
brauch des glaubens / vnd der neuwen gepurt / als do  
seind sein J. wort vnd Sacrament / Etliche zum ge-  
brauch der natur vñnd auffenthalt dieses lebens / als  
da sind die ding / die er vns zur speys / artzney / leybli-  
chem schutz / vñ schirm / verordnet hat. Aber diese Got-  
tes diener / werckzeug / vnd mittel seynes hilff / müssen  
wir also ansehen vnd gebrauchen / als die Got vns da  
durch zu helfen / vnd seyne gütthaten zu bewysen ge-  
ordnet hat / vnd sie auch derhalben gemeinlich darzu  
gebrauchet / aber doch der massen / dz er seyne hülff an  
soliche diener / werckzeuge / vnd mittel nit gebundē ha-

Diener /  
werck-  
zeug vnd  
mittel  
Görlichs  
er hülff.



## Von dem waren

he/Also/das er vns/ weñ wir diese seine diener vñ mittel haben/darumb seine hülff durch die alwegē bewyssen/vnd weñ wir sie nit haben/vns darumb an seyner hülff lassen wölle. Derhalben will er das wir vor alle hertz vnd gemüt zū im erheben/durch vnseren/zerren Chrustum/vnnd in durch den bitten / das er vns seyner hülff vnd gütthaten/ durch solche seine diener vñ mittel beweyssen wölle/ oder wie im das siest gefellige seie.

**Was Got** **versüchē.** Darumb Got auch verlassen / vñ sich in abgötterey begeben. Erstlich alle die/ so Gottes hülff vnd gütthaten/ die er vns durch gemelte seine diener/ werckzeug/ vnd mittel zū beweyssen vnd zū geben/ in seynem wort versprochenē hat/ von im nit süchen/ vñ annemen durch die selbigen seine diener/ werckzeug/ vnd mittel/ sonder wölle die von Gott haben one mittel solcher seyner diener/ werckzeug vnnd mitlen. Diß heisset die Schrifft siest Got versüchen.

**Gottes hülff** **durch mittel** **süchen** **die er dazu** **nicht** **geordnet/** **ist abgötterey.** Zūm anderem / auch die/ welche wol Gottes hülff vñ gütthaten süchen vñ annemen wölle / wie sie selb gedencken/ vnd sich in worten rhümen / durch die diener/ werckzeug/ vñ mittel Gottes/ sich aber deren nit gebrauchten/ wie die Got zū jeder seyner hülff vnd gütthatten in seynem wort fürgeben. vnd verordnet hat/ Sonder erdichten/ oder süchen dienst vnd werck von den dienern/ werckzeugen/ vnd mitlen Gottes / dazu sie Got nit verordnet hat/ vnnd die sie nit leyssen wölle len noch köndenn/ Oder wenn sie gleych zū jeder hülff vnd

vnd falschen anbetten Gottes. xxviij

vnd gütthaten Gottes geprauchē wöllen eben die die  
ner, werckzeug/ vnd mittel die Got dar zū verordnet  
hat/ vnd auch eben das werck vñ den dienst von inen  
suchen/ da zū sie Gott geordnet hat / doch das selbige  
werck vnd dienst nit vff die weys/ gestalt vnd mass sū-  
chē/ wie Got verordnet hat. Vnd daher kommen dan  
die größeren Abgöttereyen/ Gözen dienst / zauberey/  
vnd alles wüßte aberglaubige wesenn / dadurch die  
ware religion am greulichsten zerstöret würdt / vnd  
dar wider die 3. Propheten am ernstlichsten schreyen.  
Als/ diß durch exempel zū erklären.

Die lieben Engel hat Got geordnet / das er sie zum  
dienst auffsende vnd gebrauchē/ vmb deren willen/ die  
das heyl ererbē / wie die Epistel zum Hebreern zeuget/  
Weyl nun Got die allein auß seyner Götlichem güte  
ausendet / wie / vnd wa zū er will / Wa wir dann die  
hilffe Gottes / durch die Engel suchen wöllen wie er  
sie darzū verordnet hat / müssen wir vns vor allem zū  
Got bekeren/ mit war rew vnd leydt der sünden/ vnd  
lebendigem glauben an Christum vnseren Herren / vñ  
in bitten/ das er sie auffsenden wölle vns zū führen/ vnd  
zū fürderen/ zū seiner gehorsame/ vnd alles was vns  
zū der selbigen die ernstlich sein mag/ Auch behieten vñ  
retten vor aller übertretung seyner Götlichem ges-  
pot / vnd was vns zū der selbigen verleytem mage/  
Vnd wa wir in sünde gefallen / das wir vns als bald  
durch ware büß wider zur gehorsame Gottes keren/  
Auff das wir die Engel nit durch die sünd betrie-  
ben/

Wie man  
der Eng-  
gel dienst  
recht ges-  
prauchet,

## Von dem waren

ben/sonder durch stete besserung vnd Gotseligkeyt er  
frewē. Auff solche weiß allein sucht man die hülff Got  
tes recht durch die Engel/vnd bewysset jnen die rechte  
verehrung.

Wie man die Engel zu Abgötteren mißbrauchet.

Wann nun aber die leuth schon keine hülff von den Engelen/ als von ihnen selv / sonder allein wie sie sich auch selv bereden/ von Got/ durch die Engel suchen/ suchen aber solche hülffe Gottes durch sey / nit das sie Gotseliger leben/ Sonder zu fürderung/ vnd glück in leyplichen zeytlichen gütteren / one Gotseligkeyt/ Sûchen fürwitzige/ vnd vn besserliche erkantniß verborigner/ oder künsttlicher dingen/ Solche leuth vnderstohn die Engel jetz zu anderer hülff vnnnd gütthaten Gottes zu gebrauchten/ dann sie Got geordnet hat/ geben jnen dienst vnd werck zu/ da zu sie Got weder geordnet hat/ noch geprauchet. Darumb weyl sie in dem Gottes ordnung vnnnd wort verlassen / suchen sie jetzund auch nicht die hülffe Gottes bey vnnnd durch die Engel/ sonder verlassen Got/ vnd machē jnen die Engel zu Abgötteren.

Wie man die Heylige zu Abgötteren machet. Apoc. 14.

Dergleichenn geschicht auch mit den lieben abgestorben Heyligen/ Die hat Got in seyne selige rûhe gesetzt/ vnd vnserem dienst entzogen. Der Geyst spricht das sie rûgen von irer arbeyt. Doch wie sie in Christo rûgen vnd leben/ also schleußt man nit vnfüglich/ das sie auch vmb vnser heyl on vnderlaß bettenn/ auff die weiß/ die irem leben gepüret. Das wir aber söliche ire fürbit

vnd falschen anbetten Gottes. xxix

fürbitt bey ihnen durch einigs anruffen/ oder andere verehrung suchen vnd dadurch Gottes hulff erlangen sollen/ das hatt der Herr nicht befohlen/ noch gelehret/ Noch vil weniger das man sie zu besonderen himlischen hoffmeistern vnd marschalcken vnd heilanden mache/ die besondere dienst vnd empter von Gott haben/ vns zu helffen/ wie sie die prediger die ihres offerers genieß haben/ prysen/ vnd sie zu erschrocklicher verkleynung Gottes/ vnd vnsers Herren Jesu Christi/ unsere nothelffer nennen vnd aufruffen/ vnd ihne vnder scheydliche macht zuschreiben/ durch die sie vns allerlei plagen vnd straffen zusenden/ vnd dan wider umb abnehmen sollen/ wann man ihnen fastet/ feyret/ offeret/ vnd andere dienst beweyset. Welche dan mit solchen lügen glauben/ vnd durch die heyligen solche hulff suchen/ sie darumb anruffen/ vnd ihnen dienst bewysen/ darzu sie got nicht geordnet hat/ noch da von ihn seinem H. wort etwas vorgegeben/ die verkeren itzund auch Gottes ordnung/ vnd treiben an den heyligen abgotterei/ Als bey denen sie Gottes hulff suchen/ mit nach dem wort Gottes.

Also hat Gott geordnet seine H. Sacrament/ Tauff vnd Abendmal/ das wyr durch die/ wen wyr sie in warem glauben entpfahen/ wie sie vns vnserr Herr Christus befohlen hatt/ von sünden abgeweschen/ im ein-geleybet/ seiner erlösung vertroestet/ vnd in seinem leben gesterckt wurden/ Welche nun diese H. Sacramenten/ nicht der gestalt vnd massen brauchen/ son-

Wie man die Sacrament zu abgöterien machet.

## Von dem waren/

Der wöllen durch das Tauff wasser/ vnd brot des Abendmals/ vngewitter/ allerley suchten/ feindt/ feur vnd wasser vertreyben/ gut gewitter/ wachung der fruchten/ vnd andere zeytliche gutthaten erlangen/ die verkeren Gott seine ordnung/ mißbrauchen diese ding zur Abgötterey/ weyl sie die ander swo zu/ damit sie Gott verordnet/ zu brauchen vnderstohn.

Die singen/lesen bette zur abgötterey mißbrauchet wurde.

Der gleychen hatt vns Gott seine Schrifft vnd selige wort gegeben/ das wyr durch lesen/ sagen/ vnd singen der selbigē/ vnseren vñ anderer glauben er bauwē sollen/ Die wort der 3. gepett hatt er vnß fürgeschriben/ das wyr vns vnd andere damit zu dem warglaubigen betten des hertzens erwecken sollen/ Wann nun die leuth die selbigen wort vnd Schrifften Gottes mitt hie zu in Christo geprachen/ sonder wöllen das singen/ oder sprechen der selbigen/ so das in den kirchen oder sonst zu seiner eygen zeyt/ mitt besonderer weyß vñ maß geschicht/ da vor bildenen/ da vor dem Sacrament/ da vber den greberē/ darzu mißbrauchen/ das es ein besonder dienst vnd ehr Gottes/ vnd der heyligen sein solle/ denen sie darumb die Vatter vnser vnd Aue Maria/ in gewisser zal vffopffren/ das durch ihnen selb vnd den ihren/ Gottes vnd der heyligen hülff zu erlangen/ Diese treyben ietz mitt solichem irem verkeren singen/ lesen/ vnd betten Abgötterey/ suchen die hülff mitt bey Gott/ weyl sie die mitt durch die mittel/ die er darzu geordnet hatt suchen/ vnd die  
mit

## vnd falschen anbetten Gottes. xxx

mittel die er vns zum anderē geprauch geordnet/ also mißbrauchen/ Vnd seinen wercken andere würckung vnd krafft zu eygnen/ dann er vns in seinem wort für geben vnd befohlen hatt.

Die meinung hatt es auch mitt denen dingen/ die man one Gottes wort zu neuwen Sacramenten / vñ wirklichen zeychen vñnd instrumenten machet Gotlicher hilff vnd gnaden/ auch die sünden abzuweschen/ suchte vñ alle gespenst des Teuffels zuuertreyben/ glich vnd heyl an leyb vnd seel zu erlangen/ Vnd das nit allein durch des armen volcks aberglauben/ vnd mißbrauch/ sonder auch durch die segnen/ die die Priester vber solche zeychen/ vnd new erdichte Sacramenten/ wie sie die auch außtrucklich nennen/ offenlich singen vnd lesen. Von solchen zeychen vnd newgedichten Sacramenten seind/ Das gemein/ vnd die besondern geweyheten wasser/ die sie im namen der Heyligē weyhen/ das geweyhet saltz/ kerzen/ palmen vnd der gleichen. Welche ding Gott wol als mittel vñ instrument seiner guthaten vnd hilff/ nach ihrer natürlichen würckung/ zu güt dem menschen geschaffen/ vñnd geordnet hatt/ nit aber zu Sacramenten/ vñnd würcklichen zeychen einiger vbernatürlichen würckung/ als sünde abzuweschen/ Teuffel vñnd ihre gespenst zu vertreyben/ krankheitē vbernatürlich zu heylem.

Was aber gotterey in den neuen sacramentē vnd gnaden zeychen begange wurde Als des saltz bey dem tauff

Welcherley würckung die falschen heyligendiener  
3 4 auch

## Von dem waren

auch der heyligē gepein / grebern vnd bildern zū geben  
Damitt sie dann das gemein volck bewegt vnd verur-  
sacht haben / soliche gepein vnd bilder mit so grosser  
andacht / vnd von so ferrem zū besuchen / inen so reich-  
lich zū opfferen / sie mit so grossen verwunderen  
vnd begirten anzuschawen / für sie nider zufal-  
len / augen vnd hend gegen ihnen auffzugeben / sie  
zu küssen / vnd ihnen allerley ehre zu beweysen / sie  
vmb ihr frucht / feld / stette vnd flecken zu tragen / Al-  
les darumb das dise arme leuth beredt sein / diese ge-  
pein vnd bilder sollen Gottes vnd der heyligen  
instrument sein / ihnen zū helfen / Gottes vnd der  
heyligen gnad vnd krafft / raste / wie sie pflegen zū sa-  
gen / bey solichen gepeinen vnd bilderen / In dem  
aberglauben sie dan das auch stercket / das der Papst  
vnd Bischoffe ablaß darzu geben. In dem allen  
verkeren die leuth Gottes ordnung / vnd suchen dar-  
umb iezund mit hülff von ihm / wess sie des gedens-  
cken oder rhümen / sonder von ihren eygen gedich-  
ten / vnd sünden des Satans / Wie alle die Juden  
vnd Heyden gethan haben / vber die die Propheten  
so ernstlich von wegen der Abgottterey / vnd des  
götzen diensts / vnd der gleychen greuweln geschra-  
wen haben. Vnd würdt in ihnen nicht weniger  
erfüllet / dann es in den abgöttischen Juden erfül-  
let worden ist / die klage Gottes. Sie haben ge-  
opffert Götteren / von denen sie nichts gewisset ha-  
ben / neuen / die von menschen auffkomen sind / des-  
ren euwere Vätter nichts geachtet haben. Des Got-  
tes

vnd falschen anbetten Gottes. xxxj

tes aber der dich geporen hat/ des hastu vergessen/  
vnd des der dich geformieret hat/ hastu nitt gedacht.  
Deut. xxxij.

Dis schelten Gottes ist leyder ja zu diesen vnseren  
zeyten erschöcklicher weyß erfüllet. Dan zu alle glück  
vnd vnglück hat das arme verfürte volck seyne beson  
dere nothelffer/ vnd patronen/ vonn den gerhümten  
Heyligen/ seyne besondere dienst/ gepein/ Gözen/ vñ  
anders/ dadurch es verhoffet sich alles vngemachs zu  
entschütten/ vnd was es güts begeret zu erlangē. Des  
Gottes der es geschaffen/ vnd durch das blüt seynes  
Sons vom ewigen todt erlöset hat/ hat es vergessen/  
dencke an in nicht/ Ein legend von solchen vermeintē  
nothelffern geht im meer zu hertzen dann alle historię  
vnd lehren Gottes/ die wir in der gewissen geschriffte  
Gottes haben/ meer dann alle Euangelia / von vnse  
rem Herren Jesu Christo.

Des überzenget es sich selb/ so es sich in allerley nö  
ten als bald zu den Heyligen keret/ die anruffet/ denen  
gelübd thut/ opffer verheysset/ vñnd brenget/ on eini  
ges ernstlichs gedencfen an Got/ vnd sein strenges ge  
richt/ da von ihm allein die straffen zu kommen/ On  
herzlichs widerkeren zu Got/ mit warer reu vñ leid/  
vnd abstellung der sünden/ On herzliche gelubden zu  
Got der grundlichen besserung des lebens/ Vñnd die  
angeneimen opffer Gottes/ an den armen vnd dürffti  
gen seynen kinderen vnd glideren Christi.



## Von dem waren

Ja so der Herr selber zeuget, das wir ihn / vnseren  
eynigen Gott vnnnd Heylandt / selb in den dürfftigen  
brüderenspeysen / diencken / bekleyden / beherbergen /  
besuchen / trösten / vnd erquickten / Vnnnd das er vns  
des am jüngsten tag zeugniß geben / vnnnd vns in das  
Hymliche Reich seynes Vatters auffnehmen wölle /  
Noch gehet das den armenn verfürten blinden leu-  
then nicht zü hertzen / bewegt sie nichts / Aber auß dem  
lugenthafftigen erdichten legenden vnd fabulen / de-  
ren / die durch das falsche fürgeben von Heyligen iren  
zeytlichen genieß / mütwillen vnd pracht süchen / lassen  
sie sich dahin vermögē / das sie so mercklichen kosten /  
mühe / vnd arbeyt / ankeren / an die Götzen / vnnnd ge-  
pein der heiligen / wie sie die halten / vnd oft nicht we-  
nigers sind / die selbigen zü bekleyden / zü zieren / vnnnd  
zü schmücken / mit gold / silber vnd seyden / inen köstli-  
che sarkken / kassen / Altar / tafflen / kirchen vñ clausen  
zü zü richten / vnd zü bauwen / so sil geseng / Messen /  
vnd liechter zü bestellen / vnd zü erhalten / vnd lassen  
dieweil den lieben Christum in den armen darbenn /  
vnnnd allerley not vnnnd kummer leyden / lassen ihn on  
trost / on dienst.

Solichen greuwelen / solichem offenbaren erschöck-  
lichen abfall von Got / vnd Abgöttereyen / solten sich  
die C. Deputaten / vnd alle gemeine priester vnnnd Cle-  
ricen / biß an jr blüt entgegen setzen / wie alle Prophe-  
ten / Apostel / vnd ware Clericen Christi gethan ha-  
ben / So vnderstohn sich iren nach so siel die zü ster-  
cken /

vnd falschen anbetten Gottes. xxxij

cken / vnd zu vertethigen / dienen selb darzu / für  
 drens in ihren predigen / Vnd damit sie ihre maß wol  
 erfüllen / lassen sie nichts vnuersucht / da durch sie ver  
 hoffen alle die abzütreyben / vnd so vil an ihnen von  
 der welt zu vertilgen / welche mit freyer anzeyg Göt  
 lichts worts / soliche greuwel vnd Abgöttereyen entdes  
 cken / vñ das volck darvon wider zu dem waren leben  
 digē Got zu bekeren vnderstohn. Das würdt aber der  
 selbe ware Got vnd eyfferer / des name H E R R E  
 ist / vnd der seyne eh: keynem anderen / noch seynen  
 rhum den Götzen geben will / bald mit grossen ernst  
 richten / vnd seyne eh: an allen Götzen dieneren vnd  
 Predigern retten / vnd rechen.

Esa. 418

Wir wollen in dem das vnser thun / so lang vns der  
 Herz hie zu gebrauchen / vnd seyn gnad darzu mitthei  
 len will / vñ die leuth berichten / vnd abziehen / von die  
 sen greuwelen vñ Abgöttereyen / die leyder so gar er  
 schöcklich in der welt bey vns genanten Christen über  
 handt genomen haben / an den Heyligen / an den Sa  
 cramenten / an allerley kirchen übungen. Vnd bitte  
 dich Christlicher leser / du wöllest diß alles wol beden  
 cken / vnd erwegen.

Vnd damit du deinen glauben in dem desto steuffer  
 befestigen mögest / so bedencck vnd erwege neben ande  
 ren schrifftten / das wort vnsern Herren Jesu selb hie  
 von / das dir ja allein vberig genüg sein solle. Der sagt  
 in der person des Samaritanischen weybes zu allen  
 denen / die Got anbetten vnd im dienst beweisen wöl  
 len /

Alle die  
 Got mit  
 nach seya  
 ne von in  
 Christo an  
 bette wif  
 sen nicht  
 was sie  
 anbetten!

## Von dem waren

len/nicht nach seynem wort. Ir wissen nicht / was ihr anbetten / wir wissen aber was wir anbetten. Warum sagt nun vnser lieber Herre / Ir wissen nit was jr anbetten / vnd wir wissen was wir anbetten: Die Samaritaner / vonn welchen das weyb ware mit deren der Herre diese wort redet / wolten wol den Gott Israel nach seynem gesetz anbetten / daneben aber dienetet sie auch jren Gözen ij. Reg. xvij. Betteten also Gott an nit nach seynem wort. Die waren Juden aber / die der Herre im zü zulet / da er saget / wir / betteten Gott an nach seynem wort / one eyningen zûsatz frembder gedichten. Auß dem folget ja gantz onwidersprechlich / das auch alle die nit wyssen was sie anbetten vnd anruffen / wem sie dienst thûn / die nit vnseren Got vnd schöpffer aller ding nach seynem wort anbetten vnd anruffen / vnd im dienst bewysen in Christo Jesu vnseren einigen mitler vnd heyland / Vñ darumb / auch nit Got / sonder jre gedicht vnd fünde des Satans anbetten. Dann des Herren wort / seindt gemeine wort / die alle menschen zû allen zeyten zû gleich treffen.

Also bedencke auch das folgendt wort des Herren / das er des orts zû diesem weyb ferner saget. Aber es kompt die zeyt vnd ist schon jetz / das die warhafftige anbetter werden den Vatter anbetten im Geyst vnd in der warheit / Den der Vatter will auch haben / die in also anbetten. Got ist ein Geyst / vnd die in anbetten / die müssen in im Geyst vnd in der warheyt anbetten / Johan. iij. Das ist in warembendigen gläub /  
der

Was im  
Geyst vñ  
warheyt  
anbetten.

von falschen anbetten Gottes. xxxiiij

der das hertz von allem anderē vertrauwen abzeucht/  
vnd genzlich auff Christum den eynigen Heilandt ver-  
tröstet. Auch von aller frembden liebe vnd lust abwen-  
det. Vnd mit warer lust vnd liebe zū Got anzündet/  
Ihm zū dienen vnd zū leben. Vnd in allen dingen sich  
seines worts zū halten. Also müssen / spricht die ewige  
warheyt / die waren anbetter Got anbetten.

Müssen dann vn̄ istts von nöten / das die Got vnd  
nit ire Abgötter anbetten wollen / vnd also ware anbet-  
ter Gottes sein / in also wie er sagt / im geyst vn̄ in der  
warheit / das ist / in herzlichem glauben an Christum /  
vnd nach seynē wort / vnd nicht anders anbetten / So  
istts ja nicht möglichen / das in vn̄ nit ire Abgötter anbet-  
ten soltē / alle die in anders anbetten / das ist / nit nach  
seynem wort / durch seinen lieben Son / in warem hertz-  
lichen glauben / das ist nit im Geyst vnd der warheit.  
Auf dē sich ja vnwider sprechlich schleussēt / das gewiss-  
lich abgötterey begoh̄t / vn̄ den waren Got weder has-  
ben / noch anruffen / alle die / die hülffe vn̄ gnade Gots  
tes / durch die Engel / Heyligenn / Sacrament / oder  
etwas anders suchen / auff andere weys / gestalt / oder  
maß / dann eben wie vns der Herr diß alles in seinem  
seligen wort stür geschub̄en hat / Vnd das auch mit wa-  
ren glauben / vnd richtigem Geyst / der da ruffe vn̄  
bette in vnseren hertzen / Abba Vatter durch den eini-  
gen mitler vnd heylandt Jesum Christum.

Hat doch Gott niemandt je gesehen. Johann. i.  
vnd

Don dem waren

vnd kennet den Vatter niemandt dann der Son, vnd dem es der Son offenbaret, Matth. xi. Wie möchten wir dann auch wissen, oder köndten den Vater recht anruffen, vnd ihm gefellige dienst beweysen, daß allein so wir in den Vater anruffen vñ betrenn, wie vns das der eingeporne Son, der in dem schoß des Vatters ist, gelehret vnd so vberreichlich durch seine liebe Propheten, seyne getreuwe Apostel, vnd durch sein eygen mundt, dargeben hat, Der vns auch alles das kundt gethon hat, was er vom Vater gehöret hat, Johan. xv.

Vñ daher ist auch, das Got in seiner 3. Schuffte, wenn er die Abgötterey der alten straffet, die sie alle mal begiengen, es were an frembden Götteren vnd Gözen, oder an vermeinten falschen Gots diensten vñ ceremonien, oder auch an den Sacramentē, opfferen, vnd anderen ceremonien die er ihnen selbst ordnet hat, wen sie sich deren one waren glauben gebrauchten, also pflegte zu sagen. Danon hab ich euch nichts gepotten, noch befohlen, Danon hab ich weder dir, noch deinen vätteren etwas gesagt.

Besehe doch vñ erwege allein das der Herie durch den Propheten Jeremiam wider den mißbrauch der waren ceremonien, die Got selbst gepotten hat redet, am vij. cap. da er also schreibt.

So spricht der HERRE Zebaoth der Got Israel, Thut euwer Brandopffer vnd andere opffer zu hauffen

## vnd falschen anbetten Gottes. xxxiij

fen / vnd fressets fleysch / Denn ich hab euweren Väteren / des tages / da ich sie auß Egypten landt fürsete / weder gesaget noch gepotten von brandopffern vnd andern opffern / Sonder diß gepot ich ihnen / vnd sprach / Gehorchet meynem wort / So will ich euwer Got sein / vnd ihz solt mein volck sein / vnd wandlet auff allen wegen die ich euch gepiete / auff das euch wolgehe / Aber sie wolten nit hören / noch ihre ohren zü neygen / Sonder wandleten nach ihrem eygen rhat / vnd nach ihres bösen hertzen geduncken / vnd giengen hinder sich vnd nit für sich.

Sehet weyl die Jüden die brandopffer / vnd andere opffer / die ihnen doch Gott zü opffern verordnet vnd gepotten hat / mit mit warem glauben / der one rew der sünden / vnd ergebung in gehorsame Gottes nit sein mag / opfferten / vnd in dem / dem wort Gottes nicht gehorchten / saget er / sie solten ire opffer mir hin nemen / vnd das fleysch selb essen / er hette ihnen dauon nichts gebotten / nemlich ihm also one warem glauben zü opffren / vnd sich des eufferen wercks zü getrösten / one rew vnd leyde der sünden / one warem lebendigen glauben an den Messias.

Durch den Jesaiam j Saget er / soliche opffer seyen im ein last vnd greuwel / er möge sie nit leiden.

Siehe frommer Chrift diß zeuget Gott von dem  
J ij dienst /

Don dem waren

dienst / den das volck doch ihm selb vnd keynen frembden Götteren beweyßen wolte / auch nicht nach den sünden des Teuffels / sonder / so vil das eusserlich antraffe / nach dem wort Gottes / allein darumb / das sie ihm diesen dienst one glauben vnnnd wares ergeben an seyne gehorsame durch Christum / thün vnnnd leyden wolten. Was solle er dann nun sagen / von dem dienst vnserer vermeinten Heyligen / vnnnd Götzen dienen / den sie den Heyligen beweyßen / vnnnd offte kaum an Gott in dem gedenccken? Oder so sie Gott in dem mit munde rhümen / vnnnd gleich auch im hertzen gedenccken / doch soliche dienst bey den Götzen / vnd in anderen Ceremonien üben / nicht nach seynem wort / sonder stracks darwider?

Darumb so wisse / bedenccke / vnd lasse nimmer vom hertzen vñ gemüt / das wir vnseren eynigen warē Got vnd Schöpffer dann allein recht anbetten / anruffen / gnad vnd hülf bey jm suchen / von jm erlangen / vnd jm preisen / vnd mit angenehmen dienstē verehren. Weñ wir vor allem diesem seynem wort vñ Euangelio glauben geben vnnnd gehorchen / in dem er sagt / Ich will ewer Gott sein / Das wir in in Christo vnserem Herren in warem glauben erkennen / als vnseren eynigen almechtigen Got / der vns allein erschaffen hat / vnd vns vmb des mitlers Christi willenn zu ewiger seligkeit beruffen / vñ dar zu erhalten will / vnd mit geystlichen gaben erleuchtet / vñ mit zeitlicher notturfft darumb versorgen will / Darumb wir in allein / vnd allein durch

vnd falschen anbetten Gottes. rrrv

durch seinen lieben Son vnsern Herrn Christum anruffen sollen, das er auß seiner lauten barmhertzigkeyt/ vnd durch den verdienst seines Sons, vns von allem argen erlöse, vnd behiete. Vnd vns seine güten geyst/ mehrung vnd stercke des waren glaubens verleyhe/ sampt allen dem an seel vnd leyb/ das vns darzu inier dienstlich vnd fürderlich sein mage, das wir in allem vnserem leben, thun vnd lassen, seinen Göttlichen namen bey den menschen mehr heyligen, vnd sein Reich fürdren mögen. Vnd wa wyr Gott nitt eben also anbetten, anruffen, vnd im dienen/ so sind wyr eben der Gottes diener vnd anbetter/ von denen er in erzelter klage sagt/ Sie wöllen nitt hören/ noch ihre ohren zü neyge. Sonder wandlen nach ihrem eygen rath, vnd nach ihres bösen hertzen geduncken/ gohn hinder sich vnd nitt für sich.

Thun zü dem erzelten waren anruffen Gottes bitten vnd erlangen göttlicher gnaden vnd hilff/ mögen die gedechtnißen der lieben heyligen/ vnd herliche exempel ihres glaubens so ferre fürderen. Wa wyr die selbegen exempel in Christo vnserem Herren betrachten/ als lautere geschenck vnd gaben Göttlicher güte vnd milte/ in welchen vns der liebe Got seiner grossen gnadē vñ güte erinneret/ vns da durch zü erwecken vñ anzureyzen/ das auch wyr solche gaben von seiner liebe vnd güte/ durch den selbigen vnseren Herren Christum verhoffen, vnd ihn darumb bitten. Vnd dann Gott in sollichem glauben preysen, vnd den nehesten besseren.



## Von dem waren

Wa man sich aber das wenigst ihres fürbittens oder verdienstes/ an im selbst getrösten/ oder ihnen einige Krafft oder macht zu helfen zuschreiben will/ wie so vil verblendter leuth thün/ da ist schon die ware anruffung Gottes auß dem mittel gestossen/ vnd ongezwiffelte Abgötterey an den heyligen geübet.

Also geschicht auch wan man der heyligen gepeynt/ vnd bildenißen/ weyters gelten lasset/ dan das sie die waren vnd besserlichen historien der lieben heyligen zu gedechtniß bringen/ damit wyr im glauben an Christum gestercket werden.

Also dienen vns auch die 3. Sacrament/ zu dieser waren anruffung vnd anbettung Gottes/ wenn wyr die in waren glauben an Christum/ vnd den selbigen zu stercken entpfahen/ aller dingen wie er sie eingesetzt/ vnd vns zu geprauchten befohlen hatt/ Wa anders/ das man sich der Sacramentlichen zeychen an ihnen selbst getröstet/ stößet man abermal die ware anruffung vmb/ vnd treybet gewisse abgötterey mit diesen zeichen.

Der gleychen die Gottlichen schrifft lesen/ singen/ betten/ sampt anderen kirchen vbungē/ wann man sich deren gebrauchet/ die erkantniß/ vñ den glauben Christi zu erbauwen/ vnd zu gleubiger andacht anzureyße/ dienen auch diese ding zu dem waren anruffen vnd anbetten Gottes. So bald man sich aber dieser vbungē an in selbst etwas getrösten will/ so wurd das  
war

vnd falschen anbetten Gottes. xxxvi

war anbetten Gottes vmbgestossen/ vnd onuerneinlich abgötterey getryben.

Eben das thut man auch mitt den natürlichen dingen/ Wenn man die nit nach dem sie Got geschaffen/ gebrauchet/ vñ sich in solchem geprauch seiner güte erinneret/ sonder machet die zu Sacramenten/ vnd gñaden zeychen/ dauon wyr keine Gottes wort noch befehl haben. Summa im Geyst vnd der warheyt müssen wyr Got anbetten/ vnd anders nit/ das ist/ schlecht nach seinem wort/ vnd in war herzlichem glauben an Christum Jesum vnseren Herren.

Diß habe ich Christlicher Leser von dem waren vnd falschen anruffen vnd anbetten Gottes/ von dem rechten Gottes dienst vnd Abgötterey/ an diesem ort etwas reychlicher wöllen erkleren/ vnd darvon erinnern/ das nit du nit allein diese disputation/ von der heyligē fürbit vnd anruffen/ auch von den Sacramenten vnd anderē kirchen vñbungen/ so ich habe gegen den C. Deputaten/ sonder auch allen streyt vnd mißverstandt von der Religion/ der sich dieser zeyt erhaltet vnd getryben würdt (wie allwegen/ wann Gott die reine lehre seines worts hat in der welt lautē lassen) desto eygentlicher vnd grundlicher verstohn möchtest/ Vñnd dich also bey dem waren/ lauterem anbetten vnd anruffen Gottes erhalten vnd stercken/ gegen aller geschwindigkeyt/ vñnd gewalt deren/ die sich vnderstohn/ das falsche anruffen Gottes/ vñnd die vnuerneinlichen Abgöttereyen/ zu malen/ zu verteydigen vnd

## Von veregrung fürbit

vnd zu erhalten. Der Herr gebe dyr alles in/ vnd nach  
seinem wort zu erkennen/ vnd dich des zu besseren/  
Amen. Nun will ich auff der C. Deputaten klag/  
falsch vrtheyl/ vnd ihre vermeinten argument ant-  
worten.

## Antwort auff der C. Deputaten für geben/ vom anruffen der heyligen/ vnd Sophistischem anfechten vnser Christlichen lehre.

**D**iesem Artikel streyt die C. Deputaten für  
das anruffen der Engel vnd heyligen/ vnd vns  
derstohn vns dabey mit falschem belegen/ vñ  
verkerē vnser reden in vilen articulen/ zu verunglump  
ffen.

Erstlich sagen vnd klagen sie/ ich lasse nitt zu/ das  
man die Engel anspreche/ das sie für vns bitten/ vnd  
vermane/ das man die heyligen nit solle anruffen. Ich  
lehre Gott den Vätter anruffen durch vnseren Herr  
ren Jesum Christum. Das hatt vnser einiger meyster  
Christus selb auch also gelehret/ vnd verheysen. Was  
wyr den Vatter in seinem namen bitten/ das werde  
vns der Vatter geben/ vñ er will vns das selbige selbs  
thun. Joan. xiiij. xv. vnd xvj. Also haben alle heyligen  
gepetten/ vñ alles damit erlanget/ was sie bedörfft/  
vnd begeret haben. Also bitten die gemeinde Gottes  
noch

vnd anruffen der Heyligen. xxxvij

noch in allen Collecten. So ist vnser Herr Christus allein der vns bey dem Vatter alles erlāget / wie er vns auch allein des Vatters gnad / vnd alle gutthaten / durch seinen todt verdienet vnd erworben hatt / vnser einiger mittler vnd Heylandt. Dazu mag vns niemand lieber habē dan er / vn̄ sich vber vnser elend meer erbarmen / Vnd was vns die heyiligen lieben / vnd sich vnser erbarmen / das hat er ihnen gegeben / vnd wirkt es in ihnen. Der halben sehe ich kein vrsach warumb mit alle Christen / an diesem einigen mittler vnd fürsprechē zū Gott / Christo vnserem Herrē solten genug haben. An diesem nun werden auch die C. Deputaten ie billich zū fridē / weyl sie sehen / zū was erschrocklicher abgötterey das anruffen der heyiligen gerathē ist. Sie sehe abermal fromer leser / wa wider / vnd wa für die C. Deputatē streyten / Für die ehr Christi / vn̄ sicheren trost der armen gewissen / oder für das / das ihnen das abgöttisch anruffen der Heyligen bringet vn̄ erhaltet?

Nun wie wol ich / das sie vom ansprechen vnd anruffen der Engel vnd Heyligen anziehen / in meinem buch mitt gesetzt habe / ie doch gestehe ich das gern / lehre vnd bezeuge / das alle getreuwe prediger Christi / die leuth nit lehren sollen / die Engel oder Heyligen selb / als ob die zugegen weren / vnd vn̄ hörten / ansprechen vnd anruffen / Sonder die leuth mehr darvon abziehen / vnd lehren darmitt genug haben / das sie den Vatter durch vnseren Herren Jesum Christum anruffen.

Kein getreuwer prediger Christi soll lehrē die heyiligen anruffen.

## Von verehrung / fürbit /

Allein das sie ihre brüder / die noch bey ihnen auff erden sindt / vnnnd die sie ansprechen mögen / bitten / das sie mitt ihnen / vnnnd für sie bitten / Auff das sie die damit verursachen sich auch zu Gott zu Feren / vnd die brüderliche liebe zu vben / vnnnd das danck sagen / vnd der preysß Gottes also gemehret werde. Welche ursachen des fürbittens / das wyr hie auff erden für ein ander thun sollen / der 3. Paulus vermeldet ij. Cor. j. Als er schribt / Wyr hoffen auff Gott / das er vns auch noch erlösen werde / so auch ihr durch das gepett für vns / das ewer den zu thun / auff das für unsere gabe von vilen personen / vil danck gesaget werde.

Warumb die brüder vff erden vmb ihr fürbit an zuspreche

Es ist auch die art menschlicher naturē also / das alle die / so etwas ernstlich / begeren gern wollten das sie derman das mitt ihnen begeret / vnnnd darumb bette / darnach sie ein besonder verlangen haben. Daher ist das die waren einbrünstigen heyligen / die sich nach der gnaden vnd dem Geyst Gottes am herzlichsten sehnen / am meysten der für vnd mitbitt zu Gott / wie auch des mitdanckens / vnd des lobens gegen Gott / von den brüderem begeren / In dem sie dann auch die ehr vnd herlichkeyt Gottes begeren großzumachen / Zu des ehr ja dienet / das ihm vmb seinen gnaden vnd guthat vil leut flehen vnd danck sagen.

Also thut auch erbar leuth gegen den menschen / die sie ehrlich vnnnd hoch halten / vnd deren gutthaten sie theur schetzen. Wenn die etwan ein lehen / oder ein ander

vnd anruffen der Heyligen. xxxviij

ander besonder gutthat von einem Fürsten/ oder ande-  
 ren furtrefflichen man entpfahen wollen/ gegen dem  
 sie sich begeren ehrlich vnd danckbar zu beweysen/ ne-  
 men sie ihr besten vnd fürnemsten freunde zu sich/ den  
 Fürsten oder fürnemen mann mit zu bitten/ ob sie  
 gleychwol an des selbigen Fürsten oder furtreffenden  
 mans guten willen/ gar nichts zweyfflen/ vnd ih-  
 nen soliche gutthat schon gewislich versprochen ist.  
 Diese nemen ihre fürbitter ia mit darumb mit sich/  
 das sie ihrer vnwürde halben am guten willen deren/  
 die sie bitten wollen/ etwas zageren/ sonder allein dar-  
 umb/ das sie damit anzeygen/ wie hoch vnd theur sie  
 deren gutthat achten/ vnd wie gern sie sich ihnen  
 durch sich selb/ vnd ihre guten freünd danckbar bewy-  
 sen wollen. Also pflegen erbar leuth auch zu thun/ so  
 man heyrade/ oder ander besondere wichtige freündt  
 schafft vnd verwandtschafft/ beschliessen soll.

Der meinung sollen auch wyr gegen Gott gern vil  
 fürbitter mit vns bringen/ vnd gar nicht/ das wyr  
 von wegen vnser sünden wolten für Gott also scheu-  
 wen/ oder sorgen/ das er mit all vnser gepett/ so wyr  
 das zu ihm inn warem glauben durch vnseren Her-  
 ren Christum thun/ erhören wolte/ Vnd meinen/ der  
 frömmere leuth gepett solte bey Gott mehr gelten/  
 vnd ehr dann das vnser erhöret werden. Dann in  
 dem theten wyr zwa schwäre sünden/ wider das erst  
 gepot.

Fürbitter  
 zu Gott  
 suchē dara-  
 umb/ das  
 wyr besor-  
 gen/ er  
 wollevng  
 vmb vns  
 ser sündē  
 willē mit  
 erhören/  
 Ist Gott  
 verleus  
 gnen.

## Von verehrung fürbit.

Die eine/ das wir Gott der onwarheyt verdeckten in so vilen herlichen sprüchen vnd verheyßungen/ in denen er allen sunderen/ wie schwerlich die gesündigt haben/ alle gnad vnd hilff verheyßet/ wenn sie sich zu ihm in warem glauben keren/ vnd ihn bitten im namen seines lieben Sons vnser Herrē Jesu Christi Die andere/ das wir vns des menschlichen gebettelten vnd mangelhafftigen verdienstes vnnnd fromckeyt/ die doch keynem Heyligen für sich selb ie hatt mögen genug sein/ wider Gottes wort getrösteten/ vnd vnser vertranwen nitt ganz auff den verdienst vnser Herrn Jesu Christi/ sonder auch zum theyl vff der heyligen fromckeyt stelleten. Dann so wir vns nitt dörsffen des Götlichen erhörens durch die einige fürbitt Christi vertrösten/ es kome dann zu deren auch der heyligen leuth fürbit/ so sein wir ie des onglaubens schon vberzeuget/ das vns der verdienst/ vnd das vertranwen Christi/ für sich selb/ vnd allein/ one der anderen menschen fürbit/ nit genüch ist.

Das wir aber nit auch die lieben Engel vnnnd Heyligen/ die nun bey Christo rügen/ halten/ auff solche weyß/ Gotes ehr/ lob/ vñ danck da durch zu mehrent/ anzusprechen/ vnd zurüffen sein/ das sie für vns beteten/ wie wir die vff erden ansprechenn/ seind diß die vrsachen.

Wir sollen gegen Got vnserem himlischē Vatter nichts handeln nach vnserem/ oder einiger creaturen gedicht vnnnd willen/ sonder allein nach seynem willen/ vnd

vnd wort, wie er vns das in seyner Heyligen Schrifft  
eroffnet hat, Deut. iij. vñ xij. Dann was wir mit Got  
handlen, ja in allen vnserem thun, sollen wir wissen,  
das es Got also gefalle. Das selbige wissen gibt allein  
sein wort, Wa wir das nit haben, da ist keyn glaube,  
Wa keyn glaub, da ist sünd, Rom. xiiij. Da ist Gottlo  
ser freuel, das man sich vnderstahet gegen Gott züge  
brauchen, des man nit kan gewiß sein, ob es im gefal  
le. Ist auch schwere verachtung Gottes, vnd seyner  
h. Schrifft, als ob er vns in der selbigen nit alles das  
vns zum heyl dienen mag, gemugsamlich eroffnet het  
te. So vns doch der h. Geyst von seyner Schrifft zen  
get, das sie vns vnderweyse zur seligkeyt, vñnd also  
das der mensch Gottes, zu allen gütten werckenn ge  
schieft vnd gerüstet seye. ij. Timoth. iij.

Nun hat vns Got in seyner h. Schrifft mit gepot  
ten vnd exemplen gelehret, das wir vnserer brüder, die  
wir zu gegen, oder durch schrifft ansprechen könden,  
vorgemelter meinung bitten sollen, mit vns Got an  
zuruffen vñnd züslehen. Von verstorbenen Heyligen  
aber, hat er vns des nichts vberal gelerhet, weder mit  
worten, noch exemplen, im alten oder neuwen Testa  
ment. Ja auch nicht durch lehre oder exempel der altē  
Kirchen. Wie man auch noch hentigs tags in den ge  
meinen gepetten der Kirchen (die man Collecten heys  
set, vñnd in den gedechtnüssen der Heyligen zu betten  
pflaget) nit die Heyligen, sonder allein Got den Vat  
ter anruffet, durch Christum vnseren Herren, ob man  
wol der Heyligen darbey gedenckt.

Warumb  
wyr die  
gestorbe  
nen Heis  
ligen nit  
anruffen  
sollen.

Abgestor  
benen Heis  
ligen an  
zuruffen  
lehret we  
der Schri  
fft noch  
exempel  
der kirchē



## Von verehrung / fürbit

Darumb sollen die Chriſten dieses anſprechens vnd anruffens müſſig ſtohn / als des ſie vber all keyne vrſach oder grundt im Göttlichen wort haben mögen / vnd ſich derhalbē auch nicht getröſten können das es Got wolgeſalle.

Wie das  
anſprechē  
vñ anrūf  
fen der  
Heiligen  
Gottes  
ehr vñnd  
den glau  
ben verle  
get.

1. Cor. 8.  
10. vñd 14

Zum anderen / die Chriſten ſollen ſich vor allen dem hüten / das in einigē weg zu verkleynern Göttlicher ehren / vñnd verletzung des waren glaubens an Chriſtum gereychet vñd dienet.

Wir ſollen je Got vnſeren Himliſchen Vatter von ganzem hertzen / ganzer ſeelen / vñd allen krefftē lieben / vñnd darumb mit höchstem fleiß alles das ſo zu heyligung ſeynes namens / vñd erbreitung vñnd fürderung ſeynes Reichs in eynigen weg dienen mag / ſuchen / annemen / Vñd gebrauchen / vñd was zu verkleynern ſeyner glory / vñnd verſtörung oder verletzung des waren glaubens an ihn / gereychen vñnd dienen mag / fliehen / meyden / vñnd ſo vil möglich fürkommē. Es heyſſet ja / Gebt niemandt ergerniß / Vñd thūth alles zu Gottes ehr / vñd zur beſſerung.

Nun das das anſprechen vñnd anruffen der Engel vñd Heiligen zu verkleynern Göttlicher ehren / vñnd verletzung des waren glaubens an Chriſtum diene / haſtu Chriſtlicher leſer darauß zu erkennen. Die höchſte ehr die wyr Gott thūn mögen / iſt / das wir

vnd anruffen der Heyligen. 11

wir vns seyner gůte vnd barmhertzigkeyt also vollkommen getrůsten / das wir vns zů ihm in allem anrufen vnd thun / auff das aller hertzlichest / vnd vertrauwest keren / ihn anruffen / loben vnd preysen / in vnd durch vnseren Herren Jesum Chrustum. So fordiet die eygenschafft des waren glaubens an Chrustum vnseren Herren / das wir vns seyner versůnung / seynes vertretens vnd fůrbittens bey dem Vatter / so vollkommenlich getrůsten / das wir eyniges weyteren mitlers oder fůrbitters nicht gedanken. Dann das wyr allein zů fůrderen das bekeren zů Gott / vnd lobe Gottes bey vnseren brůdern / begeren / das auch sie mit vns den Vatter durch Chrustum den Herren anruffen.

So gehe doch nun in dich selb / der du Chrustum vnseren Herren / vnd den Vatter in jm etwas erkennest / der du den Vatter durch Chrustum im geist vñ der warheit je angeruffen hast / Vñ sehe / ob dir auch můglich seye / wenn du dich zů deinem Got vnd Vatter recht erhebest / seine ewige vnd almechtige gůte vnd barmhertzigkeit / durch vnseren getreywesten / vñ almechtigen mitler Jesum Chrustum / recht hertzlich anzuruffē / das du darbey die Engel vnd Heiligen selb anzůsprechen / vñ anzuruffen einigen gedanken soltest haben. Vnd wa du dich vñ solich ansprechen vnd anruffē becommeren woltest / ob dich das nit irren vnd verhindernen wůrde / an dē recht hertzlichen / gantz vertraueten anschauwē vnd anruffē / deines Himlischē aller gůtigstē Vatters /

Wer Got  
recht hertzlich  
anruffet durch  
Christů /  
befindet  
selb / das  
jm nit můglich  
ist die Engel  
vnd Heiligen  
anzůsprechen

## Don verehrung fürbit

Vatters / durch deinen aller getreuesten / vnd in lieb  
dein / vnd deines heyls / aller einbrünstigsten Zerrent  
vnd Heylandt Jesum Christum.

Nemlich weil du nit wissen magst / ob die Engel vñ  
Heiligen von deinem ansprechen vnd anruffen etwas  
wissen / Weil du auch von sollichem ansprechen vnd an  
ruffen der Engel vnd menschen / nit allein keinen bes  
fehl / sonder auch nicht eynige anleitung habē magst /  
auß aller Götlichen Schrifft / aller Apostolischen an  
richtung der kirchen / allen gebetten aller Patriarchē /  
Propheten / Apostolen / vñ der gantzen Christliche Ge  
mein von anfang. Dann das Ora pro nobis bit für vns  
in der Letaney / damit man etliche Heyligen in sonder  
heit anspricht / ein neuer fundt ist. Die Collectē auff  
der Heyligē fest wie gesagt / seindt allein zū Got / vnd  
mit den Heyligen gerichtet.

Zū dem / weyl je das ein eygenschafft ist des Götli  
chen wesens / aller gedancken vñnd anruffen zū ge  
gen sein / vñnd das hören / So bedencke doch das auch  
Christlicher Leser / das Götlicher Maifestet / vñnd dem  
waren glauben vnd andacht zū der selbigen / nit mag  
omverletzlich seyn / hertz vnd gemüt zū den Englen vnd  
verstorben geistern der menschen keren / vnd sie als ge  
genwertig / vnd die vns hören sollen / ansprechen vnd  
anruffen / vnd inen damit zūgeben / das sey allenthal  
ben zū gegen seyen / aller menschen die sie ansprechen  
vnd anruffen gedancken / vnd gepett vernemen vñnd  
hören.

Die Eng  
gel vñnd  
Heiligen  
anspreche  
vnd ans  
ruffen /  
gibt inen  
Götlich  
eygen  
schafft zū.

vnd anrüssen der Heyligen. rlj

hören. Nemlich so wir da von doch nit allein keyn auß-  
trucket wort/sonder auch nit die geringest coniectur  
vnd mätmassung auß aller Schrifft haben mögen.

Das wüßtu frommer Christ one allen zweyfel selb  
also befinde/ wenn du dein hertz in recht glaubige betra-  
chtung zu Got deinem Himlischen Vatter erhebest  
durch vnserem Herrem Jesum Christum/ das du  
nit allein nit wüßte gedencen mögen eynigen Engel  
oder Heyligen daneben anzusprechen/ vnd anzurüf-  
fen/ als wenig des alle Patriarchen/ Propheten/ Apo-  
stolen/ vnd gemeine kirchen je gedacht habē/ die doch  
ja recht haben betten köndten/ vnd gewüßt zum gepet  
zu geprauchen/ was dar zu in einigen weg gehörem/  
das fördern/ oder zieren mage/ Sonder wüßte dich  
vor solchem ansprechen vnd anrüssen der Engel vnd  
menschen gantzlich entsetzen/ vnd darumb als vom ge-  
wissen abzug von dem waren ansprechen vnd anrüs-  
Gottes/ scheuwen. Disß seye gesezet zu allen Gots  
föchtigen vñ andechtigē gemietern im gebet zu Got/  
zu allen die Got anbetten im geyst vnd der warheitē.

Zum dritten/ Es mögen fileycht etliche Christen  
noch so rauh in dieser sachen sein/ das sie die erzalten  
zwo vrsachenn/ darumb die recht glaubigen anbetter  
Gottes/ die Heyligen vnd Engel nit könden oder mö-  
gen ansprechen vnd anrüssen (Nemlich das sich nie-  
mand getrösten kan/ das solich ansprechen vnd anrüs-  
fen Got gefalle/ Vnd das es von dem recht hertzliche

L am

## Von verehrung fürbit

anruffen Gottes durch Christum abzeucht / vnd das  
schwächt / wie von not wegen folgen muß / weyl es  
von Gott nicht gelehret / vnd ein menschen gedicht ist /  
nicht können noch genugsam fassen / vnd erweget.  
Wie wol alle die Gott recht fürchten / vnd seine gnad  
nicht ernst suchen / bald fülen / vorab wenn sie des er-  
manet werden / das es gar nicht tauge / etwas als vns  
gegen Got fürtreulich suchen / oder fürnemen / da vor  
wyr auß seinem wort nit vergewisset sein / das es ihm  
also gefalle / Diese mercken vnd fülen auch als bald  
sie des etwas erinneret werden / das dem herzlichen  
lieblichen vertrauen zu Gott vnd Christo zu nahe  
reychen vnd abbrüchig sein wollen / alle die neben for-  
derungen zu Gottes gnaden / die man außser seinem  
wort immer fürnemen mage / wie diß Engel vnd Hey-  
ligen ansprechen ist.

Sich des  
annemen  
da von  
mā erger  
niß zu ers  
wartē / vñ  
sich Feis  
nes güt-  
tē zu vers  
tröstē hat /  
ist Gott  
versuchen  
vnd trage

Wie dem aber / seytenmal vil schwacheyt noch bey  
vilen Christen ist / so bitte vnd ermane ich alle die / so  
filicht die vermeldten zwo vrsachen noch nicht recht  
begreyffen können / sie wollten doch gedenccken / Das  
sich nicht warer Gottes fürcht vnd liebe je nicht vers-  
tragen mage / sich vmb ein ding bekümmern / das also  
zu grausamer Abgotterey gerathen ist / vnd noch dies  
net / wie diß Engel vñ Heyligē anruffen thut / so man  
sein doch wol gerathen mage. Dann wer kan doch etz  
was glaubens Christi haben / vnd daran zweyfflen /  
das er von Got alles erlangen werde / weñ er ihn selb  
durch Christū vnseren Herrē anruffe / vnd gleych key-  
nen

vnd anruffen der Heyligen.

114

nen Engel/ oder Heyligen vmb fürbit nymmer mehr  
ansuche/ wie doch alle Patriarchen/ Propheten/ vnd  
Apostolen Got gepetten haben/ vnd von ihm alles er  
langet/ So dann niemandt einiges nutz es oder fürde  
rung der Gottseligkeyt von diesem Engel vnd Hey  
ligen anruffen sich getrösten kan/ vnd die erschreck  
liche ergerniß vnd Abgötterey also grausam vor aus  
gen ist/ die daher kommen/ vnd noch darauff bestohet/  
was solle dann anders sein/ sich dieses ansprechens  
vnd anruffens der Engel vnd Heyligen annemen/  
dann gefehrlichkeyt der Gottseligkeyt/ vnd verder  
bliche ergerniß suchen/ vnd Gott also versuchen vnd  
tragen/ Nemlich nach dem wyr hie vor so silfeltig vñ  
ernstlich verwarnt sein/ beide durch die selige lehre  
des reinen Euangeli/ Vnd so onausprechlichen scha  
den vnd vndergang der waren Gottseligkeyt/ so auß  
diesem gedicht entstanden/ vnd noch so wußt leyder  
an so vil orten vor augen ist.

Diese vsachen wöllestu Christlicher Leser in warer  
Gottes forcht/ alle personen vñ ansehen der welt von  
herzen geschlagē/ bedencken vnd erwegē/ So würstu  
sonder zweyffel bald sehen vnd fülen/ das diß anspre  
chen vnd anruffen der Engel vnd Heyligen/ sich mit  
dem waren anbetten vnd anruffen Gottes durch  
Christum vnseren Herren mitt vertregt/ darumb es  
von getrauwen predigen Christi mitt mage gelehret  
werden/ Die weil dann die C. Deputaten das selbige

## Von verehrung / fürbit

vnderstohn zū verteydingen / in dem hafft aber mal  
zū sehen / wa für sie streyten / warlich / nit für das  
Reich Christi.

## Nun auff ihre argument.

Der C.  
Deputas  
ten Argu  
mēt was  
vns die  
Engel  
thū dar-  
umb solle  
wir sie  
selb bittē.

Vnd Erstlich von der Engel ansprechen vnnnd an-  
ruffen Das zū verteydingē sagen sie Die Engel opffe-  
ren vnser gepett für Got / halten vns in hüt / da zū sie  
das viij. cap. Apoc. vnd das xij. cap. Tobie anziehē.  
Auff diesen zweyen sprüchen deuten sie ein solich argu-  
ment Die Engel opfferen vnser gepet für Got / vnd  
hüten vnser / darumb ist es recht / das wir sie vmb sol-  
ihre werck / die sie doch on das thūn / bitten vnd an-  
ruffen. Das ist dieser leuth Theology vnd Logic.

Besehe aber du frommer Christ / wie ein fein argu-  
ment das sey / Dan wa dazu / das man etwas vñ seit  
werck anspreche vnnnd anruffe / genug sein solte / das  
das selbige ding / solich werck / on das thūn / so würdt  
mit gleich so guter Consequentz folgē / das auch recht  
seye / das wir Son / Mon / Sternen / vnnnd ander ges-  
schöpff Gottes ansprechen vnnnd anruffen / vmb die  
werck vnnnd dienst / die sie vns one das auß Gottes  
ordnung beweyfen. Vnnnd ob man sagen wolte / es  
seye ein anders mit den Englen / die ihu werck auß ey-  
gnem verstandt vnnnd willen thūn / darumb man sie  
vmb soliche ire wercke anspreche solle / welches sich ge-  
gen Son / Mon / vnd sternen nit also reyme / so tregts  
doch

vnd anrüssen der Heyligen. xliij

doch nichts für, dieweil wir gleich so wenig wissen mögen, ob die Engel vnser ansprechen vnd anrüssen vernemen oder nicht, als Sonn Mon vnd sternen, weyl wir da von weder wort noch exempel in der Schrifft habē, das soliche lehre außtrucklich, oder durch ein gewisse folge, als ein Götliche lehre möcht erkenet werden.

Es haben auch die C. Deputaten in dem viij. Apocalipsis mit gelesen, das die Engel vnser gepett für Got auff offerē, welches das werck ist vnser obuste Priesters Christi. Im viij. Apoc. steht. Es seye dem Engel vil rauchwerck's gegeben, das er das gebe dem gepett, oder zu dem gepet aller Heylige auff den galden reuch altar für dem thron. So steht es, vñ nicht das die Engel vnser gepett zu Got bringen vñd auff offeren.

Die C. Deputaten ziehē das 8. ca. Apocalypsis falsch an.

Das man aber liſet im Tobia, das der Engel sagt, Ich habe dein gepett für Got auffgeopffert, Wissen die Christē wol, das man auß diesem büch nichts streitigs befestigen kan. Vnd ob wir gleych diß büch wölen gelten lassen, so vil den C. Deputaten gefallen mag, wer will vns sagē, was diß offeren des Engels gewesen seye? freylich Gott hat selb des gütten Tobie gepet gehört, Vñ durch den einigen mitler Christum gnediglich auffgenomē, vnd ja eer er in an rüſſte, wie er durch den Propheten Esaiam verheissen hat, lxx. Was hat dan des Engels offerē weyter darzu thun mögen? Es sey aber auch vmb diß offerē des Engels wie es wölle, Democh hat Tobias weder für, noch



## Don verehrung / fürbit

nach dem er diß vom Engel gehöret / den Engel vmb solich opfferen gepetten / vnd angesprochen / der Engel hats ihn auch mit gelehret. Got seynen Herren allein / hat dieser heilig man / wie alle heyligen Väter / vñ allein durch seynen namen / vñ den gebenedeyten namen Abrahe angeruffen / das sollen wir auch thun / vñ genüg daran haben. Sehe aber dabey wie die C. Depu- raten Schafft anziehen / vnd was bücher / Wahin sie fliehen. Im ganzen Mose / in allen Propheten / in allen Apostolischen schrifftten finden sie nichts / das sie doch mit eim schein anziehen möchten / ire sach / da für sie streyten ist Apocrypha / dunkel / vnd verborgen / das sie das gleubige hertz mit sehen kan / darumb suchen sie auch zeugniß dar für / *ex libris apocryphis* / auß den on- gewissen büchern / derē glaub vñ ansehen verborgē ist.

Sie hengen sie abermal ein Calumniam an. Sagen ich setze Christus habe den Engelen verdienet. So ich doch mit meer gesetzt habe / dann das S. Paulus schreibet / Colloss. i Das der Herr alles versünet habe zu ihm selbst / das in himel vñ irden ist / Welches ich auch allein darzu eingefüret habe / das ich anzeygete die gemeinschaft die wir mit den Engeln in Christo dem Herren haben.

Christus  
hat den  
Engeln  
verdies  
net.

Doch folget auch gar mit auß dem das die C. Depu- raten hie anziehen / Christus sey kommen den mensche zu helfen / vnd habe den samen Abrahe vnd nicht die Engel angenommen / Ebre. ij Das Christus dar- umb den Engeln mit seynem blüt nichts verdienet ha- be. Der Herr Christus hat auch mit andere creaturen ange-

vnd anruffen der Heyligen. xliij

angenomen / als den samen Abrahe / noch hat er der ganzen Creatur verdienet die erlöschung vonn der zerkölichkeyt / zü der herlichen freyheit der Kinder Gottes / Rom. viij. So hat er auch den Englen die freud verdienet / die sie haben vber die sündler / die ihnen ihm Himlischen wesen zügesellet werde / weñ sie sich durch ware büß zum Herren wider keren.

Nun lasset sehen was Argument sie füren / das anruffen der Heyligen zü erweisen. Deren seindt dreye. Das erste ist. Es seye Gott gefellig vnnnd angenehme / das er durch viler fürbitt geehret / vnnnd vns geholfen werde. Ergo. Wir sollen die Heyligen anruffen / das sie für vns bitten. Wa da schrifft: Dann vns die allein vergwisset / was Got gefellig seye? Die Schrifft lehret / sagen sey / Bettet für ein ander / das ihr gesündt werden. Jacobi v. Das habe der Apostel gethon / vnd das man für in bettete / begeret. Sehe was Theologen / was Logici. Für das / da von kein streit ist / als das wir hie auff erden für ein ander bitten / vnnnd vmb das selbige ein ander ansprechen / vnnnd bitten sollen / bringen sie schrifft / für das aber da von streyt ist / ob man auch die abgestorben Heyligen vmb ir fürbitt selb anruffen solle / bringen sie keyn Schrifft Als sie auch keyne zü bringen haben.

Der C. Deputaten erst argumēt für dz anruffe der Heiligen

falsch argumēt so Got gefellet dz wir die auff er dē vñ für pitt anruffen / mece gefellet im die im himel anruffen.

Alphonsus aber der Hispanier / Pighius vnnnd andere / so wider vns geschriben / vnnnd von denen die Cölnischen Deputaten das ihr züm theyl genomen habenn / wollen auß den Schrifftenn / die vns lehren /

## Vnd verehrung fürbit

Petitio  
principij.

lehren/ das Got gefellig vnd angeneh seye / das wir  
hie auff erden für einander bitten/ vnd darzu einan-  
der vermanen/ vnd ansprechen / als von dem mindes-  
ren/ das meer schliessen / das Gott nach meer gefellig  
vnd angeneh seye/ das wir die abgestorbenen heylig-  
gen vmb jr fürbit selbst anruffen vnd bitten. Dis schenck  
set sich aber nit/ Setzen als nachgegeben/ das sie noch  
zu bewerren haben. Das nemlich diese zwey werck / die  
abgestorbenen heiligen/ vnd die noch hie bey vns wal-  
len/ vmb ire fürbit selbst anruffen/ in dem zu vergliche-  
sen/ das sie beyde Got gefallen/ Welches die glaubi-  
gen Gottes nit nachgeben mögen/ Dann vom anspre-  
chen deren die/ bey vns hie leben/ vmb ire fürbit/ ha-  
ben sie Gottes wort/ vñ haltens notwendiglich als ein  
werck das Got gefellig seye / Vom anruffen aber der  
abgestorbenen/ haben sie kein Gottes wort/ Darumb  
ists inen nit möglich / das sie das auß dem waren vr-  
theyl Christlichs glaubens / auch für ein Gotgefellig  
werck erkennen mögen / ich schweige für meer Got  
gefellig. Non igitur est hoc argumentū ab eo, quod uidea-  
tur minus inesse, ad id, quod magis, sed ab eo quod necessa-  
rio inest, quia à Deo pronunciatum, ad id quod non potest  
in esse, quia nullo uerbo Dei traditum. Dann von wel-  
chen wercken die Christen Gottes wort nit haben/ das  
sie ihm gefallen/ von den selbigen wercken künden sie  
auch auß warẽm vrtheyl des glaubens nicht erkennen  
vnd halten/ das sie Got gefellig seyen.

Vnd was selten doch die vrsachen sein / dar auß ein  
glaub

vnd anruffen der Heyligen. xlv

glaubigs hertz schließen möchte / weyl Gott gefellig ist / das wir hie einander vmb fürbit ansprechen / das im noch meer solte gefellig sein / auch die abgestorbenen vmb jr fürbit anruffen:

Da bringen nun die C. Deputaten ihr ander argument herfür / vnd deuten auff zwa vrsachen / darumb dieses anruffen der Abgestorbenen Heyligen vmb ihre fürbit / solte Got gefellig vnd vns heylsam sein. Die eine ist / das man Got damit ein ehre anthue / so man sich nit vermesse würdig zu sein / in für sich selb allein / vnd on fürbit der Heyligen zu bitten / Die ander / das die sündige vnd zitterende Conscientz mit besserem vertrauen zu dem thron der gnaden komme / wann sie mit sich hat die Heyligen Apostel / Martyrer / vñ Not bekennner. Der C. Deputaten dolmetsch macht auß den Confessoribus / Beichtiger / fileycht auß verstandt sei ner Herren / Die alten h. Vätter aber heysen die allein Confessores / die mit gefahr des todes den namen Christi für den Tyrannen bekennet / wie Martyrer die den Herren auch mit dem todt bezeuget haben.

Nun auff die erste vrsache von der eh: Gottes. Riche du frommer Christ / Ob nit das / nach dem Götlichen wort die grösste eh: seye / die Gott von vns fordert / vñ wir im beweysen könden / das wir im die höchste güte vñ gnade zu schreiben vñ verichen / vñ daher / wie arme elende sündler wir sindt / vns den neheste / vñ one eynige mit bitter / von denen er vns nichts lehret /

Die grösste eh: Gottes ist / im die höchste güte zu geben.

## Von verehrung fürbit

zū im vnserem Himlischen vnd aller barmhertzigsten Vatter kerem / durch den aller sanfftmutigsten / vnd güctigsten mitler Jesum Christum: Wie die arme sündlerin thette im hauff Simonis / der Publican im Tempel / Zacheus auff dē baum / der Schächer an dē creutz / vnd vil andere grosse sündler / die der Herr so gnediglich auffgenommen / vñ keynen nie der vermessenheit gescholten hat / das er one heilige fürbitter zū im komē were: Ja hat vns selb also komē gelehret in der gleichniß von dē verlohren Son / Der vberal niemandt an seynen Vatter schicket / auch keyne fürbitter mit sich brachte / sonder wie vnwürdig er war / den nehesten dem Vatter selb zū lieffe / mit bekantniß seyner sünden / vnd bit vmb gnaden. Welches dem Vatter auch so gefellig war / das er im entgegen lieffe / vñ vmb den halß siele / vnd zū aller gnaden vñ Väterlicher liebe / auff das aller fründtlichest auffname.

Nicht vermessen  
heyt sons  
der hertz  
lichs verz  
trauwen  
ists Gott  
durch Chri  
stum als  
lein on  
weiter  
mittel an  
rüssen.

Wir solle vns wol nicht vermessen würdig zū sein / Got selb anzurüffe / die weil er vns aber das befihlet / Rüffe mich an / spricht er / an dem tag deiner trübsal. Psal. l. Vnd der Herr Jesus vnser einiger mitler vnd heylant / der sanfftmutigest / vnd von hertzen demütig / spricht / Komē her zū mir / alle die jr bekümmert vñ beladen seyt / ich will euch erquickē. Matt. xj. So solget vmerneinlich / das die Got seine Eh: nemen / vnd iren eygen gedichtē im namē der heiligen zuschreibē / die sich in iren nöten eer zū den heiligen / als die jr gepet on ander heyligen leuth fürbit / gern auffnemen /  
dann

vnd anruffen der Heyligen. xlvj

dan zu Got keren/ der in dem solte herter sein/ dan die  
 Heiligen/ vñ sie nicht so bereit vmb seines namens wil  
 len/ vñ durch seynen lieben son Chusti erhören/ wa sie  
 in allein durch seynen lieben son/ vñ one ander Heili  
 ge fürbitter selv vmb gnad vñ hülff wolten anruffen.

Got will das wir vns zu jm keren/ vns jm gantzlich  
 vnd auff das aller herzlichest ergeben/ das ist die ehr/  
 die wir jm anthun sollen/ Das kan anders nit gesche  
 hen/ dan so wir vns seynen gnaden vnd barmhertzig  
 keyt zum höchsten getrösten/ vñ sagen mit dem lieben  
 David/ Zu dir o HERR hebe ich auff mein seel/ mein  
 Gott ich hoffe auff dich. Vmb deines namens willen  
 HERRE sey gnedig meiner missethat/ Mein augen  
 sehen stets zu dem HERREN. Psal xxv. Davon er  
 im lxx. Psal. singet. Got man lobet dich in der stille zu  
 Zion/ Vñ dir bezalet man gelübde. Du erhörst gepet/  
 Darumb kommet alles fleysch zu dir. Vnser missethat  
 drucket vns hart/ Du woltest vnser sünd vergeben.

Auff die ander ursache der C. Deputaten/ Darumb  
 Got gefallen solle/ die abgestorbenen Heyligen anruff  
 fen. Welche ist/ das das sündige zittrende gewissen  
 mit besserem vertrauwen zu dem thron der gnaden ko  
 me/ wennes jm die 3. Apostel/ Martyrer vnd notbes  
 tenner Chusti zu gesellet hat.

O das der liebe Gott diesen Deputaten ein mal ein  
 recht erschrocken vñ zittrendes gewissen der sünd  
M ij den

## Vnd verehrung fürbit

den zum heyl gebe / wie solten sie dan so wol befindē / vnd fülen / das einem recht erschlagenen vnd zittren den gewissen / vor dem gericht vnd zorn Gottes / nit allein kein bessers / sonder vberal kein recht vertrauwen zu den genaden Gottes immer meer geschöpffet werden magē / dan so es alles / das im himel vnd erdē ist / verlassen / den nehesten / vnd auff das gantzlichest / zu dem sanfftmütigsten / vnd von hertzen demütigen Herren Jesu Christo fleucht / vnd durch den / seynen himelischen Vatter / vmb gnad vnd verzeyhung anruffet. Dann der ist allein das lamb Gottes / das alle vnser sünde tregt / durch den wir verzeyhung der sünden / vñ alle gnaden vñ gaben Gottes erkennen / erbitten / vnd erlangen Der ist allein der gerechte / den wir bey dem Vatter also zum fürsprechen habē / das er auch die versumung ist für vnser sünde / wie der heilige Johannes zeuget / i. Johan. ij.

Die weyl aber auch kinder Gottes sein / die in erkān nüss ihrer sünden / vñ dem fülen Göttlichs zorns noch so weyt nit kommen sindt / vnd daher sich das scheinbarlich ansehen noch etwas blendē / vnd den vermeinten gewalt schreckē lassen / deren / die diß anruffen der heyligen verteidigen / Damit dan auch soliche blöde leut / wa sie wöllen dieser sachen etwas gründlicher nach zu gedencfen / vnd das vorermelte argument de C. Deputaten eigentlicher zu erkennen haben / was es doch gelten möge / So bitt ich sie wöllen doch bedencfen / vnd erwegen / was sie auff diese zwo fragen vermeinen zu antworten sein.

vnd anruffen der Heyligen. xlviij

Die erste. Waher doch dem sündigen zitrenden gewissen / das besser vertrauwen / sich zu dem Thron Gottes zu keren / ensohn / vnd komen solle / wen es die Apostel / Martyrer / vnd andere Heyligen mit für Gott als fürbitter brenget / dann so es allein durch Christum die gnad des Vatters suchet / one soliche fürbitter / die es mitbringe.

Die andere wie vnd warmit / das erschlagen vnd angefochten gewissen / die abgestorbenen heyiligen ihnen zum gebett an Gott zu gesellen / vnd mit für Gott bringen solle.

Auff die erste frage werden weder die C. Deputatē / noch andere etwas anders anzeygen mögen / daher dem gewissen / das schon Christum seinen einigen mitler vnd fürsprechen erkennet / one den es auch für den Vatter gar nicht kommen / oder etwas von im erbittē mag / solte ein besser vertrauwen entsohn / wenn es im gepett zu Gott vil Heyligen mit brenget / dan so es den einigen Christum hatt / vñ mit dem allein für den Vatter kommet / Dan das ein soliche gewissen gedencken muß / das fürbitten der lieben Heyligen gefalle Gott so hoch / oder ihr verdienst gelten bey Gott so viel / das er / wann so vil Heyligen mit vnß für ihn kommen / vnd für vnß bitten / vns ietz onangesehen vnser unwirdigkeyt / vnd schnödigkeyt / zu genaden auff nemen / vnd erhören wolle / das er durch sein selb ewige grundtlose barmhertzigkeyt / vnd das fürbitten vnd verdienst seines lieben Sons vnsern Herren Jesu

M ij



## Von verehrung fürbit

Christi nicht thun, oder nicht so gern thun wolle. Als so ein armer sunder / der von wegen seiner schweren vbertretung sich entsetzte den Vatter durch Christum vnseren Herren allein anzuruffen / vnd gedecket bey ihm selbs also / Wolan, deine sünd sindt leyder so groß vnnnd grawlich vor den Göttlichen augen / das du deinen Himlischen Vatter / durch Christum deinen Heylandt allein nicht anruffen darffst / noch dich seines gnedigen erhörens getrösten / Wie wiltu im nun thun? Ey du wilt die lieben heyligen anruffen / vnnnd sie durch deine dienst vermogen / das sie mit dir für Gott keren / vnd dich fürbitten / Wenn du dann vber vnd neben dem Christo / so vil theurer freunde Gottes / Apostel / Martyrer / Notbekenner / vnnnd andere Heyligen zu fürbitteren / mit bringē wirst / So ist derē fürbit vnd verdienst bey Gott / vnnnd Christo / so wol vnd hoch angesehen / das dich / wie vnstetig vnd vnwürdig du an dir selb bist / Christus der mittler bey dem Vatter dennoch vertreten / vnd der Vater gnediglich erhören würdt.

Warlich soliche gedanken müssen in dem hertzen sein / Das mit besserem vertrauwen zu dem Thron Göttlicher gnaden komet / wenn es sich auch der Heyligen fürbit vertröset / dann so es sich deren nit weiß zugetrösten. Welches gemüt aber soliche gedanken hatt / vnd sich in betrachtung der fürbit vn verdienst der Heyligen mehr getrösten kan / Gott durch vnseren Herren vmb seine gnad vnnnd hülff zu bitten / dann one soliche fürbit / vnnnd verdienst / das selbig würdt

vnd anruffen der Heyligen. xlviij

würdt ja nicht sein ganzes vertrauwen auff die gnad vnd barmherzigkeyt Gottes/ vnnnd das fürbit ten vnnnd dem verdienst vnsern Herren Jesu Christi setzen/ Sonder auch zum theyl auff der Heyligen für bitt/ vnd verdienst/ Würdt dem 3. Euangelio/ das vns/ wie schwerlich wyr gesündigt haben/ durch den einigē mittler Christum/ alle gnad vnnnd Väterlichs auffnemen von Gott verspricht/ nit satten glauben geben/ Vnd darumb bey Gott nichts erbitten.

So sehe nun Christlicher Leser/ was diese leuth auch auff die andere frag antworten mögen/ Wenn erstritten were/ das vil fürbitter von Heyli gen mitt für Gott bringen/ dem erschlagenen vnnnd fürcht samen gewissen ein besser vertrauwen gepere/ zū dem thron Göttlicher gnaden zū komen/ Wie vnd wa durch möchten wyr dann die lieben Heyligen vns im gepet zū Got zū gesellen/ vnd sie mit für Gott brin gen/ weyter dann sie one das/ als die bey Christo les ben/ vmb vnser heyle alle on vnderlass bitten? Sollen wyr ire besonder fürbitt bey inen erwerben/ vnnnd sie mit vnß für Got zū keren vermögen/ da mit/ das wyr ihren bilderen vn gebeyren/ vil liechter brennen/ sū gen/ allerley opffer bringen/ sie anbetten? Gott hatt vns verpotten/ vnß vor den bilderen/ vn anderen zeis chen zū bucken/ vnnnd ihnen dienst zubeweysen. Sol len wyr sie dann mitt vns für Gott zu keren/ allein mitt worten ansuchen/ vnnnd sie darumb bitten? Das von haben wyr thein wordt Gottes/ das es ihm gefalle/

## Von verehrung / fürbit

gefalle / oder auch das sie / die Heyligē / solich ansuchē  
vnd betten vernemen. Denn bald ist gesagt / im ewi-  
gen wort Gottes sehen vnd hören sie alles / was zu  
ihnen gepeteten würdt / wa aber Schrifft die es war  
machen / Der heylige Augustinus bekennet das er so-  
lich in der schrifft nit habe finden mogen. Libro de cu-  
ra agenda pro mortuis cap. xvi.

Was ist dann anders / so man die leuth lehret / weñ  
sie die Heyligen anruffen / vmb ihre fürbitt zu Gott /  
das sie damit Got ein ehr anthun / in dem / das sie sich  
nitt vermessen / ihn durch seinen lieben Son allein an-  
zuruffen / sonder brengen vil menschliche Heyligen  
mitt. Vnd das sie ihrem armen zagenden gewissen  
ein besser vertrauwen schöpffen / zum Thron Goetlich  
er gnaden zu kommen / dan das man die armen leuth  
lehret / sich nicht auff die grundelose barmhertzigkeit /  
vnd den ewigen verdienst Christi gantzlich verlassen /  
sonder auch eins theyls auff das fürbitten vnd ver-  
dienst der Heyligen. Ist nun das nitt Gott vnd Chris-  
tum lehren verlengnen / vnd das fleysch seinen arm  
setzen. Dann so bald vnser hertz sich nitt der barmher-  
zigkeyt Gotes / vnd des verdiensts Christi allein vnd  
gantz getröstet / so ist es schon von Gott vnd Christo  
abgefallen / vnd halt ihn nitt mehr als seinen Gott  
vnd Heyland.

Nun sagt aber etwan ein C. Deputat / oder der gley-  
chen. Wyr lehren das die fürbitt vnd verdienst der  
Heyligen

vnd anruffen der Heyligen. rliv

heyiligen / das vertrauwen der armen gewissen / allein  
 in vnd durch Christum mehren vnd stercken solle.  
 Wie? im vnd durch Christum? Warumb lassst du  
 dann nicht die armen leuth den nehesten zu diesem  
 Gnaden stül / Christo vnserem Herrē / gohn / vñ durch  
 den Vatter vmb alles anruffen den? Wie doch mit al-  
 len Heyligē / die ganze gemeinde Christi thut / von an-  
 fang der welt her / Warumb machstu ein vermessen-  
 heyt darauf / wann sich das arm gewissen den nehe-  
 sten zu Christo seinen einigen Heyland keret / vñd al-  
 len trost allein bey im suchet? Warumb sagstu das es  
 mit besserem vertrauwē zum Thron der gnaden kom-  
 me / wann es die Heyligen zu fürbitteren mit sich brin-  
 ge? Dem du darzu nit anzeygen kanst / wie oder wa-  
 durch es die lieben Heyligen mit sich für Gott bringē  
 solle? Vñd so sie bey Christo leben / vñd da für alle  
 kinder Gottes one vnderlaß betten / was wiltu die  
 leuth erst auff ihr erdichtes anruffen vñd ansprechen  
 weysen / da durch sie die Heiligen / die dir leicht schla-  
 ffen / erst auffwecken / vñ das sie mit für Christum / vñ  
 den Vatter / als fürbitter komen wollen / erbittē solle?  
 Das es sich zu Christo dem Herrē keret / vñ alle fürbitt  
 bey im allein suchet / da von hat es sein gepott vnd ver-  
 heyssung / vñ dienet im dazu / das es in / seinen herien /  
 vnd sein gepott desto lieber gewinnet / vnd sich im so  
 vil wolckummer in alle gehorsame begibet / Dahin sol-  
 len wyr die sundigen gewissen weisen / vñd nit zu an-  
 ruffen der abgestorben Heyligen.

Du siehest ja nun / frommer Leser / das alles das je

## Von verehrung / fürbit

ne das die C. Deputaten / vnnnd andere Sophisten / für  
diss heyligen Ansprechen vnd Anruffen immer mehr  
fürbringen mögen / eytel nichtige / ongöttliche / aber  
glaubische gebicht sein / die anders nicht dann die ges  
müter von Christo dem Herren / vnnnd dem Vatter /  
auff der menschen vnd des Satans lügen abfüren.

Das drit  
te Argu  
ment / die  
gemeinde  
Christi vñ  
H. Vätter  
ruffen die  
heyligen  
an.

Nun komet aber das dritte / vnd haupt argument  
der C. Deputaten / vnd aller deren die in dieser sachen  
wider vns fechten. Die Christlich Allgemeine / sagen  
sie / vnd H. Vätter / haben die abgestorbenen heyligen  
auß ermelten vsachen / selb vmb ir fürbit angeruffen /  
vnnnd gelehret anruffen / Dabey bleibe die Gemeinde  
Christi noch / Darumb wöllen auch sie da bey bleiben.

Alle glau  
bigē auff  
erden irrē  
sich noch.

Antwort. Die ware Gemeinde Christi / sind wol  
die war glaubigen / die in ihm bleiben / vnd in denen er  
bleybet / die H. Vätter sind fürneme vnd rerliche glied  
massē des leybs Christi / Die alle der Herr durch seinē  
Geyst getriben hatt / vnnnd treybet / Noch so lang sie  
auff erden gewesen sein / hatt ihnen vil irthumb vnnnd  
mangel angehangen / ob sie wol in den hauptstücken  
vnser glaubens inn der warheyt durch den Geyst  
Christi erhalten / vnd entlich von allem menschlichen  
irthumb vnd feyl erlöset worden sindt.

Weyl dann alle heyligen / so lang sie hie auff erden  
vom Herrē wallen / sich noch in vilen dingen irren mö  
gen / vnnnd irren / So kan das keyn gewisse folge sein.  
Das

vnd anruffen der Heyligen. 1

Das haben die Gemeinen glaubigen/ vnd auch fürnes  
 me Heyligen lang für güt gehalten vnd geübet / dar  
 umb müß es recht vnd güt sein. Der Vater saget von Welche  
 dem Herren Christo/ das ist mein geliebter Son/ den eygentlich  
 solt ihr hörē. Vñ Paulus zeuget von der Schrifft/ das die Allge  
 vns die züm heyl vnd allen gūten wercken weys vnd meinde  
 gerüst mache. Derhalben haben die Gemeinden Chri Christileh  
 sti vñ 3. Väter/ das/ alwegē allein für gewiß in Göt ren/vnnd  
 lichen sachen gehalten/ das man durch die 3. schrifft/ breuch  
 vnd wares Apostolisch dargeben/ kan beweren vnnd sein.  
 erhalten.

Es seindt auch das allein/ eygentlich zū reden / der  
 Gemeinden Christi vnd Heyligen lehre oder wercke /  
 die der Herre Christus / vnd sein 3. Geyst in ihnen leh  
 ret/ vnd thut. Daneben aber würdt vil von ihnen ge  
 lehret vñ gethon / das lehr vnd werck seindt der Ver  
 nunfft. die wol fehlen kan/ ia auch etwan der Sündē  
 vnd irthumb/ die noch in ihnen wohnet. Wie Paulus  
 von ihm selbs klaget. Rom. viij.

So müssen auch die lehren vnnd thaten / die ei Was  
 gentlich der Gemeinden Christi sollen zū geschriben der Christ  
 werden/ vnd ihr autoritet/ glauben/ vnd ansehen ha lich Ges  
 ben/ solich lehre vñ werck sein/ die die Gemein Christi mein eigs  
 zu allen zeiten gehalten/ vnd genbet habe. Dañ die Apo net/ des  
 stel das Euāgeli Christi/ vñ allē rath Gottes getreu muß sie  
 lich gelehret/ vñ ins werck gerichtet/ vñ nichts das zur von an  
 N ij Gotse fang ges  
 brauchet haben.

## Von verehrung fürbit

Gottseligkeit möchte fürderlich sein/ verhalten. So haben auch die Apostolischen Kirchen/ der Apostel lehre ganz angenommen/ vnd gehalten.

Weyl dann offenbar/ das daß anruffen vnd ansprechen der liebe abgestorbenen Heyligen in der Schrift nit gelehret/ noch durch einig exempel dargeben ist/ auch von den alten Apostolischen Kirchen nie gehalten/ so würt niemant sagen mögen/ das es ein lehre der Allgemeinen Christi/ oder der 3. Lehrer/ als heiliger lehrer/ seye. Ob man gleych wol finde/ das etliche Vätter vnd Lehrer in etlichen ihren lobpredigen von Heyligen/ vnd in ihren besondern gepettē/ sie vmb ihre fürbit angesprochen/ vnd angerufft/ auch solichs zu thun gelehret hetten.

Nit alles das in meiner hal tung der Christen ist/ muß das umb ein hal tung der Gemeinden Christi sein.

Vnd wie keme die liebe Allgemeine Christi darzu/ das alles das vnder ihrem namen/ glauben/ vnd ansehen solte gehalten/ vnd den leuten vffgetrungen werden/ das iede vnbesonnene/ fürwitzige/ aber gläubige/ gelt vnd eergeytzige Clericen/ vnd genante fürger/ in ihre lehre/ vnd breuch mengeten. Der 3. Augustinus klaget/ das schon zu seinem zeiten/ die Christlich Religion mitt vil menschlichen vermeinten vnd vermessen gepotten/ vnd gewonheyten (Humanas presumptiones & seruilia onera uocat religionem prementia) seer beschwäret gewesen seye. Vnd das auch das gemein vnuerstendige volck/ mitt schwerer verachtung Göttlicher gepotten/ wie es dann auß solichen menschen

Von anrüssen der Heyligen. ij

schon gepotten pflaget zu kommen / ob solichenn vermessen menschen gepotten vnd breuchen gehalten habe. Lege Epistolam alteram ad Ianuarium de hac re, quæ est numero 119.

Warumb haben aber die leuth damals ob solichen / mit lehren vnnnd ordnungern der Gemeindenn Christi / sonder menschlichen vermessenheyten / so hart gehalten? Sonder zweiffel darumb / das auch sie ihre vermessene menschen gepott vnnnd gepieuch / wolten für lehre / vñ gepieuch der Gemeinden Christi haltē. Das aber die nicht allein nicht waren / sonder waren der rechten lehre vnd haltung der Allgemeinden Christi entgegen / vñ zerstorēten sie.

Haben nun die menschen gedicht mögen schon zum zeyten des H. Augustini / also gemehret werden vnnnd vberhandt nemen / auch in so gar aberglaubische haltung komen / das man die vbertretung der offenbaren grossen gepotten Gottes / weniger geachtet hat / dan der vnderlassung solicher menschē fiündē / Da die gemeinden Christi noch durch so vil gelehrte / vñ eiffrige Bischoffe versorgt wurden / auch noch keyn solich gemeine zerstorung der kirchē ergangē ware / wie her naher durch die Gothen / Wandalen / vnd andere völkē geschehen ist / Was solle dan seyther von irthum vnd mißbreuchen täglich eyngerissen sein / nach so vil grausamen zerstorungen der kirchē / vñ der regiment / Vnd nach dem aller gewalt der kirchē / so vil hundert jar / bey denen leuthen gestandenn ist / vber die der H.

N ij Berno



## Vnd verehrung fürbit

Bernhardus gar nahet vor vier hundert jarē geklagt hat/ das die gemeinde Christi von inē schwerlicher vñ vertrucket/ vnd beschediget werde/ dan̄ sie vñ anfang weder von den verfolgern / noch von den ketzeren/ je vertrucket/ vnd beschedigt wordē seye? Was darffe es aber weit bewerens/ das vil schwerer mißbreuch in die haltung der kirchen komen sein / so doch das alle verstandigē selb bekennē? Vñ das auch zum fürnemsten/ in der verkerten ehr vñ anruffung der abgestorben heyligen? Aber hie von hernaher im Artikel von der waren vnd falschen Gemeinden Christi/ weiter vñ eygentlicher.

Vñ aber/ wie wol das das Anruffen der abgestorbenen heyligē keyn lehr noch thūn seye der Allgemeinen Christi/ sonder ein lauter menschen gedicht vñ vermessenheit/ auß dē so ich hie von bisher fürbracht habe/ genugsam erwysen ist/ Nemlich/ Weil dargegan ist/ das diß anruffen nit allein in Göttlicher schrift/ vnd durch die Apostolische ordnung nit dargegeben/ sonder das es auch dem waren anruffē Gottes durch Christum entgegen vnd abbrüchlich ist/ jedoch so solle vns in dem des waren Augustini ware zeugniß/ vom C. Deputaten vñ weniglich vnerworffen bleiben. Welcher zeuget/ das das heyligen anruffen/ nit allein kein lehre nach brauch der Gemeinden Christi seie/ sonder seye ein irthumb vñ mißbrauch/ den die Gemeinde Christi durch die gesunde lehre straffe/ vñ nicht gedulde. Dan also schreibt er im xxij. büch de ciuitate Dei von der Gemeinden Gottes im x. cap.

vnd anruffen der Heyligen. liij

Wir aber, (meinet die Chriſtē Allgemein) bauwen vnſern Martyrern nicht tempel, wie den Götteren, ſonder gedechtniſſen wie verſtorbnen menſchē, deren geiſter bey Got leben. Vnd richten nicht da Altar auff, vff welchen wir den Martyrern opfferen, ſonder auff denen wir dem eynigē, der Martyrer, vñ vnſerem Gott, opffer thün. Bey welchem opffer ſie als menſchen Gottes, die die welt in irer bekentniß vberwunden haben, an ſeynem ort, vnd in ſeyner ordnung genennet, aber nicht von dem Prieſter, der das opffer thüt, Angerüffet werdē .i. inuocantur. Dañ er Got, mit inen opffert, ob er wol opffert in ihrer gedechtniß. Dann er iſt Gottes Prieſter, mit jr, der Martyrer.

Diß ſind die wort deß h. Auguſtini, in denen er die Chriſtliche Gemeinde gegen den Heiden verteydiget, vnd von irer haltung zeuget. So mercke nun das wol Chriſtlicher leſer, das dieſer Heylige lehret ſchreibet, Das der Prieſter, der von wegen der ganzen gemeinden Chriſti bethet, vnd opffert, die Heyligen mit Anruffet, vñ inen nicht Opfferet. In dem xx. büch wider Jauſtum den Manicheer ſchreibt er. Wenn jemand in ſolichen irthumb fellet, das er einem Martyrer, oder Heyligen ſeelen, oder einē Engel opfferen will, ſo wurd er durch die geſunde lehre geſtraffet, das er entweders gebetteret werde, oder das man ſich vor im biete.

Mercke auch das der h. Auguſtinus, das Anruffē, vñ Opfferen, gleych haltet, vnd beyde dē zügibt, der nicht

Mercke dieſen ſpruch deß Heiligen Auguſtini.

Im gemeinen gepet der kirchē ruffet man die Heyligen nit an / ergo ſie anruffē / iſt kein werck der Chriſten.

## Von verehrung fürbit

Die Hey-  
ligen an-  
ruffen/vñ  
inē opffer-  
ren / sind  
beyde ir-  
thumb.

nicht Gottes / sonder der Heyligen Priester ist. Damit wie er gesagt hat / die Heyligen werde nicht vom Priester der opffert angeruffen / henget er gleich diese vrsach daran. Dañ er opffert inen nicht / Dañ er ist Gottes / nit jr Priester. Auß diesem ist ja offenbar / das die Allgemeine Christi / zu den zeyten Augustini / die Heyligen anruffen / inuocare, vnd inen opfferen / für ein irthumb gehalten hat / nit für ein Christliche lehre / oder brauch. Vnd für ein solchen irthumb / darinn man die leuth / die dauon nit hetten wöllen abstohn / hette gemitten / vnd sich vor inen gehüttet. Daher die Christliche Gemeinde / das auch behalten hatt / das man noch heutigs tags keinen Heyligenn in gemeinen gebetten bey der Messen anspricht / wie meer malen gemeldet / Vnd so die besondern gepett der Christen / nach dem gepett des Priesters / das er von wegen der gantzen gemeinden Christi thüt / angestellet / vnd gehalten werden sollen / So schleust sichs ja vnwidersprechlich / allein auß diesem exempel der kirchen / Das das ansprechen vñ anruffen der Heyligen / das geschehe in gemeinem / oder besonderem gepett / in keynen weg / als ein lehre / oder gebrauch der Christlichen gemeinden gehalten werden mage.

Etliche  
S. Väter  
ter haben  
die Heyli-  
gen in irē  
lobpredis

Dagegen aber würfft man vns für / das die h. Väter Gregorius Nazianzenus / Chrysostomus / vnd etliche andere in iren lobpredigen von den Heyligen Ier Prudentius in seynen lobgesengen vom den Martyrern / die verstorben Heyligen angesprochen / vnd vmb  
ire

fre fürbit gebetten haben. Dar auff sagen wir, das die  
 se menner soliches nach der Rhetorischen, vnd Poeti-  
 schen weyß gethan haben. Auff die weyß die Græci-  
 schen vnd Latinschen redner auch allerley verstorbe-  
 ne vñ abwesende leuth, als gegenwertig, pflegen an-  
 zusprechen, die sachen, die sie handlen, damit etwas  
 scheinbarer dem gemüt für augen zü stellen. Also spre-  
 chen die Propheten vnd Psalmen an auch die Himel-  
 berg, vnd andere vnbestindliche Creaturen, vnd ver-  
 manen sie zum lobe Gottes, als ob sie die rede, vñ  
 das vermanen, wie menschen verstünden.

gen ange-  
 sprochen/  
 aber auff  
 Rhetoris-  
 sche weyß  
 nit in ern-  
 ste gebete-  
 ten.

Das würdt man aber weder bey diesen vermeldten  
 noch anderen 3. Väteren finden, das sie in den ern-  
 sten gepetten die Heyligen selb angesprochen, vnd an-  
 geruffet haben. Vnd ob man schon anzeygen köndte,  
 das sie solichs in jren besondern gebetten gethan het-  
 ten, wie Pighius etliche gebet an die Mütter des Her-  
 re anzeucht, vñ dem 3. Augustino wider sein gewissen  
 zü schribet, noch weil kundtlich, das die lieben Heyli-  
 gen Väter in den gemeinen gebetten die Heyligen nie  
 angesprochen habē, als es die Gemeinde Gottes noch  
 nit thut, so möchte man doch darauß nit schliessen,  
 das diß anruffen der Heyligen ein werck der gemeindē  
 Christi je gewesen seye, in dem wir den alten Christen  
 vnd gemeinden Gottes nachfolgen solten.

In dem büch von den witwen, dem 3. Ambrosio  
 zügeschriben, ist wol auff die weyß, wie die C. Deputa-  
 ten,

## Von verehrung fürbit

ten/ vnd andere widerfechter der reinen lehre Christi das ansprechen der abgestorbenen heyligen für gebē/ das exempel eingeführt des fürbittens S. Peters vñ Andreas für die Schwiger S. Peters / da durch diese zwen Apostel vom herren erbattē/ das er vber die selbige S. Peters Schwiger stunde/ vñ dem feber gepotete/ das es von jr ließe / Dann der dichter des selbigen büchs auß jetz vermeldtem exempel schreybet/ Wie S. Petrus vnd andreas für die Schwiger Petri den herren gebetten/ vnd jr gesundtheyt erworben haben/ Also weiß vnser fleysch schwach ist/ das gemüt siech/ vñ durch die band der sünden verhindert/ das es zum stül des arzets seinen blöden gang nit fürbringen mag/ seien die Engel für zū vns bittē/ die vns zur hüt gebē/ auch zū bittē die Martyrer/ deren vertretē vñ vorgang wir vns gleich als von wegen des pfands irer leibe/ die sie bey vns haben/ fordern vnd gebrauchē mögen.

Diese Rhetorische rede/ laßt sich wol ansehen / als lehret sie eben das ich jetz hie vor durch die 3. Schrifft vnd natur des waren glaubens an Christum/ verlegt/ vnd erwisen habe/ das es anders nichts seye/ dan die armen zagenden gewissen/ von Christo irem heilande verleyten / wenn man sie also erstlich zū heyligen weyset/ als ob die selbigen sie gnediger auffnehmen solten/ dann Christus selb. Diese rede laute aber wie sie wölle/ so ifts doch weyt dar von / das auß dieser rede geschlossen werden möge/ das das anruffen der abgestorben

vnd anruffen der Heyligen. liij

storbenē Heyligē / ein werck der gemeinde Christi seye /  
das wir zu einē Gorgefelligen exempel ziehen möchtē.

Dañ erstlich werde die gelertē / so diß büch von den  
witwen / dem lieben Ambrosio zūgeschriben / recht be-  
sehen / vnnnd gegen den ongezweyseten bücheren Am-  
brosij halten / nicht für Ambrosij werck erkennen. Als  
das mit meerem gepreng zierlicher reden geschreibent  
ist / dan der H. Ambrosius zū schreiben gepfleget hat.

Es findt auch noch andere Rhetorischen reden in  
dem büch / derē sich der H. Ambrosius gar ongern wür-  
de gebrauchet haben. Als die an diesem ort stehet. Die  
Martyrer mögen für vnserē sünde bitten / die ire sün-  
den / wa sie etlich gehabt / mit irem eygem blüt abge-  
waschen habē. Der H. Ambrosius hat das gar volkom-  
men erkennet / das hie niemandt one sünde ist / vñ das  
allein das blüt Christi alle Heyligen von allen sünden  
reyniget / wie Johannes zeuget / 1. Johan. 1. Also wür-  
de der war Ambrosius auch nymmer meer gesagt ha-  
bē / das die Martyrer fürgesetzte vnd auff seher seyent  
vnserē lebens vnd thuns. Dan diß ist das werck Got-  
tes / vñ vnserē Herzē Jesu Christi. Deren zū vil Rethori-  
schen reden sind nach meer in diesem büch / die der ein-  
falt des glaubens zū nahe lautē. Darum muß diß büch  
eins anderen mans gedicht sein / dan des H. Ambrosij.

Zum anderē / so setzet der tichter in diesem büch / Es  
sind / die für ein tugēt haltē / die sünde durch das eyser  
vertruckē. Vñ redet von denen / die inen selb außschnei-  
den / damit sie nit in die sünd der vnkeusheit fallē. Vñ

## Von verehrung fürbit

spricht dann hierauff. Von welchen, ob wir wol vnser vrtheyl nit geben wollen, wie wol der elteren gesess vor handen sindt, 2c. Wer wolte nun diese rede glauben des H. Ambrosij sein? Wie solte er geschriben haben, das er nit wolte seynen sententz wider die geben, die jnen selb aufschneiden, vnnnd ire natur mit gefahr ihres lebens verlegen? So doch die solichs thun, im xxiij. Canone, deren die man den Apostelen zuschreibet, für todtschleger, vnd feinde der natur erkennet worden seindt. Weyl dann der H. Ambrosius ferr von dieser meinung gewesen, so muß diß büch auch nicht sein gedicht sein, sonder etwan eynes geleertē latiners, der sein Rhetoric in dem büch hat beweyssen wollen.

Zum dritten, so schreibet dieser Heylige man Ambrosius vber das erste capitel zum Römern (welches büch onzweiffel sein ist) wider die Heiden, die sich eben der entschuldigung, das sie so vil Götter hatten, behelfen wolten, deren sich vnser Heylgē Prediger gebrauchten, also. Darumb komet man zum König durch die haupt vñ amptleuth, das der König ja ein mensch ist, vnd nit weysß wem er des Reichs sachen vertrauwen solle. Aber vmb Gott etwas zu erwerben, der ja alles weysß, weyl jm aller verdienst bekant sein, darff man keynes fürbitters, vnd fürdierß, suffragatore non opus est, sonder eins ergebenen vñ andechtigē gemüts, Das wa das reden würdt, da würdt er antworten. Diß findt die wort des waren, nit erdichten Ambrosij, des orts, Vnnnd auff die meinung redet er vom anruffen vnd

vnd anruffen der Heyligen. lv

vnd betten zu Got selb, durch Christum, allenthalben in seinen schriffren. Darauß ja klar zuerkennen ist, das die vorerzelte meinung, auß dem büch von den witten, mitt Ambrosij sein muß, sonder eines vnbeantweten, der sein gedicht vnder dem namen Ambrosij gern hoch anbracht hette. Derhalben auß solichem büch mit nichten dargethon werden mage, was der alten Gemeinden Christi glaube vnnnd haltung vom anruffen der Heyligen gewesen seye.

Aber gesetzt, vnnnd nit nach geben, das diß erzelet büch Ambrosij seye, oder sunst eines der ein besunder ansehen haben solle, so würdt doch darauß nicht zu erhalten sein, das der tichter dieses büchs, das anruffen vnd anbetten der Heyligen habe verteydingen wollen, da für die C. Deputaten streyten, da durch man die Heyligen anspricht, gleych als ob sie zu gegeweren, vnd vnser anligen gewislich erkenneneten. Dan da der Schriber diß büchs lehren will, wie man die Martyrer zu fürbitteren bekommen solle, schreybt er also. Die schwiger Petri hat gefunden die für sie bitten, Also findest auch du, witwe, die für dich bitten, wenn du als eine, die warlich eine wittwen, vnd einsam ist, auff Gott hoffest, ligest ob dem flehen, beharrest im gepett, haltest deinen leyb, als die täglich stirbt, damitt du durch das sterben wider lebest. Sehe, wadurch dieser Schreyber lehre die fürbitt der Heyligen vberkomen. Nit zwar damitt, das man sich ihres verdiensts vil getröste, vn sie anruffe, sonder

O ij      das



## Von verehrung / fürbit

das man auff Got hoffe, vñ dem gepett zu Got oblige.

Also saget er bald hernaher. Der mage allein die reu-  
nikeyt des gemüts vnd hertzens halten, der sich weyß  
dem Priester fürzustellen / den wyr zum fürsprechen  
für vnser sünd angenommen haben. Dem gesagt ist /  
Du bist ein Priester in ewigkeit / nach der weyß Mel-  
chizedech. Da sehe zu welchem fürsprechen für deine  
sünde / dich diser schreyber weyse. Es gibt auch das  
eingefürte exempel nicht, das wyr die Heyligen bitten  
sollen, das sie für vns bitten, wie Lucas auch mit mel-  
det das die schwiger S. Peters den Petrum vñnd An-  
dream darumb gebetten habe, sonder das wyr sehen  
sollen, das wyr den Heyligen durch die Gotseligkeit,  
vñnd gute werck verwandt werden, das sie damit  
für sich selb für vns bitten. Deren fürbit, die sie für  
sich selb thun, wyrd ann genießen mogen, so wyr im  
Christo durch waren glauben leben, vñnd in dem mit  
inen vereiniget sein. Aber von diesem ort weyter in der  
Lateinischen antwort.

Es sie aber auch gesetzet / vñnd doch nit nachgebē,  
das der ware Ambrosius vñnd andere Vätter, die ab-  
gestorbenē Heyligen nit allein in den rhetorischen rez-  
den, sonder auch in ihren ernstten gebetten haben an-  
gerüffet, vñnd anruffen gelehret, noch mage vns das  
kein gewisse zeugniß geben vom glauben vñnd halten  
der Gemeindē Christi, Weyl die alle nach in den ges-  
meinen gebettē, der versamleten Gemeinden Christi,  
alles gebett an Got den Vatter selb, durch vnserē Her-  
ren Christum, vñnd keinen Heyligen gethan haben.

Wie

Von anruffen der Heyligen. 107

Wie es auch der liebe Gott biß auff vnseren zeyten wunderbarlich erhalten hatt/ Dann diß allgemein gebett/ zeuget vom glauben der Gemeinden Christi/ vnd nit das/ so die 3. Vätter in ihren besondern gebetten/ gleych mit besonderem ernst/ vnd vermeintlicher andacht haben mögen auß menschlicher blödigkeyt nit ein lauffen lassen/ Wie sie dann alle noch menschen gewesen/ vnd von menschlichen feylen noch nit haben gar frey sein mögen.

Mitt dem Pighio werffen die C. Deputaten ferner hie für das exempel Theodosij/ seines Clei/ vnnnd volcks/ mit denen dieser Keyser/ als er sich wider den Tyrannem Eugenium gerüstet/ solle durch alle bettstett vmbher gezogen/ vnnnd für den Sarcen der Apostel vnnnd Martyrer auff der Erden gestreckt gelegen sein/ vnnnd vmb die treuwe hilff der Heyligen gebetten haben. Darauff wyr antworten. Wenn gleych gewiß were/ das dieser Keyser der Heyligen hilff/ wie vermeldet/ gesüchet hette/ so mag doch dar auß nit geschlossen werde/ daser daran recht gethan/ vnd ein ware thatt bewysen habe der Christlichen Gemeinden. Er war ein mensch/ wie auch alle seine priester/ sponnd volck/ Die menschen aber fallen gar leicht dahin/ das sie neben Christo dem Herren trost vnnnd hilff suchen. Doch schreybet Theodoritus der Bischoffe/ von diesem Keyser libro v. capite xxiiij. Das er da er des genannten Tyrannen heer angreyffen wolte/ die ganze nacht vber in einem bett heuflin/ das

## Von verehrung fürbit

das er auff den berg daran sein Heer lage gefunden hatte, dem Herrem aller dingen, Gott, geflehet habe mit den Heyligen.

Die alten  
Litaniën  
sindt ernst  
gepott  
vnd flehe  
zu Gott  
durch  
Christum  
gewesen/  
nit das ora  
pro nos  
bis zum  
Heyligen

Zum leesten werffen die C. Deputaten die Litaniäs für, vnd thun als ob sie etwas groß für sich, vnd wider vns fundē hetten, das die Litanie vor den zeyten Gregorij gewesen sein, Welches wyr ihn wol one das wolten gestanden haben, ja auch das man sie vor der geburt Christi gehalten hatte. Was heysen aber vnd seind der alten Gemeinden Christi Litaniē gewesen? Meinen die C. Deputaten das die alten Gemeinden Christi in ihren Litaniën, das Ora pro nobis zu den Heyligen, wie sie thun, gesungen haben. Das werden sie nicht erweisen. Wie auch nicht das man die Heyligen sunst habe angeruffen, ob wol das volck zu deren gedechtnissen, das ist, greberē, versamlet wordē ist, vnd alda die Litani, das ist das Gemein gebett, vnd flehen, mit ihren Priestern gehalten hatt. Augustinus zeuget ia clar, Das der Preister in dem gemeinen gebett der Gemeinden Christi, die Heyligen nicht anruffe, als we nig als er ihnen opfferet.

In dem aber das ich den H. Augustinum hierin ansehe, schelten mich die C. Deputaten ein Sycophanten, vnd impostoren, der ich der H. Vätter spruch onterwlich ansehe, die verkere, vnd in fremden sime krumme, vnd biege. Dañ ich habe das der H. Augustinus meldet, von dem, das wyr Altar bey den gedechtnissen

vnd anruffen der Heyligen. lvij

nissen der Heyligen auffrichtē vnd Gott opffer thun. Item von fürbitt vnd verdienst der Heyligen/ außge-  
 laßen ic. Damit du aber Christlicher Leser zwischen  
 vns recht vrtheylest/ so lese die drey letzten Paragra-  
 phos im siebenden Articul meines vorigen büchs/ Da  
 das ort ist/ darumb sie mich also vbel schelten. Ich ha-  
 be ia nicht alle wort des Heyligen Augustini von die-  
 ser sachen in mein vorig büch gesetzt/ wie es die sach  
 auch nit erfordert/ auch keinem der die 3. Lehrer an-  
 zeucht/ie auffgeleget worden ist/ Ich hab aber auch  
 mitt auffsatz keyn wort außgelassen/ das zur sachen  
 dienet. Vnnd damit ein ieder lesen möchte/ alles das  
 der 3. Augustinus hie von geschriben/ habe ich am  
 rand des büchs drey ort auß den bücheren verzeych-  
 net/ vnnd damit den Leser gewysen dahin/ daer les-  
 sen magē/ alles das ich der kurtze halben zu verdol-  
 metschen nach gelasen habe. Zeyst das die rede Augu-  
 stini verschlagen/ oder verduncckeln?

Das der  
 S: Augu-  
 stinus für  
 vnß/ vnd  
 wider de  
 gemeinen  
 mißbraus-  
 ch an den  
 heyiligen  
 geschribē.

Das aber die C. Deputaten lesteren/ ich verkere ih-  
 nen vnd den lieben Väteren ihre wort vnd schriffte/  
 vnd krümme sie auff einen frembden sinn/ das haben  
 sie geschriben/ als onwarhaffte leuth. Vñ trutz ihnen  
 vnnd allen feinden der warheyt Christi/ das sie mich  
 des in einigem spruch/ in allen meinen schrifften imer  
 mehr vberweysen. Dann ich/ Gott seye lob der mir  
 den sinn gegeben hatt/ mitt besonderem fleiß alle mal  
 darauff sehe/ wenn ich gegen meine widerwertigen  
 schreibe/ das ich ihre wort anders nicht deute/ noch dar-

Offenes  
 lich vns  
 warheyt  
 der C. De-  
 putaten

## Von verehrung / fürbit

gebe / dann sie die selb gemeinet / vnnnd haben fürgerben wollen. Also wa ich der Väter spruch anziehe / sehe ich nit mit wem germ ernst dar auff / das ich weiter nicht darauß ziehe / oder folgere / dann sie in ihrem waren eygentlichen verstandt geben. *Hæc uero istorum iudicum, istorum Magistrorum nostrorum, grauitas est, hæc sinceritas adeo manifeste calumniari, & falsa imponere crimina?*

Aber damit du sehest / was ich hie von / auß dem Augustino nitt verdolmetschet habe / vnd ob das für / oder wider die C. Deputaten seye / so will ich dir das selbige vollendt auch verdolmetschen / doch etwas weiter / dan es die C. Deputaten fürbringen / denn die da auffgehört / da es offentlich wider ihren mißbrauch zeuget. Also hatt der liebe Lehrer Augustinus wider der Saustum den Manicheer geschribē lib. xx. cap. ij.

Das Christlich volck haltet die gedechtnuß der Martyrer herlich / nitt andechtigen festen / das es da durch ihnen nach zu folgen erwecket / vnnnd ihren verdienste zugesellet / vnd im durch ihr gebett geholffent werde. Doch der gestalt / das wyr keynem Martyrer Altar auffrichten / sonder dem Gott der Martyrer / bey den gedechtnußē der Martyrer / (Zie haben die C. Deputaten die redt Augustini abgeschnitten) Dann welcher Bischoffe oder fürsteher hat ie gesaget / weiß er am altar in den stetten der Heyligen gestanden ist / Wyr opffren dir o Petre / oder Paule / oder Cypriane? Sonder was da geopffert wurd / das wurd Gott geopffert

Der Bischoffe spricht die Heyligen nit an / opffert men nit.

vnd anruffen der Heyligen. lvij

opffert/ der die Heyligen gekrönet hatt. Auff das auß  
der erinnerung so von den stätē kommet/ entstehe ein  
größer annütigkeit vnd hertzlichkeit/ vnd also die lie-  
be gescherffet werde/ beyde gegen denen/ denen wyr  
mögen nachfolgen/ vnnnd gegen dem/ durch des hilff  
wyr ihnen mögen nachfolgen. Darumb so verehren  
wyr die Martyrer mitt der verehrung der liebe/ vnnnd  
der gemeinschafft/ mitt welcher die Heyligen leuth  
auch in diesem leben verehret werden/ deren hertz wyr  
vermercken zū solichem leyden/ für die Euangelischen  
warheytt/ bereydet sein. Aber jene verehren wyr so vil  
andeckriger/ so vil wyr das sicherlicher thun nach dem  
diese vber alles ongewisses komen sindt/ vnnnd so vil  
wyr sie mitt trostlicherm lobe preysen/ als die nun  
nach dem syg in dem seligen leben sindt. Hæc ille.

Sehe da Christlicher Leser/ nun hastu diesen spruch  
weyter/ vñ das auch verdolmetschet/ das die C. Depu-  
taten klage/ von mir hie vor vmbgangē sein Welches  
wort aber ist dar in/ das ir Anruffen der Heyligen leh-  
re/ darumb allein der streyt ist zwüsche vns/ oder das  
dem/ das wyr von der verehrung der Heyligen hie vor  
geschriben haben/ entgegen seye: Wie vil ist aber hie/  
da durch der Heyligen dienst/ da für die C. Deputaten  
streiten/ gar vmbkeret würdt?

Dann erstlich das man der 3. Martyrer/ von de-  
nen man ware zeugniß hatt/ gedechenüß herlich hal-  
ten solle/ damitt mann erwecket werde ihrem glau-  
ben nach zu folgen/ welches der heylig Augustinus

Die ab-  
gestor-  
benen heyligen solle  
man eren  
wie die  
heyligen  
vff erden.

## Von verehrung fürbit

an diesem ort / die erste vrsache setzet / das lehre ich auch / vnd hab es im vorigen büch geschriben / Ich lehre aber das auch darbey / das dieser Lehrer hinbey gesezet hatt im viij. de Ciuitate Dei, cap. xxvij Das wyr Gott vnb die hülff ihnen nachzu folgen anruffen sollen / nit sie die Martyrer. Also lehre ich auch / das das aller erste in den gedechtnüßen der Martyrer seye / wie das dieser Lehrer am ietz gemeltem ort setzet / das wyr Gott danck sagen / vmb den sig den er den Martyrer en verluhen hatt.

Die andere vrsache darumb wyr der Heyligen ge  
dechnüß herlich haltē / setzet dieser Lehrer / das wyr  
ihren verdiensten zū gesellet werden / Das lehren wyr  
auch. Was seind aber ihre verdienst bey diesem Lehr  
er? Sagt er nicht lib. Confess. ij. cap. xij. zū Got selb  
also. Wer dir o Gott seine ware verdienst erzelet / was  
erzelet dir der anders dann deine gaben? Wie werden  
wyr dann nach der lehr dieses Lehrers solichem ver  
dienst der Martyrer zugesellet / das ist / wie kommen  
wyr zū gleychem verdienst / vñ angenehmen leben bey  
Gott? Freylich allein durch den waren glauben an  
Christum / wie den die H. Martyrer gehebt haben?  
Den one diesen glauben kommen wyr nimmermehr zū  
ihren verdiensten / das ist / zū recht glaubiger bekant  
nüß Christi / in worten vnd wercken / die Gott vmb sei  
nes lieben Sons willen gnediglich auffneme / vmb  
auß freyer gnaden belöhne / wie er der Martyrer bes  
kantnüß auffgenommen / vnd belohnet hatt.

vnd anruffen der Heyligen. lij

Der C. Deputaten dolmetsch hat hie verdolmetschet, das sie ires verdienstes mögen theylhafft werden. Sed est, Vt meritis eorum consocietur, non, ut meritis eorum fiat particeps. Der Heyligen verdienst / hat inen selb mit sünden, die seligkheyt zu erlangen / genüg sein / wie das dieser Lehrer doch so vberreychlich lehret, vñ zeuget an so vilen orten. Wer ist nu hie trew oder vntrew im dolmetschen?

Die dritte vrsach das wir der Heyligen gedechtniß halten / ist das vns mit irem gepet geholffen werde / Aber von Got / vñnd genzlich durch Christum vnsern Herren. Dem haben wir auch nie widerprochen / Dañ ich ja bekenet habe auch im vorigen büch / das die liebe Heyligen wie sie bey Christo lebē / also auch für vns bitten. Vñ das mit nichtē vñ sonst / darüñ jr gepet auff seyne maß zu vnser hülff auch dienet. Wir werdē aber ires gepets dan erst theylhafftig / vnd geniessen (wir / sage ich / die jr gedechtniß halten) wann wir selb auch in warem glauben Got durch Christum anruffen / vnd mit inen bitten. Darüñ ist auch diese vrsach nach den vorigen gesetzt / als der danck sagung vmb der Heyligen sig / der nachfolge ires glaubens / vnd der zügesellung ires verdienstes.

Sehe was ist nun in diesem alle wider meine lehre / oder für die C. Deputaten / das ich dise spruch des H. Augustini solte mit vntrewen auffsatz außgelassen haben.

Über das ziehen die C. Deputaten an / das der liebe



## Vnd verehrung fürbit

Augustinus hie sagt / Wie wol bey der gedechtnuß der  
Martyrer / Damit er anzeyget / das die altē / bey den /  
ja auff den grebern der Martyrer altar auffgericht /  
vnd dan opffer da gethon habē. Diß wider sprēch noch  
verwerffe ich auch nicht / weñ man das thūt / wie der  
3 Augustinus dar bey lehret / cap. 27. lib. de Ciuitate  
Dei 8. Zu der ehr vnd dem dienst Gottes / nit der heyligē  
gen / (Dan er hat geschribē / ad Dei honorē cultūq.) Vñ  
opffert da Got / nit den heyligē / vñ wie das Got ver  
ordnet hat / zur stercke vnd meerung des glaubens an  
in vnseren einigen heyland / nit wie die menschē Got  
tes ordnung verkeret haben zum aberglauben an die  
heyligen.

Nun sehe wie vil in vermeldten vnd von mir anges  
zogenen orten Augustini / seye / da durch der heyligen  
verehung / vñ das anruffen / da für die C. Deputaten  
streiten / möge verfochten vñ verteydiget werdē / des  
findestu ja nichts vberal. Aber da durch soliche Abgöt  
tische verehung vñ anruffung gar vnteret vñ ganz  
abgöttisch vñ heydnisch erwoysen werde / das findestu  
in verzelten sprüchen klar vnd gewaltig. Dan erstlich  
siehestu hie das die Christlich Gemeinde / als ein Ab  
göttischen / heidnischē irchumb vñ mißbrauch erkenet /  
den heyligen / oder jnen zu ehren vnd dienst / tempel vñ  
altar bauwen / Priesterthumb vñnd Priester / heilige  
empfter vnd opffer verordnen / zürichten vñ thūn. Dan  
diß alles wie der 3. Augustinus zeuget / gehöret zu  
dem dienst vnd der verehung / die Gott allein gepü  
ret.

Den heyligē opffe  
ren altar  
vnd tempel  
bauwen / ist  
Abgöttes  
rey:

vnd anruffen der Heyligen. lx

ret. Sic enim habet lib. de ciuit. Dei 8. cap. 27. Nec tamen nos eisdem martyribus templa, sacerdotia, sacra, & sacrificia constitutumus, quoniam non ipsi, sed Deus ipsorum nobis Deus est. Wir richten den Martyrern nicht tempel zu / noch Priesterthumb noch Heylige ämpter / noch opffer werck / Dann nicht sie / sonder ihz Got / ist auch vnser Got. Auß dem sich ja schlenffet / das die / welche soliche ehre vnd dienst / den Heyligen an thün / jetzund sie für ire Götter / vnd nicht den waren einigen Got / der Martyrer vnd aller recht gleubigen / für iren eynigen Got vnd Heylandt erkennen noch halten.

Diz zeuget dieser heiliger lehrer an dem vor angezogenen ort / auß dem xx. büch Contra Faustum cap. xxi. da er also schreibet. Die weyl zu dē dienst / der Got allein zu stoht / gehöret / das opfferen des Heyligen ampts / daher dan Idolatria der gözen dienst geheysen würdt / deren / die solichs auch den Gözen thün / so opfferen wir keynem Martyrer / keyner heyligen seen / keynem Engel etwas solichs in einigen weg / vnd lehrens nicht / sonder wer in solichen irthumb felle / der würdt durch die gesunde lehre gestraffet / das er entweder gepessert / oder gemitten werde. Hac ille

Keinem heiligen solle man opfferen.

Sehet den Heyligen solle man nichts solichs opfferen vnd thün / wie die Heyden ihren Gözen opfferen vnd thün / Was ist aber nun das die Heyden ihren Gözen je geopffert habenn / allein aufgenomen

## Von verehrung fürbit

Greulic  
che heylis  
gē offer.

men die schlacht vnd brandtopffer / das vnser verker-  
te heyligen diener iren heyligen / deren gepain vñ Göt-  
zen mit auch opfferen. Sie geloben vñnd opfferen ir  
den heyligen ire kinder / Sōne / vnd dōchter / in die ver-  
meinten brüder vnd Schwester orden / in den Priesterli-  
chen stadt / zū bitferten vñ andere. Zū Cöllen opfferen  
sich die leuth den 3. dreyen Königen / das sie sie bewa-  
ren sollen / wenn sie reysen wōllen.

An vilen orten opffert man die kinder vñ alte leuth  
den heyligen / vñnd löset sie dann also / mit frucht die  
gleych wiget / oder mit wachs / oder gelt. Also opffert  
man jnen auch allerley viehe / vōgel / vnd fisch / welche  
sie die lebendigen opffer heysen. Item korn / fleisch /  
gelt / wechsen bildet / kerzen / vnd allerley liechter /  
renchwerck / vnd anders / Was alles das die heyden  
iren Götzen vnd falschen Götteren je geopfferet ha-  
ben. Sie opfferen jnen auch das gebet / die Vatter vñ  
ser / die Aue Maria / Rosenkrenz / Psalter / Saluc regi-  
na. vnd andere gebet vnd geseng.

Schand  
opffer dē  
heyligen.

Iren vil kōmen auch in so verkerthen sū / das sie den  
heyligen vnzüchtige abschewliche opffer bringen / vñ  
für ire Götzen frey auffhengen. Als nit weyt von Pa-  
riß opfferen die weyber die gern kinder hetten eynem  
Götzen oder vermeinten heyligen mans nider wat.  
Nit so fern von hinnen opfferen sie für das verzauber-  
ren der mannes krafft / formen Menlichs glides / zū  
Augsburg hat man vor der Chrißlichen Reformation  
gleyche

vnd anruffen der Heyligen. 171

gleyche opffer geopffert S. Simprecht für die schäden an solichem glied/welches allein daher entstandē/ das der nam S. Simprecht/ den sie des orts Zimpert nemen/etwas gleych lautet vff den namen des menlichen glieds. Der gleichen onsinigkeyten findet man allenthalben onzulich viel.

Die verfürten leuth sagen auch frey stracks wider das der H. Augustinus zeuget der Gemeinden Christi brauch vñ haltung sein. Ich opffere dir o werde Mutter Gottes. O lieber Himmelfürst vñ heilandt S. Antoni/ S. Quirin/ S. Zuprecht/ dieses kind/ dieses Schwein/ diese gans/ dieses lamb/ diß gebet/ diese Vatter vnser/ vñ was es dan ist. Vñ was darff es vil erzeles? Ist doch mit diesen greuwelen allenthalben / wa es die reine lehr des H. Euangeli mit abgetriben hat/ überschüttet.

Dieses so grewlich Abgöttisch opffern sehen vor augen/ vnd genieffen fileicht sein auch die C. Deputaten vñ ire mitgesellen/ die vns täglich der neuwen vñ falschen lehr felschlich vñ Gotloslich bezüchtigen vnd lesteren. Sind aber hie wider stumende hund / konden nicht bellē/ ligen vñ schlaffē. Waher mage das komē? Der Prophet sagt fort / mit ich. Es sindt starcke hund von leib/ vñ konden nit sat werden/ Wen sie wider die so grausamen Abgötter eyen/ frey vnd streng ruffen wolten/ wie die waren Prophen Gottes zū thün pflegen/ vñ sie zū thün auffs höhest verpflichtet sein/ wär

Jesa. 56.

Q

de es

## Vnd verehrung fürbit

de es inen mit allein der ehlichen / frölichen / wolharrenden bancketen / vnd ander zeytliche ehr vñ niessung mit meer gebenn / sonder auch allerley verfolgung / schand / creutz / vñnd tode erwecken / welchen lohn die Gözen diener auch den Propheten vñnd Apostolen / vnd Christo dem Herren selb geben haben / Des glust diese leuth mit so wol / als der feysten Pastoreyen vñnd ander zeytlichen nuzung vnd ehren. Diß aber will ich gegen denen allein geschriben habē / die sein offenbarelich schuldig seind.

Wa sie aber sagen wolten / der H. Augustinus redet alhie vom opffer das der leyb Christi ist / welches auch weder sie / noch die iren / den Heyligen auffopfferen / Dar auff ist die antwort. Dieser Heylige Lehrer sagt wol de ciuit. Dei lib. 22. cap. 10. da er anzeygen will / was / vnd wem der Priester Gottes von wegen der Gemeinden Christi opffere. Das opffer aber ist der leyb Christi / welches mit inen geopffert wurd / dann der selbige leyb sindt sie selber. Aber contra Faustum saget er wie jezund an hie vor noch ein mal angezogen ist. Das die Christen den Heyligen nichts solichs opfferen / wie die Heyden ihren Gözen. Vnd das alles opfferen / ein dienst ist der Got allein eigne. Damit er ja klar bezeuget / das die waren Christen den Heyligen vberal nichts opfferen / sonder Abgöttisch vnd Heydnisch erkennen / was man ihnen opffere / es seye gleych was es wolle. Christen betten Got allein an / vnd thün jm allein alle opffer vnd dienst.

Alles  
opffer dz  
man den  
heyiligen  
thut ist ab  
götterey.

¶

vnd anruffen der Heyligen.

171

Den heiligen tempel vnnnd Altar bauwen ist Abgötterey.
 Tun handeln aber die Heiligen diener nit allein in dem Abgöttisch/ nach dem spruch des H. Augustini/ das sie den Heyligen/ ihren Götzen/ vnd gepeinen/ allerley/ vnnnd auch ganz abschewliche opffer opfferen/ sonder auch in dem/ das sie inen tempel/ Altar/ vnd eygne empter zü richten vnd halten.

Vnd ob sie schon sagen wolten/ ire leuth bauweten kirchen vnd Altar/ vnd hielten ihre kirchen empter für nemlich Got/ vnd allein zü der ehr der Heyligen/ So sagt doch der H. Augustinus/ das die Gemeinde Christi/ die Altar/ auch die sie auff die Heyligen leyb der Martyrer zürichtet/ zürichte zur ehren vnnnd dienst Gottes/ nit der Heyligen/ Also geschehe auch aller kirchen dienst allein Got/ der die Martyrer zü mensche/ vnd Martyrern gemacht hat/ vnd nit den Heyligen/ welche darbey allein genennet werden als menschen Gottes/ die die welt mit irer bekantnüss vberwunden haben. Was darffes aber wort? Sagē jr nit selb/ das ist vnser frauen/ das ist S. Pantaleon/ das ist S. Quirinus kirchen/ oder altar: Also/ sagt jr nicht/ das ist vnser frauen/ S. Sebastians. S. Quirins fest/ Mess/ kertz/ vnd der gleychen? Hat nit euwer fürnemster Prediger diß nehest verteydiget/ Auß dem/ das die menschen alhie inen selb/ vnd den iren heuser/ vnd gemach bauwen/ vnd nach iren namen nennen? Als ob es mit den geystern/ die bey Christo im himel leben/ vnnnd den leuthen auff erden einn gleyche rechnung hette.

## Don verherung fürbit

Vnd ob vnser widerpart wolte sagen / Augustinus  
liesse doch zu das wir den Martyrern gedechtnissen  
bauwen / vñ die ehren. Ist war. Was sagt er aber dar  
bey? Wir bauwen ihn gedechtnissen als todten mens  
schen. Item / wir ehren ire gedechtnissen / als mensche  
Gottes / die bis an den todt irer leyb für die warheyt  
gestritten haben / damit die ware Religion erkennet /  
vnd die falschen vñ erdichten Religionē vberwunden  
wurden. Das sindt seine wort. De ciuitate Dei lib. 22.  
cap. 10. & lib. 8. cap. 27.

Wie die  
alten der  
heiligen  
greber  
ehlich ge  
halten.

Die herliche bekantnuß Christi / in deren die Marty  
rer den todt gelitten / in gedechtnuß der menschen / zu  
seligem exempel zu erhalten / haben die alten die gre  
ber der Martyrer etwas scheinbarlich gebauwen /  
vñnd altar darauff zu gericht / das volck dann das  
hin versamlet / vñnd ihn das wort Gottes da selbet  
verkündet / vñnd das 3. Abentmal / sampt dem ges  
bet / vñnd was der Christlichen vbrungen meer sindt  
gehalten. Warumb aber das alles? Das man den  
Heyligen damit ehr vñnd dienst bewyse / das man sie  
anrüffe / hülff vñnd trost bey ihnen suchte? In Tei  
nen weg. Augustinus sagt / ad Dei honorem cultumq.  
Zu der chr / vñnd dem dienst Gottes. Et ut ex ipsorum  
locorum admonitione, maior affectus exurgat & c. Das  
durch die erinnerung der selbigen stetten / im volck ein  
grössere hertzlichkeit erstunde / vñnd die liebe ges  
scherffet / vñnd einbrünstiger wurde / beyde gegen  
den Heyligem Martyrern / denen wir nachfolgen  
mögen

Von anruffen der Heyligen. Iriij

mögen vnd sollen / vnnnd gegen Gott durch des hilff  
wyr das vermögen. Alles solle es dahin gerichttet sein/  
vnnnd dienen / das der glaube in Christum den Herren  
stercker vnd thetiger werde / das wyr ihm mehr leben  
vnd dienen / vns vnd das vnser im opfferen vnd erge-  
ben / mit den Heyligen. Dis end schreibet der H. Augu-  
stinus allenthalben für aller Heyligen verehrung.

Es hatt auch ein Aphricanisch Concilium / darinn  
freylich auch der H. Augustinus gewesen / geboten / Canō 51.  
das man die Altar vnd vermeinte gedechtnüssen der  
Martyrer / da von man kein grundelich wissen hatt/  
abbrechen / vnnnd vmb kerer solle. Wa dencken die C.  
Deputaten solichem Götlichen gesatz nach zukomen /  
wie sie schuldig sind / so sie doch wissen das es allent-  
halben vollen betrugs vnd aberglaubischer beredung  
ist mit dem vermeinten Heyltumb: Wie vil altar vnnnd  
genant Heylthumb müsten sie von iren tempelē auß fe-  
gen / vnd wie vil wol treglicher guszeln benck selb vmb-  
stoßen / wann sie diesem Canoni nach kommen wol-  
ten / wie sie schuldig sindt:

Der liebe Gott lehre doch die seinen in diesen dinge  
gen erkennen ihre angepoine sucht / vnnnd neygunz zū  
solcher Abgöttereye. Gott in seinem wort erkennen /  
vnd ehren / fordret ein herzlich bekerung von sünden  
zū seiner gehorsame / darab scheu wet der mensch / Ab-  
ber solcher falscher Heyligen dienst / wie alle abgötter-  
reyn / lassen den menschen in sünden / vnd aller verke-  
Q. iij      rung /



## Von verehrung / fürbit

zung / vnnnd vertrösten ihn doch durch den verdienst  
der Heyligen vnd eusserliche ceremonien Gottes gna  
den vnd hülff / das geliebt dem mēschen. Daher / vnd  
auff keiner anderen vrsachen ist komen / das die armen  
blinden blindenleyter / wider alle ware Göttliche vnd  
Kirchen lehre vnd gebrauch / den abgestorbenen Heyli  
gen so vil Altar / vñ ander zierliche gepew / Empfer  
dienst / vnd opffer / zugericht / gehalten / vnnnd gethan  
haben / Vnd damitt nichts dan̄ offenbaren / vnd ganz  
greuwlichen abfall / von Christo dem Herren / vnd vn  
uerneinliche abgötterey eingefüret / gefordret / vnd ge  
stercket / Welche das arme verblente volck begoh̄t  
an den Heyligen / ihren Gözen / gepew / büssen / wa  
ffer / brot / seggen / vnd anderen greuwelen / der weder  
zal noch maß ist.

Auß diesem ist nun offenbar / wa man der lehre des  
h. Augustini / der Gemeinden Christi / vnd Christi des  
Herren selb / in diesen vorgesezte sprüchen / die die C.  
Deputatē felschlich lesteren / von mir hie vor nit ganz  
vnd getrewlich angezogen sein / folgen vnd statt gebē  
will / als woy zuthun vor Got schuldig sein / Das man  
fürs erst / ein grossen mercklichen theyl der falschen  
vnd Abgöttischē verehrung der Heyligen / da für aber  
die C. Deputaten streyten / abschaffen muß. Nemlich  
das man keinem Heyligen / noch zu der ehr der Heyli  
gen / einigē tēpel / altar / ampt / opffer / noch dienst / zu  
richte / halte / noch thū / Vnd wa den Heyligen soliche  
Göttliche ehr vnd dienst angerichtet / vnd gehalten  
werden / die als bald wider abschaffe / Wie ein gro  
ßes

vnd anruffen der Heyligen. Ixiij

ffes fach aber solte das hinreyssen / von dem genieß/  
pracht vnd wolust / des gefinds / denen der Heyligen  
dienst lieber ist / dann das Euangelion des gekreuzig  
ten Christi:

Also zum anderē / wöllen wir bey dieser lehre Chri  
sti vnd seiner kirchen / die vnß der H. Augustinus in ver  
melten sprüchen bezeuget / fest bleyben / vnd ir nach  
kommen / so würdt auch der ganz bodem / der falschen  
heyliche verehrung müssen außgestossen werden / das  
Anruffen / dann wie vor genugsam erzelet / vergleych  
et das selbige dieser heilige Lehrer / dem opfferen / vñ  
nennet sie beyde gleych Abgöttisch vnd heydnisch.

Das an  
ruffen der  
Heyligen  
durch den  
H. Augus  
stin verda  
mmet.

Vnd ob sie dem louocare gern wolten ein ander  
definition geben / vnd sagen / diß seye nit die heyiligen  
angeruffen / wenn man sagt / S. Quirin erhöre mich / vñ  
bette Gott für mich / das ich meines eyterflüssigē scha  
dens abkomme / vnd der gleychen / sonder wenn man  
spreche / du heylandt S. Quirin heyle myr meine scha  
den. So laut es doch nicht / besteht nicht / Dan iemand  
Inuocare anruffen / heysset den selbigen etwar vmb  
anruffen / es seye was es wölle / fürbittē / oder anders.

Wie wol vnser Heyligen vnd Gözen diener / es  
bey dem Anruffen / vmb das fürbitten / das doch wie  
vor erwyfen / an im selb / dem waren anruffen Gottes  
entgegen / vñ abbrüchlich ist / nit bleyben lassen / sond  
ruffen die Mütter des Herien / die Engel vnd heyliche  
fast vmb alles das an / darüb man Got anruffen solle /  
vnd

## Von verehrung / fürbit /

vnd das auch in ihren offentlichen kirchen gesungen/  
Da von ich dyr etlich wenig exempel anziehen will.

Von den Engelen singen sie in einem Sequenz /

Grausa  
me vnn  
gang ab  
gottliche  
anrufen  
der Heyli  
gen.

Höre vns Michael höchster Engel / steyg ein we  
nig herab vom himlischen stül / bring vns hilff des her  
zen / vnd erleychterung der begnadigung. Du Ga  
briel sturze vnser feinde. Du Raphael thu arzne  
den kranken / wische ab die suchten / tilge die sünden /  
vnd schaffe das wyr kömen zü der freude der seligen.

Zü der Mütter des Herren in Hymno.

Maria ein Mütter der gnaden / ein mütter der barm  
herzigkeit / beschirme vns vor dem feind / vnn d nyme  
vns auff in der stunde des todes.

In einem  
anderen  
Hymno.

Item / Seye gegrüßet du meeres stern / du himel  
port / löse die bandt den schuldigen / bringe her für das  
licht den blinden / vertribe vnser vbel / Mache vns  
milt vnd keüsch / vnd verleyhe vns ein rein leben.

In einem  
sequenz.

Item / Durch dich würdt den schuldigen verzey  
hung / durch dich würdt denn gerechten gnade ver  
lihen.

In einem  
gemeinen  
versitel.

Item / In aller vnser trübsal vnd angst komme  
vns zü hülf / du seligste jungfrau Maria.

Im ges  
meinen  
Salue.

Itē / Vnser leben / susse / hoffnung / zü dir schrey  
en wyr ellenden kinder Eue / zü dir sehnen wyr vns  
mit seüßzen vnd weinen / ic. Item / Seyge vns nach  
diesem elendt die benediete frucht deines leyb.

Von

vnd anruffen der Heyligen.

130

Von den Apostolen im Hymno.

Euch gerechte richter der welt, vnd ware liechter bitten wyr mitt herzens begyr, erhöret das gebet der lebenden. Die ihr mitt dem wort den himmel schlieset, vnd seine schloß offnet, Wyr bitten, löset vns durchs geheysß von allen sünden. Item, Deren gebott vnderthan ist alles heyl vñ krancfheyt, heylen die krancfen an sitten, vnd bringent vns wider zu den tugeden.

Von S. Peter im Hymno.

O herlicher Patron, werckmeyster vnfers heyls, gib das vnser herzen befinden deinen schutz, du bist vnser zuflucht, vnser mechtigste stercke. Du vnser heyl vnd schirm, kome vns gnediglich zu hulff.

Bettes  
man vnser  
ren ewigē  
Got auch  
anders  
anz.

Von einem Martyrer im sequenz.

Du starckmütigster kempffer / seye vns ein ganz güter vogt, vnd beschirmer des leybs vñnd der seelen.

Von vilen Martyrern im sequenz.

Sie geben trost dem volck Christi in aller arbeits.

Von einem Confessor im sequenz.

Gebe hulff deinem volck, vermerck das gepett, durch milte hulff tilg ab die maculen, hulff vns auff den weg, setze vns ins Vatterland, stelle vns zu die güter die wyr hoffen.

Von S. Anna im Hymno.

O blüm der weyber, schaff durch dein kind, das wyr die ware Sonne beschawen, in dem himmel.

Von einem Martyr Gregorio im Sequenz.

O Martyr lobenlich, der du bist der welt erlich.

X O du

## Von verehrung / fürbit

O du zierd der Stadt Cöllen / wyr klopffen bey dir an  
durch das gebett / füre vns mitt den dreyen Königen  
zü dem Thron der herlichkeyt.

Von S. Nicolaus im sequenz.

Vns / die wyr sein in dieser welt / vnnnd inder tieffe  
der laster schiffbruch erlitten / ziehe o herlicher Nico-  
laus / zü dem port des heyls.

Von S. Anthoni im sequenz.

Er vertrybet die pestilentz vnd krankheyt.

Der gleychen ist noch seer vil in den gesengen von  
den Heyligen / die sie das iar offft vnd dick in ihren ver-  
meinten heiligen empteren vnd diensten offentlich sinte-  
gen / vnd als ein ordenlichen Gottes dienst in namen  
der Allgemeinden Christi haldten.

Was greuwels ist dann in den besondern legende-  
den von den Heyligē / in den bettbüchlin / vñ tafflen /  
welche dem armen volck durch fürgeben vil Ablass /  
vnd ander lauter Abgöttischer vnd zauberischer zu sa-  
gen / auffgetrochen / vnd durch den trück / vñ das auff-  
hengen in den Tempelē / bey den bilderen / vnd gepeys-  
nen der Heyligen / dargeshoben werden?

Von S.  
Margre-  
den Ab-  
gotterey.

Zü Cöllen tragen sie ein gereimte Legenden vmb  
her von S. Margreden / mitt einem gepett / Welches  
sie den güten weiberen also dargegeben vnnnd auff ges-  
mützet haben / vnnnd ihren gar vil damitt verleytet /  
das sie sich in ihren kinds nöten / durch alles das ihnen  
der Almechtige / barmhertzige / reycher Gott / durch sein  
nen

Von anrufen der Heyligen. 175

nen leiben Son Christum ie verheyssen hatt/ so vil nit wissen zū getrösten / das sie genug betten / wenn sie seine hülff im namen vnsers Herren Jesu angerufft haben / wa sie nicht auch die selbige S. Margreden le genden bey sich haben / vnd das gebett / das an die Le gend getrucket ist / von iuen / oder von irer wegen / ge betten werde / inn welchem gebett vnder anderen als so stah.

Margareta reine maget / Vernim meines sündi gen weybes klage. Zū meinē grossen peinen / Laß die ne gnade scheinen / Vnd kürz mir meinē trawen / Vñ gedencß der grossen trawē / Die du Got verhiessest. Item / So schone meines gebürdes / Umb diner mar tyr ehre / Das es sich zū meiner geburt kere. Dar an thu deinen segen / Vnnd kere das nun zū den rechten wegen / Durch deinen heyligen segen / Das ich zū lieb möge bleiben / Vnnd schon mir armen weybe / Vnnd laß meinen leib gefristen / Das diß kind werde Christē. Nun ruffe ich mitt grüße / Erbör Jungfrau mein stimme / Vnd laß mich nit tödten / Erloß mich von die sen nöten. Durch diene gehüre auffart. 2c.

So lehret man die leuth zū Cöllen betten / Der geyst Gottes aber bettet im 114. Psal. also zū Got / Du bist der mich auß mäter leyb gezogen hat / du warest mein zuner sicht da ich noch an meiner mutter brüsten ware / Wa sind da die inquisitores vnd Magistri nostri / die die gifftigen vor fürischen bücher suchen vñ hinemē? Ja wan es bücher weren der reynen Christlichen lehr. Sed ad rem.

Ein ge  
bett der  
Colnischē  
monch.

## Von verehrung / fürbit

Du Christlicher Leser sehe nun auß dem wenigen so ich iezund eingefuret habe vß dem Heiligē Anruffen / das der C. Deputaten part noch offentlich in den Kirchen vnd sunst singet vnd bettet / ob in dem nicht den Heyligen fast alles das zu geben / vnd von ihnen gebetten werde / das Gott vnd vnserem Herzen Christo allein zusicht / vnd von im allein gebetten werden solle? Sindt das nit allein Gottes werck / vnd vnser einigen mittlers Jesu Christi? Die sünden vertilgen / krankheyten des gemüts heylen / das gemüt erleuchten / mildt / keusch / vnd from machen / vnser heil wircken / in aller trübsal helffen / alles vbel vertreyben / vom todt erlösen / selige gepurten geben / im allem leben füren / leyten / schützen / schürmen / vnser hülff / vnd zuflucht / leben / vnd hoffnung sein / vnd in der stunden des tods auffnemē in die ewige freude / setzen in den himel / geben zu niessen die verhofften güter? So sehe da fromer Christ diß alles schriben diese leuth den Heiligen zu / bittens von den Heiligē auch in ihre offentlichen kirchen gesengē. O des erschrockliche greuwels / Wie würden die warē Prophetē / Apostel / vnd Lehrer der kirchen / sich ab solichem anruffen entfessen / ihre kleder zerryssen / vnd die herbste klag gefüret haben?

Vnser widerwertigen vnd lesterer zu Cöllen / rhemen sich / wa mißbreuch seyen / die wöllen sie helfen bessern. Sind nun ihnen daß nit ganz grewliche vnd erschreckliche mißbreuch / da durch daß selige warē anruffen zu Got doch ganz vnd gār verstor et / vñ so wüßte

Siehe  
was greu  
wel im  
Heiligen  
anruffen  
sey.

vnd anruffen der Heyligen. Icvij

ste vberheydmische abgötterey getriben wurd / Was  
besserung soll man dann von jnen verhoffē / was wer  
den jnen doch mißbreuch sein / wenn jnen diß nit miß  
breuch seind: Ire besserüg wirdt freylich sein / wie der  
ein zu nechst sein volck mit vilen worte gestraffet hat /  
das sie einglesine lampen für S. Laurentzen Gözen  
vngerbessert liessen. O Herre erlöse dein volck von sol  
chen zerstückern deiner heyligen Religion.

Auß diesem nun ist klar vñ offenbar / das auch das  
heyligen Anruffen / deß sich der C. Deputaten part ge  
brauchen / der lehre vnd brauch Christlicher gemeinden  
die der H. Augustinus bezeuget / gantz vnd gar zu wi  
der ist / vnd einmal gantzlich erligen muß / wa die selbi  
ge lehre vñnd gebrauch der gemeinden Christi gehalten  
wirdt / Auch wen man die Heyligen schon allein vmb  
ir fürbit anruffen wolte / Auß die dann die jezigen be  
glimpffer vnd maler der offenbaren irthum vnd miß  
brauchē / alles so grewlich abgöttische Anruffen / deu  
ten vnd außlegen wöllen. Das aber die wort nit gebē /  
so haben auch die Heylgenprediger soliche abgöttische  
reden der massen ins volck getrieben / das es die ver  
stohet wie sie lauten / vnd darum Christum mit seinem  
Heyligen wort gantzlich verlasset / wie es mit allem sey  
nem leben bezeuget / Vnd doch von vnd durch die Hey  
ligen / erlösung von allem vbel / vnd verleyhung alles  
güten an leib vñnd seel / in zeyt vñnd ewigkeit suchet.  
Wen sie auch wider vnser leut die sich zu Christo jrem  
eynigen Heyland allein halten / reden wöllen / sagen



## Von verherung fürbit

sie/Sie glauben nicht an die heiligen/das sie die leuth  
plagē kōnden/ Vñ weñ sie schon der heyligē tranckhei  
ten haben/ so wōllen sie doch die heyligen mit anruffē.

Zum dritten/ so würdt durch die erzelte lehr vñ  
brauch der gemeinden Christi von verehrung der Heili  
gen/wie die der H. Augustinus in eingefürten sprüche  
bezeuget/die gemeine Heiligen verehrung die sich bey  
der C. Deputaten part noch haltet/ vñ geübet würdt/  
auch in dem gantz vñ gar vñb gestossen/da er schrey  
bet wider den Faustum. Wir ehren die Martyrer mit  
der ehr der liebe vñd gemeinschafft/ mit deren die Hei  
ligen leuth auch in diesem leben geehret werde/ Allein  
das wir die Martyrer so vil herzlich/ deuotius/ ehre/  
so vil wir sie sicherlicher ehren/ vñ sie mit getrosterē lo  
be preysen/ weil sie vber alles vngewisses kōmen sindt.

Gestorbē  
Heiligen  
solle man  
ehren wie  
die leben  
digen.

Anbette  
ist für etz  
was nid  
fallen.

¶ Nun sehe frommer Christ/ welchen Heiligen auff  
erden bettet man an/ das ist fellet für in selb nider/ ich  
schweige für seine bilder/ für sein gebein/ oder fleysch/  
ich schweig für seine hosen/ hembder/ vñd andere kley  
der/ Welcher dienst/ gegen den abgestorbenen heili  
gen bey der C. Deputaten part noch allenthalben im  
schwancf geht. Cornelius der Gottes man wolte pe  
trum mit dem anbetten/ das ist/ mit dē fuß fallen ver  
ehren. Was thet aber er darzū: Er richtet in auff vñd  
sprach/ Standt auff dan ich bin auch ein mensch. Vñd  
süchet dennoch der from Cornelius nichts anders bey  
dem Petro/ dan die lehre Christi/ vñd das H. Euanges  
lium/ darumb der Petrus vom Herrenn selb zū im ge  
sant ware/ So war auch Petrus aller ehren werdt.

Vñd

vnd anruffen der Heyligen. Irviij

Vnd auß diesem exempel zeyget auch der H. Hieronymus wider den Vigilantium an, das man die Heyligen nit anbetten solle, das ist, men zü ehren nider fallen. Vñ schilt derhalben den Vigilantiū, das er die Christlich Gemeinden des felschlich anklagt hatte. Wer hat je / sagt er / du vnfinnigs haupt / die Martyrer an gebettet: wer hat einen menschen Got geachtet?

Sehe/für die Heyligen oder ire zeichē niderfallen / welches adon rare ist / ist sie zü Göttern machen.

So wir den nun nach der lehre der warē Gemeindē Christi, wie vns mit dem H. Hieronymo / der H. Augustinus dauon zeuget, die lieben Heyligen nit als Götter, sonder als Heylige menschen, vñ wie die Heyligen menschē, die noch bey vns auff erden sindt, ehren solten, sie nit anbetten, nit für sie nider fallen, noch weniger für ire bilder. So siehestu auch in diesem, Christlicher leser, das der vermeinte Heiligen dienst, dafür die C. Deputaten streyten, gar auch bey ihnen verfallen müste, vñ außgerottet werde, weiß sie der vngeweiffeten lehre, vnd dem gewissen brauch der Christlichen gemeinden folgen wolten, die vns der H. Augustinus hieuon beschribē hat, in denen sprächē, von denen die C. Deputaten klagē, das ich sie betrüglich angezogē, vnd vntrewlich verkürzet habe.

Sie führen auch des orts den Cyprianum ein, der ihm begeret die tag anzüzeigen, auff welche die Martyrer durch den herlichen todt, den sie vmbß Herrent willem erlitten, zur vnsterblichkeit komen, das er mit seynem volck opffer vmbd Heylige empter halten möchte vmb ihrer gedechtniß willem. Dis hat aber

## Von verehrung fürbit

aber dieser Lehrer nit allein an diesem ort / ist auch nit wider vns. Wolte Got das diese C. Deputaten nit irem hauffen / solche gedechtniß der Martyrer haltē / vnd in den selbigen solche opffer / vnd heylige empter zū warer hefferung / vnd stercke des glaubens an Christum vben wolten / wie dieser H. Cyprianus gehalten vnd geübet hat / so wolten wir der wüsten greuel so viler erschöcklichen abgöttereyen / so durch die falsche verehrung der heyligen / vnd durch die Messen bey den sen leuten nach für gohn vnnd geübet werden / schon ledig sein. Da von aber weyter im Artikel von der Messen.

Auß diesem allen nun wirstu Christlicher Leser wol zū erkennen haben / wie auch ganz nichtig / vnnd vnbestendig ist der C. Deputaten / vnd aller wider christischen Lehrer höchstes argument in dieser matery. Das heyligen anruffen seye ein lehre vnd brauch der Christlichen Gemein. Dann du nun siehest auß dem gewissen grundt Göttliches wort / vnd zeugniß des Catholicissimi 194 öpl. d. 8. 17. 88 Augustini / der die gemeine lehre vnd brauch der Christlichen Gemeinden genzlich gewist / vnd außs trewlichst darbey bliben / vnd darob gehalten hat / erwysen ist / das das anruffen / vnd ander verehrung der abgestorbenen heyligen / das für die C. Deputaten vnd jr hauff streyten / ein lauter heydnischer Abgöttischer mißbrauch ist.

vnd anruffen der Heyligen.      Ixiij  
Befestigung des / das wir nit wissen  
mögen ob die abgestorbenen Heiligen vnser  
gebet an sie hören oder wissen.

**I**n diesem so ich zu güt den Kinderen Gottes/  
von der verehrung vnd dem anruffen der Heili-  
gen / in dem noch so manigfaltig irthumb vnd  
Abgötterey bey der C. Deputaten part geübet / vertey-  
diget / vnd beschirmet würdt / hab ich vnder anderem  
als bekantlich gesezet / das wir nit wissen möge ob die  
Heiligen vnser ansprechen vernemē / welches sich aber  
also vnd nit anders haltet. Damit sich aber die C. De-  
putaten hie gegen nit vergeblich erbrechen / muß ich  
inen fürkommen / vnd ein wenig auff die Argument das  
gegen antworten / welche etliche ires hauffens als Al-  
phonsus vnd andere fürbringen.

Diese vndersthon das neuwe gedicht in der Gemein-  
de Gottes / das die abgestorbenen Heiligen im ewigē  
wort Gottes / Christo vnserem Herren / sehen vnd er-  
kennen sollen / wenn wir sie anruffen / auß dieyen anzey-  
ge / zu erweisen. Das erst. Solich wissen / diene den lie-  
ben Heiligē zu besonderen ehren / vñ freuden / vñ werde  
derhalben erfordert zu irer seligkeit. Das ander / Soli-  
che meinung seye ein lehr der Christlichen gemeinden.  
Zum dritten / Bezeuge diß auch der H. Hieronymus.

Auff diese drey gegenwürff gebe ich die kurtze an-  
wort / Auff den ersten. Welche Schrift Gottes / oder  
gewisse

## Vnd verehrung fürbit

Ein nichtig gedicht ist das es die Heiligen sollte ein freud sein das wir sie anrufen.

gewisse anzeyge macht vns das kündlich / das den Heiligen zün ehren vñ freuden diene / welche ehr vñ freud ire seligkeyt erfordere / wenn sie vernemen das wir sie vmb ire fürbit anruffen : Haben sie dan mit ehren vnd freuden genug in Chusto vnserm Herren : Gilt es dan also vnser gedanken / on einigen grundt Göttlichs worts fürgeben / in den sachen des glaubens / vnd des gepets / das allein auß gewissem glaubenn Göttliches worts komen müß / solle es anders Got gefallen :

Den Heiligen ist ein ehr weñ wir den Vatter durch Chustum vnserm Herren anruffen / Dan diß haben sie auff Erden gelehret / ob allem gesucht vñnd begeret / darumb haben sie ihrl blüt vergossen. Sie anruffen / weyl das Gott nit gelehrt vñnd dem waren anruffen Gottes / wie oben erweisen / zü wider ist / gereychet ihnen zur schmach / nit zün ehren / zü leyd / wa sie es wissen solten / vñnd noch trauren köndten / nit zur freud. Anders würdts kein mensch mit einigē grundt der bey waren Christen gelten möchte / erweisen Dan auch die Schul lehrer das bekennen / das die Heiligen das ewige wort Gottes nit gar begriffen / vñnd alles darin sehen / sonder so vil sie zü ewiger freuden ersetzet. Das nun in dem begriffen seye das wissen vnser anruffens / mage bey waren Christen nit allein nit erstritten werden / sonder das gegentheyl. Dan die Heiligen begeren nichts meer / dan das wir bey dem wort Gottes bleyben / vñ in allein anbetten / vñ anruffen in Chusto vnserem Herren.

vnd anruffen der Heyligkeit. 127

Auff das ander/ Das diese lehre der Gemeindenn Christi sein solle. Wie dan / das der H. Augustinus der so hoch gelerte / fleysliche Bischoffe in aller lehre der Gemeindenn Gottes / das nit auch gewisshat: Dann der schlenft frey in gemein/ vnd das auß der Heiligen Schrifft/ das die verscheidnen auß diesem lebenn/ nit wissen was wir hie thün. Vnd zeuget wann etwan die abgestorbenen Heiligenn erscheinen / oder etwas wunders bey iren gedechtnissen geschicht/ das solichs Götliche wunderwerck seyen / darauff man keyne gemeine folge machē kōnde. Es seye auch vber seinen verstand/ wa etwan bey eynes Heiligen gedechtnuß etwas wunders geschicht / ob Got das selbige auff das gemeine gebet der Heiligen / inen zū ehren / durch die Engel würcke/ oder ob ers inen den Heiligen zū würcken verleyhe.

Diß lieststu ja offenbar im/ 13. 14. 15. vnd 16. capitelen des büchs De cura pro mortuis agenda. War nun der zeit nit auch ein Gemeinde Christi: Oder wüßte der so hoch Gots gelerte Bischoffe nitt was der Gemeinde Christi lehre ist: Das aber die Schül lehrer die Argument des H. Augustini vnderstohn zū brechen durch ihr gedicht von der vorhellen / in welcher der alten Heiligen seelen sollen verschlossen gewesen sein/ vnd das wort Gottes nit gesehen haben/ wie die Heiligen des Neuwen Testaments / Welches auch Petrus anzeucht/ vnd das argument damit vnderstahet auß zū schlagen / das man in den gebetten der schrifft vnd Psalmen nergent findet/ das man je einen Heili

## Von verehrung fürbit

gen hette angeruffen. Nun aber diß gedicht von dem/ das die alten Heiligen vor der aufferstendtniß Christi Got nit gesehen haben/ thüt eben so vil/ als ire andere gedicht/ one Gottes wort vnd darwider erdichtet. Der Herrre saget ja vom Lazaro dz er ergetzet worden seye/ auch vor seinem leyden/ Das Abraham seine tag gesehen/ vnd sich des erfreuet habe. So haben Mose vnd Helias vor mit im im himlischen Liecht vnd freuden geredt.

Auffs düt vom lieben Hieronymo. So ist's nit wie Alphonsus für gibt/ das der streyt zwüschen Vigilantio vnd Hieronymo gewesen seye/ vom Anruffen der abgestorbenen Heiligen. Dann der Hieronymus setzet anfangs seiner Schrifft/ dz dieser streit gewesen seye von dem verehrē der greber der Martyrer/ Da würd keynes anruffens gedacht/ vnd schilt der H. Hieronymus Vigilantium/ das er dem volck Christi felschlich zugelegt habe/ das sie die Martyrer/ oder ire gebein/ anbetten/ wie vor gemeldet.

Das ist aber war/ wie dieser Lehrer im streit alweg hat gepfleget hefftig zusein/ vnd offt mit der rede zū vberschlagen/ Also hat er auch an diesem ort ein rede gefüret/ die die C Deputaten mit den Schullehern selb nicht richtig halten.

Er spricht die Martyrer folgen dē Lamb Gottes wa es hin geht/ Ist nun das Lamb allenthalbē/ so sol le man glauben/ das auch die allenhalbē sindt/ die bey dē Lamb sindt. Diß gestahet aber niemandt/ das die  
Heylic

vnd anruffen der Heyligen. lxxj

Heyligen solten allenthalben sein/ dann das ist ein ey-  
 genschafft der Göttlichen natur. Das man von den  
 144000 lisset im xiiij. Apocalyp. die dem Lamb folge  
 wa es hingohet / ist ein rede eines gesichts / darauß  
 man nichts schliessen kan/ Vnnd zeyget weyters nit  
 an / dann das soliche Christo immer anhangen. So  
 hatt das auch keyn rechnung, das den Heyligen alles  
 das eygnen solte/ das Christo dem warem Gott vnd  
 menschen eygnet. Wyr leben/ wofren/ vnnnd sindt in  
 Gott/ darumb sind wyr aber nit allenthalben wie  
 Gott/ saget der H. Augustinus ad Dardanum.

Actor. 17.

Alphonsus zeucht auch die xxiiij. Alten im Apoc.  
 an/ welche in ihren gulden schalen die gebett der Hey-  
 ligen haben. Also wa man nichts gründtlichen hatt/  
 muß man sich flicken mit gesichten/ darauß man doch  
 nichts zü schliessen hatt. Wer seindt diese xxiiij Alten?  
 Was gebett haben sie in ihren schalen? Warumb nit  
 ir eigen gebett? Dann sie die fromen seelsorger bedeu-  
 ten/ die zätig für ihr Volck betten.

Dieser man zeucht auch die Engel an/ die wissen  
 müssen was den kinderen begegne die sie verwaren  
 sollen/ Matth. xvij. Der H. Hieronymus füret wider  
 den Vigilantium auch die Teuffel ein/ die in der gan-  
 zen welt vmbher fliegen/ vnnnd durch wunder schnelle  
 allenthalben zü gegen seyen. Antwort. Ein anders ist  
 nit den lieben Engelen / dan mit den abgestorbenen  
 Heyligen/ Die Engel welche als dienstbare geyster/  
 S ij auß-



## Von verehrung / fürbit

anßgesandt werden vmb der Kinder Gottes willen / Zeb j. werden ia wissen vnd sehen müssen was zu irem befehl vnd ampt gehöret. Den abgestorbenen Heyligen aber hatt der geyst gesagt / das sie bey Christo rügen / Apoc. xiiij. die haben keynē solchen befehl von denen die noch auff Erde sindt / darumb dürffē sie auch des wissens nicht von irem thun vnd betten.

Also verhenget Gott den Teufflen das sie sich an manchem ore erzeigen / vnd seine wunderbare gerichte schaffen / darumb seindt sie aber auch nicht allenthamben / Dazu ist auch von ihnen kein argument à minori zu machen an die Abgestorbenen Heyligen. Dann sie mitt den Heyligen mit eines thuns / vnd in diesem / das von wyr reden / Comparabiles / das ist / zu vergleychen sein.

Also bleibt / wie es ist / ein lauter menschē gedicht / mitt allein one wort Gottes vnd Lehre der Gemeinden Gottes (dann der h. Augustinus von der Gemeinden Christi ware zeugniß gibt) sonder auch dar wider erdichtet / das die abgestorbenen Heyligen wissen solten / das wyr sie anruffen / vnd des besondere freud vnd ehr haben / Also das sie nit recht selig sein solten / wa sie diß nicht wisten .

## Beschluß dieser materi.

Es ist mitt diesem Artikel / von verehrung / fürbitt / vnd anruffen der Heyligen / die disputation ebenben weyt gelauffen / Christlicher Leser / dazu mich  
aber

vnd anruffen der Heyligen. Lxxij

aber verursacht hatt das ich leyder sehe / wie das arme volck dieses lands / vnnnd wa die reine lehre des Euangelij noch nit angenomē / in der so gar heidnisch vnd manigfaltigen Abgötterey / die es an den abgestorbenen Heyligen / ihrem gepain / vnnnd Götzen / begehrt / noch so tieff stecket / Auch wie verstocklich die falschen hirtten / so die milch / woll / vnnnd fleysch der Schafen / vnnnd nit ihr heyl suchen / solche Abgötterey schätzen vnd verfechtē / durch hülff ihrer falschen Propheten / Welche ihre lehr / vnd gaben Gottes / solche Abgötterey zu beschirmen / vnd wider die ware Lehre Christi / von dem seligen Anruffen des Vatters in namen Christi zu stürmen vnd zu lesteren / verdingen / vmb den zeytlichen gemess / weltlichen pracht / vnnnd fleyschlichen wolust / Wie das an diesen gesellen offenbar vor augen. Sie bekommen ja die feysten Prebenden darumb / vnd nemen sie gern an / lassen sich vngedultig get allenthalben herfür ziehen / vnd blehen sich auch selb wol auff / finden sich zeytlich bey den langen bancketen / da auch schöne frauwen sein / Da neben sie auch ihre Visitationes vnd ander gelegenheyt mehr haben / das zu bekommen / des das fleysch begeret.

Weyl dann diese feindt Christi / vnd verstorer seiner herdt / sich so hoch befleyssen / die armen schafflin Christi von ihrem guten hirtten Christo / in so vil weg abzuhalten / vnd in ewiges verderben zufürē / Vnder dem schein der Heyligen ehr / die die armen leuth ihnen beweyssen / vnd des trosts den sie von den Heylige haben

## Von verehrung fürbit

haben sollen. So gepüret warlich allen Christen vil grosseren fleysß an zükereu, wie sie ihre brüder vnd verwantē, alle ihre nehesten, so vil sie durch Gotes gnad inier vermögen, von sollichem abfal von Christo, vnd verderblichem yrthumb retten, vnd wider zu Christo vnserem herzen vnnnd hirten führen, Da mitt ich dann meinen dienst hie zu den fromen Christen bewyse, die zu sollichem nötigen vnd schuldigen dienst vnd gutthaten gegen ihren brüderen geneyget, aber inn der lehr Christi noch mitt so vil erübet sindt, das sie dem gantzen / vnd betrüglichen fürgeben, der Gözen diener, vnd beschirmer dieser Abgötterien, allemal genugsam begegnen könden, hab ich recht diesen artikel, vnnnd des gegenteyls Sophisterey, vnnnd alesanzen dages gegen, etwas völliger tractieren vnd handlen wölle. Der herre gebe, das es vilen zur besserung diene Die Summa des alles stahdt darauff.

### Summari dieses gantzen artikels.

Die schriftlichen Historien von heyligen Patriarchen, Propheten, Apostolen, vnnnd anderen heyligen mennern vnd frauwen, sollen dem volck mitt besonderem fleysß, Demnach zu seiner gelegenheit, auch deren Martyrer vnd heyligen leuten historien, die von bewerten Lehrern, vnd gemess der h. Schrift beschriben sindt, fürgetragen vnnnd erzelet werden.

Vnnnd auß diesem erzelen, solle das volck erinnert werden, der grossen gnaden vnnnd gaben Gottes, dem

## Von anruffen der Heyligen. 127

dem menschlichen geschlecht in solichen Heyligē vmb seines lieben Sons willen verlanhen/ vnnnd dahin gewysen/ das es Gott vmb soliche seine gūte vnd leutseligkēyt lob vnd danck sage/ vnd dadurch seinen glauben stercke/ auch im soliche gnaden vnnnd gaben von dem so gütigen Gott/ durch den einigen mitler Christum/ zu erbitten/ vnd dem exempel solicher Heyligē/ auff maß seiner berüffung/ nach zu eyfferen/ das ein jedes Gott/ mitt gleycher gehorsame/ vnnnd fruchten des waren glaubens/ nach seinem berüff preyse.

Diß ist die einige Christliche ehr/ die wyr den Heyligen anthūn mögen vnd sollen. Zie zu solle alles das dienen/ das man von Heyligen singet vnd saget/ Auch alles das zu erhaltē ire gedechtniß bey vns inmer mehr behalten/ oder geprauchet werden mage. Vñ was man zur Heyligen ehr fürnimet/ das hie zu nit dienet/ das ist Abgöttisch/ vñ Gözen werck/ es seye was es wolle.

Darumb der Heiligen legenden/ von menschen beschriben/ bey dem volck Christi mehr/ oder als vil treyben/ als das/ so die Göttlich Schrifft von Heyligen für gibt/ ist ein verkerter vnchristlicher mißbrauch. Dann vns das gewisse Gottes wort/ vnd die Heyligen die es vns rhümet/ so vil mehr gelten sollen/ dan alle menschen gedicht/ vnd von menschē gerhūmpte Heyligen/ so vil vns Got mehr ist dann die mensche.

Unbewerte vnd fabulische historien der Heyligen den Christen fürtragen/ ist Abgöttisch/ Dann wer

## Von verehrung / fürbit /

wer vom wort Gottes / vnd der warheit abtrittet / betrittet auch ab von Got.

Also ist auch / den Heiligen besondere krefft / zü plagen / vnd zü helfen / zü schreiben / Dann diß allein auß menschlichen fahlen herkomet / wider das wort Gottes / das Got allein alle straff vnd hülf zü gibt.

Dergleychen ist auch / die Heiligen anruffen / vnd auch allein vmb ihre fürbit. Dann weyl Got das nit gelehret hat / weder in seiner Schrift / noch durch das dargeben der Apostel / vnd seiner Gemeinden / müß es ein vngötlicher freuel sein / solichs im gebet / das allein zü Got gohn solle / gebrauchen. Es kan auch nit geschehen one abbruch des waren hertzlichen anruffens Gottes durch vnseren Herren Jesum Christum. Vnd dieweyl man dauon / das die abgestorbenen Heiligen vnser ansprechen hören / kein wissen haben mag / gibet solich Anruffen den Heiligen zü / das Got allein gepüret / Als vns in dem himlischen thün erhören / wa wir sie anruffen.

Begnadigung deren / die sich mit dem Heiligen anruffen auß vnwissen vergryffen habe.

Das aber vil lieber Christen die zeyt dieses irthumbes / die Heiligen vmb ihr fürbit / auß vnwissen / vnd das sie nit betrachtet / wie es dem waren anruffen Gottes entgegen / vnd abbrüchlich ist / angeruffen / vnd noch anruffen / weil die das fundament Christum behalten / vnd doch all ihr Heyl vnd trost auff das Anruffen Gottes / durch vnseren Herren Jesum Christum gesetzt haben / so hat ihnen der barmhertzig

vnd anruffen der Heyligen. Ixxiiij

Big Got/ durch das blüt seynes Sons / diß neben An-  
ruffen gnediglich verzigen / vñ verzeyhet es solichen  
noch biß sie bessers vnder wisen werden.

Den Heyligen opffern/ bilder zunn ehren für stellen/  
sieren vnd schmücken/ diese ire Götzen vnd gepein anz-  
betten/ das ist/ für sie nider fallen / hende vñnd augen  
zü ihnen auffrichten/ inen altar vñ tempel bauwen/ vnd  
weyhen / sie zü erlangen hülff vmbher tragenn / diß  
alles ist Abgöttisch. Den diese eh: allein Got gepüret  
wie die Gemeinde Chusti durch den H. Augustinum  
bezeuget.

Das wyr vnser nehesten/ an die wir mit munde-  
lichem vñnd schrifftlichem ersüchem gereychen Kön-  
den/ vmb ihre für / vñnd mitbit ansprechen vnd bit-  
ten/ das ist ein werck des glaubens vñnd der liebe/  
gefellet Gott wol / wie ers auch in seynem wort ge-  
lehret hat / Dann die rechten Chusten / des mit nichs  
ten begeren / darumb / das sie sich der Heiligen leuth  
fürbit / vmb ihres verdienstes willenn besonders ge-  
trösteten. Oder mit ihr hertz vñnd gemüt zü Gott vor  
allen erhieben/ mit gütter vertröstung von im durch  
den eynigen mitler vñnd fürsprechen vnseren Herren  
Christum allein alles zü erlangen/ Sonder allein dar-  
umb begerenn sie das vil leuth mitt ihnen bitten das  
sie die gaben Gottes so theur schetzen/ vnd ire brüder  
gern zü Got fürderen/ vnd ein gemeines dancken vnd  
loben Götlicher güte erwecken wöllen.

## Von verehrung / fürbit

Solche gemeinschafft haben wyr mit den abgestorbenen Heyligen nit mehr / wissen nit wie ihr wesen ist / dan das sie bey Christo dem Herren / vnd selig sind / Darum gilt nicht von de Ansprechen der gegenwertigen heyligen / das ein Gotes wort / vnd sein besündliche frucht der Gotseligkeit hat / das Ansprechen der abgestorbenen Heyligen / schliessen / Dar von wyr keyn lehr Gottes haben / vnnnd sein keyn besserung zu befinden wissen.

Vnd darumb ist das anruffen der Heyligen nit allein kein ehr Gottes / vnd gibt kein mehrers vertrauwen Gottes gnad züerwecken / wie die C. Deputaten wider die Göttliche Schrifft vnnnd art des glaubens fürgeben / sonder ist ein abbruch Göttlicher ehren / Dann sie Gott nit die gröste / vnd vns armen sünderen bereyteste güte zuschreybet / Vnnnd zerstöret das recht vertrauwen Göttlicher gnaden / weyl es die nit durch den einigen Christum suchen lafet.

Weil auch diß Anruffen der Heyligen on / vnd wider Gottes wort auffkommen / hatt es nit konden bleyben bey dem bitten vmb die fürbitt der Heyligen allein / sonder ist da hin gerathen (wie dan alle mensche fünde in Gotes dienst / zur Abgötterey entlich außbrechen) das die armen verblendten leuth fast alles das von Heyligen bitten / vnd ihnen zuschreyben / das man von Gott betten mage vnnnd solle / vnd Gott allein eygnet. Vnd geschicht das nit allein in gebette die besonder einfaltige leuth für sich selb erdichten / sonder

vnd anruffen der Heyligen. lxxv

sonder auch in denen gebetten/ die die vermeinten hirs-  
ten vnd lehrer dem volck/ mit ablaß/ vnd anderẽ auff-  
mügen fürgeben/ ja auch in denen/ die diese selb in kir-  
chen öffentlich singen vnd lesen.

Es ist auch diß anruffen der Heyligen/ mit allein  
kein lehr oder gebrauch der Gemeinden Gottes/ als  
es die C. Deputaten one grundt fürgeben/ wie alt joch  
das/ Ora pro nobis, vñ ander ansprechen der Heyligen  
bey etlichen Väterrn gefunden würdt/ Sonder ist der  
offenbaren Lehre/ vnd gewissem brauch der Gemein-  
den Gottes entgegen/ Wie das erweisen/ mit allein  
des H. Augustini zeugniß/ sonder auch die Collecten/  
die gemeinen gebet/ der Gemeinden Christi/ welche al-  
lezum Vatter gohn durch Christum vnseren Herren.

Vnd damit du Christlicher Leser sehest wie die al-  
ten Collecten in den gedechtnissen der lieben Heyligen  
gestellet sein/ so will ich dir etliche alhie verdeutschten.

Etliche Collecten von Heyligen.

In der gedechtnuß des aller Heyligsten vñnd grös-  
sten vnder allen Propheten/ Johannis des tenfers/  
bettet die Gemeinde Christi also.

Allmechtiger Got/ wir bitten/ verleyhe das dein ges-  
ind den weg des Heyls gange/ vñnd dem vermanen  
des fürlauffers/ also folge/ das es zu dem sicherlich  
kome/ von dem er verkündet hat/ durch vnseren Her-  
ren Jesum/ 16.



## Von verehrung fürbit

**Itē** / O Got / der du vns diesen tag in gedechtniß der geburt des seligen Johannis / des Tauffers / eerslich gemacht hast / gebe deinem volck die gnad geystlicher freuden / vnd richte die gemüter aller gleybigen in den weg des heyls / Durch vnseren Herren Jesum Christum / *rc.*

In S. Peter vnd Paulus gedechtniß.

O Gott der du diesen tag durch die martyr deiner Apostolen Petri vñ Pauli geheiliger hast / gibe deiner gemeinden irer lehr in allem nachzüfolgen / durch die sie den anfang der Religion bekommen hat / Durch vnseren Herren Jesum / *rc.*

In der gedechtniß S. Stephans.

O Herr wir bitten / gib vns dem nachzüfolgen / des gedechtniß wir ehre / auff das wir lernen auch die feinde lieben / dan wir des widergeburte begohn / der auch für seine verfolger hat betten könden / Durch vnseren Herren Jesum / *rc.*

In der gedechtniß S. Laurentzen.

Wir bitten / gib vns Allmechtiger Got die flammen vnser laster außzüleschenn / der du dem seligen Laurentio verlihen hast / die brunst seyner pein zu überwinden / Durch vnseren Herren Jesum / *rc.*

In der gedechtniß S. Sebastian.

O Gott der du den seligen Sebastianum / deinen Martyrer mit krefft der bestendigkeit im leyden gestercket hast / verleyhe vns / das wir auß der liebe zu  
dir /

vnd anruffen der Heyligen. Lxxvj

dir/die glückseligkeit der welt verachten / vnd keine  
ihre widerwertigkeit fürchtenn / Durch vnseren Her-  
ren Jesum / 1c.

In der gedechtniß S. Agneten.

O Got / der du vns durch das jährlich fest S. Agnes-  
ten deiner Martyrerin erfreuest / gebe das wir de-  
ren / die wir auß gepürendem dienst verehrē / auch mit  
exempel eynes Gottseligen wandels nachfolgen /  
Durch vnseren Herren Jesum Christum / 1c.

In der gedechtniß S. Lucie.

Erhö: vns O Gott vnser Heylandt / das wir also  
mit herzlichher Gottseliger andacht vnderwysen wer-  
de / wie wir vns in dē fest der seligē Lucie deiner jung  
frauen erfreuen / durch vnseren Herren Jesum / 1c.

Dergleichen Collecten hat man seer vil / vnd sindt  
die eltesten vnd bewertesten / In welchen du siehest /  
wie die Gemeinde Christi / auch in den gedechtnissen  
der heiligen / allein den Vatter durch vnseren Herren  
Jesum Christum anruffet / gedencet der gaben / die  
Got den heiligen verlihen / vnd bittet auch jr vñ die  
selbigē / das sie dē exempel der heiligen zum preis Got-  
tes nachfolgen möge. Hernaher aber hat man auch  
der heiligen für bit. Dennach auch ihre verdienst / zu  
letzt auch die besondere macht zu helffen / in die Colle-  
cten mit eingemenget. Dann wie in aller Christlichen  
lehr vnd gebrauch / das elter immer das reiner vñ das  
besser ist / wie der fromme Tertulianus sagt / also ist  
auch alles so vil erger / so vil es newer vñ neher ist der  
zeyt

## Von verherung fürbit

zeit der finsterniß / für die die C. Deputaten streiten /  
des sich auch kein verstendiger zu verwunderen hat /  
wenn er gedenckt / was fürstehet die Gemeinden  
Christi in diesen letzten zeytē gehabt habe / vñ noch /  
ϥιανδλὸν ἄμα δὲ ὅτι ἢ ϥιανδλὸν. Noch ist Got hoch zu danken /  
das er vns erhalten hat / das noch alle Collectē / wie  
vil von jren fürbitten / verdiensten / vñ krefftē / ein-  
gemischt worden ist / doch allein den Vatter anruffē /  
durch vnseren Herzen Jesum Christum / vnd keine die  
Zeyligen. Das bedencke frommer Christ / vñd erken-  
darbey / das das ansprechen vnd anruffen nichts we-  
nigers ist / dann ein lehr oder brauch der war Christli-  
chen Gemeinden. So vil von diesem Artikel.

## Antwort auff etlich neben Calum- nien vnd felschliches verkeren vnd ankla- gen der C. Deputaten bey diesem Artikel.

**D**ieser matery in meynem vorigen buch / ha-  
be ich angezeygt wa her kome / das die Leut  
so vngern den Vatter selb / durch vnseren Her-  
zen Jesum den nechsten / vnd allein anruffen / nemlich  
das sie sich vor Got scheuwen / als dem sie sich noch  
nit in ganze gehorsam ergeben wollen. Item das sie  
Got nit die gröste macht / vnd auch die mildeste / vnd  
vns armen sünderen bereyteste barmherzigkeit zuge-  
ben

vnd anruffen der Heyligen. Irrvñ

ben. Zum dritten / das sie auch meer das zeytlich von  
 Got / dann die Gotseligkeit vnd gerechtigkeit suchen.  
 Diß hastu zu lesen frommer Christ im vij. Artikel des  
 ersten theyls meines vorigen büchs.

Nun sehe was erbar vñ warhaffte leuth diese C. De  
 putaten sindt. Auff dieses mein erinnern haben sie ge  
 schribē. Ich liege auff sie / das sie so lehren / vñ das eye  
 ein Calumnia / die anzeige das nichts redlichs vnd er  
 bars / nihil plane cādoris in mir vbrig seie / Welcher gley  
 biger / sagen sie / ist je auß diesen vrsachen beweget zum  
 Heyligen geflohen? Wenn hat die Gemeinde Christi  
 das je gelehret? Noch erdicht ich solichs auff sie / als  
 ein falscher ankläger vñ lesterer das sie so lehren / So  
 verdolmetschts jr ducker / der seyner Herren schriffte /  
 gemeinlich ins arg bessert.

Offentlich  
 vnwar  
 heyt der  
 C. Depu  
 taten.

Du aber Christlicher Leser befehe mein büch / so wir  
 stu finden / das nit ich / sonder die C. Deputaten / hie /  
 wie an so vil anderen orten meer / die offne vnwarheit  
 schreiben. Dann ich also geschriben. Nun aber das die  
 leuth der abgestorbenen Heyligen fürbit so hoch ach  
 ten / will als daher kommen / wie das die that augen  
 scheinlich beweiset / ic. Irer der C. Deputaten lehre /  
 nach vil weniger der Gemeinden Christi / hab ich mit  
 keynem wort gedacht. Wer leuget nun? wer verkeret  
 dem anderen seine rede? Wer ist ein Calumniator? Die  
 Christliche gemein lehret ja nit also / vnd die war gley  
 bigen / wenn sie auß warem glauben handeln / fliehen  
D sie

Wa her  
 die Leuth  
 zum Hey  
 ligen an  
 ruffen so  
 geneigt  
 sind.

## Don verehrung / fürbit

zū Christo / nit zūn Heiligen. Was thut aber der arm  
gemein hauff / von den falschen Propheten vnd Heyligen  
Predigern ( denen jr euch nun zūgesellet ) verführet  
vnd verblendet?

Was treybet den zūn Heiligen / so er seynen Gott  
vnd Schöpffer / seynen einigen Herren vnd Heylande  
Christum so genzlich verlasset? Freylich wer in offent  
licher Simony / vñ beraub der armen Pastoreyen / vñ  
ander Kirchen versehung / in ehbuch / hurerey / fülle  
rey / geytz / neid vñ haß verharret / der scheu wet ja vñ  
fleucht vor Got / vñ Christo / will vnd kan jr nit rechte  
anruffen / Dan wer seinen namen in der warheit anru  
ffet / dem würdt geholffen / vnd mag im todt vnd solt  
chen sünden nit verharren. Diese leuth sindt aber die  
meisten / die die mütter des Herren / vñ allerley Heilige  
mit fasten / feiren / opfferen / singen vnd lesen / bildern  
vñ Gözen verehren / haben jr zūflucht zū ihnen / Sū  
chen auch bey den Heiligen in diesem leben nicht fromt  
keit oder tugent / sonder gesundtheit / glück vñ fürder  
niß / das sie lang leben mögen / vnd in dem gemach vñ  
freuden / deren sie sich geprauchē / Das ist / das sie lang  
Got schmechen vñ lesteren / den nehesten beschwären  
vñ verergeren mögen. Das sindt ja dieser beum offen  
bare frucht / dabey man sie wol kennen kan.

Zuß was lehre komet nun disse blindeheit / diß vere  
keret wesen? Dienet nichts hie zū der C. Deputaten  
Gotlose / hie vor verlegte lehre / dz das gemüt für den  
Thron Göttlicher gnaden mit besserē vertrauwen kom  
me / was es vil fürbitter von verstorbenen Heiligen  
mit

## Von anrufen der Heiligen. Ixxviii

mit sich für Gott bringe? Wie auch das sie an diesem ort schreiben: Nemlich das sie die abgestorbenen Heiligen darumb meer dan die noch hie leben vñ ire fürbitt anprechen/ das sie glauben die selbigen haben ein reinerere/ vñ ein einbrünstigere liebe zu inen/ als die ihres eygen Heyls sicher er seyen/ dann die noch hie walten/ vñ für sich selb sorgfältig sindt/ vñ selten zur vollkommenheit der liebe kommen/ Item das auch vil zu eyne würdigen heiligen gebet gehört/ das man eer bey den Heiligen/ die von diesem leib erlöset seind/ finde/ dann in denen/ die noch in diesem leben seindt.

In dē sicht man abermal wahn diese Doctoren die auch weisen/ warauff sie lehren das vertrauwen des gebets zu Got setzen. Diß ist ja jr argumēt. Die abgestorbenen Heiligen haben ein reinere liebe zu vns/ dan die hie leben/ darumb wöllen sie auch desto gerner für vns bitten/ Vñ jr gebet ist heiliger vñ würdiger/ dan derē auff erden/ darumb könden sie vns auch meer erlangē. Ist das nit das hertz der bettendē auff der menschen würdigkeit vñ Heiligkeit/ gewisen? Wan gedencke sie doch mit einē wort der gründtlosen barmhertigkeit vnseres Himlischē Vatters/ vñ des vñentlichē vercheit vnseres Jesu Christi/ Der ist vñ kein Heilig/ ja nit alle Heiligen/ der die rechte/ reine/ vñ grōste liebe zu vns hat/ vñ darumb vns zu fürbitten der bereit ist. So ist auch sein gebet allein das würdig vñd Heilig gebett/ das dē Vatter gefellet/ vñ recht von im alles erwürbet.

Ein ander Calumnia vñ verkerüg bringē sie für bey

Vnd verehrung fürbit

Warumb  
Gott von  
vns will  
gebetten  
sein.

dieser matery. In meynem vorigen buch hab ich wölle  
len anzeygen warumb Gott von vns wölle gebetten  
sein. Darumb nemlich / das wir vns zu jm keren / seyne  
gaben theur schetzen / vnd so er vnser gebet so gnedig  
lich erhöret / in desto lieber gewinnen / vnd vns in in  
alle gehorsame desto gantzlicher begebē / Wie ein Vat  
ter von seinem kind will gebetten sein / darumb / das  
er im one das zu geben bedacht ist. Got wisse suß vnd  
wölle helfen da er helfen solle / auch ehe wir in dar  
umb bitten. Er dö:ffe vnfers gebets gar nicht darzu  
lasse sich auch dardurch zu nichten / das er nit von ihm  
selb von ewigkeyt habe thün wölle / bewegen.

Offenba  
re verkez  
rung der  
C. Depus  
taten.

Dis verkeren mir die C. Deputaten / vnd schreiben /  
es seye offenbar das ich hie vnder dem deckel der Göte  
lichen vernehmung / wölle den glauben vñ die hoffnung  
deren die betten zerstören / vnd alle einfeltigen dahin  
füren / das sie fleischlich sicher seyen / vnd alles auff die  
notwendigen er folgung aller ding stellen / auff das  
fatum / Welches so verderblich seye / das man nichts  
verderblichers wider die Gotseligkeit erdenckē möge /  
füren darauff vil spruch ein / in denen vns Gott zum  
gebet vermanet.

Sehe fromer Christ / sind die leuth auch werdt / das  
ein Christ etwas mit inen handle: Will ich den glaube  
der bettenden zerstören / die leuth fleischlich sicher ma  
chen / vnd auff die notwendige ver folgung aller ding  
.i. Fatum verleytē: Der ich doch immer Auff das Gote  
res

vnd anruffen der Heyligen. Lxxix

tes wort / Zu der ewigen gnade Gottes / Zu dem liebe  
Christo weise? Vnd lehre das Gott von vns gebetten  
sein wolle? Wen solle das auff fleyschliche sicherheit /  
oder auff philosophische notwendigkeit verleyten?

Das ich dan darbey auch anzeyge / man dorffe zum  
gebet zu Got mit vil heiligen verdienst suchen / sonder  
müsse steuffen glauben haben auff seyne verheysene  
güte / vnd den verdienst Christi / vmb des willen vns  
der Vatter zu vnserem heyl in allem anligen erhoret  
will. Item / das ich lehre Got wolle darumb von vns  
gebetten sein / das wir vns desto hertzlicher zu ihm ke  
ren / in lieber gewinnen / vnd im vns gantzlicher in als  
le gehorsame darstellen / vñ nit das er vnser gebets  
bedorffe / oder das er nit von im selv vns thun wolle /  
was er thun soll. Warin solle diß den glauben breche /  
oder falsche sicherheit geben? Solle ich dan lehren /  
das Gottes wille nit ewig seye / oder dz Got nit alles  
vmb seynen selv willen thue / wie er von ihm selv zeu  
get? Oder solle ich lehren / das die leuth jr vertrauwen  
im betten / nit auff den guten willen Gottes / sonder  
auff das werck ires gebets setzen / vñ nit vor allem  
betten sollenn / das Gottes name geheyliget werde /  
vnd sein reich erweyteret. Aber du siehest wol lieber  
Christ / das sich die leuth in diesem ihrem vermeinten  
vrtheyl / allein dahin begeben vñ gericht haben /  
die war Christlich lehr zu verkeren vñ zu verlesteren.

Ja nit allein felschlich zu verkeren vñ zu lesteren /  
V iij Sonder



## Von verehrung fürbit

Ein gatz  
offenbare  
mütwilli  
ge lügen  
der C. De  
putaten.

Sonder auch offenbare vnwarheit von vns fürzüge  
bē/ vñ zū schuben/ dz wir nie gedacht/ Ja da wir das  
widerspiel außtrucklich geschuben habē. Als in dieser  
materi schreiben sie/ Ich verneine/ dz vns Got etwas  
güts thue/ in ansehung vñ verdienst seiner Heiligen/  
So ich doch das widerspiel außtrucklich geschriben vñ  
bekenet habe / Das nemlich Got den leuthen auff Er  
den vmb seiner lieben Heiligen willen/ die bey jm lebē/  
güts thue/ Vñ das zū beweren/ eben das ort/ auß dem  
xvi. cap. des ersten büchs der König/ angezogen/ das  
sie/ die C. Deputaten selb auch anziehen / von dem Kö  
nig Abia / Dem Got einen Sün vñ Davids willen ge  
geben hat/ darumb / das David gethan hat das dem  
Herren wolgefellig gewesen ist. Disß hastu Christlicher  
Leser zū sehen im vierdten Paragrapho des siebenden  
Artikels in meinem vouigen büch.

Zeist nun das ein vrtheyl geben in Gottes sachen/  
wie das Gots gelerten Priestern/ vñ Doctoren gebü  
ret? Oder offentlich liegen / vñ lesteren/ wie es eygnet  
den feinden vñ lestern Gottes/ vñ aller warheit: Dar  
jnen nit genüg gewesen/ soliche offenbare vnwarheit  
wider mich zū schreibē/ sonder hengererst daran/ Ich  
verkleinere mit Gots lesterlichem munde die güte / vñ  
freye miltigkeit Gottes. Item Got belohne die ver  
dienst seiner Heiligen auß freyer gnaden / weñ es vns  
Gotlosen Kezern schon leydt seye/ Vñ vnser Gotlo  
sigkeit seie so groß/ das wir nit bekennen mögen / das  
doch der Gözen diener Laban bekant habe / Gene.  
am

vnd anruffen der Heyligen. 1xxx

am xxx. Das in Got vñ Jacobs willen gesegnet hat.  
 Dis sindt ihre wort.

Sindt das nun nit kinder des / der von anfang ein  
 lügner *1. d. b. l. g. i.* Calumniator vñ mörder ist: Wir glau  
 ben / bekennen Got lob / dis / vñ alles was vns die hei  
 lig Schrifft zeuget / theten ihr das auch / ihr elenden  
 feind des crentzes Jesu Christi / so were kein zancf oder  
 streit zwüschen vns / vñ würde das arm volck Christi  
 nit so jemerlich von Christo ihrem Heylandt / auff eus  
 were erdichte heiligen vnd Götzen verfürer.

Doch sehe dennoch auch wie sie immer ihre gedicht  
 für Gottes wort fürsetzen. Got saget / er wolte Isaac  
 vnd seinen nachkommen güts thun / darumb das Abia  
 ham seine stim gehöret / vñ seine gebott gehalten hat /  
 Item das er dem Abia ein Sün geben habe vmb Da  
 uids willen / darumb das Dauid gethan hat das ihm  
 gefellig gewesen. Dergleichen reden seindt in der 3.  
 Schrifft meer. Wa ist aber das wort / merita, verdienst  
 der Heyligen / Das die C. Deputaten immer einführen  
 Got belohnet der seinen güte werck ja vberreichlich /  
 aber wie jr selb bekenet / auß freyer gnaden. Darum  
 sind sie / eygentlich zü reden / nit verdienst. Aber danon  
 oben in anderen haupt Artikel / von güten wercken  
 vnd irem verdienst.

Nun zur sachen / danon die Cölnischen Deputas  
 ten sich so vil streyts annemen / vñ so schwerlich  
 lesteren / da doch kein streyt ist / vñ so vil Schrif  
 ftem fürbringenn / da es seyn gar nit bedarffe /  
 allein

Schritte  
 hat nit  
 verdienst  
 wie die C.  
 Deputas  
 ten / sond  
 gehorsam

## Von verherung fürbit

allein das sie dem Leser ein gespenst vor den augen mache / als ob sie vns ein mal durch die 3. Schrifft etwas abbrechen möchten / das sie doch im geringsten / Gott lobe / nymer meer vermögen. Davon ist ja kein streyt / das bekennen wir / vnd habens alweg bekennet / vnd preysen darinn die reychte güte Gottes / meer dann jr / das Got vmb der seynen vnd ihres glaubens willen / auch anderen vil vnd groß güts thüt. Wie er dem lieben paulo alle die seelen schenckete / die mit im schiff seten / Vnd den Laban reych machte vmb Jacobs willen / Vnd wolte allen zu Sodoma verschonen haben / weñ allein zehen frommer da gewesen weren. Es hat auch Got verheysen allen denen / die ihn lieben / vnd seyne gebot bewaren / güts zu thün in das tausents geschlecht / Exod. xx. Dabey zeugen wir aber auch das der milte Got soliche gütthaten seynen lieben heyiligen thüt / allein / vnd gantzlich auß seynere freyen güte / vnd durch den verdienst seynes lieben Sons vnseres Herren Jesu Christi.

Dariñ ist aber vnser streyt wider euch / Das jr vn erwer hauff / das arme volck in den irthumb geführt habe / vnd dariñ stecken lasset / Das es die gütthaten vnd hilff Gottes / den heyiligen / nach ongdlichem gedicht abtheylet / das Gott vmb des willen die / vmb eins anderen willen ein ander krankheit himemen / vmb des willen die gabe / vmb eines anderen willen ein andere geben solle / Vnd das man dan soliche gütthaten / mit den erdichten diensten / die sie den heyli-  
gen

vnd anruffen der Heyligen. 177

gen thim, mit fasten / Messen vnd dergleichen erlan-  
gē möge. Dañ diß ist die freye vnangebundene gnad /  
vnd hilff Gottes / an die creaturen / vñnd deren wer-  
cke / wider Gottes wort heffte. Ist neuwe mittel Göt-  
licher hülff erdichten / vnd also vngeweyfflete Abgöt-  
terey treiben / wie oben bewert ist im Artikel vom wa-  
ren vnd falschen anruffen Gottes. Da wider streyten  
wir / das sechten wir an. Vñ weil die C. Deputaten so  
liche offenbare Abgöttereyen erhalten vnd verteydi-  
gen / da solten sie Schrifft fürbringen / wa sie möchtē /  
da solten sie sich erbrechen / vñnd mit vns mit offen-  
barer vnwarheit zū messen / da wir das widerspiel ge-  
schuben / vnd dann wider das selb ihre eygen gedicht  
sich fast erbrechen / vnd vil Schrifften einführen.

Diweil aber siel sind / die für jetz ermelte Abgötter-  
reye / die erfarniß / vnd auch exempel der Schrifft / vñ  
der alten Väteren fürwenden / will ich zū gut den  
einfeltigen danon allhie auch ein wenig berichts an-  
hengen.

**Wie Gott den Leuten vmb seiner  
Heyligen willen gūts thūt / Vñnd von den be-  
römpften wunderwercken / die bey den Heyligen  
gedechtnissen geschehen sollen.**

**L**estlich werffen die vnbestelten Rentmeister  
der Heyligen / die mit irem gebein vñ erdichten  
wunderwercken / iren genieß vñ bracht sūchen /

## Von den wunderwercken

Wa her  
man bes  
sondere  
hülffe/  
durch bes  
sondere  
Heylige  
suchet.

die er farniß für. Man habe das er faren / das eben vi  
len / die S. Anthoni haben angerüffen / vom brand /  
die S. Cornelius / vom fallenden siechtagen / die S.  
Zuprecht von der rasenden hundert bis / vnd also die  
andere Heyligen haben angerüffen / von anderen plä  
gen geholffen worden seye.

Da frage ich aber euch armen blindenleyter / habe  
ir das eygenlich er faren / vnd wisset das allen denen  
in der warheit geholffen seye / deren hülff man sich an  
den orten / da man solcher Heyligen hülff suchet / rüh  
met: Da man die tafflen dauon vffhenget: Vnd die  
wechsenen bilder fürsettel?

Falsche  
wunders  
zeichen.

Zum anderen ob ihr dann des gewisse kundtschafft  
hetten / die ihr doch freylich nit haben mögen / das es  
was wonders / vnd leiplicher hülff bey ewer Heiligen  
gedechtniß geschehen seye / Ists darumb gleych ge  
wiß / das soliche warhaffte zeychen / vnd wunder seien  
Gölicher gnaden: vnd nit meer gespenst / vnd betru  
ge des teuffels / vnd versüchung Gottes: Es hat vns  
ja Gott auch verwarnet vor den falschen vnd lügents  
hafften zeychen vñ wunderwercken / durch die er vns  
versüchen will / vnd durch die der Widerchrist einbr  
cht / vnd die falschen Propheten ire irthumb also besse  
tigen / das auch die erweltē kaum bey der der warheit  
erhalten werde / Deut. xij. Math. xxij. vñ ij. Theß. ij.

Ja weyl alle ware wunderwerck allein zu bester  
ung des h. Euangelij / vnd des reynen glaubens an  
Christum dienen / Wie der Herr auch seine zeychen ale  
lein darzu verheissen hat / Joh. xv. Marc. vltim. wel  
cher

cher warer verstandiger Chriſt mag daran zweyfflen/  
 das alle die zeichen vñ wunder / da durch die Gepein/  
 Gözen / Stett / vnd ander soliche euſſere ding den leu  
 then in soliche hohe achtung gebracht ſindt / das ſie  
 Gottes gnad vñnd hülff dabey / als ob die beſonders  
 bey dieſen dingen raſtete / wie ſie ſagen / ſüchē / nichts  
 dann gewiſſe verſüchung Gottes / geſpenſt des Teu  
 ffels / vnd werck des widerchriſts ſeyen:

Zum dritten / wenn dan auch ganz gewiſſ were / das  
 Got bey den gedechtnüſſen ſeiner lieben Heiligen / an  
 etliche orten rechte / gewiſſe / warhaſſtige zeychen vñ  
 wunder gewürckt / vñ jemandt geholffen hette / zu be  
 ſterigung ſeines 3. Euangelij / folget darumb / bey was  
 rem glauben an Got / das Got einem jeden / der zu ſol  
 cher gedechtniſ der Heiligen komme / vnd da Gottes  
 hülff ſüche / auch alſo helffen wölle: Vnd das man al  
 ſo des ortes ein bittart anrichten / vñnd ſoliche gepein /  
 oder ſtett alſo zu newen Sacramenten / das iſt gewiſ  
 ſen zeychen / Götlicher gnaden / vnd hülff machen ſol  
 le / wie die Heiligen gützer gethan haben:

Obſchon  
 Got an  
 eynem  
 ort ein zey  
 chē thut/  
 darumb  
 kan man  
 da nicht  
 mit warē  
 glauben  
 meer for  
 dren.

Die Moabiter Kriegſleuth warffen einen todten  
 Körper in das grab Eliſei des Propheten / vnd da der  
 des Propheten gepein anrürt / ward er lebendig / vñ  
 trat auff ſeine füß / ij. Reg. xij. Damit hat Gott ſey  
 nen Propheten geehret / vñnd hat diſ zeychen auch  
 zum theyl vmb ſeinet willen gethon. Haben aber dar  
 umb die leuth / wie die Abgöttiſchen Heiligen diener  
 thün / ſollen ein bittart zu dieſem grab auffrichten/  
x ij vnd

Im grab  
 Eliſei/  
 ward ein  
 todter  
 erweckt.

## Von den wunderwercken

vnd alle ire todten dahin tragen / das sie wider lebendig würden?

Also da dieser Prophet / vnd sein meister noch in die sem leben waren / hat der Herr durch sie beide vil grosser zeychen gethan. Aber die allein an denen / an welchen er das nach seinem Göttlichem rath fürgenomen / mit an allen / denen es die menschen begeret haben. Es waren vil witwen / sagt der Herr / in Israel zün zeyten Helie / doch sandte Got diesen seinen Propheten / allein zün der witwen in Sarepta bey Sydon / das er die solte mit irem Sün in der teuren zeyt durch wunderwerck erhalten. Vñ als zün zeyten Elisei / in Israel vil ausseszigen waren / wurde doch durch diesen Propheten allein der Naeman auß Syrien geyniget / Luc. iij.

Also kündte der Herr wie Marcus zeuget vj. nicht ein einige that zün Nazareth thün / one wenig siechen leget er die hende auff / vñd heylet sie. Seinen lieben Apostel Paulū hat er darzün beruffē / das er sein Euangeli solte allen heyden Predigen / noch liesse ihn der heylige Geyst nit reden in Phrigia noch in Bithunia / Acto. xvj. Der gleichen hat Gott auch durch Mose / durch andere Propheten / vñd die Apostel vilerley zeychen gethan / Alle aber noch seinem Göttlichen rath vñd willen / one einiges anhefften / an einige stert / personen / wunderwerck / noch vil weniger on enigē Gebeyn / Gözen / vñd Gözen dienst.

Auß diesem hastu frommer Christ dieses zün lernen

Erste

bey den Heyligen grebern. Lxxxiij

Erstlich, das du mit alles / das die leuth so iren gewin vil erdich  
mit den Heyligen suchen / für zeychen vñnd wunder te zeychen  
fürgeben / glaubest / Denn der leichtfertigs hertzens  
ist / der den Leuthen in sachen Gottes / one Gottes  
wort / vñnd gewisse anzeige Götlicher wercken / leicht  
lich glauben gibt.

Zum anderen ob denn schon die zeychen vñnd wun- Wie die  
derwerck deren man sich rühmet / offenbar sindt / das gerümpo  
du doch sehest / ob es soliche zeychen sindt / die sich in ten wun-  
warhaffter thaten sehen vñnd fülen lassen / Wie des derwerck  
herren vñnd der Apostel wunderwerck waren / mit al- zu bewes-  
lein in treumen vñnd gesichten / oder sunst verletzten ren.  
gemütern / meer erscheinen / dann würcklich befun-  
den werden / wie der Götzen zeychen zu sein pfler-  
genn / Fürnemlich aber sehe / ob sie eygentlich darzu  
dienen / das der ware glaube an Chrustum durch sie ge-  
stercket / vñnd das gemüt allein an Gottes wort geheff-  
tet / vñnd zu Götlicher gehorsam gefürdret werde. Wel-  
ches die gewisse prob ist der waren zeychen vñnd wun-  
derwercken Gottes / Dan so sie ein theurscherzung ein-  
füren der menschē werck / der Stetten / Gebeinen / Gö-  
zen / vñnd dergleichen / vñnd die Gottes gnad vñnd hülff  
an diese diese ding hefften / so sindt sie sonder zweyffel  
zeychen des widerchuffs.

Zu leetz / wenn es dan schon ganz gewiß were / das  
es warhaffte zeychen vñnd wunder seindt / die man dar  
für außgibt / das sie nemlich in würcklicher that bes-  
funden



## Von den wunderwercken/

funden sein/ vnnnd zů auffbauung des glaubens an  
Christum thetlich gedienet habē/ (deren man bey den  
heyligē gedechtnüssen freylich in vilen jarē wenig ver  
nomen hat/ dan̄ Got mit seinen zeichen vnd wundern  
mit irthumb vnd aberglauben/ wie bei dießsen heiligen  
stetten/ wie man sie nennet geschicht. Sonder ware  
Christliche Religion stercket vnnnd fürderet.) so solt  
doch wissen das dir weyters auß solichen zeychen vnd  
wundern zů machen nit gepüret/ dan̄ das du Got dar  
umb danckest in Christo vnserem Herren/ Vnd dich al  
so im vertrauwen zů Got besserest vnnnd sterckest/ der  
die seinem ꝛ. Euangelio/ das die Apostel vnd Marty  
rer geprediget/ vnd mit irem blüt bezeuget haben/ be  
stendiglich anhangen/ nimmer verlasset/ sonder inen eer  
vber die natur/ vñ wunderbarlich hilffet.

Dan̄ wie der Herr alle zeychen im leben seiner Apo  
stel vnd ander heiligen auff ire gebet gewürcket hat/  
allein ire rede vnd Predig damit zů bestetigen/ vnd al  
so mit sie/ sonder seinen lieben Son Christum zum Hey  
landt/ vnd nothelffer der welt fürzůgeben/ vnd zů be  
zeugen/ Also würdt der liebe Gott auch bey den gedech  
tnüssen der Martyrer seine wunderwerck allein ge  
thon haben/ wa er die je gethon hat/ zů bestetigen so  
lichen glauben seines ꝛ. Euangeli/ vnd vns zů seinem  
lieben Son/ den die heiligen geprediget/ vnd so theur  
bezeuget haben/ zů ziehen/ vnd bey im zů halten/ wie  
das der liebe Augustinus an meer orten zeuget.

Aber eben darumb das diß wunderwerck gewesen  
sein/

bey ven Heyligen grebern. Lxxxiij

sein vns in gemein von Got mit verheissen/ vnd auch  
 nit in der gemeinen ordnung der wercken Gottes be-  
 griffen/ so hastu dir von solichen wunderwerckē vber  
 all kein folge zū machen/ soliche zeychen durch einigs  
 eusser mittel/ an einiger stett/ durch einiges Heilige ge-  
 bein/ oder ander eusserlich thūn/ zū sūchenn. Sonder  
 solst die lassen werck sein der freyen gnaden vnd gūte  
 Gottes. Vñ wa du dir die auch woltest fordern/ vnd  
 darumb zū solichen Heiligen gedechtnissen lauffen/ vñ  
 deine bittfert thūn/ so versuchtestu deinen Got/ vnd  
 tribest abgötterei/ Dañ du seine hūlff/ durch weg vnd  
 mittel sūchtest/ die er dir nit fürgegebē hat/ vñ verlies  
 sest seine so reiche zūsage in deren er dir versprochen  
 vnd vergewisset hat/ wa du in / deinen Got vñ Vats-  
 ter anruffest/ im namen seines lieben Sons/ vnser ey-  
 nigen mitlers vnd Heylandts / Das er dich da selbet/  
 zū deinem Heyl in allen nöten vñnd anligen erhören/  
 vnd helfen wolle/ Ja er der Herre Christus wolle selb  
 mitten vnder denen sein / die sich in ihm vereinbaren/  
 vnd in seinem namen zū samem kōmen/ Darbey sollen  
 wirs bleiben lassen/ vnd den lieben Christum in allem  
 vnser einigs Heilthumb der hūlff vnd gnadenstul er-  
 kennen vnd halten/ bey dem wir reichlich alle Gottes  
 hūlff finden werden.

Sieweyl  
 vñß Gott  
 seiner wun-  
 derwerck  
 an keine  
 stetten  
 verheiss  
 sen/möge  
 wir sie  
 auch an  
 keine stet-  
 ten mit  
 glauben  
 sūchen.

Die folge  
 gilt nit/  
 da man  
 die wuna-  
 derwerck  
 bey den  
 Heiligen  
 im leben  
 vernomē  
 ist man

Da werffen sie aber für das exempel der leuthē/ die  
 zū Christo dē Herren/ vñ den lieben Apostolen hie auff  
 erdē gelauffen sein/ vñ die hūlff Gottes durch ire wun-  
 derwerck gesucht habenn/ nach dem sie soliche wun-  
 derwerck

## Von den wunderwercken

zu jnen  
gelnuffe/  
warumb  
nit auch  
zu den  
todten.

Derwerck anderen bewysen/ vernomen hatten / Welches exempel die schrift / als loblich vermeldet. Warumb / sagen sie / solten wir dan nit also auch zu den Gedechtnissen der Heiligen lauffen / wenn wir vernemen / das warhaffte wunderzeichen alda geschehen sindt. Nemblich wa wir alda allein Gottes hülff durch den verdienst Christi suchen. Antwort.

Wunders  
werck  
Gottes  
bey der  
Heiligen  
gedechtnissen  
suchen / hat  
kein vers  
heißung/  
darumb  
ists vnrecht.

Zu Christo dem Herzen kamen billich / vnd suchten Gottes hülff bey im durch seine wunderwerck / alle die in leiden vnd anfechtung waren / weyl er selber zu im kommen hiesse / alle die bekümmert vnd beladen waren / Matt. xj. Also auch zu den Apostolen / die weil der Herr jnen gewalt vnd befelh gegeben hatt / vber alle suchten / vnd allen gewalt des feindts Mat. x. Luc. x. Mit den Heiligen gedechtnissen hat es aber nit die meinung / Dan von denen / haben wir keyne solche verheißung / Vnd darumb / weyl man bey solchen Gedechtnissen die wunder Gottes one sein wort gesüchet / hat so gar zeitlich der Teuffel sein gespenst an solchen orten angerichtet / vnd so grausame Abgöttereye errecket. Des vns die Historien zu vil grobe exempel anzeygen.

Ist kein  
glaubige  
folge Die  
alten ha  
ben wun  
derwerck

Sie bringen sie dan das exempel der alten Väter vnd Christen für / die Gottes wunderbare hülff durch Christum bey solchen Heiligen gedechtnissen gesüchet haben / wan sie vernomen / das etwan wunderwerck bey solchen gedechtnissen geschehen sein. Darauf ge  
beich

be ich die antwort. Es seind nit alles Heilige werck vñ  
 exempel, denen wir nachfolgen sollen / oder auch mit  
 Got mögen / welche die Heiligen gethan haben / da  
 von oben weyter gesagt ist im xlij. vñnd folgenden  
 zweyen bletteren. Es haben ja die alten allerley von  
 solchen wunderwercken gemeldet / das wol meer be-  
 werens bedörfft hette / ob es auch alles ware / vñnd  
 Göttliche wunderwerck gewesen seyen / die man dar-  
 für gerhümet hat. So habē auch etliche der altē Vāt-  
 ter das volck soliche zeychen / vñnd wunder lassen sü-  
 chen vñnd jnen nachlaußen / da sie die vil meer solten  
 zü Christo vnserm Herren gewisen haben.

bey den  
 todten  
 heiligen  
 gesüchet  
 darumb  
 mögen  
 wir das  
 auch thün

Der Herr ist ja allein der vns schlegt / vñnd wille  
 vns damit wider zü sich / vñnd in seine gehorsame trey-  
 ben / Darum wille er auch das wir vns den nehesten  
 zü jm keren / vñnd in im Geyst vñnd der warheit anrü-  
 ffen / durch seynen lieben Sün / vnsern Herren Jesum  
 Christum. Es ist ihm nit vns / das bedenck wol mein  
 frommer Christ / alles darumb zü thün / das wir vns  
 in warem glauben in die gehorsam seines worts bege-  
 benn / das wyr fromlich leben / ihm zum preys / vñnd  
 dem nehesten zur besserung / Darumb hat er vns sey-  
 nen lieben Sün auff erden gesandt / vñnd den bitteren  
 tod leiden wöllen. Vñnd auff das er die leuth zü sey-  
 nem wort / vñnd solichem glauben züge / hat er alle seine  
 wunderwerck / durch den selbigen seinen lieben Sün  
 durch alle seine Propheten vñnd Apostel gewircket / Der  
 selbige vnser einiger heylandt Christus hat vns züge

## Von wunderwercken

sagt / es seye wa es wölle auff Erden / wa wir vns in  
seinem namen versamen / da selbet wölle er mitten vn  
der vns sein / vnnnd was wir den Vatter in seinem na  
mē bitten das wölle er vns thun. So wir nun alle die  
se verheissung habē / wer sich dan deren nit getrösten  
kan / das er von Gott in seynen nöten / durch vnseren  
Herren vñ einigen fürsprechē Jesum Christū erbetten  
möge / was jm nutz oder güt sein mag / wa er ja seye /  
Sonder verhoffet die hülf Gottes eer zū erlangē / an  
den orten / da der Heyligē gedechtnissen sein / der müß  
ja der theuren / vñ so reichen zū sage Gottes nit glau  
ben / vñ jm selb neuwe mittel Götlicher hülf erdichtē /  
oder von anderen erdichtet gebrauchē / Welches dan  
vnuerneinliche Gottes verachtung / versüchung / vñ  
Abgöttereye ist / wie vor erwysen.

So vil von den wunderzeichen die bey den grebern  
vnd gedechtnissen der Heyligen sollen etwan gesche  
hen sein / oder auch geschehen seindt / vnd noch gerhū  
met werden. Erwige alles wol fromer Christ / dann  
dieser irsal zeitlich eingerissen / vnd vil vnnnd schwere  
Abgöttereye eingefüret hat / wie leyder vor augen.

Da wider solten die C. Deputaten streyten / das laß  
sen sie / dann sie vnd ir Part des nit geringe profeyt ha  
ben / ja streyten meer darfür / ob sie sich wol des nit  
frey vernemen lassen. Dann dazu dienet / das sie so  
ernstlich dafür fechten / das Gott vmb seyner Heyli  
gen willen anderen güts thut / vnnnd dann von vns  
schreie

Schreiben wider jr eygen gewissen vnd vnser offenbare Schrifft, wie wir solichs verneinen. Dann sie wol wissen / das wir solichs / wie es die Schrifft zeuget / nit verneinen. Aber wie es bey ihrer Part dahin gezogen würdt / das man darumb die hülf Gottes / deren sie sich an iren genanten Heyligen stecten rhümen / an solchen stecten sūchen solle / weyl Got den Leuthen vñ seyner Heyligē willen gūts thue. Diese falsche folge / die die verneinen wir / vñ zeugen / auß eingefürten gründen / das sie aberglaubisch vnd Abgötisch ist. Darichte nun abermal frommer Leser / wes Gottes leuth das seyen.

Ferner antwort vff der C. Deputaten verkerē.

**W**ie diese leuth vns allein darumb hassen / verfolgen / vñ lesteren / das wir das Reich vnser einige Heylands Christi gern wolten getrewlich priedigen / vñ vns mit dem S. Paulo nichts zū wissen anmassen / dan den selbigen vnseren Herren Jesum Christum / vñ den gecreuziget / Also mögen sie nichts onangefochten / nichts vngeliefert lassen / das von vns dahin gesredt vnd geschriben würdt / das sich das hertz vnd gemüt der menschē zū jm / Christo vnserem Herren / ganz vnd gar erheben vnd ergeben solle.

Ich hab in meinem vorigen buch in dem vij. Artikel vnder anderem geschriben / wer sich nit zū Christo vnserem Herren mit gantzem hertzen kere / vñ alle hülf vñ trost bey ihm sūche / den werden nicht erkennen / weder die müter der herrē / noch einige heilige.

## Von verehrung / fürbitt /

Item das sie von vns kein lieberen vnd angenehmen dienst oder ehre erkennen oder auffnehmen / dann das wyr vns Christo vnserem vnnnd ihrem einigen Herren vnd Heylandt gantzlich vertrauwen / von ihm allein / vnd durch in / in warem glauben an ihn / allen trost vñ hülff suchen vñ anemē / wie auch sie gethan / geleeret / vñ mit jem blüt bezeuget haben. Disß sein mein wort.

Die C. Deputaten mögē nitt lyden das man lere alle hilff bey Christ zu suchen sein.

Disß ist den C. Deputaten auch vnrecht geschriben / da wider haben sie sich mit vilen Worten erbrechen müssen / Vnd vns einen namen eines newen yrthumbs erdencken / vnd zūschreyben Solariorum / der Alleinler / so hüpsche namen kan die liebe dieser leuth erdichten. Dabey magstu aber wol sehen / frommer Leser / was sie von Christo dem Herren halten / wie sie zū seinem Reych gesinnet sein. Nun höre aber was sie wider disß mein bekantniß vnd Lehre fürbringen :

Wiewol / sagen sie / Gott / als der Almechtig ist / alles thut vnd würcket / vnd aller trost vñ hülff von ihm herkommet / so volbringe er doch nit alles allein one einige mittel / Dan er habe seinen creaturē etwas krafft vñ macht eingetrucket / nach der sie folgens auch wircken / Als der Sonnen zū leuchten / dem feur zū wermē / Also habe er auch den menschen geben / seinen brüder zū tröste vñ im zū helfen. Hac illi. Wer widerspricht aber dem? Wer hatt gesagt das man allen trost vnd hilff bey Christo on mittel / nemlich one die mittel / die er zū jeder hilff geordnet habe / suchen solle?

Da lese

vnd anruffen der Heyligen. lxxvij

Da lese aber vnd erwege wol was ich von den mit-  
 telen Göttlicher hülff vnnnd trosts/ beyde den natürli-  
 chen/ vnnnd denen die zu der Religion geordnet sein/  
 hie vor erinneret habe/ im Artikel vom Wahren vnnnd  
 falschen anbetten Gottes/ von dem xxvij blat/ bis ins  
 xxxi. Den vnbestelleten Heyligen rentmeistern/ bey  
 den Gebeinen vnnnd Gözen der Heyligen vil bringen/  
 die selbige gebein vnnnd Gözen anbetten vnnnd küssen/  
 biefert zu ihnen thün/ vnnnd dergleichen abgöttische ge-  
 dacht/ das sein mittel Göttlichen zorn wider vns zu er-  
 wecken/ nit aber etwas hülff vnnnd trost von ihm zu er-  
 langen. In diesen mittlen aber ifts vnser part gelegē/  
 vnnnd nit an denen/ die der Here selb geordnet hatt/ vñ  
 gebrauchet. Welche wyr/ wie sie wol wissen/ nitt ver-  
 werffen. Davon ist aber hie vor genüg gesagt. Es ist  
 Gott ver suchenn/ seine hülff one die mittel suchen die  
 er zu ieder sachen verordnet hatt/ Abgötterey ifts a-  
 ber/ die selbige durch andere mittel suchē/ dan er vns  
 zu iedem werck selb für gegeben hatt.

Gleiche redlichkeit vnnnd Gottes forcht beweysen  
 sie/ das sie auch diß anfechten. Das ich geschriben ha-  
 be. Es möge vns nitt geholffen werden/ es bitte für  
 vns wer da wölle/ so lang wyr vns nitt auch selb zu  
 Gott vnserem lieben Vatter keren/ vnnnd ihn bitten/  
 Welches ich von vns die der menschen fürbitt suchen/  
 vnnnd darumb auch selb betten mögen/ geschriben ha-  
 be. Das solle nun auch seer vnrecht geschriben sein.  
 Du aber fromer Christ laß die leuth jem Gott faren/  
 Xij Du

Die C. De  
 putaten  
 wölle/ dē  
 leuthen  
 möge ges  
 holffen  
 werden/  
 die sich zu  
 Gott nitt  
 keren.



## Von verehrung / fürbitt /

Du weißt ja wol / das alle die im ewigen todt stecken  
bleyben / die sich zu Gott nicht keren / vnd in selb vmb  
seine gnad bitten / nach dem sie ihres gemiets eigen  
brauch haben. Wer den namen des Herren anrufft  
dem wurdet geholffen / wer ihn nit anruffet / der ken  
net ihn auch nit / glaubet im nit / darumb ist im noch  
nit geholffen / vñ bleybet geder zorn Gottes ob im.

Die C. Deputaten sagen. Als ob sich ie ieman auß ei  
gen krefften zu Gott bekeret hette / vnd vns nit meert  
Gott bekerte / das wir bekeret wurdten / Das sich der  
mensch auß eygen krefften zu Gott keren möge / Das  
von ist wol bey euwern Sophisten disputiert worden /  
Wyr aber bekennen gern / das zu Christo dem Herren  
niemandt komme / der Vatter bekere ihn dann / vñ  
ziehe ihn zu ihm / Wen aber der Vatter zeucht vñ be  
keret / des verstandt erleuchtet er / vnd des willen be  
wegt er / das er sich ia selb auch zum Herren Christo ke  
ret / vnd ergibt / da fur nemen sich sust diese leuch  
wider vns zu streyten / Nun sind sie / Gott lob / Lu  
therisch werden.

Weyter sagen die C. Deputaten. Vnd als möchten  
die Heyligen nit erlangen / das Gott in vns solichs /  
das ist / vnserer bekerung / würckete / Welches gesagt wer  
de wider vnzelige spruch der Schrifft vñ / den ange  
nomen glauben der Kirchen. Dis ist aber ein Calūnia.  
Wer hatt vnser teyls gesagt / das die lieben Heylige  
nit solten Gott erbetten mögen / das er etliche zu sich  
bekeret / die er zum ewigē leben verordnet hatt. Wñ  
werden aber die selbigen fur die die Heyligen bitten /  
salui

vnd anruffen der Heyligen. lxxxviij

salui / wenn würdt ihn geholffen sein / wenn werden sie das heyl erlangen: Wenn sie noch von Gott ihrem Himlischen Vatter abgewendt seindt / vnd seiner Gnaden nitt begeren? Nein freilich.

Es haben ja / die den erlammeten für den Herren bracht / ihm das heyl durch ihren glauben erbitten.

Es hatt der Obrist von der Schül seiner dochter das leben / Das Cananeisch weyb ihrer dochter / erlösung vom Satan erworben / Doch ist deren keinem gehoffen worden / der hülffe / da von wyr des orts reden /

des ewigen heyls / bis sie sich auch selb zum Herren bekeret / vnd umb seine hülff gebetten haben. Vnd sehe hie wie Gottes fürchtig diß volck seye. Sagen / Als die Apostel den Herren für die schwiger Petri gebetten haben / da lese man nicht das sie auch gebetten habe. Ergo / Sie hatt nitt selb auch gebeten / Wenn wyr so argumēt machten / wie würden sie die denzlen?

Das ist aber noch vil freueler vñ vnuerschempfer / das sie hie von mir schreyben / Wa würdt er hin verzu cket / das er verneinet / das die Apostolen da sie battē für das Cananeisch weyb seyen nicht erhöret wordē / welches doch ist wider die meinūg der Veter / die rechter Christlicher lehr seindt. Diß ist ihr freuel red. Ant wort. Welcher Vetter: Nennen vns doch einen. Gilt es euch dann in diesen hohen Göttlichen sachen also gaucklen / vnd offentlich falsch fürgeben?

Das heylig Euangelion zeuget doch selb / das die fürbitt der Apostel / diß weyb nit geholffen habe / da aber sie selb im bettē verharret / da habe sie erlāget / was sie begea

sie begea

## Von verehrung / fürbitt /

Mit eig-  
nē gebett  
richtē wir  
bey Gott  
meer auß  
dann mit  
fürbitt.

Das Cas-  
nancisch  
weib ver-  
warff der  
Herr / da  
die Apost  
el für es  
baten / da  
es selbbat  
erhöret  
ers.

Chrysof-  
stos  
mus Ges-  
gen Gott  
darff mā  
foime Pas-  
tronen.

begeret / Von welchem ort der **H.** Chrysofostomus inter  
orthodoxos primarius / also geschriben hatt. Wiltu ler-  
nen das wyr durch vns selb bey Gott / so wyr betten  
meer aufrichten / dann so andere für vns bitten. Dies  
se (redet von dem Cananeischen weyb) hat geruffen /  
vnd seindt die Apostel herbey gangen / vnd sagen /  
Lass sie hin / sie ruffet vns nach. Da hat er ja zu diesen  
gesagt. Ich bin nicht gesandt dann zu den verloren  
schaffen vom hauß Israel / Da aber sie selb herbey ge-  
treten ist / vnd verharret hat mit ruffen vnd gesagt.  
Ja Herr / aber doch essen die hündlein von de brosem  
lin die von ihrer herrē tisch fallē / da hat er die hülf ge-  
than / vnd sprach / Dir geschehe wie du wilt. Sibest  
wie er sie verworffen hat / da andere batten / vnd wie  
er bewilliget hat / da sie selb kame / vnd vmb die gaben  
ruffet vnd batte. Dann zu jenen saget er / Ich bin nicht  
gesandt dan zu den verloren schafen vom hauß Isra-  
el. Zu dieser aber sagt er / Dein glaube ist groß / dir ges-  
schehe wie du wilt. Dis hatt der liebe Chrysofostomus  
geschriben in Homelia de profectu Euangelij, quē habetur  
Tomo vj. Zeygen nun die C. Deputaten an / welche  
Vätter dem Euangelio vnd Chrysofostomo widers-  
sprechen.

Welcher warlich Orthodoxus recht gesunde Lehrer  
inn ietz angezogener Homeli / auß der erzelten thaten  
Christi / weyter schreybet. Gegen Gott darff man key-  
ner Patronen / noch vil vmbblauffens / das du anderen  
freundtlich zusprechest / du würst / wann du schon al-  
lein bist vnd keinen Patronen hast / vnd durch dich  
selb

Vnd anruffen der Heyligen. Ixxij

selb bitteſt, nicht deſto weniger erlange was du bege  
 reſt. Dann Gott bewilliget mit ſo bald, wenn andere  
 für vns bitten, als wenn wir ſelb bitten, ob wir ſchö  
 voller böſes ſind. Dieſe rede vnd Chriſtlich lehre des  
 heyligen / vnd warlich recht geleerten Chryſoſtomi,  
 halte frommer Leſer gegen dem, das die C. Deputa  
 ten lehren, wie das erſchockē gewiſſen für Gott mit  
 beſſerem vertrauen komme, weiſſ es vil fürbitter von  
 den verſtorbenen Heyligen für Gott mitbringe. Vnd  
 ſeye Gott ein ehr, wann ſich der menſch nit würdig  
 achte Got ſelb anzuruffen, one fürbitter.

Got erhö  
 ret nit ſo  
 bald wenn  
 ädere für  
 vns bitte  
 als wenn  
 wir ſelb  
 bitten.

Alſo ſichſtu abermal Chriſtlicher Leſer, das dieſer  
 C. Deputaten ſtreyt wider vns, nichts iſt dan falſch:  
 es zimeſſen ihrer ſelb gedichten / verkeren vnd leſte  
 ren vnſer geſunden lehre, wider, nit allein die Göttlich  
 Schrifft, vnd haltung der waren Gemeinden Chri  
 ſti, vnd aller 3. Vätter, ſonder auch wider ih: ſelb vñ  
 aller menſchen gewiſſen, vnd verſtandt.

Wie dann auch iſt (da mit ich bey dieſem Artikel  
 nichts außlaſſe) das ſie zu leſt bey dieſer Materi an  
 ſechten, das ich geſchriben, der Herr Chriſtus habe al  
 lein allen gewalt in Himel vnd Erden, ſeye, thue, vñ  
 gebe alles das wir vns nützlich begerē mögē. Schrey  
 be, Ich ſpreche Chriſtus allein, als ob der Vatter ſei  
 ner gewalt beraubt were. Item der Herr gebe vnd be  
 weiſe ſeine gutthaten, auch durch die Sacrament, vñ  
 andere ſeine mittel, die ja mit Chriſtus ſeien, darumb  
3 ſeye

Chriſtus  
 iſt vñ thut  
 alles gut  
 allein.

## Von verehrung/ fürbit/

seye er nit alles/ das wir nützlich begeren mögen. Sehet soliche vngotsfürchtige Sophistereye geperen vns die schew vnd der haß des creuzes Christi/ lieb eyteler ehren/ vnd wollusts / Sie singen teglich Christo dem Herrē/ Tu solus sanctus, tu solus altissimus Iesu Christe. Du bist allein heylig/ du bist allein der Höchste Jesu Christo/ solle ich darumb sagen/ das sie den Vatter seyner Heyligkeit/ vnd Höheit berauben?

Also ist Got allein güt/ vnd kein Got dann Christus der Herrē/ muß dan mit er allein der sein/ der alles das ist/ das ich nützlich vnd heylsamlich begeren mage. Dann was ich sunst nützlich immer begeren vnd gebrauchen mage / muß ich ja allein darumb begeren/ würdt mir auch allein darumb güt sein mögen/ das mein Herrē Christus da durch / oder mit / sein seliges werck vnd gütthaten würcket/ vnd vber. Darum der Psalmist singet. Wen wolt ich mir im Himmel? Vñ neben dir gelustet mich nichts auff Erden / Psal. lxxiiij. Aber was solle man mit denen leuthē von diesen Göttlichen sachen handeln/ die ein jeder Christ/ der ire lesung liest wol sicht/ feinde sein/ wie des creuzes/ also auch der ehren vnd des Reichs Christi.

Jedoch weil leyder in diesem Artikel/ von der Heyligen ehr/ fürbit/ vnd anruffen / die leuth noch seer tieff stecken / wa das reine Euangeli nitt gepredigt würdt / Vnd die feinde Christi so mit der Religion handtieren / weil sie sich durch ihre gleißnerē als die lenseß

vnd anruffen der Heyligen. re

lengest so diñ, vñ durchsichtig wordē, bey wenig men  
schen meer in besonder achtung erhalten mögen / alle  
ire spitzfündigkeyt, vnd geschweiz dahin richten vnd  
anteren, dass sie der abgestorbenē Heyligen verdienst/  
vñ vermögen bey Got, jr fürbit vnd verehrung, dem  
armen verblendten volck immer theurer machen / vñ  
in grössere theurschertzung bringen. Welches dann  
das arme volck jm auch so vil lieber auffreden lasset/  
so vil es zu dē Euangelio des creutzes Christi / zu wa-  
rer büß vnd besserung des lebens, dadurch es auch im  
selb Heyligkeyt erlangen solte, weniger lust hat / Auß  
diesen vrsachen, habe ich recht in diesem Artikel auff  
alle Sophismata, Calumnias, & Blasphemias, alesantzē/  
falsches verkeren, vnd lesterung / Der C. Deputaten  
antworten wöllen. Vñ was argument auch andere in  
dieser materi fürbringen, widerlegē. Den fromen Chri-  
sten, die in diesen sachen noch nit so vil erübet sein, für-  
derung hiemit zu thun, sich selb, wa sie noch etwas in  
diesen stricken hiengen, vnd andere, von dieser schwe-  
ren vnd so vil feltigen Abgötterey, die die leuth an den  
Heyligen / ihren gebeinen / Gözen / vñnd anderen  
zeychen begohn, außzūwicklen, vnd zu dem waren an-  
ruffen Gottes durch vnseren Herren Jesum Christū,  
durch welches wir allein alle gnad vnd hülf Gottes  
erlangen müssen, widerzubringen, vnd darbey zu er-  
halten.

Wa her  
die leuth  
die fale  
sche lehr  
von Hei-  
ligen so  
gern ans  
nemen.

Du fromer Christ besehe vnd erwege alles mit vn-  
angefochtenem vnd Gotsföchtigem gemüt, halt es  
wol gegen dem eynigen Gottes wort, welches vns

Von der Confirmation. i. Bestetigung  
allein zum heyl vnderweiset, so wüßstu sonder zweyffel  
besinden, das ich dir hierin anders nichts, dan das  
in dem selbigen eigentlich vnd gantzlich begriffen ist,  
vnd das von anfang dar für erkenet, vñ gehalten hat  
die ware Chriftliche Gemeinde, Auch die recht bewer  
ten 3. Väter vnd Lehrer bezeuget, fürgeben habe.  
Vnser lieber Herr Jesus treybe ab vñ seiner herd alle  
miedling, wölff, dieb, vnd möder, vñ gebe ihr getreu  
we hirten vnd seelsorger, die sie mit dem reinen Got  
tes wort, vñnd heylwertigen Euangelio weyden, so  
würde es aller dieser disputacion nichts bedürffe. Amen.

## Der vierdte haupt articel von der Confirmation/ das ist / der Firmung vnd beste tigung in die ganze Chriftliche Gemeinschaft.

**S**ie von lese, frommer Chrift, was ich  
im zehendenn Artikel meines vorigen  
Büchs geschriben, von dem, Wie die  
Seelsorger die Kinder, die Christo dem  
Herrn durch de Tauff eingelebet sein  
sollē mit alle fleiß, so bald sie des ver  
stendig sein mögē, den Catechismū, das ist, die haupt  
stück Chriftlicher lehre, lehren, vnd darin vben. Vñ  
wenn

zu der Christlichen gemeinschafft. rcj

wenn sin den gefasset / thün ihren glauben in der versammlung Gottes bekennen / vnd sich in die gehorsame Christi vnd seiner Gemeinden selb begeben / Vnd sie darauff mit dem gebett / vnd hendt aufflegen / in die ganze Gemeinschaft Christi vnd seiner Gemeinden bestetigen.

Diese heylsame vnd nortwendige vbung / hatt vnser gegēpart gar fallen lassen / nun etlich hundert jar / Das sicht die C. Deputatē nicht an / ja so wyr die gern wolten wider ins werck richten / so legen sie sich in weg / hindern vnd lestern vnser Christlich vorhaben / das best ihnen Got verhenget.

Nun sehe aber Christlicher Leser was sie bey diesem Artikel ab mir klagen. Ich habe diese bestetigung nitt ein Sacramēt gebeyssen. Habe nichts gesagt von dem eygnen diener dieser ceremonien / der allein der Bischoffe sein solle. Sage auch nichts vom Chrisam. Da sehe / vmb den namen / nitt vmb das werck / vmb die eussere laruen des dieners / nitt vmb den dienst / vmb den menschlichen anhang / nitt vmb den befelch Gottes / streyten diese leuth.

Vu des namēs halben / were das werck wider recht inschwand / solte es ein geringe disputation haben. Weyl doch die 3. Vätter / auch das zeychen des creuzes ein Sacrament heysen / Vnd der C. Deputaten Bes / disen namen auch dem saltz gibt / so sie bey dem Tauff segenen vnd brauchen.

Des namē halben solle man nitt zancken wan mā werck hat



## Von confirmatio bestetigung.

Des Bi-  
schoff apt  
im firmen

Des dieners halben / ist's war / die alten Gemeinden Christi / wie der H. Hieronymus vermeldet / in Dialogo aduersus Luciferianos / haben den brauch gehabt / das der Bischoffe in die kleineren stett seiner seelsorg vers-trauwet / zu denen / die durch die Priester vnnnd Diaconos geteuffet waren / aufzoge / vnnnd ihnen zu der anuffung des heylig Geystes die hend aufflegte. Diß sagt aber der heylig Hieronymus seye geschehen mehr zum ehren des Bischofflichen priesterthumbs / dann von nottwendigkeyt wegen des gesetzes. *Dann der H. Geyst ja auch im Tauff / den in nöten auch ieder mitt zutheylen hatt / verlichen würdt / Non ad legis necessitatem, inquit. Am werck ist es den Christen ge- legen / darumb sie das auch von gemeinnen Priestern gem annemen / wenn man da zu nitt ware Bischoff hatt / die es wöllen vnd köndten zu rechter zeit / vnnnd mit gepürendem fleysß vnd ernst besser verrichten.*

Die ware  
Cöfirmas-  
tion kan  
auch ein  
gemeiner  
priester  
recht hal-  
ten.

So sehe abermal / was die C. Deputatē der Gemein den Christi suchen / was sie inn vnser lehr anfechten. Das ein Bischoff aufziehe vnd besuche alle gienbigē seines Bistübs / besehe wie die kinder in allē stettē vñ flecken den Catechismus gelehret werden / Laß sie wa er sie genungsam vnderwysen befindet / vor aller Gemein den glauben bekennē / vnd sich in die gehorsame Christi / vnd die ganze Gemeinschaft Gottes begeben / die Gemeinde für sie bitten / Vnnnd lege ihnen dann im namen des Herren die hend auff / Also sampt gemeiner besserung in Christlicher lehr vñ leben / auch die

zu der Christlichen gemeinschafft. xcij

die Christlich einigkeit vnd gemeinschafft inn seinem  
Bistumb besser zu fordern vñ zuerhalten/ wie das der  
alten gemeinden Gottes brauch vnd ordnung ist vnd  
vermage. Darnach fragen die C. Deputaten nichts/  
sichet sie auch nichts an/ das diß so heylsames vñnd  
notwendigs werck gar vnder lassen wurdte/ vnd das  
gegen ein lauter gespörr Gottes angerichtet ist.

Das nemlich der genäte weyhe Bischoffe in seiner  
Persischen rüstung/ vñ bey allen den 3. Väterre oner  
hörte geprenge da sizte/ vñ nach mittag wider die Ca  
nones/ oneeinige vnderweisung der altē/ oder der Kin  
der/ one wissen vnd bedencfen meniglichs/ was man  
da mache den kindlein ihre stin mit ole bestreyche/ vñ  
sie an ein backen schlahe/ da mit ein gelt entpfahē/ die  
paten den kindlin das firmtuch vmbbinden/ vñ dann  
dahin gehen/ gemeinlich mitt gelechter/ vñnd ander  
vppigkeit. Dieser greuwel in so hoher Göttlichen sa  
chen irret diese C. Deputaten nichts/ aber das wyr nit  
einem erkaufften falschen namen eines Bischoffes  
von Cyren/ von Bethlehem/ oder einem anderen er  
dichten ort hinbey gesetzt haben/ das müssen sie als  
feinde Christlicher Reformation anfechten.

Also thun sie auch mit dem Chrysam/ welches zey  
chen ja eines alten gebrechts ist/ doch auch nit not  
wendig. An der salb des 3. Geysts/ die wyr auch one  
das zeichen des oles erbitten konden/ istß gelegen/ vñ  
nit am zeyche für sich selb. Ja weyl leyder vil leuth diß  
zeychen mehr achten dann den Tauff/ darumb das  
es der Bischoff allein weyhet/ vnd geben ihm eygene  
kraffe

Gespörr  
der fir  
mung.

## Vom 5. Abendmal.

Krafft zu one Gottes wort/ mißbrauchen sie es zur abgöttereye. Der 3. Hieronymus gedencket auch dieses zeychens nicht/ da er diese Ceremoni beschreybet.

Sie sehe abermal fromer Christ wa für diese Leuth fechten. Vmb leere namen/ vmb erdichte vñ erkauffte titel/ vnd onötige zeychen. Vnd lesteren vns die gem die waren heylsamen werck vñnd dienst/ Christlicher Gemeinden/ nach dem befehl Gottes wider auffrichtig ten/ vñ in vbung bringen wolten. Gott helffe seinem volck zu seiner waren gehorsame. Amen.

# Der fünffte hauptar tikel Von dem 5. Abendmal Christi vnd Messen.

**D**e von hab ich vnseren glauben vñnd lehre/ im 15. artitel meins vorigen büchs dermassen dargethan auß dem Gottes wort/ haltung vnd brauch der alten Gemeinden Christi/ vnd schrifftten der 3. Vätter/ das die C. Deputatē dem mitt allen ihrem anh ang nichts abzubrechē vermögen/ Das würstu leycht erkenen/ wa du allein das ich dauon/ vñnd sie darwider geschriben/ recht gegen einander/ vñ der heyligen Schrifft/ brauch der warē Gemein

Gemeinden Christi/ vnnnd der lieben Vätter/ halten  
würff.

Doch damitt ich dir dennach hie zu auch etwas die  
ne/ weyl mitt dem Heyligen Anruffen / die Messen/  
das höchste werck sein/ daran sich die genannten Chri-  
ste zum verderblichsten vergreyffen/ vñ die greulich-  
ste Abgöttereye treybē/ so will ich in dem die warheyt  
Christi etwas erklären/ Vnd darin diese ordnung hal-  
ten. Erstlich will ich dir anzeygen/ was das seye/ vnd  
was diese leutche damitt suchen/ das sie wider mich in  
dem geschriben/ da ich auß dem Gottes wort fürge-  
geben habe / Welche leutche diß 3. Sacrament hand-  
len vñ entfahen sollen/ welche nicht. Zum andern will  
ich dir auch darthun/ was das seye vnd wahn es die-  
ne/ das sie wider die ware haltung des 3. Abend-  
mals/ die ich auß Gottes wort/ vnd haltung der Ge-  
meinden Gottes fürgeschriben habe/ einbringen.

Das sie sich vom ersten so vnnütz machen / weyl  
doch das ich dauon geschriben/ nichts dann das gantz  
helle wort Gottes ist/ wie das in der Gemeinden Got-  
tes alweg one einigen zweyffel ic vnd ic/ vnd noch er-  
kennet ist / möchte einen wol wunder nemen/ Der  
mit bedechte/ das diesen leutē so vil vnnnd hoch daran  
gelegen were/ das sie diese handierung der Messen/  
also in ihren henden behalten / das sie die zu halten  
befehlen mögen/ wem sie wollen/ auch darzu vnd dar-  
von lassen/ vnnnd die Sacrament auspenden / gantz  
vnd halb/ wie sie meinen das ihnen solchs zu erhalten  
Na ihren

## Vom 3. Abendtmal

iren Stadt/ dienstlich seye/ erkennen mögen.

Nun vom ersten/ das die C. Deputaten bey diesem Artikel widerfechten/ ist/ das ich in meinem vorigen büch geschriben habe/ Erstlich das diß 3. Sacrament von/ vnd vor niemandt solle gehandelt/ auch niemandt zü gesicht/ oder zü niessen fürgestellt/ getragen/ noch dargegeben werden/ dann die soliche Christen sein/ das man sie von ihren fruchten/ nach recht Christlichem vrtheyl/ für junger des Herren/ das ist/ für die/ die dem wort des Herren in warem glauben zu gehorchen/ vnd zü leben begeren/ vnd sich besleyssen/ erkennen vnd halten kan/ vnd solle.

1. Cor. 5.  
vnd 6.  
Gal. 5.  
Ephes. 5.

Züm anderen/ wie alle die von diesem 3. Sacrament abzuhalten sein/ die so leben/ das sie nach dem vrtheyl Göttlichs worts kein theyl am Reich Gottes vñ Christi habē/ Itē das mā den Priestern/ wa die soliche Leuth sein/ nach vil weniger gestatten solle die Mess zu halten/ vnd wa sie sich des onderstohn/ das die frommen Christen ihre Messen vnd allen dienst an dem 3. Sacrament schewen vnd fliehen sollen.

Züm drittē das man alle die/ so bey der handlung der 3. Sacramenten sein/ vnd für junger Christi mögen gehalten werden/ fleysig ermanen solle/ die 3. Sacramenten mit zü niessen.

Von dem ersten/ das die 3. Sacrament nicht solen vor denen gehandelt werden/ noch ihnen mit getheylet/ die man nit nach dem wort Gottes magē für  
sunt

iunger Christi halten / ist diß der grundt Göttlichs  
 worts Die 3. Schrift zeuget vns / das es ein schwere  
 schmach Gottes / vnnnd grewel für ihm seye / wenn die  
 3. Sacrament / so er allein denen / die ihre sünden fü-  
 len vnd bereuwen / vnd sein gnad vnd heyl durch sei-  
 nen lieben Son vnseren Herren Christum in warem  
 glauben an ihn suchen / zur seligen artzney ihrer schwa-  
 cheyt / vnd stercke des gottseligen lebens / verordnet  
 hatt / Die lenth gebrauchen / die one rew der sünden  
 vñ waren glauben an ihn leben / Wie dan alle die sein  
 die in einigen eusserlichen sünden verharren. Des lese  
 man das erste Capittel Jesaie / Bringen mir nit fal-  
 sches opffer / das rauch werck ist mir ein grewel ic.  
 Lese hie fort. Vnd Psal. 1. Aber zum Gotlosen spricht  
 Gott was verkündigst du meine rechte / vnnnd nimmst  
 meinen bundt in deinem munde? So du doch zucht  
 habbest / vnd würffest meine wort hinder dich. Wenn  
 du einen dieb sahest / so liffest du mit ihm / vnnnd dein  
 theyl war mit den ehbrechern ic. Lese fort. Dazu die-  
 net nun auch das wort des Herren Matt. vij. Ir solt  
 das Heyltumb nit den hunden geben / vnd euwere per-  
 len nit für die seuw werffen. Nun solle ja kein Christ  
 zu solicher schmach vnnnd grewel Gottes dienen / noch  
 sich des in einigen weg theylhafft machen.

Es stet  
Schaue.

Item alle die so den leyb Christi nicht vnder scheys-  
 den / geprachen diese 3. Sacrament vnwürdiglich.  
 Alle die diese 3. Sacramet nit würdiglich gebrauchē  
 das ist / wie sie der Heri eingesetzt vñ zu gebrauchē be-  
 fohlen hatt

## Vom 3. Abendmal.

hatt das nemlich die leuth mitt war reuwe vnd leyde der sünden dar bey sein/ die gnad Gottes durch vnseren Herren Christum suchen/ vnd die 3. Sacrament entpfahen/ zur stercke des glaubens an ihn/ vnd mehrung seines lebens in ihnē/ die gebranchē diese 3. Sacrament ihnen zum gericht/ erwecken den vntreglichen zorn Gottes vber sich/ Es sie das sie allein bey dieser heyligen handlung sein/ vnd zu sehen vnd horen/ oder das sie die 3. Sacrament auch mitt niessen/ Darzu solle ja kein Christ dienen/ vnd sich des auch mitt nichten theylhafft machen.

Darüb solle kein Christlicher priester/ denen/ die er nach dem Gottes wort/ mitt für junger Christi zu erkennen hatt/ einige gemeinschafft dieser Sacramenten/ so vil an ihm/ zu lassen/ Hie von hatt der 3. Chrysostronus in der xvij. Homeli in Mattheum also geschriben.

Chrysostronus.

Es solle kein vnfruntlicher harter mensch her zu gohn/ kein vnbarmerziger/ keiner der in einigē wege vnrein seye. Diß will ich gesagt haben mitt weniger zu euch/ die diesen dienst verrichten/ als zu denē/ die die Sacrament entpfahen/ Ich muß solichs ja auch zu euch sagen/ das ihr mitt grossem fleyß vnd ernster sorgē diese gabē auß theilē. Dan̄ euch nit ein kleine straff vor ist/ wa ihr niemadt wissen mitt vngerechtigkeit behaffet sein/ vñ im doch die gemeinschafft dieses disch zu lassend/ Wa schon ein grosser hauptmā/ wa der Consul/ der obrist Burgermeister selb/ wa der der mit der Kronen

Kronen gezieret ist / vnwüdig herzu gohn wolte / we-  
re jm / halt in ab / dann du hast größern gewalt / dann  
er. hernaher saget er. Darffestu ein solichen nit abtre-  
ben / sage mirs / ich wils nit geschehen lassen / Ich will  
eer meynen leib lyfferen / dann ich jemandt den leyb  
des Herren vnwüdig gebe / eer leyden das mein blüt  
vergossen werde / dann das ich das blüt des Herren je-  
mandt / dann dem würdigen reichen wolte.

Chrysosto-  
mus wolt  
eer seinē  
leib hina-  
liffren vñ  
sein blüt  
vergies-  
sen / dann  
den ons  
würdigen  
die S.

Sacra-  
ment reys-  
chen.

Die sün-  
der hat  
man bey  
den S.  
Abent-  
mal nit  
gelitten.

Dieser Lehrer meldet auch den alten rechtē brauch  
der Gemeinden Christi / den man zu seinē zeyten noch  
gehalten hat / Da der Diacon / noch der gemeinen pre-  
dig vñd gebet / mit lauter stym die vnwüdigigen hat  
heysen abtreten / Vnd da man die / die in sünden wa-  
ren / ehe man das S. Abentmal anfieng zu halten / von  
der versamlung Christi außgetriben / vñd die thüren  
der kirchen zu geschlossen hat / damit solche auch dem  
handel Gottes nit zusehen möchten / Wie man auch  
zuvor vmb den Altar ein vorhang gezogen hat / das  
der gemeine vnreine hauff / auch das ort / vñ rüstung  
des S. Abendmals nit sehen möchte. Diß liest du in  
der dritten Homeli / vber die Epistel zün Ephesern /  
vñd in der xvij. vber die Epistel zün Hebreern / vñd  
in der xxij. vber das Euangeli Mathei.

Auß diesem hastu Christlicher Leser ja eygentlich  
zuerkennen / das man die / so in sünden ligen / vñd nit  
als ware junger Christi nach dem Gottes wort mö-  
gen erkennen werdenn / nit allein die Sacrament nit



## Von dem 5. Abendtmal.

entpfahe / Sonder auch bey der heyligē handlung der Sacramenten / deren allein zu zusehe / nit lassen solle.

ReinPrie  
ster der in  
wissenlis  
che sündē  
ligt / solle  
die 5. am  
pfer halte

Von dem anderen / das keyn Priester der also lebt / das er nach dem wort Gottes keyn theyl am Reych Gottes haben mag / diß heylig ampt halten solle / ist genugsam zu erkennen / auß dem jetz vermelden / auß dem Propheten Jesaia / dem Psalmen / vñ Paulo. Vñ wer wolte daran z weyssen / das die Priester / so die den Leyen in aller heyligkeit sollen fürgehohn / jr liecht vñ saltz sein / auch in handlung dieses 5. Sacramēts meer heyligkeit beweisen solle: Vñ das es ein schwerere verletzūg Göttlicher Maiestet ist / wenn ein Priester der vn christlich lebet / diß 5. ampt zu haltē zu gelassen wurd / dan so ein solcher Leye die Sacramēt entpfahet:

Das man  
der offent  
lich sündi  
gen Pries  
ter Mess  
sen fliehe  
solle.

Wa sich aber soliche Priester des nicht desto weniger wider die Gottes vnd der Canonum gebot vnderstohn / das als dann die Christlichen Leyen / solicher Messen vñ empter sich entziehen sollen / so vil sie das one verlust Göttlicher geheimnissen / vñ one zerrüttūg Christlicher gemeinschaft thun mögen / hie von verneme Christlicher Leser / was dir ein heiliges Conciliū zu Carthago gehalten / dē der theure Martyr vnd Bischoff Cyprianus vorgewesen / vnd diese schrifft in des Concilij namen gestellet hat / auß dē wort Gottes zehget / in der 4. Epist. 1. lib. Epistolarum D. Cypriani.

Das Vold / sagen sie solle / im selb mit schmeichlē / als ob es von besleckung der sündē möchte rein sein / wenn es mit dem sündigen Priester gemeinschaft hat / vnd bewilligt in das onrecht / vñ ongepürlich bischofflich ampt.

ampt/ des/ der in̄ für gesetzet ist/ So doch dz Göttlich  
vrtheyl durch den Propheten Osea treuwet vñ sagt/  
Ire opfferwerck sindt als dz klag biott/ Wer daruon  
isset würdt verunreiniget/ Damit das Göttlich vrtheil  
lehret vnd anzeiget/ das die gewislich mit der sünden  
verstricket werden/ die sich mit dem opffer werck des  
ungeistlichen vnd vngerechten Priesters beunreinien.  
Auff diese meinung hat dieser heilige martyr noch  
meer/ vnd vil ernstliches in dieser Epistel/ Des gley-  
chen auch in der Sibenden Epistel diß ersten büchs.

Auß dem haben auch etliche Concilia/ vnd Pápst er Ein Gds  
kennt/ vñ mit höchstem ernst gebotten/ das die Prie- ze dienst  
ster so vnordenlich vnd vnheilig leben/ sich aller Zey- ist/ eyns  
ligen empter gantzlich enthalten/ Vnd das Chrißlich Priesters  
volck keines Priesters Mess hörē/ oder in anderē Prie- Messe hō  
sterlichen emptern gemeinschafft mit einigē Priester man ons  
haben solle/ den es vngeweyßlet weyß einen Simo- Bezweiff  
niacum seyn/ oder ein Concubin/ oder sonst ein bewo- let weiß  
nende frauwe/ es were dann sein mütter/ oder schwe- ein Concu  
ster/ bey sich haben/ Vnd das alle die darüber mit söli- bin haltē.  
chem Priestern in den heyligen empteren gemein-  
schafft haben/ warlich Idololatræ seyn/ Götzē diener/  
vñ den fluch/ mit den segen von solichen empteren be-  
kommen/ Von wegen der vngheorsame vñ verachtung  
Gottes/ vñ seynes Gemeinde/ die sie in dem begohn/  
das sie vber Gottes vñ seynes Gemeinden gebot/ mit  
solichen verdampten Priestern gemeinschafft habē.  
Ob wol die empter/ wa die nach dem wort des Herren  
gehalten werden/ an jnen selb gut vñ heilig/ auch den  
gütern

## Von dem H. Abendmal.

güthen vnd heyligen nit vnfruchtbar sein. Dis ist die  
klar vnd gar mit ernstlichen worten dargeben dist. 3.  
cap. Nullus &c. præter. & dist. 8 1. cap. Si qui.

Auß dem du zü erkennen hast/das auch die gemey-  
nen Chriſten/deren Priester / die öffentlich in sünd-  
ligen/empter/in diesem H. Sacrament/ vnd anderen  
Kirchen diensten/ meyden vnnnd fliehen sollen/ So vil  
doch diß geschehen kan/ one verlust der lehre vnd des  
trosts von den geheimnüssen Gottes für sie/ vnd one  
zerruttung schuldiger gemeinschafft Christi mit den  
anderen kintren Gottes.

Dann wa etwan ein Gemeinde Gottes were/ die  
ein öffentlich sündigen Priester nit dafür halten/  
oder aber nit gemeinlich meiden wolte/ vnd der selbe  
ge doch das wort Gottes rein predigte/ vnd die H. Sa-  
crament vermöge des wort Gottes handlete/ vnnnd  
reychete/ außser dem einigen mangel seines lebens/  
da müssen die fromen Chriſten/ die den feyl am leben  
ires Priesters erkennen/ in derhalben auch gern mey-  
den/ vnd einen onstreflichen an sein stadt haben wol-  
ten/ wie das Gottes wort gebeutet/ aber gleyche er-  
kantniß/ vnd die folge hiezü bey der ganzen Gemein-  
den nit haben mögen/ die sachen recht Got befehlen/  
vnd sie sich darumb nit selb des worts/ vnnnd der Sa-  
cramenten/ die solcher onreiner Priester/ doch an ihm  
selb recht auß spendet/ berauben/ Noch weniger sich  
von den anderen Gotsforchtigen vnd gleubigen ab-  
sonder

Sonderen / vnnnd also ein trennung in der Gemeinden Christi anrichten.

Dann das meyden vnnnd slichen solicher Priester allein dazu vom Herren gebotten ist / wie das der h. Augustinus gar Gotseliglich lehret lib. 3. Contra Epistolam Parmeniani cap. 2. vñ an anderen orten meer / Das soliche streffliche Leuth durch das meyden vñ slichen zur büß meer beweget / wa das möglich / ander e von sünden meer abgeschreckt / vñ die Gemeindē Gottes von befleckung solicher besser bewaret werde / Welche frucht man nit erlangen kan / wann das meerer theyl der Gemeinden / die sündigen nit meyden will / Dagegen aber würdt gefahliche spaltung angerichtet / zñ dem / das solche onzeitig eyffrige leuth / die die gemeinen diener der kirchen meyden wolten on beyfal der Gemeinden / sich selb des worts / der Sacramenten / vnd gemeines bettens beraubeten / Denen doch / so sie auff den rechten Priester Christum / des die wort vnd Sacrament sein / vñ der da alles zñ vnserem heyl würcket / mit warem glauben sehen / der vnreinen Priester feyl nichts schaden / noch die heyligen gaben Gottes verunreynen kñdten.

Noch ist diß Gottes recht vnd gebot / das alle vnchristliche Priester sollen gemitten / vñ ire dienst in allen Götlichen sachen geflohen werden / Allein das solichs geschehe mit gehelle des meeren theyls jeder Gemeinden Gottes. Wa nemlich am Priester allein des lebens halben mangel ist / Dañ wa auch an der lehre / vñ am brauch der Sacramenten mangel ist / das nemlich

## Vom 3. Abendmal.

lich eyner wider das wort Gottes lehret vñ handelt/  
da müssen alle schaffe Christi soliche frembde / ja dieb  
vñ mörder fliehen / vñ sie mit nichten hören / oder inen  
folgen / Alle die / sage ich / welchen der Herr das zu er  
kennen gegeben hat / Vñ in allen dem / das soliche wie  
der Christum den Herren fürbringen.

Vom dritten das die frommen Priester jr volck dahin  
weyßen vnd treulich vermanen sollen / das sie das 3.  
Abentmal nit wöllen zu eynem schauspiel machen / vñ  
dem allein zusehen vñ hören / sonder das sie auch die 3.  
Sacrament zeytlich mit entpfahen / Des stahet ja das  
exempel vnd wort des Herren klar da / Allen seinen jün  
gern / die er damals bey sich hat / hat er die beyden Sa  
crament außgespendet / Vnd wie er zum kelch gesagt /  
Dincken alle darauß / also hat er freylich zum Brod  
auch gesagt / Essen alle darnon. Auß diesem grundt  
schreibet auch der 3. Apostel / das die gleubigen mit de  
3. Abentmal auff ein ander harren / vñ vñ von einem  
brod vnd kelch gemeinschafft nemen sollen / wie sie ein  
leyb vnd brot sein / i. Corinth. xj. vnd x. Von dem ort  
wyr hernaher weyter reden werden.

*De confe  
cra. dist. 2  
c. Peras  
cta.* vñ auß diesem grundt hat Papst Calixtus hienon  
also gebotten / Wenn die heyligung der Sacramenten  
geschehen / so sollen alle die nit wöllen des eingangs  
in die kirchen manglen / Communicieren / die Sacra  
ment mit entpfahē / Dañ also habens die Apostel geor  
dnet / vñ haltet es die Römisch kirch / dist. 2. c. Peracta.  
Sihe also habens die Apostel geordnet. Vnd die Rō  
misch kirchē / da sie ire ware bischoff hatte / gehalten.  
Auß diesem grundt saget der 3. Chrysostronus in

der büttē Predig vber die Epistel zū Ephesern. Ein Chrysoſto  
 seglicher der die Sacramēt nicht mit neuſſet der ſtoht mus.  
 vnuerſchemet, vñ freuel darbey / Dann darumb wer- Wer die  
 den die ſo in ſünden ſindt zū vor außgetriben. Vñ nach B. Sacra  
 etlichen Worten ſpricht er weyter. Sage mir an, Wa ei ment nit  
 ner zū einer malzeit berüſſē, hette die hend gewaſchē, ſen wille/  
 vñ ſich zū diſch geſezet, vñ were aller ding bereyt die der ſtaht  
 ſpeiſe zū nemen, vñ rüret dan nichts an von der ſpeiſ-, onwer  
 ſchmehet der nit ſeynen würt / der ihn geladen hette: ſchemet  
 Were nicht beſſer ein ſolicher were nicht herbey kom- vñ freuel  
 mē: Alſo auch du, weyl du herbey kōmen biſt, das lob- bey dē B.  
 geſang mit geſungen, vnd dich damit, das du nit mit Abend  
 den vnwürdigen abgetreten biſt, vnder die würdigen Merckē  
 bekennet haſt, Wie dan, ſo du darbey bliben biſt, das Depuacē  
 du nit auch die Sacrament mit entpfaheſt? Du ſpri- das lobge  
 chſt, Ich bin vnwürdig / So biſtu auch vnwürdig der ſang mit  
 gemeinſchafft die ihm gebet gehalten würt, Diſ ſungē.  
 ſindt die wort des B. Chryſoſtomi. Vnd das  
 In welcher du ja ſieheſt, wie ſchwer ers machet, bey waren  
 dem B. Abentmal ſeyn, vñ die Sacrament nit mit ent- leien.

pfahen, Vñ das zwar auß dem wort des Herren, vnd  
 der natur dieſer heiligē vñ ſeligen handlūg, Warum  
 ſolten dan die getrewen Hirten vñ ſeelsorger jr volck  
 nicht mit allē fleiß ermanen, dz ſie die thewie gemein-  
 ſchafft des leybs vñ blüts vnſers Herre, in dieſen Sa-  
 cramentē, nicht ſo gering ſchetzēt, nit ein ſchawſpiel  
 darauß machēt, ſond meer wie der Herz heiſſet, ſeynē  
 leyb vñ blüt, mit eſſen, vñ drincken, zū merung vñ ſter-  
 ckē des waren vñ ſeligen lebēs in Chriſto vnſerē Herre?

## Von dem 3. Abendmal.

Auß diesem hastu zu erkennen Christlicher Leser wie sichs haltet mit dem ersten theyl/ der Göttliche le re vom heiligen abentmal / die ich in meinem vorigen büch fürgegeben/ vñ die C. Deputaten vnderstanden haben an zu fechten/ Das nemlich das Gottes wort/ vñ haltung der waren Gemeinden Christi/ sampt der lehr/ vnd ordnung der 3. Vätter/ fordren/ das das heilige Abendmal Christi/ vñ die Sacrament seines Leibes vnd blüts/ niemandt handeln/ sehen/ oder niessen solle/ der in sünden liget/ Vnd das die war gleubigen diener vñ Leyen/ mit solichen im brauch dieses 3. Sacraments kein gemeinschaft haben sollen/ wenn ihre sünde kundlich vnd offenbar sindt. Item das die getrenwen prediger vñnd seel sörger die sachen bey den Christen dahin mit allem fleiß befördren solle/ das alle die bey dem heiligen Abentmal erscheinen/ des selbigen gemeinschaft auch mit in warē glauben entpfassen. So richte nün/ ob ich in dem allen etwas neuwes einfüre/ wie die C. Deputaten hie mit öffentlicher warheit schreiben/ oder ob ich das herfür bringe/ das der almechtig Got gebotten/ die ware Gemeinde Christi gehalten/ vnd alle 3. Vätter mit allem ernst gehalten/ vnd erfordert haben.

**Antwort auß der C. Deputaten Sophismata vnd Calumnias hiewider/ vnd nemlich vff die Sophismata vnd Calumnias wider das abhalten vom 3. Abendmal der sündigen/ vñnd meyden der sündigen Priester.**

Die

**D**ie erste falsche anklag wider meyn vongs  
Büch ist. Ich werde gesehen (jr dolmetsch  
machet auß dem/uidetur/ich besleiffige mich)  
die weyße Messen zu haltē/ die bissher in der gemeinde  
geubet ist/ gantzlich abthun vnd hinemen/ vñ ein neu-  
we einfürē. Antwort/ keine neuwe/ sond die ware alte  
weyße des H. Abendmals/ die der Herze selb befohlē/  
vnd die ware Gemeinde/ vnd rechte Bischoffe Christi  
gehalten haben/ die wolte ich gern wider in erkant-  
niß vnd seligen brauch bringen/ vnd die vnweyße vñ  
verkerung der selbigen Christlichen weyßen/ so bey der  
C. Deputaten part nun lang vberhandt genomē/ wi-  
der abtreiben/ vñnd auß aller welt brauch durch Got-  
tes wort hinnemen. Das werden alle Christen/ auß  
dem so ich ietz vermeldet/ vnd fürt melden vñnd ein-  
bringen werdt/ leycht erkennen.

Die andere klag/ ja offenbare verkerung vnser Chri-  
stlichen lehre ist/ wider den ersten vñnd anderen ietz  
vermelten artikel/ das die Priester/ zu dem H. Abende  
mal niemandt lasen sollen/ den sie wissen in solchen  
sünden ligen/ das er nach dem wort des Herren keyn  
theyl am reich Gottes haben mag/ Vñnd das die ge-  
meinen Christen soliche priester meyden/ vnd mit ihrē  
Sacramenten keyne gemeinschafft haben sollen.

Wie ich nun/ vnd auß was grund diese beyde lehre  
gesetzet/ hastu Christlicher Leser genugsam zu verne-  
men/ auß dem/ so ich im vorigen büchlein/ vnd auch al-  
hie iezund dar gethon habe. Ich habe nit geschriben/  
secundum iudicium præsumptum de facie externa. i. nach

Die alte  
weyße des  
H. abēdt  
mals wol-  
ten wyre  
gern wis-  
der brin-  
gen.

Offenbar  
er falsch  
vñnd ver-  
kerung  
der C. De-  
putaten.



## Vom 3. Abendtmal.

dem vermessen vrtheyl/ vnd nach dem eusseren anse-  
hen/ Oder wider die form/ vnd gesetz der Christliche  
zücht/ von brüderlicher straff die vns Math. xxiij.  
vom Herren selb fürgeschriben ist/ Wie die C. Depu-  
taten mitt offenbar falscher belegung / auß haß des  
creutz Christi/ von myr schreiben.

Offenlis  
che/nit  
heimliche  
sunder sol  
le man  
meyden.

Von denen die in bekanten vnd offentlichen sündē  
ligen habe ich geschriben/ mitt von denen die in heime-  
lichen vbertretten seind/ Vnd von denen mit namen/  
welche der 3. Geyst i. Cor. v. vj. Gal. v. vnd Ephes. v.  
erzelet/ Als Härer/ Ehbrecher/ Gözen diener/ Die ih-  
ren nebestē verforteylen/ Trunckenbölz/ Reuber/ vñ  
der gleychen. Dann diese ort Pauli habe ich angezogē.  
Von solichen offenbaren sünderen ist das wort des  
Herren mitt geredt/ Wa dein brüder wider dich sündi-  
get/ straffe ihn/ z wüschē dir vnd ihm (diß gehet auff  
die sünden die einem allein bekant seind) Sonder das  
der Geyst Gottes durch Paulum sagt/ Die sündigen/  
straffe vor allen/ da mit die anderē ein forcht haben/  
Dann wie der geyst Gottes des orts bald hernaher  
zeuget / sindt etlicher menschen sünde / zū vor offēn-  
bar/ vñ gond dem gericht für / Etlicher aber werden  
hernaher offenbar / i. Timoth. v.

Hie merck aber frommer Christ / wa es diesen leu-  
then gelegen. Solte man niemand lassen Mess halten/  
noch bey den Messen sein / dann die man nach dem  
wort Gottes für junger Christi zu erkennen hatt/  
Vnd alle die von diesem ampt vnd gemeinschaft dies-  
ses ampts abhalten / so in offēbarer Simony / vñ  
zücht

zücht/ trunckenheyt/ vnd anderen lasteren ligen/ wie  
das der Almechtig Gott in seiner h. Schrift/ in den  
waren Canonib. der altē Concilien/ vñ Lehr aller h.  
Vätter zum ernstlichsten gebottē/ erfodret/ gelehrt  
vñ bezeugt hat/ Wa würde man Messen finden/ wa  
die die Messen bedingeten vñ belohneten: Was wur-  
de dan da durch diesenleuten von zeytlichen gütern/  
ehren/ pracht vñnd wolust ver fallen/ Vñ sindt aber  
die Canones vnd Schrifftē der h. Vätter mit der h.  
Schrift in dem so klar/ das sie nichts darwider mö-  
gen/ ja sind noch durch die Decretales Gregorij noni/  
von allen denē/ die in todt sünden gefallen/ bestetigt  
worden/ Wann solcher fal durch die offne that/ das  
mans mit keynem schein verhehlen kan/ inn gemein  
kündlich ist. i. notorium. De cohabit. cler. & mulie. cap. f.

Hie gegen haben sie aber den fundt gefunden/ es  
seyē der Priester laster wie notoria sie wöllen/ das ist/  
meniglich kündlich/ vnd offenbar/ auch auß der Hel-  
len/ vnleugbaren that/ so solle doch gegen ihnen kei-  
ne straff gelübet werden/ die schon in Gottes/ oder sei-  
ner Gemeinden gesetz vñ regulen wider sie öffentlich  
erkandt ist/ Vnd also erkandt/ das in die ein ieder als  
bald durch die that gefallen sein solle/ on einige ferner  
erkantniß einiges richters/ Nach so sollen soliche prie-  
ster von den leyen in ihren emptern nit gemitten wer-  
den/ so lang sie nit durch ihr genāt ordenlich gericht  
vñ sentenz/ in soliche pcenā gefallē/ erkēt wordē sein.

So sein dan soliche ihre genante ordentliche richter  
gemeinlich auch selb soliche leuth/ die inn offenerer

Solten  
Gottes  
helle ges-  
bott/ vnd  
offenbare  
Canones  
gelten so  
würde  
man wes-  
nig Mes-  
sen finde

Wie sich  
die strefli-  
chen prie-  
ster aller  
straff end-  
ziehen.

## Vom 5. Abendtmal.

Die stes  
sichē pris  
sier habē  
keine rich  
ter/da vō  
siedie stra  
ffen der  
Canonū  
zū fürchtē  
haben.

Alle Chri  
sten ist ge  
botten/  
offenliche  
sünder zu  
meiden  
wenn sie  
Christen  
sein wöls  
len.

Simoni vnd hurey, vnd anderen lasteren ligen. Wie man der gemeinen Official leben wol erkennet. Wann dann Gott etlichen von solchen Richteren, Officialen, vnd Bischoffen schon die gnad gibet, das sie gemeinlich mitt ernst solche laster straffen wolte, so werden die der straff schuldig sein, des Papst familiares, oder apellieren sunst gehn Rom, da dan kein sünd ist, wie er eigen sprichwort lautet, den arm sein, dem Papst offentlich vbel reden, vnd iemandt thatlich vergewaltigen. Daher haben sie dann, wie offenbar sie in lasteren ligen, schutz vnd schirm wider alle straff, des Götlichen gesetzes, vnd der Canonum. Ist aber das mit sein alle straffen von Gott vnd allen Väteren geset, Got eins mals auffgehoben vnd zū nichten gemacht.

Der Geyst Gottes aber gepeuet offenbar allen Christen, leyen vnd clericen, das sie mitt keinem essen sollen der ein bruder genant würdt, vn̄ ein Christ sein solle, vnd aber ein hurer ist, einer der seinen nehesten verfortheylet, ein Gözen diener, ein trunckenbold, ein rauber ic. So nun die Christen mitt solichē leutchen nicht gemeine speys niessen sollen, wie dan die speyse Gotes die gemeinschafft vnsers Herren Jesu Christi. Da ist nichts von rechtlicher declaration vnd sentenz gesetzet, die vorghon sollē. Paulus schreibet dis: Ir solt mit solchen kein gemeinschafft haben, nit mit in essen. Zu allen Corinthern.

Darumb auch die gelehrten, nit allein der heyligē Schrifft, sonder auch der Canonum erkennen vnd lehren alle die meiden on einige fernere erkantnis, wels

welche in solichen offentlichen sünden ligen die mitt  
 nichten mögen verhelet werden. Vnd geben des zum  
 exempel die vnordenlichen beyfiz der priester. Nennē  
 solche sünden notoria facti / die auß der that ieder mā/  
 oder vilen bekant sindt. Item sagen das solche notoz  
 ria kundliche sünden / den sentenz / das vrtheyl / in  
 den Canonibus gesprochen / in sich begreyffen / darüß  
 die gemeinen Christen solich vrtheyl erequieren sollen  
 one weyter erkantnuß. Die weyl nemlich von den verz  
 dampfen in solicher execution nichts erfordert würdt /  
 das sie thün dörfen / sonder allein das sie andere meyz  
 den sollen. Soliche verdampfen werden auch mit geze  
 let vnd die / welche die Gemeinde Christi noch dulde /  
 Davon lese die Glosß vber das c. uestra. vnnnd final. de  
 cohabitatione clericorum & mulierum / Vnd das Antoni  
 us de Rosellis schreybet in seiner Monarchiz zu end des  
 Tractats / da er beschreybet / wer Richter sein solle /  
 weiß man sagt / das der das Papstumb in hatt / solichs  
 mitt mitt recht inhabe.

Gerichtliche spruch werdē ja darüß allein erfordret /  
 damit man nitt auß vnuerstandt für sünd vñ vnrecht  
 halte das nitt sünde oder vnrecht ist. Oder iemādt als  
 ein sündler oder vngerechte halte vnd meide / der es nit  
 ist. Nun aber wer zweyfflet das trückenheyt / hurey /  
 Simoni / Gottes lestern vnd der gleychen sünd vnnnd  
 vnrecht seye. Wer darff dann etwas rechtlichs erkles  
 rens das die priester in hurey ligen / oder Concubis  
 nen bey sich haben / wenn die Concubinen / one alle  
 Cc schewe

## Vom 3. Abendmal.

scheutwe öffentlich bey ihnen wohnen/ vñnd sich ihrer schanden selb rhümen/ auch die kinder vor augen lauffen: Also auch von der Simony/ wenn am tag liget/ wie sie Prebenden öffentlich kauffen vñnd verkauffen/ durch schenck vñnd miet bekomenn/ vñnd hingeben: Also ist nun auch trunckenheyt/ Gots lesterung/ vñnd andere laster. Was mage es dann anders sein/ in solichen so gar wußt offenbaren ergernissen vñnd greuelen erst rechtliche declaration vñnd sententz erforderlich/ vñnd das von denen das mehrer theyl / die selb den ernst der Canonum/ vñnd Götlichs gesetzes nicht erdulden mögen/ dann Göttes vñnd aller rechten spotzen/ Gott vñnd seine liebe Gemeinde tragen vñnd verhöhen?

Die lieben 3. Vätter haben bedacht das soliche so öffentliche ergerliche priester dem armen volck gefehliche ergerniß geben / vñnd die Religion Christi gar zerstören / auch von sich selb bezeugen/ das sie lauter Epicureij sindt/ vñnd von Gott nichts halten/ Darvmb haben sie auß Gottes gepott so gar ernstlich gesetzet vñnd gebotten/ das die Christen leyen/ mit solichen so offenbaren lesterlichem priesteren / in einigem Götlichen ampt keine gemeinschaft haben sollen/ vñ wo sie das thün/ das sie sich ihres Gotlosen wefens theylhafft/ vñnd sich zu Gözendienere dadurch machen/ den fluch Gottes für die benedeyung dauont entpfahen / Das müstu Christlicher Leser dir gelten lassen/ dann es Gottes vrtheyl ist/ dem Himel vñnd Erden weychen müssen/ was soch die C. Deputaten/ vñnd

vmb ihr verderbter hauff da gegen/ Gott vnd sein wort trazen vnd verhöhen.

Ja sagen aber ferner diese leuth/ die allein auff erden sein wollen/ die offentlich alle gesetz vbertretten/ vnd doch aller gericht vnd straffen freye seyen. Auß dem das du da fürgibst/ würde folgen/ das die vnder thanen auch ihre Oberkeyt/ wenn die vbel lebte/ verlassen vnnnd meyden/ Item das sie vmb der Priester willen/ wa sie nitt theten was ihnen gefiele/ rumor vnd entbörungen erwecken würden.

Kein böser geist/ diese folge bringestu auß dir selbst/ nitt auß dem das ich alhie auß Gottes wort/ vnd den 3. Canonibus fürbracht habe. Wir haben das helle Gottes wort/ das alle seelen der Oberkeyt die das schwerdt tregt/ wann sie gleych gar vngleubig ist/ gehorsamen solle/ in allen dem zuthun vñ zu leyden das Gott nitt offentlich verbotten hat zuthun vnd zu leyden. Dis lehren wyr/ da bey bleyben die frommen Christen/ denen wyr allein schreyben vnd predigen/ darüß werden sie ihren ordenlichen Oberkeyten von hertzen gehorsamen/ was die joch glauben oder leben/ Vnnnd sie in keinem dienst/ oder gepür/ was sie nitt Got leyden mögen verlassen oder meyden/ Aber fleyslig für sie betten/ das sie Got so erleuchte vnd für/ das sie vñ andere durch iren dienst ein rüwig/ vñ stilles lebē fürē.

Also folget auch auß dieser vorgesetzetē/ mit vnser/ sonder Christi vnser Herrs Lehre/ kein vnruwe/ oder bewegniß in den Gemeinden Gottes/ dann wyr nicht solich scheuwen vñ fliehen der sündelichē priester

Le ij lehren

Der ober  
keyt sindt  
die gleubi  
gen gehor  
sam sie se  
ye böß od  
güt.

## Vom 5. Abendmal.

Die gley- Lehren/ das auß fürwitz/ stolz/ vnnnd vermessenheyt/  
bigen sie sonder das auß recht gleybiger reuwe vñ schenwe der  
hen lester sünden/ auß liebe vnd eyfer zu Gott / vnnnd seinen 5.  
liche fürs Sacramenten entstehe/ Solichs schewen vnd fliehen  
steher one ist ein werck des Geistes Christi/ der nitt ein geyst der  
einige on rüwe os vnordnung/ oder auffrür/ sonder ein geyst des frides  
der bewe vnnnd der besserung ist.  
gniß.

Darumb werden soliche Christen/ die vnser lehr fol-  
gen/ sich alweg in aller stille vnnnd demüt in den Ge-  
meinden Gotes halten. Vñ so sie offenbare ergerliche  
vnd lesterliche priester vnd fürgenger haben / erstlich  
alle die weg versuchen/ die sie nach Christlicher liebe  
inmer mehr versuchen mögen vnd sollen/ damitt sie die  
selbigen ihre priester vnnnd pastoren zur besserung be-  
wegen/ Wa sie aber damitt nichts schaffen konden/  
vnd dann des Christliche folge bey ihrer Gemeinden  
haben mögen/ Werden sie bey ihrer ordenlichen ober-  
keyt/ vnd wa sichs gebüret/ vmb andere besserliche  
Pfarrer vnd seelsorger ansuchen/ vnd die verstockten  
in offentlichen sünden/ vnnnd schanden meyden. Wa  
sie aber in dem der Gemeynnden Gottes folge / vnnnd  
ware verbesserung Christlicher verschüg der Gemein-  
den Gotes nitt haben mögen/ werden sie sich doch  
still/ vnd gedultig beweysen/ vberall kein vnruwe er-  
wecken/ sich auch nicht von waren Christen/ oder auch  
dem wort vnd befehls Gotes/ wa sie das rein haben  
mögen/ absünderen.

Das die C. Deputaten hie hinbey setzen / des  
5.

3. Cyprianum von mir angezogen lib. 1. cap. 4. & 7.  
 (Dann auß dem ij. büch habe ich des orts weder die x.  
 noch einige andere Epistel eingefüret) thue nichts zu  
 meynem vorhaben / sonder thue meer wider mich / in  
 dem fürnemlich / das Cyprianus die rotter von der ge  
 meinschaft vnd der Gemeinden außschliesse / Des bes  
 sehe fromer Christ die zwa Epistolen die ich angezo  
 gen. Vnd das die C. Deputaten mich vnder die rotter  
 zelen / das thün sie auß irem eygnem freuel vnd vera  
 chtung Götlichs worts.

Darzu ist in beyden Epistolen / von mir angezoge  
 nichts von den rotten / sonder von bösen falschen Pfa  
 ffen / die den Gotspfennigen / opfferen / vnd gewin /  
 den güten malzeyten / vñ bancketen nachtrachteten /  
 wie der 3. Cyprianus in der angezognen vij. Epistel  
 des ersten büchs von inen klaget / vnd dan in der ver  
 folgung Christum verleugneten / vñnd Götzen dienst  
 thetten / Darumb sie ire Gemeinden / an den orten da  
 sie Bischoffe gewesen waren / vnd noch zu sein vnder  
 stunden / one vorgohnde erkantniß / von den Heilige  
 empteren abgehalten haben / vñnd sindt des von dem  
 3. Cypriano / vñ dem Concilio zu Carthago gehalten /  
 gelobt / vñ in irem fürhaben bestetigt worden / ob wol  
 der verstoffnen Bischoffen eyner / mit namen Basili  
 des / den Papst zu Rom Stephanum / mit falscher an  
 zeyge hindergangen / vnd dadurch erlanget hat / das  
 derselbige ihn wolte wider in sein ampt auffgenommen  
 werden.

Cyprianus recht  
 angezo  
 gen.

Mercke  
 hie Paps  
 stlich vñ  
 theyl solle  
 dem rech  
 ten Gots  
 tes weys  
 phen.



## Vom 3. Abendtmal.

Dann als die guten leuth / Felix eyn Priester / vnd die Gemeinde zu Legion vnd Asturicen / da der Basiliides sich vermasse Bischoff zu seyn / Aelius ein Diacon vnd die Gemeinde zu Emeritenn / da der ander nemlich Martialis das Bischofflich ampt haben wolte / hatten ins Concilium zu Carthago geschriben vnd gebetten / das ihnen die lieben Bischoff daselbet versamlet / in dieser sache wolten mit irer erkantnais trost vnd hilff beweysen. Da haben jnen die lieben Väter vnder anderem geschriben. Luwerer begirden antwortē meer die Götliche gepot / dan vnser Antwort / vnd füren dar auff ein / etliche sprüch von heyligkē / die Got an den Priestern fordiet / Vnd schleissen auff den selbigen mit solichen worten / Weyl dann vns solichs vorgesagt / oder meer befohlen vnd bekant ist / so solle vnser willige folge den Götlichen gebottē dienen / Vnd mag die menschlich mildtikeit in dem kein person beuor haben / oder jemand etwas anders nachgeben / da das Götliche verschreyben vorhanden ist / vnd ein gesetz gibet. Hæc illi. Das besche / erwege / vnd bedencke fromer Chriſt. So wüstu wol erkennē / das die C. Deputaten / wie mit dem 3. Gottes wort / also auch der liebē Väter schriffren / allen mürwillen treyben one alle scheurwe vnd schame.

So sil von dem / welche das 3. Abentmal halten / darzü gelassen werden / vnd seyn gemeinschafftē pfahen sollen.

Nec aliud  
cuiquam  
largiri po-  
test huma-  
na indul-  
gentia / vs-  
bi interce-  
dit et lege  
tribuit  
Divina  
prescrip-  
tio.

**A**uff die Sophismata der C. Deputaten wider das ich geschrieben / das alle gleubigen / die bey dem 3. Abentmal sein / zu vermanen sein / das sie auch die 3. Sacramenten mit entpfahen.

**I**n der erste falsche verkerung der C. Deputaten hie wider / ist / das sie schreiben / Ich fordere et was gewaltiglich / satis imperiose / das bey jeder Messen alle die zugegen sein / die Sacrament mit entpfahen. Vnd das ich sage / solicheschuldig sein des gerichtes / vnd sie dennoch von gemeinschaft der Sacrament / vnd des gebets außschliesse. Dis alles schreiben sie wider mich mit offenbarer vnwarheit. Dan ich in meynē büch für mich selbst nichts gefordert / noch etwas geurtheylet habe / sonder allein fürbracht / wie war ist / vnd sie auch nit leugnen / das die lieben Väter / die gar ernstlich gescholten haben / die bey dem 3. Abentmal blyben / vnd die 3. Sacrament nit mit entpfingen / vnd das Papst Calixtus solichen auch den Dan getrauwet habe. Dis hastu auß den worten des 3. Chrysostomi vnd Calixti / die ich oben eingefüret / im xcviij. vnd xcviij. blat genügsam zu erkennen.

Das sie aber daran hengen / dis gesetz / oder gewonheit / das alle gegenwertigen bey dem 3. Abentmal / auch die Sacrament mit entpfahen sollenn / sie in der Gemeindē nie angenomē wordē. In dē straffet Papst Calixtus sie der offenbare lügen. Dan er geschribē / Also habens die Apostel geordnet / vnd haltet es (merck haltet

## Von dem 3. Abendmal.

haltet es) die Römische kirch/ Sehe da zeuget dieser  
Papst klar das die ordnung gehalten worden seye.

Ist das nit ein fein Argument dieser M. nostrorum.  
Chrysostronus schildet die leuth / das sie allein zu den  
hohen festen die Sacrament empfangen/ Ergo. Man  
hats in der kirchen nit gehalten wie es die Apostel auß  
des Herren that vnd befelh geordnet/ das nemlich alle  
die/ die Sacrament nit empfangen habenn / die bey  
dem 3. Abentmal gewesen sindt. Warumb folget nit  
meer/ weil die 3. Väter vbertretung dieser ordnung  
schelten/ so ist sie etwan gehalten worden? Dann das  
ehlich vnd heylig ist/ wie sie diß sein / das alle die bey  
dem 3. Abentmal bleyben / die Sacrament auch nit  
entpfahen / selb bekennen/ vnnnd wie Calixtus zeuget  
vonden Apostolē geordnet ist / würdt dennoch etwan  
gehalten worden seyn.

Das sie dan dem Canoni Calixti entgegen / andere  
Canones anziehen/ die die Communion sollen frey ma  
chen/ vnd eynen der Augustini seye/ Auch in dem troy  
ben sie nicks dan offbaren mit willen. Der 3. Augu  
stinus redet von dem teglichen Sacrament empfa  
hen/ das will er weder loben noch schelten/ redet kein  
wort von denē/ die bey dem 3. Abentmal bleyben/ vñ  
doch nit comunicieren/ vermanet aber dennoch auff al  
le Sonntag zu Comunicieren/ Dann als dan pfle  
geten die gleybigen alle zu dem 3. Abentmal zu kom  
men/ das sie nit theten/ wann etwan die lieben Väter

ter auch auff andere tag Priuatas missas, das ist besondere Abentmal, mit etwan wenigen besonderen leuthen, vnd nit für die ganze Gemeinden hielten.

Die anderen zwen Canones die sie anziehen, reden wider die so nimmer, oder gar selten die Sacramet empfangen, die straffen sie. Vñ fordret die rede Fabriani (welche doch auch Apocrypha ist) das die leuth, was nit offer, doch dreymal im jar Communicieren wölle, Damit ifts noch nit frey gemacht, zu anderen zeyten bey dem 3. Abentmal bleyben, vñ doch nit communicieren. So schelten auch diß so selten communicieren der war authenticus vnd gewisse Chrysofostomus, Ambrosius, Hilarius, Augustinus vnd andere Väter. Darumb ist auch das selten Communicieren weñ man schon mit bey den Messen ist niemandt frey gelassen.

De conf.  
dist. 2. ca.  
5. quoties  
cumque  
Si non  
sunt Si  
quis.

Erwege aber vnd besehe du fromer Christ, in dem vor angezogenen spruch Chrysofostomi, die ursach die dieser 3. Lehrer anzeucht, so wirstu wol erkennen, das es ja one freuel, oder verachtung der so theuren geheymniß Christi nit seyn würdt, bey dieser seligen malzeyt Christi stohn, vnd ihr doch nit wöllen genießen, nemlich wa die leuth nun dieser geheymniß vnd des rechtē gebrauchs der selbigen genüg berichet sein. Vnd das auch dem die gemeinschaft des gebets nit gebüren mag, der die gemeinschaft der Sacrament nit haben solle.

Was darff es aber rede? Bekennen doch die C. Deputaten selb, es seye ehrllich vñnd heylig das wer bey

Do dem

## Von dem 3. Abendmal.

dem 3. Abendmal seye/ auch die Sacrament mit entz  
pfahē. Nun so vermanet der 3. Paulus zu allen dem  
das ehlich vnd heylig ist/ nach zu trachten/ Phil. iij.  
So konde es auch nit ehrlich vnd heilig seyn/ wann es  
nit in der that vnd dem befelch Christi begriffen were.

Sie sagen ferner hie bey / wa ich auß Gottseligem  
fleyß vnnnd heyliger meynung / wie die 3. Vätter ge  
than/ auff die Cōmunion so tringe/ so wolten sie es la  
den/ aber es seye die forcht der warheyt gleycher/ das  
ich/ als ein feind der kirchen vnnnd der Sacramenten/  
dar auff handle/ das ich das volck mit solichem schrey  
ben von dem Mess hören abhalte.

Got der herzkündiger weyß/ das ich nichts hierin  
süche oder meyne/ dann das der Gemeinden Christi/  
deren ich beger ein getreuer diener zu seyn / vnd keyn  
feindt/ diese theureste geheymniß Christi wider in res  
cht Gottselig erkentniß vnnnd brauch gebracht wer  
de. In den fruchten erkenne vnnnd richte man der Ge  
meinden Gottes/ vnd Sacramenten feind/ vnnnd ge  
treuwe diener. Wie der C. Deputaten part/ iren tägli  
chen genieß vnnnd weltlich ehz / von der offenbaren  
grausamsten verkerung des 3. Abendmals gern nim  
met / vnnnd süchet/ liget am tag / Darumb ist ja keyn  
wunder / das sie die rechte Gottselige haltung dieses  
Sacraments nit dulden mögen / Dann wa die wider  
recht erkennet were/ würde es mit iren grempel Mess  
sen ein ort haben.

Zu lest des orts setzen sie noch einn offenbare vn  
war

Offenba  
re vnwar  
heit der C.  
Reputas  
ion.

warheyt hiebey. Ich zwingē das bey wesende volck zur Communion, vnd lasse dem Priester zu, das er die Sacrament anderen gebe / vnd er doch die selbigē nit mit niesse Das hab ich nie gedacht, halt vnd lehre das wider speil / dan der Priester mit seynem exempel dem volck in dem, vñ allem gūten vorgehen solle. Von dieser materi wūrdt hernaher auff der C. Deputaten gemewurff / wider die gesunde lehre von dem waren brauch des H. Abendmals weyter gesagt werden.

## Von der haltung / des H.

Abendmals.

**W**yl diese stah in der zū bereytung vnd heyligung des volcks / vnd der H. Sacramenten des leybs vñnd blāts vnser Herren Jesu Christi, Vñnd der außspendung vñ niessung der selbigen / so will ich erstlich von der zū bereytung vnd heyligung des volcks vñ der Sacramenten vnser Christliche lehre verteydigen / vñnd dann auch von der außspendung vnd entpfahung der Sacramenten.

Von der bereytung vnd heyligung des volcks vñnd der Sacramentē / zeugen vns die H. Euangelistē, das der Herr dise bereytung vnd heyligung volbracht hat.

Durch dise drey stück / Durch die Lehre / die Dancksagung / vñ Verkündig seiner schenck vñ gaben / sampt dem befelh die zū gebrauchen / In der lehr / hat er inen mit grossen ernst fürgegeben / vñnd sie gelehret /

Do ij durch

Drey  
stück der  
berey  
tung vnd  
heiligung  
des vol  
cks / vñnd  
der H.  
Sacra  
menten.

## Von dem 5. Abendtmal.

Die lehre  
im 5.  
Abtimal

durch das füß waschen / vñnd die angehengte erklerung / desselbigen wercks / drey dinge / Das erste / wovon die erkentnuß ihrer sünden / beyde der angebomen / die in vns wonende allerley böse gelust / begirde / wort / vñnd werck / wider Gottes gebot erwecket / vñnd wircket / Vñnd die selbigen bösen luste / begirden / wort vñnd werck / damit auch die gleybigen die in Christo vnserer Herren gantz rein sein / ire füß / das ist / disen täglichem wandel besleckē / so lang sie noch vff diser erdē wandelen / Durch welche erkentnuß der Herre ein rechte schein we / rew / vñ leyd dieses so grewlichen vnflats vor den augen Gottes / der vns noch anhanget / hat in seinen jüngern erwecken / vñ sie damit zu sich / der sie von sollichem vnflat allein weschet vñ reiniget / treiben wolle.

Das ander das er seine jünger gelehret / vñnd sie damit zu diesem 5. Sacrament bereytet vñnd geheyliget hat / ist die ware lebendige erkentnuß sein / das er nemlich allein der ist / der vns von allen sünden / angeporren / vñnd begangē / reiniget / wie er auch allein der ist / der vnserer sünden / durch seynen todt bezallet vñnd gebüßet hat / Damit hat der Herre seine jünger erwecket vñ anreytzen wollen / das sie sich im vnserem eynigen heylandt / vñnd erlöser von allen sünden / vollkummer geben / vñnd er sie also von tag zu tag von allen nach blybuen vñnd begangnen sünden abweschet vñnd reyniget / wie er sie im 5. Tauff / von aller vngerechtigkeyt so abgeweschen vñnd gereiniget hat / das in die selbigen / so sie in jm durch waren glauben bleibe / nimmer

nimer mehr sollen zugerechnet werden. Darumb sie auch Got gantz rein heltet, ob sie wol die fuß nach als beflecken, das ist, sich im brauch dieses lebens, auß vnwissen vnd schwacheyt ihres fleysch verunreinigen. Dann der Herr Christus solche unreinigkeit durch sein blüt auch hinnimmet. Vnd bey dem Vatter verzeyhung solcher vbertrettung erwürbet. Auch er durch seine heyligen Geyst nimer zu seiner bildnuß gantzlicher die seinen erneuweret.

Zum dritten hatt der Herr seine junger auch gelehret, wie sie, so er sie von sünden reiniget, sich gegen einander demütigen, vnd in alle dienst begeben, auch bereyt sein sollen, für ihre guthaten alles arges zu leyden, vnd den lohn von im erwarten. Der solche seine junger so haltet, das in vffnimmet, wer sie vffnimmet. Disß alles hat der Herr in seinem exempel mitt dem fuß waschen, vnnnd allem dienst, den er den jungeren bewisen, auch mitt der gedult gegen dem Judas, sampt angehengter lehr in worten gelehret, vnd furgegeben. Wie du Christlicher Leser, dis, mit dem vorigen allen, inder that, vnd worten des Herren, die Joānes beschreibet xij. Cap. seines 3. Euangelij klar zusehen hast. Die lese vnd betrachte wol.

Daher hat die Christliche Gemeind das genommen, das man in rechter haltung des 3. Abendmals durch die lectionen alt vnd newes Testaments, psalmen, vnd gebette, welche das glaubige hören Gottliches worts alwegen erwecket, vnnnd bringet, die leuth furet in erkenntniß ihrer sünden, vnd der erlöschung Christi

Der Herr hat alles seine junger alle mit höhe ernst, vnd zum bestē verstande geredt.

Warinn der höste schade der Messen.



## Vom 3. Abendtinal

vnfers Herren/ sampt getreuer Lehr vnd vermanung  
zu recht Gottseligem leben / vnd gutten wercken in  
Christo/ Also lesen wir auch von der ersten Gemein-  
den zu Hierusalem/ wie die gleybigen verharieten inn  
der lehre der Apostolen / in der gemeinschafft/ in dem  
brot brechen vnd gebett Act. ij.

Die däck-  
sagung  
im 3. A-  
bendtinal

Das ander stück der bereytung vnd heyligung des  
volcks vnd der Sacramenten / die der Herr gethon/  
ist die Dancksagung / Dañ wie die Euangelisten vnd  
Paulus schreyben/ hatt er dem Vatter lob vnd danck  
gesaget/ zu dem brot/ vnd zu dem kelch/ das ist/ erzeu-  
let vnd geprisen/ die vnaussprechlichen gutthaten Got-  
tes/ seines himlischē Vatters/ vns verlihen. Darumb  
Der 3. Paulus den kelch des 3. Abendmals/ ein kelch  
der benedeyung / das ist/ des Gottlichen lobs vnd  
dancksagung genennet hat. i. Cor. x.

Auß dem auch/ die alten waren Apostolischen Ge-  
meinden bey diesem Sacrament alwegen mit hochster  
andacht/ die genaden vnd gutthaten/ vns in Christo  
dem Herren bewisen/ verkundet/ vnd gepreysen habē/  
Wie der 3. Chrysostomus zeuget in daß x. cap. i. Cor.

Verkündi-  
gung der  
gaben  
Christi.

Das dritte in der bereytung vnd heyligung des  
volcks/ vnd der 3. Sacramenten/ daß der Herr ge-  
thon hat/ ist die verkündigung vnd bezeugung seiner  
geschencken vnd gaben. Daß er sagt/ da er inen daß  
brot dar reychet/ daß ist mein leyb/ der für euch hinge-  
ben wirdt/ Vñ da er inen den kelch gabe/ das ist mein  
blüt/ des newwen Testaments/ daß für euch vnd für  
vil vergossen würdt/ zu verzeyhung der sünden/ In  
welchen

welchen worten der Herr verkündiget vnd bezeuget hat/ daß er seinen Jüngeren mit allein sein leyb vnd blut/ mitt brot vnd wein gebe/ sonder auch den verdienst seines bitter leyden vnd sterbens/ bezalung/ vñ verzeyhung der sünden/ daß newwe testament/ den gnaden bundt/ vnd gemeinschafft des ewigē lebens.

Hieran hat der Herr gehenget den befelch vom gebrauch des 3. Abendmals vñ gesagt/ thun mir daß zu gedechtniß. Welche gedechtniß also zuhalten ist/ daß bey dē 3. Abēmal verkündiget vñ bedacht werde/ mit höchster andacht vñ Gotseligkeyt/ wie sich gepüret zu halten die gedechtnis vnseres Gorts vñ Heilands/ alles daß er ist/ daß er vns wordē ist/ wass er vns gethō/ für vns gelitten/ vns erworben vnd verheyssen hatt/ nach thut/ vñ thun wille. Darumb hat der 3. Apostel vff diß wort des Herren/ Thun das zu meiner gedechtniß gesaget/ Dann so offtr ir diß brot esset/ vnd diesen kelch drincken/ verkündē ir den todt des Herren biß er kömēt/ oder solt in verkünden/ dan das wort so hie steht mat. 26. 27. 28. sie beyde heysset.

Damit der Apostel ja klar angezeyget hat/ das dise gedechtniß des Herriē also zu haltē ist/ daß mā alda seinen todt verkünden/ das ist/ frey offentlich allē beirwenden volck predigē solle. Vñ freylich wie seinē todt/ also auch seine menschwerdung/ seine selige Vfferstentniß/ vffart gohn himel/ vñ sein sitzē zur gerechtē des Vatters/ sampt seiner verheyssnen zukunfft zu dem gericht/ Wie dan beyd die Griechē vnd Lateinischen noch heutigis tag in ihren Messen/ vff die wort des Herriē/ solches alles zusamē fassen

Die gedechtniß Christi durch der verkündigung zu halten.

Cyprianus legit annunciatibus.

Thun

## Vom 3. Abendmal

Nun dise drey stück / die Lehre / die Danck sagüg / vñ Verkündigüg seiner gaben / mit angehengtem befehl von seiner gedechtnuß / hat vnser Herr mit solchen worten gethon / zñ / vñ vor seinē jüngerem gethō / daß sie die selbigen alle haben verstohñ mögen / Vñ mit solchen grossen ernst / daß sie dadurch haben zñ lebendiger erkantniß vñ reuwe irer sünden / auch herrliche vertrauwen vñ liebe zñ ihm kondē beweget / Vñ also daß neuwe Gottliche leben / seine Gemeinschaft in ihnen thetliche gefordret werden.

Eben daß aber / das der Herr bey diesem 3. Sacrament gethon hat / daß hat er auch vns zñ thun befohlen / Des selbigē hat sich die Christliche Gemein / weñ sie ire recht getreuwe diener gehabt / alweg getreulich gehalten / Dis bezeugen alle 3. Vätter.

Der C. Deputatē part / vbet wol dise stück alle drey mitt wortē / Die Lehr sampt dem gebett / die Danck sagüg / vñ Verkündigüg / hatt sie aber alle dise drey stück / in dem schwerlichen verkeret / daß sie die nit mit gebürendem ernst vñ andacht / vñ zum verstandē / vñ thetlicher besserung der beywesenden vbet.

Welches ja ein gantz erschrecklicher greuwel ist / gehr / dann einige menschen zungen / aussprechen mögen. Denn da durch würdt der aller theworiste Göttlichste handel Christi in seiner versamlung / daß 3. Abendmal / nit allein nichtig / vñ vnfruchtbar / sonder auch zum grewlichsten Abgott verkeret. Das ist / so die lauch

lent durch dieses werck, solten zum aller ernstlichen, volligsten, vnd krefftigsten dahin geleret, ermanet, gefüret vñ bracht werden, das sie inen selb absturbē, vnd in in vnserem herren Christo lebten, nach seinen wort, Wer mein fleysch isset, vnd drincket mein blut, der bleybt in mir, vnd ich in im, vnd hat das ewig leben, So wirdt durch dise verkerung, das man da nit alles mit recht Christlichē ernst, vnd zum verstand der beywesenden, vffs heysterist vnd clarist fürbringet, diß werck dahin gerichtet, das die leut vff das selbige, allein wie es der messmacher vbet, das höchste vertrauen setzen, dadurch Gottes genad vnd hulff in allen dingen, geystlichē vnd ewigē zu erlangen, Vnd das, wie one ware erkentnis vnd rewe der sündē, also auch one hertzliches vertrauen vñnd ergeben an Christum vnseren herren, Welches alles ir rauhlos, vnd in allē sünden vnd schanden verharrendes leben, zu sil grob vnd wüß bezeuget. Gesezet an aller Gots forchtigē vrteyl, vnd der Messmacher selb gemeinste exempel.

Also richtet dise erschrecklichste verkerung das aller heyligste werck der Gemeinden Christi, Ja Christi in seiner Gemeindē, dahin, das die armen gewissen durch nichts in aller welt, mehr in iren sünden vñnd verachtung Gottes versichert werden, die sünden in ihnen beßtiger gestercket, vnd der geyst, so die sünde straffen, vnd lebendige rew vñnd haß derselbigen erwecken soll, darnider geschlagen, So doch durch diß werck die war lebendige erkantnis vnd rew der sün

## Vom vnuerstendlichen

den/schrecken vnnnd zitteren vor dem gestrengen ge-  
richt Gottes/vff das aller wirclichst vnd ernstlichst  
erwecket vnd gescherffet werde solle. Also wirdt auch  
das hertzliche fliehen zu Christo/ vnnnd genzlich erge-  
ben an in/durch nichten schwerlicher verhindert/das  
doch durch diß werck solte zum aller gewaltigsten er-  
regt/befordret/vnd inder fürbracht vn gestercket wer-  
den. Das ich ja aber vnd abermal will gestellet habe  
zu erkennē vnd zu vrteylen/an alle die ein ware Gots  
forcht haben/vnd disen dingen mit etwas glaubigem  
ernst nach dencken.

**Wie schwerlich der glaube an Christum verletzet/Vnd der aberglaube gestercket werde durch das vnuerstendig singen vnd lesen in den Messen.**

**D**vn aber kan das ein ieder Gottsverstendiger  
mensch wol vermercken/wie vil zu solicher er-  
schrecklichstē verderblichstē verkerung diene  
vnd befordre/das der C. Deput. part/ bey diesem Göt-  
lichsten handel/ alles/die Lehre/ die Danck sagung/  
vnd Verkündigung der gaben Christi/ in frembder  
sprachen/die offte auch sie selb nit ganz/das volck gar  
nicht versteht/ singen vnd lesen/ Ja offte so Gortlos-  
lich dahin plauderen/ vnnnd vber einander werfen/  
vnd

Das vns  
uerstend-  
lich in  
Messen  
befordret  
hoch das  
falsch ver-  
trauwen  
vffs eus-  
fers  
werck.

Vnd dann das hauptstück des ganzen wercks / die wort des herren / damit er vns sein leyb vnd blut / vnd ewigs testament der Göttlichen gemeinschafft / vbergibt / wider alle lehr vnd brauch der alte Gemein den Gottes so hiemlich wißblen / daß sie sich etwan selb kaum hören mögen / Da mirt dann geschicht / daß sich auch die das latein verstohn / dessen / so diese leut schon auß Gottes wort bey den Messen sprechen / nicht besseren könden / Es muß alle andacht vnd besserung bey diesem 3 handel auß dem lebendigen wirklichen glauben entstahn / Vnd mage derselbige nicht dann allein auß dem verstandenem Gottes wort geboren / erwecket vnd gestercket werden.

Damit aber du fromer Christ dise so schwere verke- rung / die vil weyter reychet vnd schadet / dann ieman gungsam bedencken könde / Das man bey diser aller heyligsten handlung Gottes dem 3. Abendmal / ja in allen 3. Ceremonien gegen dem volck ein sprachen gebrauchet / die das volck in Gemein nit verstaht / etwas doch ernstlich betrachtest / So besehe vnd erwe- ge / was vnd wie ernstlich der Geyst Gottes wider di- se verke- rung geschriben habe. Auch weñ man die sprachen schon auß des 3. Geysts wunder werck hatt. i. Cor. xiiij. Erstlich sagt er.

Der mit zungen redet / daß ist / mit einer sprachen / welche die / zu denen man redet / nit verstehē / der redt nicht den menschen / sonder Gott / dann es hörets nie- man. Item / Tun aber lieben brüder / weñ ich zu euch keme vnd redet mit zungen / was were ich euch nutz?

## Vom innerstendlichen

Mercke, reden mit leuten in einer sprach die sie nicht verstohn, ist vor Gott nichts mit ihnen reden. Ist redt das sie nicht hören, vnd nuzet inen nichts. Weiter.

zelt sichs doch auch also in den dingen, die da lauten, vnd doch nicht leben, es seye ein pfeiff oder ein harff, wenn sie nicht vnderchiedliche stin. mē von sich geben, wa kan man wissen was gepfeiffen oder geharffet ist. Vnd so die posaune einen vndeutlichen dohr gibt, wer will sich zum streyt richten? Also auch ihr, wenn ihr mit zungen redet, so ihr nicht ein deutliche rede gebet, wie kan man wissen, was geredt ist? Dan ihr werdet in den windt reden. Zwar es ist mangelley art der stimme inn der welt, vnd der selbigen ist doch keine vndeutlich. So ich nu nicht weis der stimme der tunge, werde ich vndeutsch sein dem, der da redet, wirdt mir vndeutsch sein, Also auch ir.

Sehe der Geyst Gottes erkennet, das wider die natur sey aller menschen, einige stimme gegen leuten gebrauchen, one gewisse deutung vnd lehr, welche die selbigen leuth vernemen künden. Item es seye inn windt geredt, Item mache das der da redet, dem zu welchem er redet, vñ herwider der höret, dem der zu im redet, ein vndeutscher, vnd also halb ein vnmenlich seye, mitt dem er kein gemeinschaff haben künde. i. Barbarus. Ferner.

Der leyr  
solle vff al  
les Amen  
sagen.

Wenn du aber segnest im Geyst, wie soll der so anstatt des leyen steht, Amen sagen, auff deine danckagung, seytemal er nicht weyß was du sagest, Du danck sagest wol fein, Aber der ander wirdt nicht das  
von

von gebessert. Ich dancke meinem Got, daß ich mehr mit zungen rede, denn ihr alle, aber ich will in der gemein lieber fünff wort reden mit meinem sinn, auff das ich auch andere vnder weyse, denn sunst zehen tausent wort mit zungē. Lieben brüder, werdet nicht kinder an dem verstantniß, sonder an der bößheyt seydt kinder, an dem verstantniß aber seydt volkomen.

Hie sihestu das in der Gemeinde Gottes ein sprach geprauchten, die in gemein nit verstanden würdt, vnd dar auff der leye nit künde Amen sprechen, vñ sich auß dem verstant der gehörten rede besseren, vor Got ein Gottloser raub seye der besserung, vnnnd gemein schaffe in sachen des ewigen heyls, vnnnd ein verdammtes kinderwerck? Folget.

Im Gesetz stehet geschriben, Ich will mit anderen zungen vnd mit anderen lippen reden zu disem volck, vnd sie werden mich also auch nicht hören, spricht der Herr, Darumb so sind die zungen zum zeychen, nicht den gleubigen, sondern den vnglaubigen. Itē, Wenn nu die ganze gemeine zusamen keme an eyner ort, wñ redeten alle mit zungen, Es kemen aber hinein leyen oder vngleubige, würden sie nicht sagen, jr weret vn sinnig?

In dem hastu, das Gottes wort mit frembden sprachen fürtragen, allein den vngleubigen verstockten leuten gebüre, das sie es hören, vnnnd nit verstanden, vnd also nit selig werden, Item das es ein werck der vn sinnigen seye, Zu letst.

Auff dis alles lehret, vnnnd ermanet, ja gepent der



## Vom onuerstendlichen

geyst Gottes/ wer mit silen sprachen reden künde/ der solle betten/ das ers auch vfflege/ vnd wo er keyn vffleger ist/ das er in der versamlung Gottes/ da es alles zur vffbauung des glaubēs/ durch verstandene lehr/ trost/ straff/ vnd vermanung/ geredt/ gesungen/ vnd gelesen werden soll/ schweige/ Vñ zeuget/ das diß gebot des Herren seyen/ So sich jemand lasset düncken/ spricht er/ er seye ein Prophet/ oder geistlich/ der erkenne was ich euch schreibe/ Den es sind des Herren gebot.

Ist dann nun das mit die Göttliche Maiestat vffs schwerlichst verhönet/ verspottet/ Ja verleugnet/ in namen vnsern Herren Jesu vnd seyner 3. Gemeinden handlen/ vñ reden mit seinen leuthen/ seinen brüder/ vnd glideren/ vmb deren willen/ das inen seyne wort zum bestē verstädt fürbracht/ das ist/ geprediget wirt/ de/ er in diese welt komē ist/ Vñ das im höchstē werck ires heyls/ das sie vben künden/ vnd das zu irem heyl zum höchsten gereychet/ Von dē geheymnissen/ an denē alle ire seligkeyt vñ ewiges leben stoht/ Vñ doch so lichts der massen mit inen reden/ das es der geist Gottes heysset mit mit inen geredt seyn/ geredt sein das sie mit hören/ vnd das sie nit nützet/ das wider alle natur vñ vñ vernunft der welt ist/ das in windt geredt ist/ das die menschlich gemeinschafft gegen einander zerstöret vnd barbaros gegen einander machet/ das eyngotloser raub ist brüderlicher besserung vnd gemeinschafft/ vñ allein gebüre zu gebriuchen/ gegen den vermaledeytten verstockten leuthen/ die Gottes wort alleyn zu irem verdammis hören sollen/ Item die vñ

Wie greu-  
lich der  
geist Got-  
tes ver-  
dammet/  
in der Ge-  
meinden  
ein fremb-  
de sprache  
gebräuch-  
lich.

sinnig

sinig seyn/ vñ handlen wider die offebare gebot Gottes. Dañ alle diese titel gibt der geyst Gottes dem zu/ wa man die geheymnißten Gottes in der Gemeinden Christi in einer sprachē fürlißet oder singt/ die nit in gemein von der versamletē Gemeindē verstandē wird.

Erwege vñ bedencke nñ diß alles fromer Christ/ mit recht Gots forchtigen ernst so wirstu dich freilich der so lang gewerten schweren blindheit der Prelaten vñ fürsteher Christlicher Gemeinden zum hochstē entsitzen. Vñ wol sehen/ das es nichts dan ein ganz verderblicher griff des widerchuffs ist/ vnderstohn die leut zu bereden/ das alles das ordnungen der Christlichen Gemeindē sein sollen/ das von den genantē Priesstern in den kirchen etlich hundert jar geübet worden ist. Dañ liße den H. Ambrosium vñ Chrysostomum/ vñ welche von den alten vber diß capitel geschribbē/ oder vom brauch der alten kirchen in dem etwas gemeldet habē/ so wirstu bey jnen allen findē/ das sie vñ die ganze Gemeinde Gottes/ von anfang erkenet habē. Das ein vergeblich/ vnnütz/ ja Gotlos vnd heydnisch ding seye/ im Gottes dienst ein sprach für dē volck gebrauchē/ die dz volck nit verstaht. Noch dürffē die C. Dep. vñ ire hauß rhümē/ solichs seye der H. kirchē ordnung.

### Don der Außspendung vnd niessung der H. Sacramenten.

**D**iese hat der Herz Christus also gehalten/ daß er allein/ vñ eine Sacramēt/ vñ die ganze allē seinē gegenwertigē jüngerē außgespēdet hat.  
Vnd

## Von onuerstendlichen

Vnnd die selbigen haben sie auch von im alle gantz  
entpfangen. Also solle in einer jeden versammlung der  
glaubigen ein diener sein/ der ein Sacrament / vnnd  
die gantz/ allen gegenwertigen anspends / die sollen  
auch die gegenwertigē alle von im entpfangen / Des  
habenn sich die alten ware Chrißlichen Gemeindeg  
von anfang gehalten / wie sie es von Apostolen ge  
lehret / so lange sie von recht geleerten vñ eyfrigen Prie  
stern versehen worden sind / Gezogen vff alle die der  
3. Vätter schrifft gelesen haben.

Der Herr hat gesagt / das thüt zū meynen gedeche  
niß / das ist / das so jr sehet das ich mit euch thue. Dis  
ist eyn gebot vnser Gottes vñ heylandts / dz vberall  
keynē menschen noch keyner creaturen vff erden oder  
im himel gebüren mag zū endern / Darvmb da gegen  
auch keyn ander brauch oder gewonheit gelten mag /  
wie das der heilig Martyr Cyprianus mit silen schar  
ren vñ ernstest worten bezeuget in der iij. Epistel des  
anderen büchs seyner Epistel / da er vnder anderem  
also schreibet.

Christo/  
der ob als  
len ist / Kei  
nen mens  
chen /  
der wars  
heit / vnnd  
keyner ges  
gen ges  
wöheit sol  
le man  
folgen.

Wa wir nicht eben die selbigen ding thün / die auch  
der Herr gethon hat / nisi eadem quæ Dominus fecit  
nos quoque faciamus / so werden wir erfunden mit hal  
ten das vns befohlen ist. Item / das Christus allein sol  
le gehöret werden / bezeuget auch der Vatter vom him  
mel / als er spricht. Dis ist mein geliebter Sün an dem  
ich ein wolgefallen habe / den solt jr hören / Darvmb  
so Christus allein gehöret werden solle / müssen wir ni  
cht achtē / was jemand vor vns habe gemeind zū thun /  
seyn /

seyen/sonder was Christus vor gethon hat/ der vber al  
 le ist/ Dann wir nicht eines menschen gewonheit/ son  
 der der warheyt Gottes folgen sollen/ Nach dē Gott  
 durch den Propheten Esaiam redt vnd sagt/ Sie dies  
 nen mir vmb sonst/ weyl sie menschen gebot vñ lehren  
 lehren/ Vñ der Herr diß wider für bringet im Euange  
 lio/ vñ sagt/ jr verwerffen das gebot Gottes damit jr  
 enwer fürgeben vnd ordnung vffrichten. So saget er  
 auch an einē anderen ort vñ spricht/ Wer eins von dies  
 sen geringesten gebotten vfflösen würdt vñ die leut so  
 lehren/ der solle der geringest im himelreich geheysen  
 werde. So sichs dan nicht gebüret die geringeste von  
 den gebotten des Herren vff zū lösen/ wie sil meer ist  
 vnrecht/ vñ mage nieman gebüren/ so grosse/ so wich  
 tige gebot/ vnd die so nahe belangen das Sacrament  
 des leydens vnser Herren/ vñ vnser erlösung/ ver  
 brechen/ oder die in etwas anders dan von Got einge  
 setzet ist/ durch menschlichs dargeben enderen/ Dann  
 so Jesus Christus vnser Herr vñd Gott/ selb ist der  
 Obriste Priester des Vatters/ vñ hat das erst das hei  
 lige ampt/ id est sacrificium Got dem Vatter selb vff  
 geopffert/ vñd das selbige gebotten zū seynere ge  
 dechniß zū thun/ So wirdt ja der Priester die stadt  
 Christi warlich vertreten/ der dem folget/ das Chris  
 tus gethon hat. Vnd dan opffert er auch Got dem  
 Vatter in der gemeind das ware vnd ganze z. ampt/  
 wann ers also anfahet zū opffren/ nach dem das er  
 sichte/ das Christus geopffret hat. Sunst würdt alle  
 zucht vnd gehorsame der religion vnd warheit vmb  
 geteret/

## Vom onuerstendlichen

geteret, wann nicht das geystlich gebotten ist auch getreulich gehalten wirdt.

Wer nach  
erkanter  
warheit  
im miß-  
brauch  
des H.  
Abents  
mals ver-  
harret/dē  
magnit  
verzigen  
werden.

Nach diesem schreibt dieser heylige Martyr, wo er-  
liche von seynen fürfarē auß vnwissen oder einfalt in  
dem H. Abentmal das nit gethon vñ gehalten haben/  
das vns der Herr durch sein Exempel, vñ lehr gelehret  
hat, so kan irer einfalt von der gütte Gottes verzigē  
werdē, Vns aber möge nit verzigen werden, die nit  
vom Herē vermanet vñ vnder wisen sind, wo bey vns  
das Euangelisch gesatz, vñ sein des Heren dargeben/  
vñ ordnung nit gehalten, vñ von dē abgewichē wirdt,  
dz Christus gelehret vñ gethon hat. Ferner schreibt er.

Psal. 50.

Dieses fürtr verachten, vñ im vorigen irsal verhar-  
ren, was ist das anders, dan sich des scheltēs des Her-  
ren im psalmen schuldig machen, als er spricht, War-  
umb verkündigestu meyne rechte, vñ nimmest mein Te-  
stament in deinen mundt? Du habbest doch die zucht,  
vñ hast meine reden zū rücken geworffen, Sahest du ei-  
nen dieb, so lieffest du mit ihm, vñ hattest dein teyl mit  
den Ehebrechern. Dan verkündigen vnd fürbringen  
die rechte, vñ das Testament des Heren, vñ nit eben  
das thun, das der Herr gethon hat, was ist das an-  
ders, dann seyne rechte hinwerffen, vñ seyne lehr vñ  
zucht verachten, Vnd wol nit irdische, aber geistliche  
diebstal vñ ehbruch begohn? So einer nemlich von  
der Euangelischen warheyt, die wort vñ thaten des  
Heren stielet, vnd die Gotlichen gebot zerstöret, vñ  
felschet, wie bey dem Jeremia geschriben ist, Was sol-  
len die spiewer bey dem weyssen? Darumb sag ich zū  
den

Wer ets  
was an  
dem ens  
dret das  
der Her-  
re im H.  
Abents

den Propheten / spricht der Herr / die meyne wort / jeder von seynem nechsten stelen / vnnnd verführen mein volck / mit iren lügen / vnd mit iren irsalen / Vnnnd bey dem selbigen Propheten sagt er an eynem andern ort von seyner Gemeinde / Sie hat gehüret mit holz vnd stein / vnd in dem allen hat sie sich nit wider zu mir gekeret / Das nün solche diebstal vnd hürerey nit auch vff vns falle / dafür sollen wir vns sorgfeltiglich / mit forcht / vnnnd Got seliger gewarsamkeyt versehen vnd verhieten.

mal/ges  
haltē/der  
blybet vñ  
felschet  
die werck  
Christi.

Diß sind alles die wort / des 3. Martyrers in angesogener Epistel / von haltung des 3. Abtēmals / Die vrsache des schreybens war / das etliche auß vermeinteter geystlichkeit vñ fürwitz / hatten angefangen zūm 3. Sacramēt des blüts Christi / nit wein / sonder wasser gebrauchē / als ob das zur nüchterkeit bass dienet. Aber da der heilige Martyrer diesen mißbrauch recht verwerffen vnd abtreyben wolte / hat er die wort / vñ das exempel des Herren in gemein / vnd ganz für gestelt / vnnnd auff die selbigen alle so ernstlich gewisen / Eben wie auch der 3. Paulus zū den Couintheren thatte / da er den mißbrauch / so bey den selbigen an die sem 3. Sacrament eingeschlichen / verbessern wolte / Vnd hat dann auß dem selbigen das der Herr in dem 3. Abentmal geredt vnd gethon / sampt anderen heiligen schriffthen vnwidersprechlich erwysen / das sich alles des scheltens / vnnnd aller verdammis die er auß der schrifft einfüret / vnnnd schleust / verpflicht vnnnd schuldich machē / alle die etwas an der haltung Christi

## Von onuerstendlichen

in diesem 3. Sacrament endere oder vnderlassent, das der Herr da bey gethon, vnd gelehret hat.

Derhalben keyn Chust darwider mag, er muß bekennen, das alle die, so nicht alles dasjenige, das der Herr in seinem 3. Abentmal, mit wort vnd wercken, geübet, vnd gehalten hat, mit höchstem fleiß vnd trawen halten vnd üben, das die selben nicht Püester Chusti seyn, nit das ware 3. ampt, das der Herr eingesetzt, halten, sonder Chustum verhalten, seyne gebot vfflösen, ihnen menschliche gedichte fürsetzen, Gottes wort vnd werck ihrem nechsten stelen, Diese allerheyligste handlung des Herren vnd seyner gemeinden zerstören, vnd folgend geistlich hurererey vnd ehbruch mit ihren vnd menschen gedichten wider den Herren treiben.

Nun ist das, dz hauptstück in dem 3. Abentmal des Herren, wie er das gehalten, das er nach der leh: vnd danckfagung, darin das gebett auch begriffen ist, hat die 3. Sacrament beyde allen seynen gegenwertigen jüngeren aufgespendet, vnd sie alle die selbigen heysen entpfahen, das sie auch gethon haben.

Derwegen ligt am tag, bey allen war Gotsforchtigen, also das es keyn mensch noch Engel mit eynigen grundt widersprechenn mag, das alle die Messhalten, sonder Aufspendung der 3. Sacramenten, vnd der beidenn, die sie den jüngeren Chusti, so zu gegen sein aufsteylen, vnd die auch zu entpfahen alle getreulich vermanen, in dem nicht Püester Chusti sein, nit seyn Abentmal haltenn, nit das ampt thün das  
der

der Herz gethon vnnnd eingesetzt hatt / sonder Christum öffentlich verachten / sein gebott zerstore / seine wort ihrem nehesten stelen / vnnnd geystlich hürerey treiben mit irem vermeinten gegen brauch / Welche sie der Christlichen Gemeinde / die Gott lob kein solche diebin / vnnnd felscherin der seligen wort vnd ordnung ires herzen / noch ein hür ist an den verderblichen menschen gedichten / felschlich vnd mit offenbar verletzung der ewigen Majestet Christi / vnnnd der würde seiner 3. Gemeinden zuschreiben.

So vil von der Aufspädung der 3. Sacramentē / die bey gegenwertigen jüngerer Christi sollen mit allem treuwem vleyß angebotten / vnnnd aufgespendet werden / welches also ein wesendlich stück ist des 3. Abendmals / daß on das / daß nachtmal Christi mitt mag gehalten werde. Vñ von der Niesung der Sacramenten / dazu alle gegenwertigen jünger getrewlich vermanet werden sollen / vnd one die / die leuth / nach dem sie der sachen gründtlich berichtet / mit allein vergeblich / sonder vnuerschemet vnd frenelich bey disem 3. ampt bleyben / Wie der 3. Chrysostonms zeuget.

**Antwort vff der C. Deputaten verkerung vnd lesterung hie wider. Vnd erstlich vff die so sie wider die haltung des 3. Abendmals einbringen.**



## Vom onverstendlichen

C. Deput.  
bekennen  
das deral  
ten Apo-  
stolischen  
gemeinde  
iezige  
Mess ord-  
nung der  
iren zu  
wid seye.

**E**rstlich werfen die C. Deputaten in gemein für  
wider das/ so ich von der haltung vñ auffspie-  
dung de 3. Abendmals geschriben. Ich bringe  
ge her für (wils recht/ wie es ihr Dolmetsch abermal  
ins erger gebesseret hat/ setzen) zurlesterung ihrem  
Christlichen kirchen brauch/ den brauch der anhebent  
den newen kirchen/ da noch kein ordnung vnd gesetz  
der Mess halben gewesen ist. Hęc ita ter miseri, & eorum  
miserabilis interpres.

Du nun fromer Christ/ sehe/ was das für Theolo-  
gen vñnd Dolmetschen sein. Hatt nun die ganze Ge-  
meinde Christi/ von der Apostel zeyten an/ durch alle  
zeyt der Heyligen Martyrer/ bis vff die zeyt Chryso-  
stomi/ das ist/ in ihren aller besten zeyten/ in irer blü-  
enden seligen jugent/ da alle Gottliche ordnung zum  
besten gehalten worden sindt/ kein ordnung/ noch ges-  
etz der Messen halben gehabt/ so müssen ja die Mes-  
sen/ der ordnung vnd gesetz damals nit gewesen/ ge-  
wisslich nit von Christo/ sonder seyther von dem wie  
der Christo vffkommen sein. Paulus hatt ja nit gelou-  
gen/ das er der Gemeinden Gottes/ alle Gottselige  
ordnung/ wie ers vom Herren empfangen/ furgege-  
ben hat/ Acto. xx. vñd i Cor. xij. Secht wie blind vñd  
vnsinnig dise feind Christi sein/ Wie selig weren wir/  
das wir die ordnung vnd gesetz der Messen wider her-  
ten/ die die lieben Gemeinden Gottes zun zeyten der  
Apostel/ Martyrer vñd Vätter gehabt haben.

Vnd weyl dise leuth klage/ das es irem gebrauch/  
zur

zur schmach reychē / das ich die weyse vnnnd haltung in den Messen diser heyligsten handlung des Abentmals Christi / wie die von alten gehalten worden ist / wider herfurbringe / zeugen sie von jnen selb / daß ire weyß / wie wider Gottes wort / also auch wider alle ordnung vnnnd haltung ist / der alten waren Gemeinden Gottes.

Alle ware Gemeinden Christi von anfang / haben die fiirnemen vnd wessenlichen stück / des Abentmals Christi / die Lehr / die Danck sagung / vnd Verkündigung der gaben Christi / sampt der Aufspendung vnd Triesung der 3. Sacramenten gehalten / wie die von Christo dem Herren selb / vnd den Apostolen dargeben sindt. Allein der zeyt vñ maß halbē / das etliche daß 3. Abendmal allein vff die Sonnentag / vnd andere fest etliche auch vff andere tag / etlich kurzere / etlich lengere / etliche mit disen / etlich mit anderen worten / die Lehr / Gebett / vnd Danck sagung gehalten / haben sie die ding nach jedes volck's besserung gemessiget / vnd geenderet.

Die Gemeinden Gottes habē das heilig Abentmal in wesentlichen stücken gleich gehalten / in andern vns gleych.

Es hatt auch daß Gerundense Concili von keiner anderen gleychformigkeyt der Messen / dann so vil die maß der Lehr / Gebett vnnnd Danck sagung belanget / geredt / Auch nitt gefordret / daß alle kirchen inn dem gleyche maß halten sollen / wie die C. Deputaten one warheyt furgaben / sonder allein daß in jeder Provinz / die anderen kirchen mit der Metropolitanischen sich in dem vergleychen solten.

## Vom onuerstendlichen

So will auch ich nicht das jemād hierin mehr / daß  
besserliche freyheyt zugelassen werde / mā lasse allein  
nach / daß aberglaubische anbinden an menschen ge-  
dicht / vnd lasse alles zu warer besserung verordnen.  
Den vermeinten Latinischen Canon / der nichts dann  
ein zusammen gepletzet von den alten gebetten / vñ mit  
neuwen sünden vermischet ding ist / halten iren vil in  
höherer achtung vnd heyligkeyt / Dann das Euang-  
gelion / Etwan wa einer ein wort darin miß redet / ob  
ausfließe / must er sein eygen buß drumb thun / Des 3.  
Euangeli halben hat es die nort gar nit / So vinder  
man auch vnder tausent Messmachern / nit drey / die  
den selbigen iren Canonem verstünden / vnd wissen  
war auff die wort alle gohn sollen.

Die alten haben der gebett vnd des lesens halben  
bey dem heyligen Abentmal mehr nit gefordret / daß  
daß in solichen gebetten nichts wider den glauben se-  
ye / Vnd daß die Priester solche zuvor mit den verffen-  
digeren brüderen conferiert haben / Can. xiii. Concilij  
Carthaginensisij. In ein anderē Cōcilio ist gefordret  
daß solche gebett auch von dem Synodo / als recht er-  
kent werden. Sollicher Synodē haltet man aber nun  
keinen mehr. Summa ist / daß solch gebett vñnd ord-  
nung zū besser vffbarung des glaubens gehalten wer-  
den / das fordret der 3. Geyst / daß begere ich auch /  
Die C. Deputaten vnd ir hauff binden die leuth an vn-  
uerstandene vñnd aberglaubische wort / daß ist abgot-  
tisch vnd zeubrisch.

Weyter klage sie vber das ich von der haltung das  
3.

lesen in den Messen cxvij

3. Abentmals geschriben / man solle bey dem 3. Abentmal allenthalhen die sprachē gebrauchen / welche das volck iedes orts verstohn kan. Sagen disß seye wider die gewonheyt der kirchen / durch so vil zeyten vnd jar bewehret.

Hier vor aber hab ich auß dem 3. Paulo erwysen / daß bey dem 3. Abentmal / oder in einiger anderen gemeinen religion handlung / die man vor dem Christlichen volck oben solle / ein sprach brauchen / die die bey wesenden Christen nit verstohn / ein unsinniger / heidnischer / Abgötischer mißbrauch ist / wider die helle offenbare gebott Gottes / eingefüret / das auch alle 3. Väter bezeugen / Darumb hatt disß nie kein gewonheyt der Gemeinden Christi sein mögen / oder durch einige zeyt beweret / vnd gut werden / Dann wider Gottes gepott kan der mensch nichts gutt machen.

An diser so grewlichen lesterung / nit meiner / sonder der schrift des 3. Geysts / seind dise leuth oncrsetiget / sechten auch an das ich geschriben / man solle die geheymniß Christi bey dem 3. Abentmal / den gewertigen vleyßig erkleren / Sagen man solle dise geheimnüssen mehr an betten / dann erforschen / Vnd es seye nit ieder man gegeben / diese geheimnüssen zu fassen / vnd zu verstohn / sonder seer wenigen / Vnd seye der warheyt vngeleych / daß diese geheimniß in der kirchen ie von allen verstanden seye. Welches ich seze / vnd nymer mehr beweisen möge.

Sehe lieber Christ / solle man auch mit disen leuten in Gottlichem thün einige wort verlieren? Sollen

Die C.  
dep. wols  
len nicht  
daß man  
die ges  
heymniß  
Christi  
bey dem  
Abentmal  
dem volck  
erklere

## Vom vnuerstendlichen

Sollen wir dann die 3. Sacrament entpfahen. Vnd  
nit wissen was/ vnd wa zu wir die entpfahen? Sollen  
wir die wort vnsern Herren Jesu Christi hie von nit  
verstohn? Die wort des ewigen lebens/ die wort die er  
zu seinen jungeren/ vnd nit vergeblich geredt hat/ son  
der das sie die zu ihrem ewigen heyl verstohn solten.  
Wohin treybt doch diese leuth der Geyst des Widers  
christi? Die armen leuth sollen nider fallen vnd anbeten  
wenn ihr zu latein lesen vnd singen/ das ihr offe  
selb nit verstohn. So sagt der 3. Ambrosius/ haben  
die Gözempfassen ir religion gehalten.

Die geheymnüssen Christi sollen wir weder in die  
sen noch in anderen seinen lehren vnd wercken fleisch  
lichs fürwitzes wollen ersuchen vnd ergrunden/ aber  
wa wir sie nit so fern sie der Herre vns zuerkennen für  
gegeben hat/ mit glaubigem verstande/ fassen vnd  
vernemen/ was nutz oder besserung mögen sie vns  
dann bringen. Was vertrauen vnd liebe zu Christo/  
darin alles rechtes verehrē diser geheymnüssen stadt  
werden sie in vns erwecken. Der Herre saget zu seinen  
jungeren/ vnd allen erwelten Gottes/ euch ist gege  
ben die geheymniß des reychs zu wissen/ Dann er  
gleych drauff sagt/ das die vnuerstandene reden von  
seinē reych denen gebüren/ die hören sollen/ vñ nit ver  
stohn/ da nit sie sich auch nit bekerten/ vñ selig werde.

Also finden sich diese C. Deput. in gleycher meinung  
mit dem Barfüßer monich der in einē getruckten buch  
hat wollen beweren/ das man die Gottlichen emper  
in latein/ vnd nit zu deutsch halten solle/ eben mit die  
sem

sem sprach des Herren / Euch ist gegeben / das ir die  
 geheymnüß des himelreichs vernemet / disen ists aber  
 nit gegeben / Math. xi. Item mit dem Math. vij. Ir  
 solt das heyltumb nicht den hunden gebē / vnd ewere  
 perlen solt ir nit für die sewe werffen. Also siehestu  
 fromer Christ / das dise junger / mit Christi / sonder des  
 Widerchristi / die geheyligten Christen / vnd kinder  
 Gottes / denē Gott ir himlischer Vater seinen h. Geist  
 geben hat / das sie wissen kōnden was inen von Gott  
 gegeben ist i. Cor. ij. für verstockte hinwurfing vnd  
 teußels kinder / für hundt vnd sew halten / denē man  
 die Göttlichen wort zu keinē verstandt / sonder allein  
 zūm gericht vñ verdammuß für tragen solle O depasto  
 res gregis Christi dissipatores mysteriorum Dei.

Die geheymnussen Christi werdē wyr wol erst gar  
 verstoñ in jener welt / noch so sollen die getreuwen  
 diener Christi / vñ außspēder der geheimnüssen Gotes  
 den Gotseligen verstant d selbigē / mit aller getreuwen  
 lehr vnd vermanung so weyt bey den kinderen Gots  
 tes bringen / als sie inmer kōndē / vnd sie selv von Gott  
 empfangen haben / Des haben sich zum hochsten beslis  
 sen alle Apostel / vnd alle heylige Lehrer.

Dann in diser heyligen handlung solle alles gemein  
 sein / vnd mit einem geyst verstand vñ andacht / vom  
 priester vnd volck gehandelt werdē / Welches alle als  
 ten h. Vätter / vnd nit allein der fromme wolgelerete vñ  
 beredte Abt Guericus / den ich in meinē vorigen büch  
 angezogē / vñ die C Dep. one vrsach verachtē / geschri  
 ben habe. Das werck des h. Abentmals ist ein werck d

Die C  
 Dep. zelt  
 die frome  
 leyē / vnd  
 die Gots  
 tes wort  
 nit vers  
 stoñ / vñ  
 darumb  
 verdānet  
 sein sollē.

*[Faint handwritten notes in the right margin]*

## Wom onuerstenlichen

gantzen Gemeinden Christi/ nitt allein des priester  
der in dem allein Christo dem Herren vnnnd der gan-  
zen Gemeinden dienst verichten solle. Christus der  
Herre ist da selbzugegē / vnd volbringet die heylig  
des volcks vnd der Sacramenten durch sein eygen  
Krafft. Darumb es nitt giltet / die Apostel mit Christo  
dem Herren / we die C. Deputaten ja auß ihrer ver-  
derbten weyssheyt thun / so vergleychen vnd eins ma-  
chen / als das volck nitt ihrem diener zūvergleychen  
ist / vnnnd ein leib Christi sein solle. Christus ist der  
chte consecrans / der das volck vnnnd die Sacrament  
heyliget / nitt der priester / vnnnd was der priester an di-  
sem werck dienet / dienet er von der gantzen Gemein-  
wegen. Darumb auch der H. Augustinus sagt / Die Ge-  
meinde seye die / die opfre vnd geopfret werde.

Damitt du aber sehest / was die gantz H. Christli-  
che Gemeinde vß diser gemeinschafft des volcks mit  
dem priester erkennet vnnnd gehalten habe / so will ich  
hie die zeugniß des H. Chrystomi erzelen / der hatt als  
so geschriben in der xviij. Homeli vber die andere Ep-  
pistel zū Corintheren.

**Merck**  
im H. A-  
bendmal  
ist kein vn-  
derscheid  
zwischen  
priester  
vnd leyē.

Es ist / da der priester von der vnderthonen kei-  
nen vnderseyde hatt / Als wenn sie sich der hochwei-  
digen geheymnissen gebrauchen vnnnd niessen sollen.  
Dann wir zu den selbigen alle zugleych zugelassen  
werden. Es ist nitt wie im alten Testament / da der  
priester dieses asse / der vnderthon ein anders / vnd nitt  
zugegeben ward / das daß volck von densē dingen teyl  
empfangē

entpfangen mochte, deren der Priester tellhafftig war. Aber nun ist's nit also. Sonder allen wirdt ein leyb fürgelegt, vnd ein trinckgeschirr. Vnnd in den gebetten sieht man das das volck vil mit opffret. Dan für die vom bösen geyst eingetryben werden, vnd für die in der büß sindt, geschehen gemeine gebett, von dem Priester, vnnd von dem volck, vnnd alle sprechen ein gebett, ein gebett voller barmherzigkeit. Widerumb nach dem wir von dem 3. Chor abgeschafft haben, die des 3. Tisch nit mögen teylhafft sein, vnnd man ein ander gepet thun solle, so ligen wir alle zu gleych vff der erden, stohn alle zu gleych wider vff. Als man den friden entpfahen, vnd geben solle, so grüssen wir zu gleych alle einander. Vnd in den hochwürdigen geseynmissen, wünschet der Priester dem volck, vnnd wünschet das volck dem Priester. Dann das das volck sagt, Vnd mit deinem geyst, ist anders nichts, dan die ding so in der danckfagung geredt werden, sollen gemein seyn. Denn er, der Priester nit allein danckfaget, sonder auch alles volck. Dann er nimet vor ihre stimen an, vnd setzet demnach sein, vnd ihr danckfagen zu samen, damit es würdiglich vnnd recht geschehe, vnd als dann fahet er die danckfagung an. Vnnd wunderstu du dich, das das volck des ort's mit dem Priester redet, so es doch alda auch mit den Cherubin, vñ gewaltigen geystern in der höhe, die heyligen lobgesang gemeinlich opffret. Hæc ille.

Die hastu einen theuren zeugen, von der waren halbung der war Christliche Gemeinden, den kein Christ

Mercke  
nun ist nit  
also.

Allen ein  
leyb/alle  
ein träck.

Sehe w3  
opffren  
seye.

Alle ein  
gebet.

Sihe das  
volck sagt  
et cum spi  
ritu tuo.

Mercke  
auch alles  
volck.



## Von onuerstendlichen

verwerffenn wirdt/ wie auch alle / so der **H.** Väter  
schiffte gelesen/wol wissenn / das er die warheyt zeu-  
get/ Vñ sichst in dieser zeugnüß klar/ das man in einer  
versamlung zūmal allein ein Abentmal halten/ vnd al-  
len ein brot/ vñ ein kelch des Herre fürgeben solle/ Jed  
das in di- sem Ampt des **H.** Abentmals/ Lehre/ Gepet/  
Dancksa- zung/ Grüß vnd Tießung beyder Sacrame-  
ten/ vno alles/ so in diesem ampt geübet würdt / dem  
Priester/ vnd volck gemein sein solle.

Die wort  
des Her-  
ren/ Dies  
met das  
ist mein  
leyb solle  
offentlich  
zūm volck  
gesprochē  
werden.

Daher ifts/ da noch heutigs tags dieser brauch bey  
den Griechen gehalten würdt/ wie er auch bey den al-  
ten Lateinischen gewesen ist/ des wir in **H.** Ambrosio  
vnd Augustino zeugnüß haben / das der Priester die  
wort des Herre/ Nemen vñ essen das ist meyn leib/ &c.  
mit lauter verstendlicher stimmen fürsagt / Vnd das  
volck/ Amen / darauff antwortet. Welches auch das  
Gottes wort im **H.** Paulo hievor angezogen genüge-  
sam lehret / das so klar fordret / das in jeder versam-  
lung Christi/ alle Lehr/ Gepet/ Segnen/ vnd Danck-  
sagen/ dermassen fürgesprochen vñ gesungen werde/  
das der leye seyn Amen darauff antworten kōnde/ mit  
heller bezeugung/ das sunst den leyen nichts bessere/  
wiewol man bette vnd dancksa- ge.

Auß dem erkenne Christlicher leser / auß was greyße  
die **C.** Deputaten hiewider schreiben/ vnd wōllen man  
solle diese gcheymnüssen dem volck Christi mit der lau-  
teinischen sprachen/ vnd irem stillen wißblen verchla-  
gen/ vnd es lehren diese ding anbetten/ die es nit ver-  
stah.

lesen in den Messen.  
Von den Winckelmessen.

cxx

**F**ür die besonderen vnd winckelmessen / vnd das man deren sil zu mal in eyner kirchen halten möge / wolten die C. Deputaten auch gern etwas fürbringen / so haben sie nichts / Schemen sich diewyl nicht mit offenbarer vnwarheyt vor dem einfeltigen volck zu gangken / vñ zu schreyben das etlich sil Canones auß den eltisten vetteren ins decret gezogen / de Const. distin. i. anzeygenn / das dise verterte gewonheyt / auch bey den alten in der kirchen gewesen seye. Das aber nit ist / dann einiger Canon des orts eingefüret / auß den alten / oder neuen Väteren ein wort dauon nit zeuget. Lese vnd richte selb frommer leser / Vñ das wissen sie selb war sein / darumb haben sye keinen neuen oder besonders anziehen döffen.

Etliche Canones reden wol von besonderen Messen / die man etwan in besonderen betthuseren / für besondere personen / vnd nit in der algemeinen kirchen / vor der gangzen versamlung gehalten hat / die selbige Messen aber hat man nie on communicanten / oder auch in einem tempel deren zumal meer dann eine gehalten.

Die altē Christē so zu ein komē mochtē / vñ sich in einē tempel versamlē / wie die sich vor dē herren erkennetē ein leib vñ ein brot sein / also habē sie auch von einē Sacramēt alle genossen / fren einigē Christū / Vñ wie der enigē Christus inen zum heylandt / vñ speys des ewig lebēs / also ist inen auch ein Sacramēt vñ Abentmal /

Offenbare onwarheyt der C. Deputaten.

Was besonder Messen.

In einer versamlung allein ein sacrament.

nach

## Vom onuerstendlichen

nach seyner einsetzung genüg gewesen / disen jren Christi  
stum darinn zu entpfahen. Es wirdt wol weder das  
Sacrament / noch Christus an jm selbst geteylet / ob  
man schon das 3. Abentmal an vielen orten zumal halte  
tet / die Christen aber halten sich des befehls jres Her  
ren / thün im 3. Abentmal das er gethon / vñ gelehret  
hat. Er aber hat in seyner versammlung / seyner iünger  
ren nur ein Sacrament allen außgespendet. Wo dann  
die Christen in eyner versammlung alle von eynem Sa  
crament die gemeinschafft des leibs vnd blüts Christi  
entpfahen mögen / warum solten sie doch zwey / oder  
drey anrichten? Were das nit fallen in die straffe des  
3. geysts / vns durch den 3. Apostel / j. Corinth. xj. dar  
gegeben an den Corinthern / bey denen jede roth ihr  
eygen Abentmal hielt / Welche der geyst Gottes so  
hart straffet / das er sagt / sie hielten nicht meer das  
Abentmal Christi? Ja zeyget solichs nit an / ein tren  
nung / wie jren selbst / die in eyner kirchen meer dan eyn  
Abentmal halten wolte / also auch Christi / des einiger  
leyb sie sein sollen / vnd darumb von eynem Sacra  
ment seine gemeinschafft entpfahē: Sehe das vrtheil  
Gottes an / j. Corinth. xj. vnd j.

Darum wie Messen on außspendung der 3. Sacra  
mentem / also wirdt auch das keyn Abentmal Christi  
seyñ / wann man in eyner versammlung / in deren alle ge  
genwertigen eynes Sacraments wol teylhafftig sein  
möchten / wille zu mal meer dann eyns haltent. Dis  
zeuget Paulus / vnd schleust sich auß dem / das dis ein  
lein

lein des 3. Abentmal mage vnd solle erkennen vnd gehalten werden/ das man also haltet/ wie es der Herr gehalten/ vnd zu halten gebotten hat.

**Vff das sie wider das Christliche außspenden vnd niessen der 3. Sacramenten geschriben haben.**

**E**rstlich damit sie iren geyst gleich wol her auß lassen/ tadlen sie/ das ich geschriben habe/ das im 3. Abentmal drey ding außgespendet werden/ Die zeychen/ brot vnd wein/ Die gaben/ der leyb vnd das blüt vnser Herrien Jesu/ Vnd bestertigung des newen Testamets/ verzeyhung der sünden/ Sagen/ das weder die schufft/ noch die Vätter dieser weyß zu reden gebrauchen. Vnd stahet doch klar im Luca vnd paulo/ das der Herr als er den kelch gabe/ vnd hiesse sie alle drauß drincken/ sagte. Das ist das new Testament in meinem blüt. Welches ja in sich hat verzeyhung der sünden. Dann wie der 3. Ambrosius de penitentia lib. 2. cap. 3. Darvon geschriben/ also habens erkennen/ vñ geprediget gemeinlich alle 3. Vätter/ das wir im 3. Abentmal verzeyhung der sünden entpfahen/ Darumb ifts nit allein recht/ sonder notwendig geredt/ nit newe vffkommen/ sonder vom Herrien im anfang also fürgebenn/ das wir im 3. Abentmal drey ding entpfahen/ Brot vnd wein/ Den leyb vnd das blüt des Herren/ Vnd dadurch

Im 3. Abentmal entpfahet man verzeyhung der sünden

## Von vnuerstendlichen

auch seynenn verdienst / vnnnd erlösung / die gened  
vnnnd bestertigung des neuwen Testaments / verzey  
hung der sünden.

Die C. Deputaten weyl sie nit brot vnd weyn da la  
sen / sonder setzen einn verendrung des brots vnnnd  
weins / vnd dann das aller gröste / die frucht des Sa  
craments / bestertigung des neuwen Testaments / ab  
schneidenn / bringen sie ein neuwe verderbliche weyß  
für / von diesem h. Sacrament zü reden.

Don der  
Transub  
stantiatio  
verwand  
lung brot/  
vñ weins

Tamē es  
sen d̄ desi  
nit substā  
tia vel na  
tura pas  
nis et vi  
ni.

Vom gedicht der Transubstantiation / das noch  
nieman je hat gewislich erklaren kondē / was es doch  
sein solle / will ich mit der hylff Gottes ihm Latein  
schen Bericht genügsame antwort geben. Die alten  
Vätter vnnnd Papst Gelasius / wider die Luthycher  
von den zweyē naturen in Christo / zeuge / wie in Chri  
sto dem Herren / beyde naturen / Gottliche vnd men  
schliche / vnuermischet vnnnd ganz bleyben / das also  
im h. Sacrament bleybe auch die natur / vnd Sub  
stantz des brots vnnnd weyns / vnnnd werde vns doch  
die gemeinschafft Christi vnser Herren damit mit ge  
teylet. Es ist kein natürliche / sonder ein geystliche  
verendrung der zeychen / Also / das so die vor niches  
dann brot vnnnd wein waren / wir nach dem wort des  
Herren seyn leyb vnnnd blüt da haben vnd entpfahen /  
vnnnd nit allein brot vnnnd wein / diß ist ja ein grosse en  
derung / Von welcher die lieben Vätter erwan her  
lich geredt haben / aber im rechten verstand / Als das  
aber die nachkommen nit verstanden / haben sie ihz vn  
entlich / vnnnd vnerorterts gedicht der Transubstanti  
ation

lesen in den Messen. cxvij  
tiation herfürbracht. Davon aber in der Lateinischen  
antwort.

## Wie beyde gestalt der H. Sa cramenten von nöten.

**D**ie C. Deputaten Sagen/ ich schreybe / das  
beyde gestalt im H. Abendmal entpfahen/  
seye allen Christen von nöten / Vrtheylen  
dann diß seye ein ketzerische lehr. Vnnd alle die beyde  
gestalt des H. Sacraments geben vnnd entpfahen /  
seien Scismatici, trennen sich von gehorsam vnnd eynig-  
kheydt der kirchen.

Nun last aber sehen wie sie diß bewerren / Sagen/  
Es seyen die gaben Gottes / nit die zeychen zum heyl  
von nöten / Das ist wol zum gütten verstandt war /  
Wie aber? Wolten jr denen auch das heyl Christi zu-  
sprechen / die das zeychen des heyligen Tauffs / vnd  
dis ganzen Sacrament des leybs vnnd blüts Christi  
nimmer entpfahen wolten / so sie die doch wol entpfas-  
hen möchten / vnnd sagten wie ihr / Ey nit die zey-  
chen / sonder die bezeychneten gaben Gottes sind zum  
heyl von nöten? Wir wissen wol das an im selb vns  
zum heyl nichts von nöten ist / dann die gnad vnnd  
gemeinschaft Christi / in warem glauben ergriffen vñ  
gefaßet. Wa ist aber warer glaube an Christum /  
wenn man seyne ordnung so freuenlich vbertrittet?

H ij Das

## Vom onuerstendlichen

Gepott  
des herre  
von beyd  
gestalt.

Das klare gebot des Herzen stah da / Das / das  
das / ich euch gethon / das thun mir zu gedechtniß /  
vnd nichts anders / dann wir nichts zu des Herzen  
worten / noch dar von / zu thun habē / Deut. iij. Sie  
oben hastu wieder h. Martyr Cyprianus / vff diß /  
Das thut / tringet.

Thun ist's offenbar vnd aller ding vnuerneinlich /  
das der Herz die gemeinschafft seynes bluts / allen jün-  
geren / mit dem kelch gegeben / darumb werden Keyne  
menschen / die seyne Püester vnd jünger sein wollen /  
jemmer meer anders thun / wenn sie des befelhs Christi  
recht berichtet sindt.

Über das spricht der Herz zu seynen jüngerem als er  
ihnen den kelch reychet / Drincken alle darauß. Vnd  
hat ihnen das nit als Püesteren / sondern alles seynen  
jüngerem gebotten / vnd in ihrer personen allen. Chi-  
sten / allen die auch seyne jünger sein wollen.

Welches sich vnuerneinlich erweyset / auß dem das  
der h. Apostel allen Corinthen / Leyen vnd Cleri-  
cen / ihren mißbrauch am heyligen Abendmal zu befe-  
hern / die ganze einsatzung der h. Sacramentem /  
so wol des kelchs / als des brots des Herzen zü betra-  
chten / für gestellet / vnd jnen damit bezeuget hat / das  
sie alle schuldig wären sich dieser einsatzung des Her-  
ren genzlich zu halten / vnd daran nichts zu endern /  
Darum sagt er zu inē allen in gemein / Wenn jr diß brot  
essen / vñ diesen kelch drinckē / verkündiget jr den tod  
des Herze. Item / Wer vnwürdig diß brot isset / vñ den  
kelch

kelch des Herren trincket. Item, Es bewere sich der mensch selbst, vñnd esse als dann von disem brot, vñnd trincke von disem kelch. Der mensch, sagt er, nit der priester allein. Item, wer vnwürdig isset vñnd trincket, oder isset vñnd trincket im das gericht. Sagt nit allein, wer isset, sonder auch wer trincket. Sehe dis alles schreybet der h. Apostel zu allen Corinthen ihñn gemein, mit allein den priestereñ.

Also im zehenden Capitel, da er die Corinthier auch in gemein von gemeinschafft der Gözenopfer wolte abziehen, würffte er inen allen für, so wol die gemeinschafft des bluts Christi, die sie entpfingen auß dem kelch der Dancksagung, als des leibs Christi, den sie entpfingen ihm brot brechen. Vñnd gilt dawider nichts, das der Apostel des orts hernaher des brots allein gedēcket. Als er spricht, Ein brot, ein leyb sindt wir vil. Dann wir alle eines brodts teylhafftig sein. Dann der Apostel zu vor den kelch der Dancksagung allen gemein gemacht hat, wie er gesagt. Ist der nit die gemeinschafft des bluts Christi? Da durch er die Corinthier alle, von der gemeinschafft des kelchs der Gözen hat abschreckē wollen. Wie er her naher auch sagt, Ir möget mit den kelch des Herren trincken, vñnd den kelch des tenfels. In welche wortē er ja den kelch des Herren gleich so wol, als den tisch des Herren, allen Christen zu Corintho gemein machet.

Darumb es eben schimpfflich ist, das auch die C. Depuraten dis ort für iren mißbrauch haben anziehen dorffen. Der Apostel setzet auch im xi. Capite. den leib



## Vom ommerstendlichen

allein, als er sagt, Wie das gericht essen vnd trinckē die vnwidrig essen vñ drinckē, Darüb das sie den leib des herre mit vnderscheidē, geschweiget da das blüt. Wer wolt aber darüb sagen, das er des orts von einer cōmunion des leibs allein geredt hette, die weil er das blüt zum or so offte vñ getrucket hat. Also k̄ auch niemā auß dē, das der Apostel im 1. cap. an einē ort, des brots allein gedēcket, schließē, das er da rede vō einer cōmunion die allein mit brot geschēhē sei, weyl d̄ Apostel dē kelch vor vnd nach auß trucklich hin bey gesezter hatt.

Welches er auch im xij. Capit. diser Epistel gethon hat. Wir alle, sagt er, sein in einem Geist zu einem leib geteuffet, es seyen Juden, oder Griechen, es seyen leybeygen oder freyenn. Vnd sind alle zu einem geist getrencket, Nemlich durch den kelch des blüts Christi. Wie diß auch der 3. Chrysostronus auß leget. In dem der Apostel den kelch des herre, mit weniger alle Christē gemein machet, daß den tauff, vñ den 3. geist

In dem allen nun sihestu frömer Christ was der liebe Apostel vom herren entfangen, vnd wie den Corintheren, so auch allen Christen für gegeben hat, als die einsetzung vnd ordnung vnser herren Jesu Christi, an derē die menschen, wer die ioch seyen, daß wenig est nit zū enderen haben, wie der 3. Martyr Cyprianus vnwidersprechlich erweisen hat, in der Epistel, davon ich hienor ein vñ zug verdolmetschet habe.

Vnd hie bey erkenne auch wie vnuer schemet, vñ freylich rasend, der Cölnisch Licētiat, so sich Mathis von Ach nent, geschriben vnd gelestret habe. In seinem offen truck wider mich diese tag außgangen. Es

Am 112.  
vnd 113.  
blat.

seye ein grobe öffentliche lügen / daß der H. Paulus allen Corinthern ingemein gesagt solt haben / daselbig zu thun / daß Christus im letzten nachtmal gethan hat. Item / das der H. Paulus solt diß H. Sacrament den Corinthern gegeben haben vnder beyder gestalt.

Matthias  
sen von  
Ich vns  
uerschem  
te Gottes  
lesterung.

Nitt vil weyser sind die diß Sacrament verkeren / verteydigen wollen auß dem / das der Euangelist Lucas allein das brot brechen des Herren meldet zu Emauß. So doch nitt gewyß ist / das der Herr damals seinen leyb gegeben habe / Vnd ob schon das were / wer wil sagen / das er inen mit sein blüt im kelch auch mit gegeben habe. Vnd ob das auch mit geschehen / So haben wir doch mit den wunderthaten / sonder der clarē ordnung / vñ befelch Christi zu folgē.

Solche doctoren sollen haben die sich wider das reich Christi setzen / Du aber frommer Christ hast auß den Worten vnsers Herren Christi selb / vnd seines lieben Pauli wol zu erkenen / daß wie ich dirs dargegebē habe / die ordnung vnd einsetzung ist vnsers Herren Jesu Christi / deren sich auch alle ware Christliche Bischoff alweg gehalten habē / des man bey allen heyligē Väteren / clare vñ vnwidersprechliche zeugniß hat.

Vnd was solle ich von den alten H. Väteren sagē? Wir haben doch auch in den Statuten der Carther / Præmonstratenser / vnd viler ander Orden die nit vber eccc. jar alt sein / daß man das blüt des Herren noch zu ihren zeyten den Layen ausgespendet hatt. So hatt man noch in vilen kirchen sylbern rörlin / die man da zu gebrauchet hatt. Also hatt man des auch zeugniß in den alten messbüchern / deren ich eins hie zu

## Vom onuerstentlichen

Parce 3.  
c. 80. art.  
12.

In etliche  
nit in als  
len/ ia nit  
in vilen.

Bonn gesehen hab. Ja noch zunzeyten Thomaz Aquinas hat man den brauch Christi in vilen kirchen gehalten/ Dann da er den gegen mißbrauch beschirmen will/ auß der so gar nichtigen vrsachen der vermeinten gewarsamteyt/ da mit nichts verschuttet werde/ sagt er/ Darumb wirdt es in etlichen kirchen / in quibuldam Ecclesijs gehalten/ daß man dem volck daß blut Christi nit gebe.

Weil nun dem also/ das vnser Herz Christus die außspendung vñ niessung beyder Sacramenten allen Christen verordnet vñ gebottē hat/ wie das die lieben Evangelisten vnd der Apostel Paulus so hell vnd klar bezeugen/ vnd es auch also erkennen vnd gehalten haben alle Christlichen Gemeinden / da sie nach durch warer Bischoffe versehen worden sind/ so werden alle die vnseren Herren vnd Heylandt Christum / auch für iren heylandt halten / soliche seine einsetzung vnd gepot/ neimer mehr vbertrettē mögen/ Sonder werden derer haltung so nottwendig zum heyl erkennen/ als aller seiner anderen gebotten von enserlichen dingen/ Darnemblich dise ordnung des Herren niemand on verlust seines heils nachlassen mag/ wen er sie erkennen vñ halten kan/ dann es ein schwäres Sacilegium were/ wie Papsst Gelasius recht erkennet hat/ Wenn es aber nit möglich ist/ da hatt der Herz ja daß heyl daran nicht gebunden/ als wenig als an daß ganze Sacrament/ oder einiges enserliches thun. Also halten vñ leben wir von der nottwendigkeit der Außspendung vñ Niessung beyder Sacramenten.

Das

Das aber die C. Deputaten, diese notwendigkeit des ganzen Sacraments züvernichten, einführen. Es entpfahen doch die layen daß blut Christi im leyb Christi, wa für sie dan des kelchs bedörffen: Antwort, Sie mögen auch wol den leyb vnd daß blüt des Herren im glauben, ohn alle Sacrament entpfahen, solle man darumb die Sacrament gar abthun, oder sie nicht, wenn man kan, entpfahen: Item, So auch die prierster mit dem Sacrament des leybs allein, daß ganze opfer Christi representieren, opfren, vnnnd alles daß thun mögen, daß sie ihnen in dem züthun anmassen, (dan da ist ie der ganze Christus mit leyb vnnnd blüt, vnd allem dem das er ist vnd hatt), was dürffen dan auch sie des kelchs in jren Messen: Sie möchten in ja auch verschütten, wie oft geschehen.

Weyster sagen sie, wann es so nottwendig were, das 3. Sacrament aufhüspenden, wie es der Herz außgespendet hat, so müst man auch die füß vor weschē vnd die zeyt vngeshöfflet brot essen. Der fromie Christ sicht aber wol, warauff daß gebot Christ goht, Das thun mir zu gedechtniß, Nemlich allein vff die Außspendung, vnd Uießung beyder Sacramenten, mitt Lehr vnd Danck sagung, in dem das Gebett auch begriffen wirdt. Nit vff andere vorgohnde, vnd neben vbingen, zeyt oder weyß, die zum alten Testament gehört, oder sondere Sacrament sindt, wie dan daß fußweschē ware, als auch der 3. Bernardus zeuget. Aber diß Gottloß spielen mitt Gotteswort vnnnd, befehl, werden alle fromen kinder Gores den feindē Ji Christi

## Vom onuerstendlichen

Christi lassen/ vnd Gott irem himlischen Vatter gehorchen/ der von seinem lieben son Christo/ vnß also gebotten hat/ Den solt ir hören/ Vnd wie der seinen Apostelen befohlen hat/ werden sie sich des claren befehls Christi bey dem H. Abentmal nit weniger denn in anderē/ mit aller Gotes forcht halten/ wann inen das möglich ist/ vnangesehen was alle menschē/ Conciliē/ vñ gewonheit da gegē se einbracht habē/ od einbringē mögen/ Dañ sie Christo ires guten hirtē/ mit der fremden stim hören vñ folgen/ So vil vō der nottwendigē zeit des ganzen Sacraments / außzuspēden vnd zu entpfahen.

¶ Nun sehe was die C. Dep. darwid einbringē/ Erstlich vndstohn sie anzuzeygen das diß Sacrilegium vñ Gottloser mißbrauch des gehalbirten Sacraments/ alt seye/ darnach daß er auch so angenomē vñ bewert seye/ von der Christlichen Gemeindē/ daß sich der von Christlicher Gemeindē trennet / der den warē brauch Christi wider annimmet. Daß aber diser mißbrauch solte alt sein/ vnderstohn sie (sehe wie Gott die feinde seiner warheyt blendet) durch daß zubewerē/ daß Papsst Gelasius darwid so ernstlich vor tausent jarē geschriben hat. Sie sagen vnd dem Gelasio seye diße gewonheit gewesen. Gelasius aber straffet die den leyb des Heren entpfingē/ vnd sich des kelch enthielean/ so hart/ das er sagt/ solchs seie auß aberglaubē geschēhē/ vñ seye ein groß Sacrilegiū/ gebentet darumb/ daß man die soliches thun / von dem Sacrament gar abhalten solle/ das ist verbannen. Sehe solich eerlich bewerē herkommen hat die gewonheit/ deren sich diese leut ruh

men. Vñ das Gelasius diß nit allein von priestern wie es Thomas vñ die altē Sophistē fürgeben / sond von allem Christlichen volck rede / wirdt ein jed Christ selb wol erkennen / vñ disen sentēz Gelasij liest. Es werden auch alle feinde der ordnung Christi einigē bedachten vñ ansehnliche anfang dises mißbrauchs nimer mehr anzeigen konden.

In den lezten zeytē / da die ware seelsorg so gar verfallen / hat etwan ein vnbesonnener priester den kelch im darreychen verschütet / vñ dan solichs hinfüre zu verbieten / das hüpsch gedicht her fürbracht / im leyb seye doch auch das blüt / so dann die Leyen das blüt Christi im leyb wol one gefahr solichs verschüttens empfangen mögen / so seye weger man gebe den Leyē den kelch nicht. Thomas zwar der doch gern die bestē vrsachen bringet / wenn es die sachen geben mögen / gibet keine andere vrsachen.

Ferner schreiben sie / man habe vorzeyten den abwesenden vñ trancken das Sacrament gesendet in einer gestalt / welches nit schwer sey zu erweyssen auß vilen Canonibus / vñ allgemeinen Concilien. Wie heysen aber die selbigen Canones vñ Concilia? Sie sind ja euch zu schwer anzuzeigen. Wa anders / so nennen doch eines? Alphonsus schemet sich hic nicht anzuziehen / daß wir lesen in Ecclesiastica historia lib. vj. ca. 33. Wie ein priester einem trancke habe mit einem knaben ein eingegossens vom Sacramēt gesant. Erat infusum. Vade: war das eingossen nit vom kelch des herren: Dieser gelehrer beredter man / zeucht auch für ein argumēt

## Vom onuerstendtliehen

deß alters dises Sacrilegij an/ daß wir seinen anfang  
niet wissen anzuzeygen / So doch jm/ vnnnd anderen  
die sich vndernehmen diß Sacrilegium alt vnnnd güt zu  
machen/ zü stahet / seinen anfang/ vnnnd bewerten an-  
fang/ zuerweyßen / Vns ist genug daß wyr erwissen  
haben / das diß ein offenbare verkerung ist der einset-  
zung Christi / vnerhört in den alten besseren zeyten  
der kirchen/ vnd verlengest verdampft ist/ vnd als ein  
Sacrilegium verdamnet.

Aber es seye dieser mißbrauch vnnnd verkerung des  
h Sacraments gleich seeralt/ vnd aller welt gemein  
gewesen/ so lang es die C Deputaten selb erdichten  
dörffen/ mögen sie darumb Christen leuthe für recht/  
vnd güt erkennen Tausent jar/ vnnnd so lang die welt  
gestanden ist/ vnrecht gethan/ vñ weñs schon alle me-  
schen auff erden gethan haben/ vnnnd thün/ werde nie  
recht. Der liebe Cyprianus schreybet/ vnnnd ist war/  
Epist viij. lib. j. Ehbrecherisch/ Gottloß/ Gottesraub  
.i. sacrilegium ist/ alles das auß menschlicher vnwis-  
sigkeyt angericht würdt/ das die Göttlich ordnung  
verleztet würdt. Furor humanus, non sapientia est, nõ cul-  
tus Dei, sed abominatio Deo, uerbo Domini addere quic-  
quam, uel detrahere.

Die C. Deputaten sagen aber ihre kirchen hebe deß  
macht/ vnd weyl dieser mißbrauch/ so vil jar in der kir-  
chen angenommen gewesen seye/ vnd durch den langen  
brauch bestetiget worden/ heben ihn billich das Cos-  
stentzer vnd Basler Conciliū bestetiget/ Vnd daß die  
kirch die traditiones auß rechtē vr sachē endere/ die Leh-  
re

re vunerlezet (Verstohn vileicht durch die traditiones  
eussere ordnungen) solle niemant frembd duncken, od  
der regel der kirchen vngemes. Die Apostel habens  
auch gethan, Als sie getaufft haben im namen Jesu  
Christi, so der Herr doch befohlen hatte zu tauffen  
im namen des Vatters, Süns, vnd h. Geysts. Item  
da Paulus vnd die kirchen, die notwendige satzung  
des h. Geysts vnd Christi, von nichts ersticketes vnd  
blüt essen, gar ab than haben. Item da Paulus das  
h. Abentmal niechtern zu halten, vnd zu entpfahen  
geordnet hatte.

Got erlöse sein volck von diesen zerstörern Götlichs  
gesetz, vñ aller Religion Christi. Ist das am h. Abent  
mal etwas geendiet, die süglichste zeit darzu ordnen?  
Hat dann der Herr gesagt, thün diß, zu der, oder an  
der zejt. Er hat gesagt thün das, mit thüms dan. Itē  
ist der zusatz in der ordnung des h. Geysts, sich zu ent  
halten von Hürerey vnd Götzen opffer, das sich die  
Christen von den Heyden, die bey den Juden waren,  
des ersticketen vnd blüts enthalten solten, biß soliche  
eussere gebot Mose mit friden gar abkemen, vnd die  
gemeinschafft der Juden vnd Heyden in Christo bass  
erstercke, dem zu gleichen, das vns vnser Herr Jes  
sus Christus sein h. Blüt, mit seynem kelch zu geben  
verordnet hat, vnd gesaget, trincket darauß alle, das  
ist das neuwe Testament 10. Oder wa habt jr Gottes  
wort von diesem allerheiligsten Sacrament, das jr es  
gang oder halb geben mögen, wie es euch gefalle, als  
ir von aller speyß habenn, Den reynen ist alles rein.



## Vom onuerstendlichen

Wie gelert vnd achtſam ſeyt jr dan in dieſen dinge/ das jr auß dem/ das Lucas ſchreibet/ die Apoſtel haben die leuth im namen Jeſu getauffet/ fürgeben das ſie nit im namen des Vatters Süns vñ h. Geiſt getauffet habe. Im namen Chriſti tauſſen/ iſt tauſſe wie er es befohlen hat/ im namē des Vatters/ Süns / vnd h. Geiſts / nit im nammen des Herren Jeſu allein / welches von Apoſtolen Lucas auch nit zeuget.

Darumb haben die C. Deputaten / vñnd andere Sophiſten mit dieſen argumenten noch nit erwoſen/ vñnd werdens auch niñer meer irgēdt auß erwoſen/ das die Chriſtliche Gemein macht haben ſolte/ eynige ordnung vnſers Herren Jeſu Chriſti zū enderē. Der Herr iſt ja weyß genüg gewesen/ das er ſeine ordnūg ſo hat geben kōnden / das ſie keyner menſchlichen beſſerung beddiffe. So hat er geſagt durch ſeyn liebn Paulum. So offte ihz diß brot eſſen / vñnd dieſen kelch trincken (mercke auch dieſen kelch trinckenn) verkünden ihr den todt des Herren biß er komet. Nemlich zū ſeinem herlichen gericht/ das euch / vñnd allen verkereren ſeyner ordnung ontreglich ſein wirdt.

Darumb werden alle war Chriſtliche Gemeinden/ denē die diener des widerchriſts die wort vñnd Sacramenten Chriſti nit ſtelen vñnd rauben / wie das der h. Cyprianus ſchifflich nennet / zur gedechtnūß Chriſti/ beyde das Brot des Herren eſſen/ vñnd ſeynen kelch trincken / biß an den jüngſten tag / wie das der Herr geord

geordnet, vnd die Apostel vom Herren empfangen/  
vnd wie den Corinthen / also vns allen in aller  
welt, biß der Herr wider Romer, zü haltē fürgegeben  
hat, vnangesehen was da wider alle menschen vnd  
Engel vom Himmel immer fürgeben, oder gebrauchte  
haben, oder noch fürgeben vnd gebrauchten.

Aber sagen an ihr geleerten von Cöllen, welche  
mögen doch die vernunfftigen rechten vrsachen sein,  
die iustæ causæ, die in zeyten der letzten fünfternüss/  
vnd irsals, die abergleubischen Püester vnd Pie  
laten, wie sie Papst Gelasius billich nennet, oder so  
gar weltlichen, vn̄ oft Epicurischen, zü diesem gros  
sen vnd schweren Sacrilegio der halbierung des hoch  
würdigenn Sacraments, verursachet haben, So  
doch die selbigen vrsachen, gar nichts bewegt haben,  
die waren getreuwen diener Christi, vnd rechten Bi  
schoffe, zün zeyten da das liecht des Euangeli in der  
Gemeinden Gottes noch heyter schine, vnd mit men  
schliche neblen nit so schwer vertuncklet ware: Wollē  
sie mit Thoma die gefahr des verschüttēs in der men  
ge des volcks vnd der kinder fürwenden: Die alten lie  
ben Bischoffe zü Rom, zü Constantinopel, zü Mey  
landt, vnd in anderen grossen stetten, haben vil mehr  
volcks, vnd jünger kinder mit dem kelch Christi berich  
tet, Dann die hernaher dem Herren seyn. 3. Sacra  
ment gefelschet haben, Dann die alten Christen vil  
offter communiciert haben, dann zün zeytem des  
halbirtten Sacraments. Doch haben diese 3. Vätter  
solliche

## Vom onuerstendlichen

soliche gefahr des verschüttens, nicht geachtet, die doch zu der waren eh: des H. Sacraments recht eyffrig, auch klug vnd fürsichtig waren.

Wöllen sie dann fürwenden mit dem Gersono, Es gepüre sich mit diesem halbieren des Sacraments die Priesterlich würde zu erhalten. So stehet der H. Chrysostomus dagegen, vnnnd zeuget im namen der ganzen Christenheit, das im newen Testament der Priester in diesem Sacrament vor dem volck keyn ortheyl haben, sonder das da alles gemein sein solle.

Wöllen sie dann die vrsach fürwenden, das man damit den glauben bestettigern wölle, das der leib Christi nit one blüt seye. Daran hat doch niemand je gezweyfflet, vnnnd allein auß irem Gottlosen freuelichschreyben die C. Deputaten, vnd jr hauffe, von nit vnnnd anderen, wir trennen den leib vnnnd das blüt des Herren.

Wa finden sich da, die so wichtigen grossen vrsachen, welche euwere vorfaren, vnnnd euch bewegt haben, vñ bewegen, vnserem Herren Jesu Christo seyne heylsamen ordnung also zu zerreißen? Seyne rechte vñ zucht hin zu werffen, seyner heyligen Gemein seyne wort vnd Sacrament zu stelen, wie euch deß alles der H. Cyprianus schriftlich schiltet:

Vrsachen  
des Herrens  
Fommens  
der halbirung  
des  
H. Sacra  
ments.

Papst Gelasius zeyget die rechte vrsachen an des Herrens Fommens dieses Sacriligij, den Aberglauben. Dan nichts dan Aberglauben war es, so seer scheuwen die gefahr des verschüttens, das sie darumb die Götlich einsetzung des Sacraments haben enderen döffen.

Das

Das aber die C. Deputaten mit den iren so droh hal-  
 ten/ vñ leystren döiffen/ wer jr Sacrilegium verlasse / vñ  
 sich der einsetzung Christi halte/ das der ein abtrünnt  
 ger sey von der Gemeindē Christi/ ist das die vrsache/  
 Sie wollen aller ding herschen vber das erb Christi/  
 vnd was sie ein mal in mißbrauch der kirchen angeno-  
 men/ das seye geschehen/ auß was aberglauben/ auß  
 was vnwissenheit / ja vnsinnigkeyt / auß was geitz/  
 vnd bracht es wölle / wie das der geyst des wider-  
 christis jmer hat einbringen mögē/ das wöllen sie ver-  
 reidigen/ vnd erhalten/ vñ das wenigste darvon nit  
 nachlassen. Dan solten sie im geringsten einen fehl be-  
 kennen/ möchte man an dem anderen / damit sie vmb-  
 gohn/ auch zweyfflen/ darumb vnderstohn sie Chris-  
 tum vnd sein helles wort vnd ordnung/ vnd alles das  
 Got je gebotten/ vñ geordnet hat / eer / so sil an jnen/  
 gar zū vndertrucken vnd abzũthun/ dan das sie eynt-  
 nigen fehl/ irthumb/ vñ verkerung/ wie öffentlich die  
 am tag ligen erkennen vnd besseren wöllen.  
 So sil von Notwendigkeit beyder gestaltenn im  
 3. Abentmal zū messen.

**Antwort vff das die C. Deputaten**  
 von iren newen neben fiinden bey diesem  
 Sacrament fürwerffen.

**L** Rstlich von dē wort/ Opffrē / Danon habe ich Was opffren in  
 in meynem vorigen büch geschübē/ wen die 3. der Messen seye.  
**V**äter brauchen die wort immolare, sacrificare,  
 offerre

## Vom innerstendlichen

offerre patri filium, das sie dadurch meer nicht ver-  
stohn/ denn das man da dem Vatter danck saget, das  
er vns sein Sün / vnnnd mit im alles geschenck et hat  
vnd das wir in durch den Sün anruffen.

Dis solle das wort opffern / wie es die *h.* Väter  
brauchen vnrecht außgelegt seyn. Vnd setzen die *C.*  
Deputaten dagegen ein solchen verstand. Die vnuer-  
geliche ewige opfferhandt setzen wir für den Vatter  
vñ machen widder gegenwertig / vñ erzeygen im  
das bitter leyde seyns Süns / bittende / dz der Vatter  
die aller wolrriichenste opfferhandt annemmet / vor ein  
bezahlung vnd gnügthung vnser sünd / vnnnd vns die  
wir nun mit im mitleychnamlig worden seyn / verjont  
werden. *Hæc illi per suum mirabilem interpretem.*

*Jr C.* Deputaten setzen hie / wie jr das opffer Chri-  
stum für den Vatter setzen / vnd erzeygen im das bitter  
leyden seynes Süns / Wa mit thüt jr das? Sige  
er im dan mit zñ vor zur rechten / vnnnd erzeyget im selb  
seyn leyden vor vns / vnnnd vertritt vns damit: Was  
konden wir doch meer zñ diesem thün / dann das wir  
vns solches werck's vnser heyls in warem glauben  
auß dem *h.* Euangelio erinnern / betrachtens / danck  
sagen darumb / vnnnd betten / das dis opffer Christi  
an vnnnd in vns immer krefftiger werde / Darzñ / das  
wir in Christo meer leben / vnnnd er in vns? Habt aber  
jr *Cölnischen* Püester was weyters Got dem Vatter  
an seynem Sün fürzñsetzen / vnnnd zñerzeygen / so vers  
meldrets. Aber dauon im Latein weyter / dan dis der  
gemeine deutsche / weyl es die namē belanget / vñ weyl  
sen

sen zu reden der 3. Väter / mit so wol grüntlich ver-  
stohn kan. Den Dionysium ziehen sie falsch an / dann  
er kein opffer wort hat.

Daran ist aber der größte feyl / so die lieben Väter  
diß opffern / das ist / danck sagen vmb das opffer Chris-  
sti / vnd betten vmb vollkommere vernemung der frucht  
desselbigen / der ganzen Gemeinden Christi zu ge-  
ben / vnd wöllens ein werck sein aller Christen / das  
ir es allein den Priesteren zu geeygnet / vñ damit auch  
ein gewinlich handtwerck vnd gewerb drauß gemas-  
cht haben. Vnd ja mit der that / vnd vil von ewe-  
rem hauffenn auch mit worten habenn die leuth vff  
das esser werck des Priesters so verleytet / das so ein  
großer hauff / zeitlich vnd ewigs heyl / bey / vñ durch  
diß werck des Priesters süchet (dann je sie darumb so  
geflissen messdingent / vnd hörent) der doch inoffens-  
lichen sünden vnd schanden lebet / on rew / vnd eyni-  
ges ernstliches gedenccken der thatlichen besserung /  
wie es ihr ganzes lebenn / als auch so ein grosse theyl  
der Messmacher / zu vil wüßt bezeuget.

Die C. Deputaten klagen auch das wir vom Ein-  
schliessen vmbher tragen des Sacraments nicht hal-  
ten / Vnd sagen wider vns mit offener vnuerse-  
meter vnwarheit / das solchs auch die Väter der altē  
Kirchē gethon habē / die nit lang nach der zeit der Apo-  
stel gewesen sind / Vñ das nit schwer seye / solchs auß  
dē Vätern / bewertē Historien / vñ Decreten der Con-  
cilien darzuthun. Ey warum zeygen diese fleder mens-  
doch nit ein ort an / auß dem allen / das solchs beweise.

Offenba-  
re vnwar-  
heit der C.  
Deputas-  
ten das  
das vmb-  
tragen/  
des Sas-  
craments  
alt seye.

## Vom onuerstendlichen

Das Sacrament  
ist zu Lieben  
gegeben/nit  
vffzühoben  
vnd vns  
her zuträgen.

Unser Herr vnd meyster Jesus Christus hat da er  
vns die Sacrament seynes leybs vnd blüts gabe / ge-  
sagt. Nemen vnd essen / Nemen vnd trincken. Diesem  
seynē gebot sollen wir selb gehorsam sein / vnd es auch  
andere lehren / So wirs nū auß dem geheysß Christi  
essen vnd trincken sollen / wie köndten wirs einschließ-  
sen / vñnd behalten? Noch vil weniger mögen wirs  
vmbher zūm schawspiel tragen. Vñ die leuth lehren  
oder lassen eynem Abgott darauß machem / Wel-  
ches sie thūn / wenn sie sich beredem / sie schaffen ihr  
heyl vor Gott damit / das sie das Sacrament leyblich  
sehen vnd verehren / das der Herr nit befohlen / ja wel-  
ches man nit thūn kann / wen man thut das er be-  
fohlen hat / nemlich / so mans isset vñnd trincket / Wir  
sollen Christum den Herzen / nicht nach menschen ges-  
dichten / sonder nach seynem wort im geyst vñnd der  
warheyte anbetten. Welches wir thūn / so wir das  
h. Sacrament handlen / entpfahen vñnd niessen /  
wie er vns das befohlen hat. Vñnd da die knecht vns  
sers hertzens vñnd leybs vor im in recht hertzlichem  
glauben biegen / vñnd den Vatter durch in anruffen /  
vnd preysen.

Das res-  
cht anbet-  
ten Chris-  
ti bey dē  
Sacras-  
ment.

Sollichen brauch / vnd ehr der h. Sacramenten /  
vñnd anbetten vnsers Herren Jesu Christi / haben die  
alten h. Gemeinden vñnd ire getreuwe diener erkent-  
net / gehalten / vnd gelert / vnd von den neuwen / vñ so  
grewlichen Abgöttischen fünden / vñ Sacramentner  
kerügen / die in kurzen jarē vffkommen sind / gar nichts  
gewisset / Das man nemlich das brot gegen fewer  
vnd

und wasser, bösem lufft, feinden vnnnd freunden, als  
 grosse herren zu entpfahen, vmb die frucht vnd feste  
 gung der stett vnd flecken tregt, mit singen, klingen,  
 allerley seyten spielen, trummen vñ pfeiffen, mit ker-  
 zen vnnnd sacklen, mitt gößen vnd ander geschmuck,  
 damit allerley vnglück abzuwenden, vnnnd allerlei  
 glück von Gott zuerlangen, Vñ daß sonder reu vñ  
 leyd der sünden, on vbung des glaubes an Christum,  
 ja wol mit ganz vppigem pracht vnd heidnischer tor-  
 heyt, vnd leychfertigkeit, Ja von solchen so erschre-  
 cklichen greuwelen, haben die lieben alten kirchen vnd  
 Vätter, mit allein nichts gewisset, sonder würden dar  
 vñ zum ernstlichste, wa der Widerchrist sie damals  
 vff bracht hette, gestritten vnd geschryben haben.

Das ist wol war, in etlichē kirchen hat man etwas  
 vom brot vnd kelch des Herren behalten für die kran-  
 cken, Man hatt auch etwan den gesten vnd anderen  
 davon zur herberg, vnd hauß geschicket, Etliche ha-  
 ben aber auch daß vberbliben, vom 3. Abentmal ver-  
 bremet. Wie dem allen aber, so hatt man daß Sacra-  
 ment alwegen in daß gleybige nemen vnd niessen ge-  
 stalt, mit der Lehr, Gebett, Danck sagüg, Verkundi-  
 gung vnd glauben der worten des Herren. Vnnnd so  
 mans zu den krancken getragen, inen mit zuteylē, wie  
 hie vor anzogen, haben doch die lieben Vätter des ge-  
 brengs vnd thuns nichts getriben, wie nun geschicht.  
 Wie man auch in keiner alten kirchen findet die kostli-  
 chen Sacrament heußlin, die mitt der kirchen gebau-  
 wen weren, oder auch einige alte monstranzen, oder

Der gren  
 wel der  
 processio-  
 nen des  
 Sacras-  
 ments.

Wie daß  
 vberblibe  
 von Sac-  
 rament  
 gehalten  
 werden  
 seye.



## Vom ommerfentlichen

deren ding etwas daß alte seye/ Das diß alles erst die  
angerichtet haben/ die den waren brauch vnd rechte  
ehr/ der **S.** Sacrament/ das gienbige niessen/ verlaß  
sen/ vnd wenig geachtet haben/ wie Christus in den  
leuten wohnet/ vnd in solchen rechten heyligen/ vnd  
lebendigen tabernaculen/ vnd monstranzen/ das iß/  
gezeige geuessen/ vmbher getragenn/ durch allerley  
Gottes werck gezeyget/ vñ in solchen lebendige Mon  
stranzen/ mitt den waren diensten der liebe verehret  
werde/ Dahin aber der alten vleyß vnd eer dises Sa  
craments/ vnd vnfers Heren Jesu Christi/ gar gerich  
tet/ vnd angekeret worden ist.

Ad Rusti  
cum mos  
nachum.

Darumb der fromme **E.** Ruperius Bischofe zu Tho  
losa/ vom **S.** Hieronymo gelobt warde/ daß er de leib  
deß Herren in einem Körblin/ vnd daß blüt in eine glast  
truge/ Dañ er alles silber vnd vnd golt daß er von im  
selb/ vnd von wegen der kirchen hat/ vff die armen ge  
wendt hatte/ wie auch der **S.** Ambrosius den dürfft  
gen vnd gefangen zu helfen/ seine kelch vnd gefeß  
der Gottlichen handlung zerbrochen hat/ Vnd das  
selbige damit verzeydiget/ daß die Sacrament nit gold  
fordern/ vnd soliche ding sindt/ die vmb gold nit er  
kaufft werden/ vnd darumb auch durch gold nit her  
licher/ oder lieblicher werden/ Item das ein zierde der  
Sacramenten seye/ erlösung vnd hulffe der gefange  
nen vnd armen/ vmb deren willen doch daß blüt Chri  
sti vergossen sei etc. Solche zierde der Sacramenten ha  
ben die alten Väter gesucht/ vnd gefordert.

Ambr.  
lib. offici.  
1. cap. 28.

Nun sagen aber vnser gegen part/ Der **E.** Ruperius  
trug

trug dennoch den leyb vñ das blüt Christi/ Ja, wahin  
 aber: Vmb das feld, vnd andere pälze zu scharwen/  
 mit ewerē Persischen geprenge: Nein, nein/ Zu niessen  
 in der kirchen/ vnd bey den franken/ Dañ von einige  
 anderem prauch des Sacraments haben diese 3. Väter  
 vberal nichts gewisset.

Weyster klagen dise leut auch vber vns d fruchte hal  
 ben/ so von den Sacrament/ od Messen komē sollen:  
 zu den todten/ vnd den lebendigen/ abwesenden vnd  
 gegenwertigen/ die schon die Sacramēt mit empfabē.  
 Ein frommer Christ/ das hauptstück im 3. Abentmal  
 ist/ die ausspendung vnd niessung der Sacramenten/  
 Wie kan nun die an jemand/ der die Sacrament nit  
 neusst/ gereyehen: Wa wort Gottes/ wa zeugniß ei  
 niges 3. Vatters/ hievon:

Die alten haben wol bey dem 3. Abentmal für je  
 derman gebetten/ für abwesende vnd gegenwertige/  
 die schon die Sacramēt nit mit entpfienge. Das wir  
 noch thun sollen/ Dañ nach d lehr de 3. Geists j. Tim.  
 ij. sollen wir da für iederman betten. Solch gebett ko  
 met auch auß der freyen barmherzigkeit Gotes vilen  
 zu trost/ vnd besserung/ Vilt aber wie wirs anlegen  
 vnd verordnen/ vil weniger wie es die Mesmacher/  
 vmb gelt ausspenden vnd abteilen/ sonder wieles die  
 freye Gnade Gottes verordnet / vñ auffnimet.

Das dann die Väter etwan sagen/ man habe für  
 die abgestorbenen/ das 3. Ampt vnser heyls. Sacrifi  
 cium salutis nostrae, geopffert/ oblatum esse, haben sie  
 doch das anders nit verstanden/ dann das man diß  
 3. Ampt zu ihrer gedechtniß gehalten/ vnd dabey für

Wie die  
 alten für  
 die todte  
 gepetten.  
 vnd das  
 ampt des  
 3. Abēt  
 mals ge  
 halten ha  
 ben.

Dom omirrentlichen

sie gebetten hatt/ Das ich mitt ihren selbst der Väter  
schriffen in der latinischen antwort also mitt Gottes  
gnaden darthun wille/ das weder die C. Deputaten/  
noch andere / da gegen etwas mitt grunde der war-  
heyt auffbringen sollen.

Es haben auch die alten kirchen/ nemlich zu den zey-  
ten Augustini/ nie gedacht die seelen auß einigen poe-  
nē oder seg feur mit ihrem gebett/ zu erretten/ Dan sie  
in ihren leychpredigen allemal die freunde der abge-  
storbenen/ vnd die ganze Gemein Gores von 8 abge-  
storbenen seligkeit / vnnnd freuden / in denen sie bey  
Christo damals schon gewesen sein / getröstet ha-  
ben. Vnd auch das von denen abgestorbenen/ die doch  
mitt vilerley blödigkeyt des glaubens vnd lebens von  
hinnen gescheyden waren/ Als die Keyser/ Gratia-  
nus/ Valētinianus der jünger/ 8 auch vngetauffte ge-  
storben ware/ Theodosius/ vnd andere/ Davon lese  
die leychpredigen Ambrosij/ Also auch die grab predi-  
gen/ die man bey dem Gregorio Nazianzeno / vnd  
Hieronymo hatt.

Darumb die lieben Väter den todten die ruge bey  
Christo mitt gebetten haben / als die gezweyffler bet-  
ten/ das sie die selbige damals noch mitt solten gebett  
haben/ sonder haben mitt ihrem gebett/ vnd befehlen  
die verstorbenen also verfolget/ vnd damit sich vnnnd  
andere/ versichern wollen/ weil der glaubigen gebett  
mitt vergebens ist / das die abgestorbenen schon bet-  
ten/ darum sie batten. Haben also ihre begirde vnd ge-  
bett/ der gaben den Herren/ auff die maß so ihnen mö-  
glich

lesen in den Messen. cxxxij

gleich zugefüget, vñnd deren nachgesolget. Wie man an den lebendigen offft thut denē man bittet vmb verzeiung der sünden, die sie schon erlanget haben. Vñ vmb genad in deren sie schon sind. Disß lehret hievon Dionysius in Ecclesiastica Hierarchia. Da her saget auch der liebe Augustinus ihm gebet für sein mäter, Ich glaub O Herre, du habest schon gethan / das ich dich bitt, doch so laß dir gefallen, das willige gebetopffer meines mündts.

In lib.  
Confess.  
9. cap. 13.

Der 3. Augustinus zeuget auch das die Gemeindē Gottes noch zu seinen zeyten, vom fegfeur nichts gewisses gehaltē habē, im Enchiridio ca. lxx. Da er auch den spruch Pauli / auff den man her näher das fegfur hatt vnder stohn zūbauwen, i. Cor. iij. vom feur / da durch das werck deren sie die auff das fundament Christum bauwen, beweret werden sollen. Von dem feur der gegenwertigen trübsal vñd bewerung / außgelegt hate, nit von einem feur in jener welt. Welches er auch auß den wortē Pauli gewaltig erweyset. Dann nach den worten Pauli / muß das feur ein feur sein, dadurch beyde werck probiert werden, als wol die güten, so er dem Gold, Silber, vñd Edelstein, als die argen, welche er dem holz, stupffeln, vñnd heuw verglichet. Dann er sagt, Eines ieden werck wie das feur, wurdt das feur bewyssen. Daher hatt man auch in den gemeinen gebetten vñd lectionen, die man die todten vigilien heißet, ein wort nit vom fegfeur, sonder vom strengen gericht Gottes, dem todt, vñd der außferstendnuß. Erlöse mich Herre von dem ewigen

## Vom onuerstendlichen

todt / auff jenem erschrecklichen tag ic. Verdamme mich  
nitt wann du kummest zu richten. Aber von dieser dis-  
sputation wöllen wyr im Latin mitt Gottes hüß die  
sachen eygentlicher dar thün.

Die frommen Christen sollen ihre sterbenden auff  
Christum getrelwich weysen / vnnnd ihnen die sprüch  
wol einbildē / Das die das ewig leben schon haben / die  
an ihn glauben / Vnnnd so sie in anruffung des Herren  
hinscheiden / auch sich selb dieser sprüch trösten / vnnnd  
daran nicht zweyfflenn / wie der Herre gesaget /  
wer mein rede höret / vnnnd glaubet dem der mich ge-  
sandt hat / der hat das ewig leben / vnd komet nit ins  
gericht / sonder ist auß dem todt ins leben durch kom-  
men / nit ins segefwir / Das ihre verscheydene bey Chi-  
sto dem Herren ihre selige rüge schon haben / vnd war-  
ten auff die begerte aufferstendniß auch ihres fleys-  
chs / Vnnnd sollen sich ihrer selb sünden erinneren /  
zur waren büß fürderen / vnnnd im glauben Christi ster-  
cken / Dazü haben die alten das 3. Abentmal bey  
den leychen gehalten / sich dadurch in Christo zu trö-  
sten / vnnnd den glaubenn der aufferstendniß zu ster-  
cken.

Ambrosi  
us Episto  
la s. lib. 2.  
Von trost  
der todte  
halben.

Also lesen wyr das die alten Väter der todten be-  
gennniß gehalten / vnnnd die leydigen der verstorbe-  
nen halben getröset haben. Davon der 3. Ambrosi-  
us / als er seynen güten freunt Faustum seyner ver-  
storbenen Schwester halben trösten wolte / tröset er  
ihn

Ihn mit diesen Worten, was ist doch darumb wir für die todten seufftzen solten / So doch die versümmung der welt bey dem Vatter schon geschē ist durch vnseren Herren Jesum? Weyl wyr dann die güthaten Christi haben / so wöllen wyr von Christi wegen bey allen / vnnnd auch bey dir die botschafft werben / das du erkennen wöllest / das Gottes gabenn vnwiderrüfflich sein / auff das du glaubest / das du alweg glaubest hast / vnnnd deinen sijn vnnnd glauben nit durch zü vil trawren in zweyfel ziehest / Dann darumb ist der Herz Jesus ein sündopffer worden / das er die sünde der welt hinneime / vnd das wir in im seyen die gerechtigkeit / nit jertz meer der schülden verpflicht / sonder durch die belohnung der gerechtigkeit sicher.

Sehe frommer Christ so haben die lieben 3. Väter der verstorbenen begencknissen gehalten. Soliche begencknissen solte man den leuthen zü erkennen geben / darauff sie lehren recht leben / vnd seliglich sterben / Aber das trüge nit so vil als die jezigen Vigilien vnnnd seelmessen / die nün beyde so gesungen vnd gelesen werden / das Got alle fromme Christen von der selbigen verdienst behüten wölle.

Zü lest machen sich die Cölnischen Deputaten auch damit vnnutz / das ich nichts vom wasser geschriben habe / damit man den weyn im kelch mischen solle. Welches bedeutet das das volck Christo dem Herren in diesem Sacrament solle eingeleybet vnnnd

Wasser  
im kelch.

## Vom onuerstendlichen

vereiniget werden, vnd in ihm leben. Da sehe frommer Christ, alles was wir auß Gottes wort vnd ordnung lehren vnnnd fürbringen, dazu dienend das sich das volck im H. Abendmal Christo vnserer Herren mehr ergebe, vnd ihm vereiniget, in ihm volkumner lebe. Also, daß bey diesem H. Sacramēt alles zum verstand der beiwesenden geredt vñ gesungē, die geheimniß Christi fleysig erkleret, vñ die H. Sacramentē wie sie der Herr geordnet außgespendet werde. Das verdammen vnd lesteren die C. Deputaten. Vnd vmb das zeychen, das solichs allein bedeuten solle, welches zeychen, wie sie wissen, auch ihre Schüllehrer für vnnötig erkennen, dafür streiten sie. Darauß erkenne abermal, war an es diesen leuten gelegē seye, an vil zeychen vnd deuten, dadurch aber die werck des Herren mehr verduncklet, dann anfliecht gebracht, mehr verschlagen, dann erkennet vnd recht gehalten werden. Das volck aber, sie, von wegē solicher wünderlichen wercken, da von niemand weyß was sie sein, oder bedeuten, in desto höher verwunderung, vnd achtung habe.

Hiemitt will ich auff dismal, frommer Christ, dich vff diese, vnd alle vorgeschribenen Materien zurichten, der gnaden, vnd schrift Gottes befehlen. Der gebe dir seinen Geyst durch vnseren Herren Christum, das du alles zu seinem preys vnnnd heyl richtest, vnnnd das recht vnnnd Christlich ist erkennest vnnnd behaltest. Amen.

Es werē noch wol mehr hauptartickel an denen die C. Deputaten ihr verkeren vnnnd lesteren versüchet / davon die einfeltigem etwas berichtet bedörfften / Dis büch ist aber wie du siehest zu groß worden / vnd sindt auch andere ursachē dieser disputacion dis mal ein end zu machen / Darumb ich von der Penitents / vñ der Christlichen Gemeinden / ihren gliederen / ordnunggen vnd dienern mit wenig worten / der C. Deputaten verkeren vnd lesteren abwenden / vnd dann ein kurze verantwortung thun will auff jr lesteren wider die protestierenden stende / die stat Straßburg / vñ mein person / vnnnd dich damit dem Herren befehlen / damit ich auch zur Latinschen antwort beste ehe kommen möge.

Der fünffte hauptartickel von  
der penitents.

**I**n diezeyhenden Artikel meyns vorigen büchs in dem nehesten / so vff den Artikel von dem 3. Abentmal folget / ( Die zal ist des orts auß gelassen ) hab ich von der waren Christlichen Büß geschriben / das lise vnd richte frommer Christ / so würstu wol sehen / das der C. Deputaten gegenscriben / nichts dann lauter mütwillig vngöttlich sophisterey vñ verkeren ist.

Von der Beycht sagen sie / ich erfordere die nit von wegen der Absolution / vnd verlache die erzehlung der sünden in der beycht / Beydes schreiben sie mit offen-

Offenba  
re on war  
heit der  
C. Deput.



## Von Christlicher

barer vnwarheit/ Die beycht solle ja dienen zu entpfehen vnder weysung vnnnd rath/ nit weniger aber auch den trost der Absolution. Erzelung der sünden ver spotte ich nicht/ aber aller sünden erzehlung/ sage ich nit notwendig/ dan sie Got nit erfordret/ auch nit möglich sein/ Erfordre der erzehlung souil/ als da zu machen kan/ das die beychtenden zu war rew vnnnd besserung/ trost vnd stercke im glauben an Christum erbaulich werden.

Die C. de putat. zies hen die schrifft vff den wider sin 6 n.

Man sehe aber wie diese doctoren die erzehlung der sünden bewerben/ Ziehen an auß dem 43. Cap. Jesate/ daß nit drinnen ist/ nemlich/ Sage du vor deine vnge rechtigkeyt/ vff daß du gerecht fertiget werdest. Dann es rede Gott des ortes von gutten wercken/ vñ sprichet/ Erinnerre mich/ das wir gegeneinander gerichteter werden/ Erzele/ nemlich/ wo du etwas guts hast/ daß du mögest gerecht fertiget werden. Solch schrifft gelehrten sind diese Theologen/ daß sie die schrifft vff den wider sin einführen/ Gott will des ortes dem volck anzeigen/ daß es vberal nichts für sich gegen im fürwenden möge/ dadurch es künde gerecht erkennen werden/ darumb solle es sich blasen seiner gnaden vnd barmhertzigkeyt vertronnen/ die er im mit diesen worten zu gesagt hat. Ich tilge deine vbertretung vmb meinetwillen/ vnd gedencke deiner sünden nicht.

Von den wercken der Satisfaction genant/ daß ist/ der genugthung hatt der getrewe diener Christi/ M. Philippus genugsam geantwortet. doch will ich in der latinischen Antwort auch dar thun/ daß ich diese wort

wort Satisfactionis in den sprüchenn der 3. Vätter  
 auch was Schriften von solichē werckē zeugen recht  
 außgelegt habe Wer ware rew vñ leydt seiner sündē  
 hat/ mit recht gleywbiger begirten der gnaden Got-  
 tes vnd besserung/ der wird warlich/ vorab wen er in  
 schwere sünden gefallen/ sein fleysch gar mit großem  
 ernst demüthigen / in betten/ vnd almüssen geben sich  
 pleyßig vben/ Aber die bezalung vnd daß genugthün  
 seiner sünden/ wirdt er nit vff solich seine werck son-  
 der allein vff das bitter leyden vñ sterben vnserz Her-  
 ren Jesu Christi setzen/ Vñ erkenen was erlosens der  
 sünden / reinigens von sünden oder der gleychen die  
 Schrifte disen werckē zu gibt/ daß sie jnen doch solchs  
 nit auß iren eygnē verdienst zu gibt/ sonder allein auß  
 der lauterer gnadē Gottes/ vñ dem verdienst Christi  
 vñ so sil belanget daß nachgeben der verdienten stra-  
 ffen/ Davon aber ferner in der lateinischen antwort.

## Der vi. hauptarti- kel von der Christlichen Gemein-

den/ iren waren glideren/ dieneren/ gewalt vñ  
 ordnung/ Vnd wer als ein kezer vnd von  
 der kirchen abtrinnig zu halten seye

**D**ie Christliche Gemeinde / wie wir im  
 glauben bekennen/ ist die gemeinschafft der  
 Heyligen / der war glaubigen an vnserem  
 Herren

## Von Christlicher

Herren Jesum Christum / Die ein leyb Christi ist / Diese waren gliedmassen der kirchen sind wol in eusserer gemeinschaft der Sacramenten eingemischet / die Christo vnserē Herren nit angehören / Als alle die in denen lasteren ligen / Die Paulus erzelet j. Corinth. v. vñ vi. Galat. v. Ephes. vnder welchen sind die Simoniaci vnd hürer / vñ alle Sacrilegi / die mit dem kirchen dienst vnd Sacramenten hantieren. Diese alle / weyl sie nit Christi sein / haben sie auch keynen theyl an seinem reych / vñ sind vor Got nit ware gliedmassen Christi. Vnd wann solche laster offenbar sind / vñnd sie nit mit ernster büß daruon stohn / sollen sie nit allein in keinem kirchen dienst geduldet / sonder auch von aller gemeinschaft der gleybigen außgeschlossen werden / doch mit der bescheydenheit / dauon hie oben gesagt ist im 100. vñ etlichē folgenden blettern / So sil von den waren gliedmassen der kirchen.

Welche  
ware fir-  
chen dies-  
ner.

Ware vñ wirkliche diener der kirchen was namen die haben / sind die das Wort des Herren / Die 3. Sacramenten / Christliche zucht / zü deren auch die verlesung der armen gehört / nach dem wort des Herren / mit allen treuwen / in vnstrefflichem leben / predigen außspenden / vñ verrichten / Vñ die ob sollichem dienst halten / den anrichten / fordren / oder dar zü dienen / Also / das sie Christo dem Herren immer mer leuch zü führen / vñ die jm zü komē sind / im glauben an jn erbawen / Die sollen auch vnder jnen ire eygen zucht / vñ vnder regierung haben / alles aber zür besserung. Erkenn auch die ordnung vnder jnen gut vñnd besserlich sein / welche

was ketzer vnd abtrüñige. cxxxvii

welche in den vier grossen Concilien für güt erkennen  
worden ist. Die selbige aber / last das gantzlich bleibē/  
das die Bischoffe / in den wesentlichen wercken dieses  
ampts / gleychen gewalt habē / Welches nach dē Got  
tes wort. Mathei vnd Marci vltimo / Joh. xx. i Co  
rinth. iij. vnnnd iij. Ephes. auch die heyligen Cyprias  
aus de simplicitate prælatorū / vnnnd Hieronymus ad Eua  
ngium bezeugen. Darumb solle mit Christlicher refor  
mation der kirchen dienst nach dem gewissen Gottes  
wort zu verbessern / keyner vff den anderen harren.  
Vnd hat keyner den anderen darin etwas zūerhinz  
deren / oder vff zūziehen. Hiemit zerstöre ich keyne  
heylige ordnung / sonder bestetige sie. Was ich von  
der Concili vrtheyl geschriben / das ist war / beruff  
mich des vff der selbigen Concilien edicta von mir an  
gezogen. So sil dißmals von dieneren der kirchen/  
Vnder welche die Mönch zūn zeyten der Vatter nit  
seyn gezelet worden. Hieronymus der sich vnder die  
Mönch zelet / schreibet also / Die Clerici weidē die scha  
ffe / ich werde geweydet / Diß eignet ja den leyen / lai  
cis. i. popularibus ecclesie. Gewalt vnnnd ordinantzen  
der kirchen / müssen auch allein vff dem Gottes wort  
stohn / vnd zū warer besserung des glaubens an Chri  
stum gerichtet sein / vergwaltet / vnd geübet werden.  
Was dar wider ist / mag kein gewalt / noch ordnung  
der kirchen Christi heysen / oder eynigen Christen  
binden.

Was ordnungen auch nit für sich selb ein gemein  
vnd allenthalben zūm glauben Christi besseren / dar  
Mm über

Ad Helio  
dorum.

## Vom onuerstendlichen

uber hat ein jede recht geordnete / vnd mit ihren gepo-  
renden dienerē versehene Gemeinde Christi gewalt  
das selbige zur besserung des glaubens / bey den ihren  
zūhalten / oder mit zu halten / oder sunst zu messigen.

Ein ketzer / das ist / ein Hæreticus ( wie man diesen  
namen gemeinlich brauchet ) ist einer / der in notwen-  
digen Artiklen vnser Christiichen glaubens / ein fals-  
sche lehre verstocklich haltet vnd lehret . Schismaticus  
der wol keiner falschen lehr anhanget / aber die Christ-  
lich gemeinschaft entzucht denen er sie nit entziehen  
solle .

Nun Gott seye lob / einiger lehre / die nit in Götli-  
chem wort gegründet vnd war Christlich seye / werde  
mich / weder die C Deputatē noch andere feinde Chri-  
stlicher Reformation / nimmer mer erweysen / So will  
ich auch alle Christliche gemeinschaft allen Christen  
vnd Christlichen Prelaten gern leisten / in allen dem  
darinn ich sie leysten kan vnd solle / das nemlich zum  
Reich Christi in einigen weg dienen mag / Derhalben  
hat mich kein mensch ein ketzer oder Schismaticum / an-  
ders den auß Gottlosem mutwillen / zu scheltē / Wed  
ich dann meer zeyt dismal nit habe / so will ich / was  
weyters hie zusagen sein möchte / sparen in die latin-  
sche antwort .

## Ablenung der falschen / vnd gewalt-

chen lesterung wider die Protestierenden Sten-  
de / ein Stat Straßburg / vnd mein person . die

**D**ie Christlichen Churfürsten / Fürsten vnd  
 Stende / so man neñet die Protestierendē /  
 die nūn / Gott lob / so einn gewaltiger theyl  
 Deutscher nation sein / Vñ vnder denē mit  
 namen ein Stat Straßburg / schelten diese Deputatē  
 der höchsten vnd graunsamsten laster / damit ein mē  
 sch mage gescholten werden / Abtrünnige von Christo /  
 vnd seiner heiligen Gemeinden / ja feind vnd zerstörer  
 der selbigen vnd aller gesunden lehre / der 3. Sacra  
 ment / vnd ceremonien / aller ordnung / zucht / vnd ges  
 horsam bey dem volck vnd Clerici / kirchen dieb / reu  
 ber / vñ verherger. Diese lesterung findestu zusammē  
 gehauffet im latinischen truck der C. Dep. im quatern  
 2 ij. 3 j. vñnd 3 iij. im Deutschen 6 ij. 3 iij. 4 iij.

¶ Vñ so vil die lehre / Sacrament / vnd allen kirchen  
 dienst belanget / ist vorhanden dieser Stenden Christ  
 liche Confession zu Augspurg der Kayserlichen Maie  
 stat vnd allen Stenden des Keychs vberantwort / Al  
 so sind auch am tag sil besonderer kirchen ordnungen  
 dieser Stendē / Des gleichē ist auch ire haltung in iren  
 kirchē menglich vnuerborgē / In dem allen / wie auch  
 in dem / das ich hievor in meynem Büch / von der lehre  
 vnd Prebig die ich zu Bonn nun in den achten Monat /  
 mit anderen meinē mit gehülffen füre / habe aufgohn  
 lassen / Werde die C. Dep. noch einige mēschē vff erde /  
 wa man solche vnser bekantnissen / ordnungē. vñ hal  
 tungē / recht vñ vngefelschet ansehē / vñ erwegē wil /  
 wie es bey diesen Stendē / vñ vns allen gelehret vñ ge  
 übet würdt / vñ mit wie es die vngötlichen Sophisten  
 Nñ ij felschen

## Was ware glieder der kirchen

felsen vnd verkeren / eynige lehr / oder brauch an  
zeygen mögen / die an ihnen self / dem wort des Her-  
ren / vnd der Apostolischen ordnung in eynigem stück  
entgegen seye.

Weyl nun diese C Deputaten in allen lehren vñ ge-  
briuchen dieser Christlichen stenden / bis her / vñ noch  
nichts haben mögen fürbringen / vnd dar thün / weis  
sie sich joch in irem lester vrtheyl rhümen / das vnchri-  
lich seye / Vnd die Keyserliche Maiestat vnd alle an-  
dere stende des reychs / die selbigen in allen reychs  
hendlen / vnd geschessien nach als Christliche stende  
halten / solten sich diese leuth / die doch ihre namen nit  
haben dörfen in ihrem büch vstrucken / solches gram-  
sam lesteren / wider so vil Gotsforchtiger Fürstenn  
Grauen / Edlen / vnd Stet gemässiget haben / Wa sie  
aber nachmals meynē / das sie etwas vnchristlichs in  
aller vnser lehr / oder gebriuchen anzüzeygen wissen /  
Wöllē wir vns inen zü gebürender Christlicher verhö-  
re / vnd verantwortung erbotten haben / vor vnserem  
gnedigsten Erzbischoff vnd Chur fürsten zü Cöllen /  
für allen Grauen / vnd Adel / diß Erzstifts / vñ Chur  
fürstenthumb / sampt cynem Rath der stat Cöllen.

Weyl sie nun das / als die das liecht nit on vns  
chen schewen / nit thün wöllē / das sie doch vor Got  
vermöge ihrer pflichten / damit sie der kirchen verant-  
dt seyn / züm höchsten schuldig seyn / So lese du from-  
mer Christ / die verantwortung M. lieben Herren vnd  
bruders philippi vff dieser C. Deputaten genant  
vrtheyl / vnd dann das ich in diesem büch vff ihre fals-  
liches

was ketzger vnd abtrüñige. ccxix

sches anklagen vnd lesteren geantwort habe. Vnd im Latin weyter mitt Gottes gnaden antwortet will, vnd richte dann zwischen vns.

Vnser Herr Christus, alle seine Propheten, Apostel vnd getrewe diener haben auch solches lesteren von denen leyden müssen, die ihnen die religion zur hantierung, vnd falscher sicherheyt in iren sünden, mißbrauchet habē. Ob wir dann wol in reychthumb des Seysts disen leider nach seer vngleich sein, noch weyl wir, Gott sey lob, dennoch auß seinen gnaden auch die zeugniß vnser Herr Jesu Christi begeren getreulich zu predigen, vnd zu zeugen, wie daß iedem nach seinen beruff gebüret, müssen wir vns alles dieses falchen lesters auch erwegen, vnd des worts Christi trösten. Selig seyt ir wenn euch die menschen vmb meinen willen schmehen vnd verfolgen, vnd reden aller ley böses wider euch, so sie daran liegen, Seyt frolich vnd getrost, es wird euch im himel wol belohnet werden. Den also haben sie verfolget, die propheten die vor euch gewesen sindt.

Daß sie dann vom kirchen raub für werfen, davon hab ich im vorigen buch genug gesagt. Die kirchen güter sind nicht der falsch genanten, oder auch waren kirchen diener, sonder der gantzen Gemeinden Christi an iedem ort, daß zeugen alle Canones. Die geben auch der oberkeyt zu, das sie, das nach Gotlichem gesatz helfe, solche gütter erstlichen zu fürderen, vnd erhalten die religion, vnd verschung der dürffrigen für

Vom first  
des raub.



## Was ware glieder der kirchen

ter zu aller notturfft der gemeindē, daß ist aller Christen in der selbigen angelegt vnnnd außgespendet worden. Die selbigē Canones erkennen auch, vñ das simpliciter, nicht hyperbolice, wie die C. Deputaten Gottes vnd seiner Gemeinden gesatz vnderstohn zu entkrefftigen, daß alle die rechte Sacrilegi, kirchen reuber, vñ durch die Oberkeyten von solchem raub ab zutreyben sind, die des waren kirchen diensts besoldung einnehmen, vnd den Gemeinden Gottes sollichen dienst nit trewlich verrichten. Auß dem schleußt sich vnwidersprechlich, das alle ordenliche Oberkeyten, die die keyserliche oberkeyt bey den iren verwalten, vnd merum imperium haben, bey den selbigen so irer regierung befolhen, recht, macht vnnnd befelch haben, alle gemelte ware Sacrilegia zu straffen, vnnnd tãtlich abzuschaffen. Auch irer kirchen gũter widerumb zu irem rechten gebrauch vnd niess zũuerordnen.

Hatt ieman von den Protestierenden diese maß vber schritten, den will ich nit entschuldigen. Die aber dabey bliben sind, hat kein mensch des kirchen raubs zu schelten. Nun weys ich mitt vilen anderen, auch die Stat Straßburg darzugebē, als die bey diser maß bliben ist. Dañ sie einigē haller nicht von allen kirche gũttere die in jr verwaltung komen, in gemein, od̄ besonderē gebrauch, sonder alles dahin gewendet hatt, dahin es gestiffet vnd gegeben, vnd durch die Canones verordnet ist. So sie doch in den pur religion sachen, grossen mercklichen vnkosten erlitten haben, der

der ihnen von kirchen güttern billich solte erstattet werden.

Es ist auch weyt feyl/ daß ein ieder der den nieß der kirchen gütter in hat/ möge mit recht der besitzer der Wer was selbigen güter erkennen werden/ Es müste Possessio re besitzer bona fidei sein/ Man muß mit rechten zugē/ nit durch der kirche öffentlich Simoney/ vñ sacrilegia zum falsch berümb guter. ten besitz komen sein. Was ich hierinn von den Canonicibus an gezogen/ haltet sich also/ wie ichs furgebē/ wissen alle die sie gelesen/ will das auch in der Lateinischen Antwort mit Gottes gnaden weyter darthun.

Daß die C. Deputaten in ihrem Lateinischen lesterbuch geschriben G. iij. vnd in deutschen R. iij. wie von dem daß vnser Fürsten vñ obren von den kirchen geraubt habē sollen/ ir feyges mitwilliges leben führen/ die ketzermeyster/ die gelübbrüchigen die gleyssner/ die stinckenden von den blutschendlichen Ehē/ welche titel dise erbar leuth vns predigeren dises teyls geben. In dem schriben sie als vnuerschempte lesterer/ vñ vñd feind der warheyt/ daß sie wissen erdicht/ vñ vñd onwar sein.

So vil denn belanget/ daß kirchen vñ vñd altar abreche/ vñ abthun der bilder/ vñ ander ergernüßē/ ist das die verantwortung/ Die ordenlich oberkeyt ist schuldig alle kirchen/ altar/ Sozen/ bilder/ vñ was d gleyche ist/ daß nit zu erbawung des glaubē Christi dienet/ sond darwider/ tethlich abzuschaffen Deut. 7.

## Was ware glieder der kirchen

So wollen auch die Canones vnd Keyserliche<sup>re</sup> recht<sup>er</sup> wan in dem die kirchen prelaten seumig sein, das solches die ordenlichen Oberkeyten erstatten sollen, Vnd fordrē, das man ergerlich altar vnd kirchen, vñ anders nit geduldē solle. Was nun kirchen, Altar, bild<sup>er</sup> vnd der gleychen vnser<sup>e</sup> oberen abgethon, waren ergerlich, vnd nit besserlich, daß er bieten sie sich zu erweyßen. Darüber sollen sie von ir Ordenlichen Oberkeit zu vor verhöret vñnd gerichtet, Vnd nit also vñ den C. Deputaten vnd irem hauffen geschendet, vñ geleseret werden. Diß alles will ich mit Gottes hilf in der Latinischen Antwort klar vnd vnwiderprechlich auß führen.

## Nun vff die Calummien wider mein Person.

**D**ie C. Deputatē schreyben ich sey ein verdammpter ketzer, geboren zur vffzur, der nicht dann nach den güteren der kirche trachte, seltsche der Vätter schrifften, klage fälschlich vber sie, vnd iren hauffen, zerstöre vñnd vertülge alle Gortseligkeit, gehorsam, zucht vñ erbarkeit, vnd ist des falschen lesterens kein maß noch ende, Vñnd die weyl sie geben würdt, Dann die sie one daß zur vnwarheit vñ verführung gefangen haben, reysen sie sich nit besonderem ernst, vmb das, daß ich ein priester vnd möcht ich solle zum anderen mal ein Nomen zur ehrende

Was ketzer vnd abtrüñige. cxlj

men, vnd also ein blutschand vnd Gots raub begangen haben, incestum & sacrilegium. Vnd in dem meinē sie mich genzlich zu halten.

Gott sey lob, alle die Christum vnd meine lehr erkennen, wissen wol, daß die selbige lehr, daran ich dieß ne, vnd die ich füre, bey allen Gottes kinderē aller ketzerē oder irthums wol vnuerdammet bleyben wirt vnd ist, Daß ich denn mein leben lang zu vffrüriē gerathen, oder geprediget, wissen mich alle die wol zu entschuldigen, bey denen ich mich meine tag gehalten, welches sie auch thun vnd gethan haben, So ich dann nach zeytliche gütt trachtete, vñ daß mein Helena were mit verleugnen meines einigen Helands vnd Herren Christi, vñnd durch die sacrilegia der kirchen gütter, mit hauffen filer pfründen vñ pastorien, der welt reychtumb vnd pracht zu suchen, so hette ich warlich dorecht gethon, daß ich solche sacrilegia mitt vor zwentzig Jaren angenommen hette, do ich noch iung ware, vñ mā mir nit geringe anbotte, allein der warheyt zu geschweygen, Vñnd das one solche arbeyt in deren ich dise zwentzig jare mit Gotts hulffe verzeret habe, Dar bey ich, Gott sey lob, zu Christlicher notturst genung gehat habe, aber warlich disen C. Desputaten were es ein bittlerey.

Dise leuth wie sie wider das reych Christi sechten, also schewen sie sich nichts wider die, die daß selbige predigen vñnd bezeugen, zu lesteren, wie offenbar falsch vnd freuel darinnen scheine, vñnd am tag lige.

An Wil

## Was wäre glieder der kirchen

Ich hab  
kein ges  
lubd ges  
brochen.

Will derhalben dese so gar muttwillige vnscheinliche  
lesterung faren lassen/ Vnd zum beschluß/ vff das ein  
wenig antworten/ das sie mir der Eh halben/ vnd sel  
schen der Vatter schrift fürwerfen. Sie sagen ich hab  
be zuvor wider meingelübd/ ein Gott verlobte person  
zur Eh genommen/ Die beyde sind vnwar. Dann ich vñ  
mein vorige Hausfrau selig / die orden gelubd/ die  
wir beyde gethon/ in dem alter/ in dem vnwissen/ vñ  
zwang gethon haben/ daß sie für keine freyfrige vñ  
bindige gelubden/ auch nach iren selb der C. Deputa  
ten lehrern/ haben mögen gehalten werden / welches  
meinethalben auch der Pápstlich richter rechtlich er  
kennet hat. So habe ich weiter gelubden die Eh berü  
rē/ weß in der Priester weyhe/ noch sunst ie gethon im  
plicite oder explicite/ mein leben lang.

Vñnd ob ich schon einige solche gelubd gethon het  
te/ weyl ich befunden/ daß mir der ehlich stadt/ zu al  
lem Christlichen leben vñnd diensten beförderlich hat  
sein mögen / als er mir auch auß Gottes genaden  
mercklich gewesen ist/ so hette mich doch dauon kein  
gelubd abhalten sollen/ Dann kein Christ sich durch  
gelubde / oder etwas anders dar an zuuerhinderen  
macht hatt/ das ihm zu recht Christlichem leben/ vñnd  
diensten förderlich sein kan/ vñ im darumb von Gott  
selb fürgegeben ist / wie die heylige Eh ist/ allen de  
nen/ die der Herr nit außser der Eh zu leben / durch  
mangel der natur/ oder ander geschafft beruffen hat.  
Aber dauon/ vñnd von der ganzen disputation der ges  
ubd

was Ketzer vnd abtrüñige. cxiij

labdē in der Latinische antwort. Die ierzige frau / so mir der Herre gegeben / ist kein Closter person gewesen / als die C. Deputaten auß ir gewonheyt mitt vns warheyt fürgeben.

Tun daran stehts aber / daß ich ihm Priesterthumb / zum anderen mal zur Eh gegriffen hab / daß sich mir nit ein mal habe gezimmen mögen / wenn ich gleich mitt keinen besondern gelübden verstricket gewesen were. Wie daß? Paulus sagt / Man solle zum Bischoffe welhen / der eins weybs mann seye / nit solches hernaher erst werde / weyl er inn disem hohen Ampt vnnnd dienst ist. Wie aber das ein ehlich weib habē mitt hindert am priesterlichen dienst wenn man das vor dem Priestlichen dienst genossen hatt / vnnnd solle daran hinderen / wenn mans hernaher nimet? Ist es iedes ehe weybs eygenschafft / daß es am kirchen dienst hindere / vnnnd belade mitt welchlichen sorgen / daß man Gott ihm priesterlichen dienst mitt dienen kan / Warumb hatt dann Paulus / ja der Geyst Gottes im Paulo nit befohlen zu wehlen / den der keyn weyb hette / wie es doch hernaher geordnet ist? Freylich man hatt damals wol als geystreiche menner / vnnnd der welt vnd dem fleyisch abgestorbene auff der eh / finden mögen / als man dieinn etlichen hundett jaren zu Cöllen / vnnnd gleichen oretn befunden hatt.

Ist die Eh heylig vnnnd vnbeslecket / als sie ist /  
 An ij ist

## Was ware glieder der kirchen/

ist das weyb dem man zum gehülffen geschaffen/nicht zur hindernüß/ vñnd zum gehülffen eines Gottseligens lebens/ ia daß ein Gottselig weib nit allein iren man zur Gottseligkeyt dienen/ sond auch iren man zur Gottseligkeit gewinnen kan/ Wie Petrus vñnd Paulus zeugen/ Haben daß so vil heyligste/ Gotforchteste Patriarchen/ Propheten/ vñ Apostel/ vñd Petrus selb also befunden/ Warumb solte dann soliche gabe Gottes/ vñ hülff in der heiligen eh/ nit auch mögen gefunden werden/ wenn man die im priesterthumb/ vñ gleich zum anderen mal eingangen ist: Was solle das der eh nemen oder geben/ das sie vor/ oder ihm priesterstandt/ ein/ oder zwei mal eingangen würdt:

Noch sagt Paulus es seye gut kein weyb berüren/ vñnd bleyben wie er ware/ kein weib suchen/ so er ner ledig ist. Solchs macht d welt sorg frey/ seye sein/ helffe daß der mensch Sorge vff die ding die Gottes sein/ Gott stettigs anhangen/ So die inn der Eh sein/ vff der welt sachen sorgen/ wie sie ihren gemahlen gefallen/ haben triebsal ihm fleyschic. Ja alle diese wort hat der H. Geyst durch Paulum geredt i. Cor. viij. Was hatt aber eben der selbige H. Geyst an diesen vñ anderẽ ortẽ meer geredt? Hat er nicht auch gesaget:

Es ist nit gut daß der mensch allein/ das ist/ on ein weyb seye/ wyr wöllẽ im ein weyb zum gehülffen schaffen/ nicht zur hindernüß. Itẽ was Gott zu samen gefüget hat/ solle d mensch nit scheiden/ Vñ Gott habe die ehleuth vñd ihr Ehlich gemeinschaftt gesegnet/ Die

was ketzer vnd abtrüñige. cxiij

Die Eh seye erlich in allen menschen / vnd das eh beth  
onbeslecket / Item die jungen witfrawen sollen in die  
eh kommen / Ein gleubig Gotselig weyb kan ihren  
man Christo gewinnen / vnd ein gleubiger man seyn  
weyb. Eins wirdt auch durchs ander geheyliget. Es  
habe jeder seyne gabe / einer so / der ander sunst / Vnd  
jeder solle sein eygen weyb / jede ihren eygen man ha-  
ben / bülerey züuermeidē / Es ist besser in die eh komē /  
den brennen. Ich rede euch das zū euwerem nutz / nit  
das ich euch ein strick anwerffe. Wer in die Eh kom-  
met thüt wol. Dis sind ja auch eytel Gottes wort / Ge-  
nesis ij. Math. xix. j. Corinh. vij. j. Pet. ij. Heb. xij.

Mage nun der 3. Geyst im selb nit zu wider sein /  
so muß man ja auch sehen wie diese reden zu sammen  
stimmen. Es ist nit gut das der mensch one weyb  
seye. Vnd es ist gut one weyb sein. Item das weyb  
ziehe ab von Gott / auff sorge der welt / Vnd das  
weyb seye des mannes gehülff / vnd fürderuß zu al-  
ler Gotseligkeit / als Gottes güte vnd heilige gabe /  
von Gott selb zugefüget.

Wer nun in dem wolte einfeltiglich auff Gott / vñ  
ware zucht vnd erbarkeit sehen / der würdt gar leycht  
erkennen / das Paulus die wort / Es ist gut kein weib  
haben / vñ sein wie er / nit in gemein auff alle mensche /  
auch nit allein auff dis leben geredt hat / sonder auff  
die allein / so Gott besonders / im aussen der ehe zu die-  
nē / beruffen hat / vnd das er auch in dieser rede all mit  
Ein iij gesehen.



## Was ware glieder der kirchen

gesehen hat / ins künfftige leben / da der brauch der <sup>Zeit</sup>  
vnd alles zeitlichen vffhören würdt / zu dem sich die  
etwas mehr dan andere nähren / welche freye von alle  
len anderen weltlichen geschefften bleiben / vff das sie  
das reych Gottes desto bas fürdren mögen / Wenn  
man dann in das ganze vnd ewige leben der kinder  
Gottes sehen will / so kan man auch sage / es ist güt al  
ler zeytliche sachē vnbekömert sein / wie der Herr sagte  
Maria hatte den gürtē theyl erwehlet. Ja sagen / es  
ist güt weder essen noch trincken / vnd gar sterben / da  
mit man von allem brauch dieser welt erlöset bey Chi  
sto seye / vnd also ist im auch / Wie solle man aber das  
vffnehmen vñ verstohn? Das der haufvatter / oder an  
dere als bald die sorge vnd leibliche verseyhung der irē  
fallen lassen / sitzen dieweyl dem Herren zū füssen / hö  
ren sein wort / vñ betten allein: Das wer / spricht Paul  
lus j. Timoth. v den glauben verleugnet / vnd soliche  
die also ire haufgenossen verliessen / wāren loser dan  
die heyden / Darumb will der geist Gottes das sich ein  
jeder / wie anderer geschefftē dieses lebens / also auch  
Zeit / frey halte / oder mache / so feir das er doch die zeit  
seyner bilgerfart / seyner berüffung vñ diensten der lie  
be gegen den nechsten nit abstande / vñ doch sich in  
dāhin richte / Das er einmal aller welt sorgē vñ geschē  
fften ledig bey Christo lebe / auch hie alles gebrauchē  
nit so freyē gemüt / als gebrauchet er sich des nit / D  
sind dan heilige Gottes dienst vnd welt geschefte.  
Also findet sich auch / dz der geyst Gottes nit sager  
das ein jedes weyb / von Got / vff zeytlich sorg / ir fleyschlich

was kezer vnd abtrünige. ¶ cxiij

schlich zu gefallen/ abziehe. Weil er zeuget/ ein weyb im Zeren genomen/ seye einn heyliger gesegneter ges hülf zur Gotseligkeit/ sonder von den vnglaubigen/ vñ weltlichen weyberen/ vnd die man nit im Zeren nimmet/ die noch weltlich gefinnet sein.

Also ist auch zwar das nit in gemein züuerstohn/ die außser der eh sein/ sorgen vff Götliche ding/ den je nit alle die auß der eh bleyben vff Götliche dinge sorgen/ wie man leyder an vnseren Ehlosen Priesteren vñnd Mönchen wol sieht.

Darum würdt das Gottes wort ewig bestohn/ das in diesem leben nit güt ist/ das die zur 3. eh beruffen sind außser 8 Eh bleibē/ Vñ das die so nach jrē beruff ein weib vom Zeren betten vñ entpfahē/ durch solch weib der sorge der welt meer erleychteret/ vñ zu Gott gefürdet werdē. Den solchen jr weib ein geheyligter gehülff zu aller Gotseligkeit seyn muß/ vñ zu alle Gottes dienste/ auch de Priesterlichē/ Wie sil heiliger frasz wē gewesen sind/ den Patriarchē/ Propheten/ Apostolen/ Martyren. Die fromme Elizabet dem Zacharie. Darumb das vernünfftig Concili zu Sangra billich verbannet hat/ die ein Priester der eh halben schewen.

So dann nun dem also ist/ wie im ist/ das die 3 Eh an den beruffē darzu einn heylige fündernuß ist zu allen Gottes diensten/ da zu jeder beruffen/ auch den Priesterlichen/ vñnd ein jeder von der gab Gottes im verlaubenn/ selb/ nit aber auß den fleyschlichen begirden/ wie mir die C. Deputaten felschlich zulegen/ sonder

## Was ware glieder der kirchen

sonder auß dem Geyst Gottes/ erkenen vnd vrteilen  
müß / So würdt kein Priester / der ein Gottföchtig  
weyb auch im priesterthumb / oder nach des erkenn  
absterben/ ein anders nimmet / von einigen Christen zu  
verwerffen / vnnnd seines dienstes zu verstoffen sein  
Dan solches ein gabe vnnnd werck Gottes ist / vnnnd  
thün wol die in die ehe kommen / entpfahen von dem  
Herren ein gehülffen zu Gottes diensten/ kein hinder  
nüß/ wie offte sie auch das im Herren thün. Wa es an  
ders were / so müste ie etwas arges in der ehe sein an  
ihr selb/ Wer nun das sagen wolte/ der widerspreche  
aller Gottes Schrift/ vñ wer Manicheisch. Darum  
ist vnd bleibet war/ daß auch die priester so zur eh be  
ruffen/ wen sie gleich die im priesterthumb eingohr  
mit nichten sünden/ sonder recht/ vnd wol thün/ vnd  
sich zum priesterlichen dienst fürderen/ nicht hinderen  
Dan die z. eh nit ein mutwillig vnzüchtig leben ist  
wie es Alfonsus beschreibet / nach der vn Sinnigkeit so  
vil Hispanier in lieb der weyber beweisen / sonder ein  
heilige gemeinschafft alles Göttlichen vnd mensche  
lichen thüns/ in derē jedes gemahel dem andren dienet  
in allen dingen zur heiligung Göttliches namens/ vñ  
fürderung seines Reychs/ in aller heyligkeit vnnnd ge  
rechtigkeyt.

Was die  
Ehe

Dagegen sind aber/ sagen sie/ die Canones/ vñ auch  
der Apostolen. Lieber welcher Apostolen: Man hat  
freilich zum zeytē der Apostolen sich vmb die zeyt Offe  
ern zu halten gezancket. Die Bistumb eigentlich vñ  
derscheiden. Guldene vnnnd silberne kirchen geschre  
gehabt

gehabt. Die bishoffs dienst durch weltlich gewalt u  
berkommen, von welchen dingen die selbigen genannten  
Canones Apostolowm gesetz geben. Aber wer weyß  
nicht wes würden vnd glaubens diese Canones sind?  
Doch sie seyen wie alt, vnd ansichtig sie wöllen, noch  
muß man sie Gottes wort mit vorsetzen, dasselbige  
schewet die eh an kirchen dieneren nit, sonder fordert  
sie meer. Dañ es will, das jeder in dem sich halte nach  
seyner gabe. j. Corinth. vii.

Wa nün einem jungen Priester der von Gott züm  
Kirchen dienst wol begabet were / vñnd den treulich  
verrichtet, besser dann man als bald eynigen ande  
ren bekomē möchte / seyn weyb sturbe / were auch nit  
von denen die den waren Ceibatum fassen könden /  
sonder meer von den biennenden / von welchen der  
h. geyst sagt, das besser seye, solche greiffenzür ehe,  
Das er nün mit Gott nit dorffte auffer der ehe  
bleyben. Wolte man in nün vom kirchen dienst, den  
teyn ander besser verrichten könde / darumb / das er  
Gottes beruff gehorsam sein, vñnd das besser in sey  
nem leben hette wölle fürnemen, abstossen? Was solte  
doch dessen ursach sein? Nülich weyl die ehe an jr selb  
zeylig, vnd in den beruffenen darzü zü allem güten  
forderlich ist:

Hie sage sie nün, Zy der Apostel fordert doch selb,  
das ein Priester eins weybs mans seie. Also ist auch ein  
jeder der züm al nur ein weyb hat. Dann eins weibs  
man hat der Apostel gegen die gesetz so züm al meer  
dann eins hatten. Diß zeuget der h. Chrysostomus

Was ware glieder der kirchen/  
vnd andere Vätter mehr / die auch der **H. Hieronymus** anzeucht vnd darinn nit straffet in Epistola ad Titum.

Die Cölnischen Deputaten sagen aber hie ich seye nequissimus falsarius Chrysoctomi / Ja so sind sie / die mich des falschs so fäschlichen / vnd mütwilliglich zeihen / dann diß sind die wort vnd der sententz Chrysoctomi. Diese wort (eins weybs man) setzet der Apostel nit / das er einn gesetzte davon gebe / als solte Keyner Bischoff werden / er hett dann ein weyb / sonder verbeitet die vnmaß / dieweyl den Juden zügelassen ware / auch zü der anderen eh zü greyffen / vnd zümal zwey weyber haben. Dan die eh ist ehelich. Etliche sagen diß sey geredt / das einn Bischoff solle von eynem weyb seyn / das ist sein tag nur eynigs gehabt haben / diß sind die wort / vnd der ware sinn Chrysoctomi.

Da sehe wie erbar / gelert / vnd auff merckende die se Cölnischen Deputaten sein *Αυτίγοισ δαυλίς γάμοισ*. Vnd *Αυτίγοισ κατὰ τὸν γυναικῶν* / das ist zur zweyten eh greyffen / vnd zwey weyber zü mal haben / machen die Cölnischen Deputaten zwey ding / vnd wöllen das erste / zur zweyten eh greyffen / verstohn von denen / die nach absterben der ersten ein andere nemen / So docht Chrysoctomus die zwey für eins gesetzet / vñ die ander meynung / deren / die in diesen wortē des Apostels den verstohn wöllen eins weybs man seinn / der nie mer dann ein weib gehabt hat / darnach auch angehengert hat / Vñ was hette er dörfen sagen / den Juden ware nach gegeben / das eyner möchte nach absterben eynes

nes weybs ein andere nemen/ welchen leuthen ist daß  
 diß verpotte gewesen/ oder noch/ wie solte d. h. Chry-  
 sostomus auch ein ander weyb nemē/ nach tödlichem  
 abgang des ersten/ ein verpotne vnmaß heysen.

Darumb wer des h. Pauli lehr/ i. Corinth. vii. vnd  
 dann auch i. Timoth. iii. vnd v. sampt anderen schriff-  
 ten recht ansehen wille/ vnd nach Got vnd warer keu-  
 scheit fraget/ der wirdt sonder zweyffel das wol er-  
 kennen/ das der h. Paulus die ander eh den Priestern  
 so darzū berüffenn/ als wenig hat verpieten wöllen/  
 als die erste.

Wie gegen spricht ihr nun/ die altē Väter aber sind  
 dieser meynung gewesen/ vnnnd haben den Priestern  
 verpotten zūm anderen mal in die Eh zū kommen. Al-  
 so auch ein witfraw zūnemen. Ist war/ die Väter ha-  
 ben aber auch niemand damit einn strick wöllen anle-  
 gen/ noch auch vñ des vnnötigen willen/ von dem  
 nörrigeren/ vnd der gemeinden Gottes nützlicherem  
 abtreiben/ Wie der h. Cyprianus/ also sind die ande-  
 ren auch gesinnet gewesen/ das besser seye das auch  
 die sich außser der eh zū leben verlobt haben/ in die eh  
 kommen/ wenn sie sich nit wöllen/ oder nit mögen ent-  
 halten. Darumb sie auch die Ehe über die gelübde  
 eingangen/ haben wöllen vnzertrennet bleyben. So  
 haben sie auch so vil vff die tauglichkeyt das volck zū  
 lehren gesehen/ das sie auch den Leien solchen dienst/  
 vor den Bischoffen zūerrichten vffgelegt habenn/  
 wann sie tauglich darzū gewesen sind/ So gar ist bey  
 Go ij den

Epist. iij.  
 libro i.

## Was ware glieder der kirchen

den altenn  $\mathfrak{H}$ . Vättern wider die erste / oder ander eh  
für ein hinderuß am dienst Gotlicher lehre gehalten  
worden. Davon ist im vorigen büchlin genüg gesagt /  
vnd solle ob Got will alles mit gewissem grunde der  
schrifft / zeugniß vnd haltung der  $\mathfrak{H}$ . Vätter erwysen  
werden / in der Latinischen antwort.

Jetzund solle das der beschluß sein / darüber richten  
alle Chriſten / Wann ein gesetz ist das zwey teyl in sich  
hat / vnnnd das ein auß dem Göttlichen gesetz / das an  
der auß dem menschlichen genomen / vnd sind leutlich  
die solich gesetz in dem theyl offentlich vnd beharlich  
übertretten / der auß Gottes gesetz ist / gibt solichem  
leutchen doch die natur / oder einiges recht zu / vnder  
allen völkern des erdbodems / das sie mit dem selbigen  
gesetz andere anfechten / vñ an güten nützlichen  
dingen hinderen / Welche das selbige gesetz in dem teil  
allein übertretten / der auß menschliche gütdüncken ist  
vnd haltens getreulich in dem teil der auß Gottes ge  
setz genomen ist / Das wirdt freylich niemand sagen .  
Nun ist in fielen Concilien der Canon erkennet / vnnnd  
getrieben / der da fordret / das man die / so in härey fal  
len / oder in gleyblichē argwohn der vnzucht verhar  
ren / solle vom kirchen dienst / vnd ganzer commun  
on der gemeinden Gottes verstößen / Welcher aber  
im Priesterthumb ein ehweyb neme / allein vom kirche  
dienst entsetzenn / Die C. Deputateim haben nun so  
vil hundert jar diesen Canonem im ersten theyl über  
tretten / ja so fil an jnen / gantz abgethon / Dann sie im  
kirchen dienst gedulden / vnnnd mit solichen Commu  
nitate

municieren/ die in offentlicher hürerey/ ehbruch/ vnd  
sunst ergerlichem leben ligen/ wie mage dan inen gebü  
ren nach einigem rechtē/ das in aller welt je recht mö  
chte geheissen werdē/ das sie vns mit dem anderē teil  
dieses Canons beschweren solten/ v doch mit allein in  
Gottes wort kein grundt hat/ sond auch mit darbey be  
stohn mag/ Dan Gottes wort ja nit leyden mag/ das  
die *Z. Eh.* in dē beruffte darzu/ vñ die zur *Eh* im Zer  
ren greiffen/ solte als ein straff bar ding/ welchs beyn  
Christen allein sünde sein mage/ gehalten werden. O  
der auch das einer/ der sunst der kirchē fruchtbarlich  
zu dienen Got begabet/ solte solcher heiligen eh hal  
ben/ die doch ein segē Gottes/ vñ fürderniß zu allem  
Gottes dienst sein müß/ vñ seiner beruffung vñ nützlich  
hem dienst/ mit offenbarem nachteyl der gemeinden  
Christi verstoffen werden.

Derhalben beschliesse ich dismals darauff/ weñ die  
C. Deputatē vñ jr hauffen/ alle jr offenbar ehbrecher/  
hürer/ Clöster vnd ander Jung frauwen schender/ als  
le die argwenig beywohnung der weyber/ verpotne  
zügeng der selbigen/ eingang in die Clöster/ vñnd ans  
der Jung frauwen vñ frauwen versamlungen/ mit wir  
cklich abstellen/ vom kirchen dienst abgeschaffet has  
ben/ als dan wollen wir inen auch der ersten/ vnd an  
deren eh halben im Priesterthumb eingegangen/ zum  
rechten ferner antwort geben. Was du Christlicher les  
ser in dieser materi weyter begeren magst/ soltu ob  
Gotwill in der Latinischen antwort finden. So hab  
ich zwar diese materi im vorigen büch auch so reichlich  
Do ij mit



## Was ware glieder der kirchen/

mit Gottes gnaden dargethan, das du dich auch auß dem selbigē in diese sachen leicht würffst zu richten habē/ Vñ erkenen, das ich mit dem alle das ich von d. 2. eh geschribē, nichts dan ware zucht vnd kenscheyt suche, vñ darzu vermane, nit dar von wie die C. Deputaten wider ihr eigen gewissen mich lesteren. Aber wec diese leut kennet, der weyß wol was in an warer kenscheit gelegen. Vnd zeigets nun ihr vorfechter Martinus von Ach zu vil wiist an, Der offentlich hat im trut schreiben dörfen, vnd damit diß Kleinot in seine büch nit vbersehen werde, auch am randt verzeichnet, Dafi ein priester weniger sünde, wen er sich mit hundere hüren vergehe, dan so er ein eh weib hab. Wes kenscheit dā be rhümet seye, der d. schreiber dieses büchs der C. Deputaten sein solle, weiß man zu Cöllen vñ anderß wo auch wol, Gott erbarmts, vnd erlöse sein Gemein von solcher leuth kenscheit.

Des felschens halben der Vätter schriffren, deren mich kein mēsch vff erden jmer meer erweyfen würd, ist zum theil, vñ nemlich des Chryso stomi halbē, schon geantwoit, lese selb diß ort, Homelia ix. über die erste Epistel ad Timoth. so ich angezogen, Die C. Deputaten aber haben diesem z. lehrer sein schriffte felschlich dargeben, das sie ein gestorben weyb gesetzt haben, da er von ein abtretenden geschriben hat, in der anderen Homelia über die Epistel ad Tit. Wie ichs im vorigen büch auß dem Greco habe dargethon. Die Canones so ich im vorigen büch ein gefüret, findet man an denen orten die ich vermeldet, wer mangel daran hat.

hat / kome zu mir / so wil ich im die finger dranff legē.  
 Daß ich von dem H. Gregorio eingefüret / hat er selb  
 geschriben in der lxxviij. Epistel lib. iij.

Vom H. Ambrosio sehet wie erbarleut diß sein / daß  
 ich im vorigen Buch angezogen / wie sich diser heylig  
 ge Bischoff erbotten habe mit dem Auxentio dem Ari  
 anischen der zu Meylandt wolte Bischoffe sein / vor  
 dem Christlichen volck zu Meyland in der kirchen zu  
 disputirē mit dem geding / das nach gebaltener dispu  
 tation bischoffe sein solte / wem daß volck wolte fol  
 gen / Dises hab ich vß fel der gedechtniß surgegeben /  
 geschribē sein in 8 Epistel an Marcellinam der schwe  
 ster Ambrosij / So hatt ers geschriben in 8 Epistel zum  
 Keyser Valentiniano dem jungeren / Nun dise Epi  
 stel haben die C. Deputaten / da sie wider mich ges  
 schribē / gelesen / dann sie auß derselbigen auch etwas  
 für sich / aber vergeblich eingefüret haben / da werden  
 sie nun gewißlich gefunden haben / daß ich gesetzet /  
 noch dörrffen sie schreiben ich seye hie rursus falsus / das  
 im latein wol künde verstanden werden / ich hette ge  
 fehlet mitt dem allegieren / Vnnd mitt die rechte Epi- Epi. 32.  
 stel genent. Aber jr Dolmetseh der es als erger machet lib 3.  
 schribet ich sey hie abermal falsch. Nun sind aber diß  
 die wort des H. Ambrosi in der Epistel ad Valentiannū  
 Imperatorem.

Kommen gleych / wa soliche sind in die kirch / hören  
 mitt dem volck / nit daß ieman als ein richter da sitze /  
 sonder ein ieder habe die bewerung / vnnd vrteyl deß  
 so geredt würdt / nach seinem willen vnnd gemitt /

## Was ware glider der kirchen/

vnnnd erwele wem er folgen wölle. Die sach ist dar  
vmb/ wer diser kirchen priester sein solle/ Wann dan in  
das volck gehöret/ vnnnd achten würdt er disputiere  
besser/ dann ich/ so folge es seinen glauben/ ich wil  
im nicht vergunnen.

Diß seyn die wort des heß H. Ambrosij/ vnnnd also  
müssen auch warlich die disputationem des glaubens  
entlich zu dem vrteyl eins ieden hertzens vnd gemits  
gestellt werden/ Wen da Gott erleuchtet/ vnd sein  
wort recht zuerkennen gibet/ vnnnd zu seinem Son zu  
het/ der wirdt kömen/ wem die gnad nit geschicht/  
vnd den der Vatter nit so herbeybringet vnd zeucht/  
der wirt auch nit kommen. Joh. 6.

Derhalben so beschliesse ich disen teyl meiner an  
wort vff der C. Deputaten verkeren/ anklagen vnnnd  
lesteren/ nach dem exempel des H. Ambrosij/ ja aller  
Propheten/ Apostolen/ Martyrern vnd H. Väterren  
vnnnd waren Theologen/ so in der kirchen Gottes ie  
gewesensind/ Also.

Der streyt zwischen den C. Deputaten sampt irem  
anhang vnnnd mir/ ist aller von der Christlichen lehr/  
vnd dem dienst an der selbigen/ ob auch ich/ vñ meins  
gleychen/ dise lehr vff ordenlichen beruff V. G. her  
ren inn disem Erzstift vnnnd Chur fürstenthumb für  
ren solle/ oder nicht/ So erbeute ich vnnnd stelle mich  
dar/ vom aller meiner Lehr/ dienst an der selbigen/  
meinen gegenwertigen beruff in diesen Stiff/  
vnd auch von allen meinem leben/ thun vnd halten/  
vnd

vnd hie vor geübtem dienst / wo ich den ie geleystes habe / Christlich / demüthig / vñ sanfftmüthig / ware / ge gründet rechen schaffe vñ antwort zu gebē / mit allein disen C. Deputaten / vñnd allen die sie wider mich zu schreyben deputieret haben / sonder auch dem hochwirdigen Thumcapittel / ganzer Vniuersitet / Rath vnd Gemein der Stat Cöllen / vnd were im ganzen Erzstiffe / oder anders wo / vermeinet / etwas wider mich in dem allen zu haben / vnd an zuzeygen vermögen.

Vnd das vor dem hochwirdigsten durchleuchtigsten N. G. Herren Erzbischoff zu Cöllen / als dem die ordentlich verhöre hierin zñ vordersten vnd höchsten zustehet / In bey sein des hochwirdigen Thumcapitels / auch der wolgeborenen / Edlen / Strengē / Erneuesten / Fürsichtigen / Weysen / Grafen / Ritterschafft vnd Gesanten der stetten / vnd aller die zu den großwichtigen sachen dises Erzstiffes vñnd Churfürsten thübs pflegen gezogen zu werden / wie dan zwar diese sachen / von der warē religion vnd dem waren dienste an der selbigen / der grōsten sachen eine ist so Christliche Fürsten / Herren / vñ Stende iemer mehr handlen mögen.

Vnd wo den C. Dep. diese verhör mit gelegen / welchen sie zu solcher verhöre / welche sie wollen zñ halben teyl / vnd lassen mich auch den halben teyl darzu welchen / den ich doch nicht / dann von ehrlichen Herren / Edlen / vnd anderen / dises Stiffes / vnd Stat Cöllen welchen wille / vnd die / so in ehrlichen empteren vnd geschäften des Stiffes sindt. Besonderer richter / wie

## Was ware glieder der Kirchen

der  $\text{H.}$  Ambrosius zeuget/ in diesen sachen bedarff man nit/ jeder muß da nach seinem glauben/ vnnnd für sich richten/ Aber nit desto weniger solle bei solchen Richterem stohn/ Job ich an Gottes wort dienen solle oder nit/ an den orten/ da sie die Oberkeit haben.

2. Tim. 3. Vnnnd wiewol die Göttliche schrift alle das vns zur seligkeyt dienet vberflüssig lehret / auch alles arges vber genungsam straffer vnnnd verwürffet / nit desto weniger / damit sie die C. Deputatn sich desto weniger zu beklagen haben / will ich gern in der Disputation gelten lassen / alle Canones vnnnd  $\text{H.}$  Väter schriftē / von Apostolen biß auff den  $\text{H.}$  Augustinum / & mit eingeschlossen sein solle / Vnd so vill gelten als / die berürten  $\text{H.}$  Lehrer vnd Väter selb erkennen daß sie gelten sollen.

Solch erbieten thu ich auch keiner anderen meinung / dann Christo vnnnd seiner  $\text{H.}$  Gemeinde dadurch meinen schuldigen deinst an seinem  $\text{H.}$  Euangelio zu leyten / vnd auß keyner fleyschlichen vermessenheyt / oder durstigkeyt / wie mir die Col. Deputaten / wie anders / auß freuelem haß / vnnnd vnwarheytt zu legen / Vnnnd die Col. Deputaten sind vor Gott vermöge aller rechten schuldig solche disputation gegen mir anzunehmen / oder aber abzustohn von irem vngöttliche lesteren vnd schelten.

Diß vnnnd alles so ich hievor vnd in diesem buch geschrieben

was ketzer vnd abtrüñige. cl

schriben / seye damitt gestellet / zu dem Christlichen vr  
teyl aller kinder Gottes. Die der selbige vnser  
Himlische Vatter wölle durch seinen h.  
Geyst genediglich in aller wars  
heyt leyten / vnnnd darbey  
ewiglich behalten.

Amen.

1873236

NOV 6784879

Handwritten text, likely bleed-through from the reverse side of the page. The text is mirrored and difficult to decipher but appears to contain several lines of script.